

王允等事通典有日蝕行冠禮議藝文類聚有劍銘各一條

後漢泰山太守應劭集二卷梁四卷

應劭有漢書集解見史部正史類

後漢書應奉傳奉子劭博覽多聞為駁議三十篇又刪定律令為漢儀二百五十篇又綴

集所開為漢官禮儀故事錄郡國所上前人像贊為狀人紀論當時行事著中漢輯序撰

風俗通凡所著述百三十六篇又集解漢書皆傳于時弟子瑒瑒並以文才稱應氏諸子

官學並有才名至瑒七世通顯

又傳論曰應氏七世才聞而奉劭采章為盛及撰著篇籍甄紀異知雖云小道亦有可觀者焉

唐書經籍藝文志應劭集四卷

嚴氏全後漢文編應劭有集四卷今輯存貢藥物表奏上刪定律令駁韓卓募兵鮮卑議

鮮卑胡市議追駁尚書陳忠議舊名諱議營陵令到官移書中約吏民風俗通義序凡八

篇

梁又有別部司馬張超集五卷亡

後漢書文苑傳張超字子並河間鄭人也留侯良之後有文才靈帝時從車騎將軍朱儁

征黃巾為別部司馬著賦頌碑文薦檄牋書謁文嘲凡十九篇超又善于草書妙絕時人

世共傳之

唐書經籍藝文志張邠集五卷 玉海藝文謂此即張超而誤為邠

宋史藝文志張超集三卷

嚴氏全後漢文編張超有集五卷今引見諸書有誚青衣賦與某公牋與太尉朱雋書尼

父頌楊四公頌靈帝河間舊廬碑凡六篇

後漢少府孔融集九卷梁十卷錄一卷

孔融有春秋雜疑難見經部春秋左氏學家後漢書本傳魏文帝深好融文辭歎曰揚班

儔也慕天下有上融文章者輒賞以金帛所著詩頌碑文論議六言策文表檄教令書記凡二十五篇

魏志王粲傳注典論曰今之文人魯國孔融廣陵陳琳山陽王粲北海徐幹陳留阮瑀汝

南應瑒東平劉楨斯七子者于學無所遺于辭無所假咸自聘騁驥于千里仰齊足而並馳又曰孔融體氣高妙有過人者然不能持

論理不勝辭至于難以嘲戲及其所善揚班之儔也

文心雕龍才略篇曰孔融氣盛于為筆又詩碑篇曰後漢碑碣莫高蔡邕孔融所創有慕

伯喈張陳兩文辨給足采亦其亞也又詔策篇曰孔融之守北海文教麗而罕于理乃治

體乖也又論說篇曰孔融孝廉但談嘲戲又章表篇曰文舉之薦衡衡氣揚采飛又書記

篇曰文舉屬章半簡必錄

唐書經籍藝文志孔融集十卷

四庫提要曰孔北海集一卷漢孔融撰案魏文帝典論論文稱孔氏卓卓信含異氣筆墨

之性殆不可勝其集隋志九卷梁十卷錄一卷

卷新舊唐書皆十卷蓋猶梁時之舊本宋史始不著錄此本乃明人所掇拾凡表一篇疏

一篇上書三篇奏事二篇議一篇對一篇教一篇書十六篇碑銘一篇論四篇詩六篇共

三十七篇生聖人優劣論蓋一文而析為兩篇實三十六篇也張溥百三家亦載是集而

較此本少二篇大抵摺拾史傳類書多斷簡殘章首尾不具不但非隋唐之舊即蘇軾所

稱楊氏四公贊今本亦無之則宋人所及見者今已不具矣然人既國器文亦鴻寶雖闕

佚之餘彌可珍也其六言詩見于本傳今所傳三章詞多凡近又皆盛稱曹操功德斷以

融之生平可信其義不出此即使舊本有之亦必黃初間購求遺文贗託融作以頌曹操

未可定為真本也

汪氏文選撰入篇目後漢孔文學融有薦彌衡表論盛孝章書二篇

嚴氏全後漢文編曰融與劉楨王粲陳琳阮瑀徐幹應瑒為建安七子有春秋雜疑難五

卷集十卷今輯存疏議教書論碑銘三十九篇編為一卷

後漢侍御史虞翻集二卷梁三卷錄一卷

虞翻有周易注見經部易家

吳志本傳州舉茂才漢召為侍御史曹公為司空辟皆不就翻與少府孔融書并示以所

著易注融答書曰觀象雲物察應寒溫原其禍福與神合契可謂探賾窮通者也會稽東

部都尉張紘又與融書曰虞仲翔前頗為論

9700

者所侵美實爲質影摩益光不足以損及徒
交州雖處罪放而講學不倦門徒常數百人
又爲老子論語國語訓注皆傳于世又評曰
虞翻古之狂直固難免乎末世然權不能容
非曠字也

唐書經籍志後漢虞翻集三卷
唐書藝文志吳虞翻集三卷

嚴氏全三國文編曰虞翻有周易注九卷周
易集林律曆一卷國語注二十一卷論語注
十卷老子注二卷太玄經注十四卷集三卷
隋志以翻屬後漢今考翻卒在權稱尊號之
後宜編入吳傳注及御覽諸書有上吳主書
奏上易注奏鄭玄解尚書遠失事因追與客
書與丁固同僚書與徐陵書與士仁書與所
親書與某書與弟書又與弟書凡十二篇

案本志易家稱吳侍御史與此稱後漢者
異考本傳翻仕孫策孫權未嘗爲侍御史
亦未嘗入漢朝應召爲侍御史而其後孫
亮時會稽太守濮陽興書佐朱育皆稱翻
爲侍御史見傳注引會稽典錄 章昭注國語
稱故侍御史釋文毅錄亦稱後漢侍御史
豈後人以翻仕吳不得志因以漢所授官
號稱之歟翻實始終于吳稱後漢殊不然
也

又案傳注引會稽典錄有虞仲翔對太守
王朗問士一篇嚴氏未采失之眉睫亦有
朱育對太守濮陽興問一篇嚴亦未采則
三國文編中並失去朱育一家殊可惜也

後漢討虜長史張紘集一卷梁二卷錄一卷

吳志列傳張紘字子綱廣陵人少游學京都
還本郡舉茂才公府辟皆不就避難江東孫
策創業遂委質焉表爲正議校尉建安四年
策遣紘奉表至許宮留爲侍御史少府孔融

等皆與親善策薨曹公表權爲討虜將軍領
會稽太守欲令紘輔權內附出紘爲會稽東
部都尉後權以紘爲長史紘建計宜出都秣
陵權從之令還吳迎家道病卒時年六十紘
著詩賦銘誄十餘篇 案吳志權徙治秣陵城石頭
改秣陵爲建業在建安十六年紘之卒當在此兩年

又傳注吳書曰紘入太學事博士韓宗治京
氏易歐陽尚書又于外黃從濮陽閻受韓詩
及禮記左氏春秋大將軍何進太尉朱雋司
空荀爽三府辟爲掾皆不就權初承統每有
異事密計及章表書記與四方交接常令紘
與張昭草創撰作紘以破虜有破走董卓扶
持漢室之勳討逆平定江外建立大業宜有
紀頌以昭公義既成呈權權省讀悲感曰君
眞識孤家門閥閱也 破虜將軍孫堅討逆將軍孫
策紀其事而係以頌也又曰紘見柁榴枕愛其文
爲作賦陳琳在北見之以示人曰此吾鄉里
張子綱所作也紘既好文學又善楷篆書與
孔融書自書融遺紘書曰前勞手筆多篆書
每舉篇見字欣然獨笑如復觀其人也
唐書經籍藝文志張紘集一卷
嚴氏全後漢文編曰張紘吳志有傳隋志及
藝文類聚御覽皆列于後漢今從之紘有集

二卷今存壞材枕賦壞材枕銘爲孫會稽責
袁術僭號書與孔融書臨困授子靖留牋凡
五篇傳注有柁榴枕賦未知卽壞材枕賦否
也

梁有後漢處士彌衡集二卷錄一卷亡

後漢書文苑傳彌衡字正平原般人也少
有才辨而氣尚剛傲好矯時慢物與平中避
難荆州建安初來游許下唯善孔融楊修融
深愛其才衡始弱冠而融年四十遂與爲交
友上疏薦之融既愛衡才數稱述于曹操操
欲見之而衡素相輕疾而數有恣言乃召爲
鼓史後送與劉表表及荆州士大夫先服其
才名甚賓禮之文章言議非衡不定後復侮
慢于表表送與黃祖祖亦善待焉衡爲作書
記輕重疏密各得體宜祖長子射爲章陵太
守尤善于衡人有獻鸚鵡者射舉卮于衡曰
願先生賦之衡覽筆而作文無加點辭采甚
麗後大罵黃祖祖志卽時殺焉射徒跳來救
不及時年二十六其文章多亡云

文心雕龍哀弔篇曰彌衡之弔平子綉麗而
輕清又書記篇曰彌衡代書親疏得宜斯又
尺牘之偏才也又才略篇曰孔融氣盛于爲
筆彌衡思銳于爲文有偏美焉
唐書經籍藝文志彌衡集二卷
汪氏文選撰人篇目後漢彌正平衡有鸚鵡

賦

嚴氏全後漢文編彌衡有集二卷今存鸚鵡
賦魯夫子碑顏子碑弔張衡文凡四篇又選

注引彌衡書一條

後漢尚書右丞潘勗集二卷梁有錄一卷亡

魏志衡說傳建安末尚書右丞河南潘勗亦與說並以文章顯文章志曰勗字元茂初名芝後避諱改名勗或曰勗獻帝時為尚書郎遷右丞詔以勗前在二千石曹才敏兼通明習舊事勗并領本職數加特賜二十年遷東海相未發留拜尚書左丞其年病卒時年五十餘魏公九錫策命勗所作也

又武紀建安十八年五月丙申天子使御史大夫郝慮持節策命公為魏公加九錫裴松之曰後漢尚書左丞潘勗之辭也勗字元茂陳留中牟人

太平御覽文部殷洪小說曰魏國初建潘勗為策命文自漢武以來未有此制勗乃依商周憲章唐虞辭義溫雅與典語同風 案殷洪當是殷雲之誤其云漢武以來見漢書武紀元朔元年有司奏議言九錫者蓋始于此其見諸行事則自王莽始

文心雕龍銘箴篇曰潘勗符節要而失淺又才略篇曰潘勗憑經以聘才故絕羣于錫命唐書經籍藝文志潘勗集二卷

汪氏文選撰人篇目後漢潘元茂勗有册魏公九錫文

嚴氏全後漢文編潘勗有集二卷今存玄遠賦册魏公九錫文擬連珠尚書令荀彧碑凡四篇

後漢丞相倉曹屬阮瑀集五卷梁有錄一卷亡魏志王粲傳陳留阮瑀字元瑜少受學于蔡

邕建安中都護曹洪欲使掌書記瑀終不為屈太祖以為司空軍謀祭酒管記室軍國書檄多瑀與陳琳所作瑀以十七年卒文帝書與元城令吳質曰元瑜書記翩翩致足樂也

又傳注典略曰太祖嘗使瑀作書與韓遂時太祖適近出瑀隨從因于馬上具草書成呈之太祖擊筆欲有所定而竟不能增損臣松之案魚氏典略摯虞文章志並云瑀建安初辭疾避役不為曹洪屈得太祖召即投杖而起又典略載太祖初征荊州使瑀作書與劉備及征馬超又使瑀作書與韓遂此二書今具存案瑀子籍晉書有傳蓋陳留尉氏人也

鍾嶸詩品曰魏倉曹屬阮瑀詩平典不失古體

文心雕龍才略篇曰琳瑀以符檄擅聲又哀弔篇曰胡阮之弔夷齊褒而無間仲宣所制譏呵實工然則胡阮嘉其清王子傷其隘各其志也 案胡廣王粲並有弔夷齊文

唐書經籍藝文志阮瑀集五卷 馮氏詩紀輯存樂府琴歌及詠史詩七哀詩等凡十篇

張氏百三家阮元瑜集輯本一卷凡賦論書牋文詩十九篇

汪氏文選撰人篇目魏阮元瑜瑀有與孫權書 嚴氏全後漢文編阮瑀有集五卷今存紀征賦止欲賦箴賦鸚鵡賦謝曹公牋為曹公作書與孫權為曹公與劉備書文質論弔伯夷

凡九篇

魏太子文學徐幹集五卷梁有錄一卷亡

徐幹有中論見子部儒家 魏志王粲傳注典論曰今之文人北海徐幹如幹之玄穰漏卮圓扇橘賦雖張蔡不過也然于他文未能稱是

晉殷基通語逸文曰才貴精學貴講實勝文石建文勝質蔡邕文質彬彬徐幹庶幾也 鍾嶸評魏文學徐幹詩曰偉長與公幹往復雖曰以荏扣鍾亦能開雅矣

文心雕龍才略篇曰徐幹以賦論標美又詮賦篇曰偉長博通時逢壯采哀弔篇曰建安哀辭惟偉長差善行女一篇時有惻怛 唐書經籍藝文志魏徐幹集五卷 唐志入魏代者非也並詳後丁儀丁廙集條下

馮氏詩紀輯存答劉公幹詩情詩雜詩凡五篇九首 嚴氏全後漢文編曰徐幹為五官將文學有中論六卷集五卷今存齊都賦西征賦序征賦哀別賦嘉夢賦冠賦團扇賦車渠椀賦七喻失題凡十篇

魏太子文學應瑒集一卷梁有五卷錄一卷亡 魏志王粲傳始文帝為五官將及平原侯植皆好文學粲與汝南應瑒字德璉並見友善

太祖辟為丞相掾屬轉為平原侯庶子後為五官將文學成著文賦數十篇瑒以建安二十二年卒文帝書與元城令吳質曰德璉常斐然有述作意其才學足以著書美志不遂

良可痛息

又傳注華嶠漢書曰場祖奉為世儒者延熹中至司隸校尉子劭亦博學多識官至泰山太守劭弟珣字季瑜司空掾即場之父也

文心雕龍才略篇曰應場學優以得文又序志篇曰詳觀近代之論文者若應場文論華而疏略

唐書經籍藝文志魏應場集二卷案此人魏代亦非

馮氏詩紀輯存公讎詩五官中郎將建章臺集詩別詩闕雜詩凡五篇六首

張氏百三家應德璉集一卷凡賦書論雜文詩二十篇

汪氏文選撰人篇目魏應德璉場有建章臺詩原作建立宋臺詩誤也

嚴氏全後漢文編曰應場為五官將文學有集五卷今存愁霖賦靈河賦正情賦撰征賦西征賦西狩賦馳射賦校獵賦神女賦車渠腕賦疎迷迭賦楊柳賦鸚鵡賦鸞賦報龐惠恭書釋寶文質論奔勢凡一十八篇

後漢丞相軍謀掾陳琳集三卷梁十卷錄一卷

魏志王粲傳廣陵陳琳字孔璋前為何進主簿進欲誅宦官太后不聽進乃召四方猛將並使引兵向京城欲以劫恐太后琳諫進進不納其言竟以取禍琳避難冀州袁紹使典文章袁氏敗琳歸太祖太祖謂曰卿昔為本初移書但可罪狀孤而已惡惡止其身何乃上及父祖耶琳謝罪太祖愛其才而不咎與

阮瑀並為司空軍謀祭酒管記室軍國書檄多琳瑀所作琳徙門下督著文賦數十篇建安二十二年卒文帝書與元城令吳質曰孔璋章表殊健微為繁富注又引典論曰琳瑀之章表書記今之備也

又傳注典略曰琳作諸書及檄草成呈太祖太祖先苦頭風是日疾發臥讀琳所作翕然而起曰此愈我病數加厚賜

又吳志張紘傳注吳書曰紘見陳琳作武庫賦應譏論與琳書深歎美之琳答書

文心雕龍檄移篇曰陳琳之檄豫州壯有骨鯁雖奸閣搆養章密太甚發邱摸命誣過其

唐然抗辭書覺傲然露骨矣敢指曹公之鋒幸哉免袁黨之戮也又書記篇曰陳琳諱辭稱掩目捕雀引俗說而為文辭者也

唐書經籍藝文志陳琳集十卷宋史藝文志同

崇文總目陳琳文集九卷

陳氏書錄解題陳孔彰集十卷魏丞相軍謀掾廣陵陳琳孔彰撰魏文帝典論以孔融王

粲徐幹陳琳阮瑀應場劉楨七人所謂建安七子者也今諸家詩文散見于文選及諸類書其以集傳者仲宜孔璋而已案陳氏稱魏丞

相軍謀據謬甚此丞相即曹操也魏當為漢

馮氏詩紀輯存飲馬長城窟行游覽宴會詩三篇四首

張氏百三家陳記室集一卷凡賦上書書檄檄版文設難樂府詩二十二篇

汪氏文選撰人篇目魏陳孔璋琳有答東阿

王粲上魏文帝書檄豫州檄吳將校

嚴氏全後漢文編輯本一卷凡大暑賦止欲賦武庫賦神武賦神女賦大荒賦迷迭賦馬璠賦柳賦鸚鵡賦諫何進召外兵答東阿王箋更公孫瓚與子書答張紘書為曹洪與

魏太子書為袁紹檄豫州檄吳將校部曲應譏韋端碑十九篇

魏太子文學劉楨集四卷錄一卷

劉楨有毛詩義問十卷見經部詩類

魏志王粲傳粲與東平劉楨等成著文賦數十篇注引典論曰琳瑀之章表書記今之備也應場和而不壯劉楨壯而不密又魏略曰

建安二十三年太子又與吳質書曰孔璋章表殊健公幹有逸氣但未逾耳至其五言詩妙絕當時

鍾嶸詩品曰魏文學劉楨詩其源出于古詩仗氣愛奇動多振絕真骨凌霜高風跨俗但氣過其文彫潤恨少然自陳思以下楨稱獨

步

文心雕龍才略篇曰劉楨情高以會采又書記篇曰公幹箋記麗而規益子桓弗論故世

所共遺若略取名實則有美于為詩矣

唐書經籍藝文志魏劉楨集二卷案此入魏代亦非

馮氏詩紀輯存公讎詩雜詩闕雜射鳶失題凡八篇十四首

張氏百三家劉公幹集一卷凡賦書碑詩十七篇

汪氏文選撰人篇目魏劉公幹植有公讎詩贈五官中郎將詩贈徐幹詩贈從弟詩雜詩一首雜詩本二首此錄其一也

嚴氏全後漢文編曰劉楨為平原侯庶子五官將文學有毛詩義問十卷集四卷今存大暑賦黎陽山賦魯郡賦遂志賦清慮賦瓜賦與曹植書諫曹植書答魏太子不借廓落帶書處士國文甫碑凡十篇

後漢丞相主簿繁欽集十卷梁錄一卷亡魏志王粲傳自穎川邯鄲淳繁欽等亦有文采裴松之曰繁音婆典略曰欽字休伯以文才機辨少得名于汝穎欽既長于書記又善為詩賦其所與太子書記喉轉意率皆巧麗為丞相主簿建安二十三年卒

文選繁休伯與文帝牋注文章志曰繁欽字休伯穎川人少以文辨知名以豫州從事稍遷至丞相主簿病卒文帝集序云上西征余守譙繁欽從時薛訪車子能喉轉與笏同音欽牋還與余而盛歎之雖過其實而其文甚麗亦見汪氏文選撰人篇目

唐書經籍藝文志繁欽集十卷馮氏詩紀輯存四五言詩凡六篇嚴氏全後漢文編曰繁欽有集十卷今有暑賦抑檢賦明賦愁思賦一作秋思弭愁賦述征賦述行賦一作遂行避地賦征天山賦一作撰征賦建章鳳闕賦三胡棗桑賦柳賦與魏太子箋為史叔良作移零陵檄川里先生訓硯頌硯尚書箴威儀箴應德璉文丘

後漢丞相主簿楊修集一卷梁二卷錄一卷後漢書楊震傳震弘農華陰人也中子秉秉子賜賜子彪彪子修字德祖好學有俊才為丞相曹操主簿操忌修且以袁術之甥慮為後患遂因事殺之修所著賦頌碑贊詩哀辭表記書凡十五篇

又傳注續漢書曰人有白修與臨淄侯曹植飲醉共載從司馬門出謗訕鄢陵侯章太祖聞之大怒故遂收殺之時年四十五矣魏志陳思王植傳注典略曰修建安中舉孝廉除郎中丞相請署倉曹屬主簿是時軍國多事修總知外內事皆稱意自魏太子以下並爭與交好臨淄侯植後以驕縱見疏而植故連綴修不止修亦不敢自絕至二十四年秋公以修前後漏泄言教交關諸侯乃收殺之修臨死謂故人曰我固自以死之晚也其意以為坐曹植也修死後百餘日而太祖薨文心雕龍才略篇曰路粹楊修懷筆記之

唐書經籍藝文志楊修集二卷汪氏文選撰人篇目後漢楊德祖修有答臨淄侯侯牋嚴氏全後漢文編楊修有集二卷今存節游賦出征賦許昌宮賦神女賦孔雀賦答臨淄侯箋司空荀爽述贊凡七篇後漢侍中王粲集十一卷

王粲有尚書釋問四卷見經部書類魏志本傳魏國既建拜侍中博物多識問無不對時舊儀廢弛與造制度粲恆典之性善算作算術略盡其理善屬文舉筆便成無所改定時人常以為宿構然正復精意覃思亦不能加也著詩賦論議垂六十篇文帝書與元城令吳質曰仲宣獨自善于辭賦惜其體弱不起其文至于所善古人無以遠過也

又傳注典論曰粲長于辭賦如粲之初征登樓槐賦征思雖張蔡不過也又典略曰粲才既高辯論應機鍾繇王朗等雖各為魏卿相至于朝廷奏議皆閣筆不能措手又傳評曰昔文帝陳王博好文采同聲相應才士並出惟粲等六人最見名目而粲特處常伯之官與一代之制然其沖虛德宇未若徐幹之粹也

宋書樂志太和初侍中繆襲奏安世歌本漢時歌名魏國初建故侍中王粲作登歌安世詩專以思詠神靈及鑿享之意又曰漢巴渝舞之曲四篇其辭既古莫能曉其句度魏初乃使王粲改創其辭又曰魏國初建使王粲改作登歌及安世巴渝詩又曰王粲所撰安世詩今亡

文章流別傳曰後世器銘之佳者有王莽鼎銘崔瑗机銘朱公叔鼎銘王粲硯銘又曰王粲所與蔡子篤睦及文叔良類士孫文始前楊德祖修詩及為潘文則作思親詩其文當而整皆近乎雅矣鍾嶸詩品曰魏侍中王粲詩其源出于李陵發愀愴之詞文秀而質贏在曹劉間別構一

體方陳思不足比魏文有餘

文心雕龍詮賦篇曰仲宣靡密發端必逾又雜文篇曰仲宣七釋致辯于事理又才略篇曰仲宣溢才捷而能密文多兼善辭少瑕累摘其詩賦則七子之冠冕乎

金樓子雜記篇曰王仲宣昔在荊州著書數十篇荊州壞盡焚其書今存者一篇知名之士咸重之見虎一毛不知其斑案此所云他書不概見其事莫得而詳其所存一篇亦不知何書

顏氏家訓勉學篇曰吾初入鄴與博陵崔文彥交游嘗說王粲集中難鄭玄尙書事崔轉爲諸儒道之始將發口懸見排蹙云文集止有詩賦銘誄豈當論經書事乎且先儒之中未聞有王粲也崔笑而退竟不以粲集示之

唐書經籍藝文志王粲集十卷宋史志八卷晁氏讀書志王粲集八卷粲著詩賦論議垂六十篇今集有八十一首案唐志粲集十卷今亡兩卷其詩文反多于史所紀二十餘篇案史所言篇數或以卷分或以類分晁氏以首數爲篇數似不然又云亡兩卷者蓋卽尙書問析出別行其後鄭氏門人田瓊轉益爲解釋之卽七錄所載尙書釋問四卷是也詳見本條

馮氏詩紀輯存樂府及四五言詩十二篇二十六首

張氏百三家王侍中集一卷凡賦書檄七記論連珠贊銘祭文樂府詩綜五十六篇

汪氏文選撰人篇目魏王仲宣粲有登樓賦公讞詩詠史詩七哀詩贈蔡子篤詩贈士孫

文始詩贈文叔良詩從軍詩五首雜詩一道嚴氏全後漢文編王粲有去伐論集三卷漢末英雄記十卷集十一卷今存賦書檄七釋頌贊論荊州文學官志做連珠銘弔綜四十六篇編爲二卷

案王粲傳云魏國既建拜侍中又武紀建安十八年十一月初置尙書侍中六卿注引魏氏春秋曰以王粲杜襲衛凱和洽爲侍中是王粲爲魏國侍中非漢侍中經部書類題魏侍中魏下當增國字此題後漢侍中則全非事實矣

梁有魏國郎中令路粹集二卷錄一卷亡魏志王粲傳注典略曰粹字文蔚少學于蔡邕初平中隨車駕至三輔建安初以高才與京兆嚴像擢拜尙書郎粹後爲軍謀祭酒與陳琳阮瑀等典記室及孔融有過太祖使粹爲奏承指數致融罪融誅之後人觀粹所作無不嘉其才而畏其筆也至十九年粹轉爲祕書令從大軍至漢中坐違禁賤請驢伏法太子素與粹善聞其死爲之歎惜及卽位特用其子爲長史案此則路粹官至祕書令本志引七錄題尙書令未詳孰是

文心雕龍奏啓篇曰觀孔光之奏董賢則實其奸回路粹之奏孔融則誣其毀惡名儒之與儉士固殊心焉

唐書經籍藝文志魏路粹集二卷案此入魏代亦非

嚴氏全後漢文編曰路粹有集二卷今惟存

嚴氏全後漢文編曰路粹有集二卷今惟存

枉狀奏孔融爲曹公與孔融書各一篇並見融傳

梁有行御史大夫袁渙集五卷錄一卷亡魏志本傳渙字曜卿陳郡扶樂人也父滂爲漢司徒渙初爲郡功曹後辟公府舉高第遷侍御史劉備之爲豫州舉渙茂才後避地江淮間爲袁術所命呂布擊術于阜陵渙往從之布破歸太祖拜爲沛南部都尉遷梁相病去官後徵爲諫議大夫丞相軍祭酒魏國初建爲郎中令行御史大夫事居官數年卒

唐書經籍藝文志魏袁渙集五卷案此入魏代亦非

嚴氏全後漢文編袁渙有集五卷今存與主簿孫徽等教說曹公與曹子建書凡三篇

梁有魏國奉常王修集二卷亡魏志本傳修字叔治北海營陵人也初平中北海相孔融召以爲主簿守高密令舉孝廉不行復署功曹守膠東令融每有難常賴修以免袁譚在青州辟修爲治中從事袁紹又辟除卽墨令紹譚死遂詣太祖爲司空掾行司金中郎將遷魏郡太守魏國既建爲大司農郎中令徙奉常病卒官

唐書經籍藝文志魏王修集三卷案此入魏代亦非

嚴氏全後漢文編王修有集三卷今存四孤議奏記曹公陳黃白異議誠子書各一篇

後漢尙書丁儀集一卷梁二卷錄一卷後漢黃門郎丁廙集一卷梁二卷錄一卷

魏志王粲傳自穎川邯鄲淳繁欽陳留路粹沛國丁儀丁廙弘農楊修河內荀緯等皆有文采而不在此七人之列 謂此亦七人而不在文帝所論建安七子之列也建安七子亦云鄴下七子見前

孔融集條

又陳思王植傳植既以才見異而丁儀丁廙楊修等爲之羽翼太祖狐疑幾爲太子者數矣而植任性而行不自彫勵飲酒不節文帝御之以術矯情自飾宮人左右並爲之說故遂定爲嗣植嘗乘車行馳道中開司馬門出太祖大怒公車令坐死由是重諸侯科禁而植寵日衰太祖既慮終始之變以楊修頗有才策又袁氏之甥也于是以罪誅修文帝即王位誅丁儀丁廙并其男口

又傳注魏略曰丁儀字正禮沛郡人也父冲宿與太祖親善太祖嘗德之聞儀爲令士辟爲掾與臨淄侯親善數稱其奇才太祖既有意立植而儀又共贊之及太子立欲治儀罪轉儀爲右刺姦掾欲儀自裁而儀不能乃對中領軍夏侯尚叩頭求哀尚爲涕泣而不能救後遂因職事收付獄殺之廙字敬禮儀之弟也文士傳曰廙少有才姿博學洽聞初辟公府建安中爲黃門侍郎

唐書經籍藝文志魏丁儀集二卷丁廙集二卷案此人魏代亦非

嚴氏全後漢文編輯存丁儀厲志賦周成漢昭論刑禮論凡三篇又丁廙蔡伯喈女賦彈棊賦二篇

案舊唐志以袁渙應場徐幹劉楨路粹丁儀丁廙王修八家皆入之魏代新唐志因之不知此八人皆卒于建安之時其時雖魏國已建而漢天子猶在位所謂魏公魏王者猶是漢之諸侯王故比之諸侯王官屬仍隸後漢此本志據七錄限斷之例之最善者唐志不究其所以然遽爾更易舛疏其矣其他諸家記載于漢魏之際亦復多所依違莫衷一是唯本志此類及嚴氏文編則具有斷制無所遷就可爲定議

亡

梁又有婦人後漢黃門郎秦嘉妻徐淑集一卷鍾嶸詩品曰漢上計秦嘉妻徐淑詩夫妻事既可傷文亦悽怨爲五言者不過數家而婦人居二徐淑敍別之作亞于團扇矣

馮氏詩紀曰秦嘉字士會隴西人有留郡贈婦詩三首其序云嘉爲上計掾其妻徐淑寢疾還家不獲面別贈詩云爾又有贈婦詩一首述昏詩二章徐淑有答秦嘉詩一首

嚴氏鐵橋漫稿後漢秦嘉妻徐淑傳序曰嘉字士會後漢桓帝時人官黃門郎作秦嘉妻傳其文多拾成言可補范書列女傳之闕其略曰隴西秦嘉妻者同郡徐氏女也名淑有才章適嘉嘉仕郡淑居下縣有疾嘉舉上計掾將行以車迎淑爲別而與淑書淑答書以疾未能行嘉重報淑書淑又報嘉書嘉遂行入洛尋除黃門郎居數年病卒于津鄉亭初淑生一女無子及嘉奉使淑乞子而養之尋

守寡時猶豐少兄弟將嫁之誓而不許爲書與兄弟竟毀形不嫁哀慟傷生亡後子還所生朝廷通儒移其鄉邑錄淑所養子還繼秦氏之祀淑所著詩文有集一卷

又全後漢文編曰秦嘉字士會隴西人桓帝時仕郡舉上計掾入洛除黃門郎病卒于津鄉亭有與妻徐淑書重報妻書各一篇徐淑有集一卷今存答夫秦嘉書一篇又報嘉書一篇爲誓書與兄弟一篇

案秦嘉有詩文傳世而本志無其集古來文集多附載他人往還之作或嘉之詩文并在徐淑集中未可知也元和姓纂曰後漢上計掾秦嘉集敍下邳皮仲固撰則嘉亦有集抑姓纂嘉下敍妻字亦即徐淑集而皮仲固爲之敍也

梁又有後漢董祀妻蔡文姬集一卷亡

後漢書列女傳陳留董祀妻者同郡蔡邕之女也名琰字文姬博學有才辯又妙于音律適河東衛仲道夫亡無子歸寧于家與平中天下喪亂文姬爲胡騎所獲沒于南匈奴左賢王在胡中十二年生二子曹操素與邕善痛其無嗣乃遣使者以金璧贖之而重嫁于祀祀爲屯田都尉犯法當死文姬詣曹操請之時公卿名士及遠方使驛坐者滿堂操謂賓客曰蔡伯喈女在外今爲諸君見之及文姬進蓬首徒行叩頭請罪音辭清辨旨甚酸哀衆皆爲改容操感其言乃追原祀罪時且寒賜以頭巾履襪操因問曰聞夫人家先多

墳籍猶能憶識之不文姬曰昔亡父賜書四千許卷流離塗炭罔有存者今所誦憶裁四百餘篇耳操曰今當使十吏就夫人寫之文姬曰妾聞男女之別禮不親授乞給紙筆真草唯命于是繕書送之文無遺誤後感傷亂離追懷悲憤作詩二章 案范書此傳載其詩之後絕無一語其文似不完故其所著者千篇及其餘事皆不得而詳 丁廩有蔡伯喈女賦當在此時作同作者當不止丁廩一人 王粲得蔡氏家書之事雖中郎有是言觀于此傳亦未必實有其事也

魏文帝集蔡伯喈女賦序曰家公與蔡伯喈有管鮑之好乃命使者周近持玄璧于匈奴贖其女還以妻屯田都尉使者

宋書藝文志經部樂類蔡琰胡笳十八拍四卷

書畫譜書家傳黃山谷集曰蔡琰胡笳引自書十八章極可觀

馮氏世紀蔡琰有悲憤詩二首又胡笳引十八卷

梁又有傅石甫妻孔氏集一卷

傅石甫及孔氏始末並未詳

右後漢人文凡三十五家附梁有三十六家綜七十一部是為別集類分篇第二內

誤入吳人虞翻一家

隋書經籍志考證卷三十九之三 集部二之三 別集類三三國

魏武帝集二十六卷梁三十卷錄一卷梁又有武皇帝逸集十卷亡

魏武帝集新撰十卷 魏志本紀注魏書曰太祖御軍三十餘年手不捨書畫則講武策夜則思經傳登高必賦及造新詩被之管絃皆成樂章

又文帝紀注典論自敘曰上雅好詩書文籍雖在軍旅手不釋卷每定省從容常言人少好學則思專長則善忘長大而能勤學者唯吾與袁伯業耳袁遺字伯業袁紹從兄見武紀初平元年裴氏注

鍾嶸詩品曰曹公古直甚有悲涼之句 文心雕龍時序篇曰建安之末區宇方輯魏武以相王之尊雅愛詩章

唐書經籍藝文志魏武帝集三十卷 馮氏詩紀輯存樂府度關山短歌行善哉行碣石篇薤露蒿里行苦寒行善哉行卻東西門行氣出唱精列對酒陌上桑秋胡行凡十四篇二十一首

張溥百三家魏武帝集一卷凡令教表奏事策書尺牘序祭文樂府歌辭綜一百四十五篇

汪氏文選撰人篇目魏武帝操有樂府二首 嚴氏全三國文編曰魏武帝有孫子略解一卷兵書接要十卷兵法接要三卷兵書要略

九卷兵法一卷集三十卷逸集十卷今存賦策表奏上書上事教令書序家傳四時食制祀故太尉橋玄文凡一百五十篇編為三卷

魏文帝集十卷梁二十三卷 魏文帝有典論見經部小學家子部儒家 魏志本紀初帝好文學以著述為務自所勅成垂百篇

又本紀評曰文帝天資文藻下筆成章博聞強識才藝兼該

又本紀注魏書曰帝八歲能屬文有逸才博貫古今經傳諸子百家之書初在東宮疫癘大起時人彫傷帝深感歎與素所敬者大理王朗書曰生有七尺之形死為一棺之土唯立德揚名可以不朽其次莫如著篇籍疫癘數起士人彫落余獨何人能全其壽故論撰所著典論詩賦蓋百餘篇胡沖吳曆曰帝以素書所著典論及詩賦餉孫權又以紙寫一通與張昭

鍾嶸詩品曰魏文帝詩其源出於李陵頗有仲宣之體則所訂百許篇率皆鄙質如偶語惟西北有浮雲十餘首殊美瞻可翫始見其工矣不然何以銓衡羣彥對揚厥弟者耶

文心雕龍才略篇曰魏文之才洋洋清綺舊談抑之謂去植千里然子建思捷而才儻詩麗而表逸子桓慮詳而力緩故不競于先鳴而樂府清越典論辨要迭用短長亦無惜焉但俗情抑揚雷同一響遂令文帝以位尊減才思王以勢寔益價未為篤論也又銘箴篇

曰魏文九寶器利辭鈍序志篇云近代論文若魏文述典密而不周

唐書經籍藝文志魏文帝集十卷

宋史藝文志魏文帝集一卷

玉海藝文類中與書目曰魏文帝集六卷賦詩各二書表詔一雜文一

馮氏詩紀輯存樂府十八篇二十二首詩十六篇二十首

張氏百三家魏文帝集二卷凡賦詔令策教表書序論議連珠銘文哀策誅制樂府詩綜一百九十餘篇

汪氏文選撰人篇目魏文帝不有芙蓉池詩樂府二首與吳質書與鍾大理書典論論文嚴氏全三國文編魏文帝有典論五卷列異傳三卷集二十三卷今存賦制詔策令教上書議書敍論連珠銘誄哀策文受禪告天文凡一百六十九篇編為四卷繫以典論佚文

魏明帝集七卷梁五卷或九卷錄一卷

魏志本紀注魏書曰帝好學多識特留意于法理自在東宮不交朝臣不問政事唯潛思書籍而已

鍾嶸詩品曰曹公古直甚有悲涼之句叙不如不亦稱三祖

文心雕龍時序篇明帝纂戎制詩度曲徵篇章之士置崇文之館何劉羣才迭相照耀

唐書經籍藝文志魏明帝集十卷

馮氏詩紀輯存樂府十篇

嚴氏全三國文編曰魏明帝諱叡字元仲文

帝太子黃初七年五月即位改元三太和青龍景初在位十三年諡曰明皇帝廟號烈祖有集七卷唐志作十卷今存賦詔聖書露布論哀册文凡九十篇

梁又有高貴鄉公集四卷亡

高貴鄉公有春秋左氏傳音見經部春秋家魏志本紀甘露元年夏四月丙辰帝幸太學問諸儒夏連山殷歸藏周易之書易博士淳于俊對講易畢復命講尚書博士庾峻對復命講禮記博士馬照對二年五月辛未帝幸辟雍會命羣臣賦詩侍中和道尚書陳騫等作詩稽留司奏免官詔曰吾以暗昧愛好文雅廣延詩賦以知得失而乃爾紛紜良用反仄其原適等主者宜勅自今以後羣臣皆當玩習古義修明經典稱朕意焉 案太學講義見載本紀者尚千數百言蓋節錄非本文此必陳承祥從本集或當時注記所有采以入史者

又本紀評曰高貴公才慧夙成好問尚辭蓋亦文帝之風流也注引魏氏春秋曰公神明爽儻德音宜朗罷朝司馬景王私曰上何如主也鍾會對曰才同陳思武類太祖

又注紀魏氏春秋曰甘露元年二月丙辰帝宴羣臣於太極東堂與侍中荀顛尚書崔贊袁亮鍾毓給事中中書令虞松等並講述禮典遂言帝王優劣之次因問顛等夏少康漢高祖功德誰先顛等對以高祖為優帝曰宜高夏康而下漢祖諸卿具詳論之翌日丁巳講業既畢顛亮等議少康為優宜如詔旨中

書令松進曰少康之事去世久遠自古及今議論之士莫有言者德美隱而不宣陛下既垂心遠鑒考詳古昔又發德音贊明少康之美使顯于千載之上宜錄以成篇永垂于後于是侍郎鍾會退論次焉嘉定錢大昕三國志考異曰案少康之論意常在司馬氏也聰明大露終為權臣所忌失艱貞自晦之義能處此者其後周武帝乎 案此論當在本集

又紀注傅暢晉諸公贊曰帝常與中護軍司馬望侍中王沈散騎常侍裴秀黃門侍郎鍾會等講宴於東堂并屬文論名秀為儒林大人沈為文籍先生望會亦各有名號帝性急請召欲速秀等在內職到得及時以望在外特給追鋒車虎賁卒五人每有集會望輒奔馳而至

文心雕龍時序篇曰少主相仍唯高貴英雅顧盼合章動言成論于時正始餘風篇體輕澹而嵇阮應繆並馳文路矣又諧譏篇曰譏者隱也漢世隱書十有八篇歆固編文錄之歌末自魏代以來化為謎語謎也者迴護其辭使昏迷也或體目文字或圖象品物纖巧以弄思淺察以銜辭義欲婉而正辭欲隱而顯荀卿蠶賦已兆其體至魏文陳思約而密之高貴鄉公博舉品物雖有小巧用乖遠大然文辭之諧譏譬九流之有小說云 案此則文帝集陳思王集及是集皆有謎語一類惟此集又博舉品物尤多于前云

初學記職官部魏高貴鄉公集曰幸華林賜

初學記職官部魏高貴鄉公集曰幸華林賜

初學記職官部魏高貴鄉公集曰幸華林賜

初學記職官部魏高貴鄉公集曰幸華林賜

初學記職官部魏高貴鄉公集曰幸華林賜

初學記職官部魏高貴鄉公集曰幸華林賜

初學記職官部魏高貴鄉公集曰幸華林賜

初學記職官部魏高貴鄉公集曰幸華林賜

羣臣酒酒酣上援筆賦詩羣臣以次作二十四人不能著詩授罰酒黃門侍郎鍾會爲上金樓子雜記篇高貴鄉公賦詩給事中甄欽陶成嗣各不能著詩受罰酒

唐書經籍藝文志魏高貴鄉公集二卷

嚴氏全三國文編曰公諱髦字彥士文帝孫東海王霖子正始五年封郟縣高貴鄉公嘉平六年十月即位改元二正元甘露在位六年爲司馬昭所弒有集四卷今存賦詔顏子論及魏志紀注引帝集自敘始生禎祥凡十四篇 其東堂會軍臣論夏少康漢高祖優劣嚴氏編入鍾會集魏氏春秋所載卽鍾會撰次是論之序文

案張彥遠歷代名畫記曰曹髦之迹獨高

魏代有祖二疏圖盜跖圖黃河流勢圖新豐放雞犬圖傳于代又有於陵子黔婁夫妻圖宋郭若虛圖畫見聞志云魏曹髦有卞莊子刺虎圖案帝被弑年僅二十以弱冠之年而才藝流傳後世有如此鍾會對司馬師言才同陳思非虛譽也

魏陳思王曹植集三十卷

陳思王有列女傳頌見史部雜傳篇

植文章序曰故君子之作也儼乎若高山勃乎若浮雲質素也如秋蓬擗藻也如春葩汎乎洋洋光乎膈膈與雅頌爭流可也余少而好賦其所尚也雅好慷慨所著繁多雖觸類而作然蕪穢者衆故刪定別撰爲前錄七十八篇 案傳注引典略臨晉侯植與楊修書云今往僕少小所著辭賦一通相與修答書云猥受顧賜教使刊定似

卽此前錄警以屬楊修審定者時爲建安十九年徙封臨苗之後事也

魏志本紀明帝景初中詔曰陳思王昔雖有過失既克己慎行以補前闕且自少至終篇籍不離于手誠難能也其收黃初中諸奏植罪狀公卿已下議尙書中書祕書三府大鴻臚者皆削除之撰錄植前後所著賦頌詩銘雜論凡百餘篇副藏內外案此稱前後所著蓋并前錄自定之七十八篇合爲百餘篇也 晉書曹志傳志曰先王有手所作目錄

鍾嶸詩品曰陳思王詩其源出於國風骨氣奇高詞采華茂情兼雅怨體被文質粲溢今古卓爾不羣嗟乎陳思之于文章也譬人倫之有周孔麟羽之有龍鳳音樂之有琴瑟女工之有黼黻俾爾懷鉛吮墨者抱篇章而景慕曠餘暉以自燭故孔氏之門如用詩則公幹升堂思王入室景陽潘陸自可坐於廊廡之間矣 張協字景陽有集見西晉人集中

文心雕龍明詩篇暨建安之初五言騰踊文帝陳思縱轡以騁節王徐應劉望路而爭馳並憐風月狎池苑述恩榮敘酣宴慷慨以任氣磊落以使才造懷指事不求纖密之巧驅辭逐貌唯取昭晰之能此其所同也又曰四言五言兼善則子建仲宣又章表篇曰陳思之表獨冠羣才觀其體瞻而律調辭清而旨顯應物制巧隨變生趣執轡有餘故能緩急應節矣又封禪篇曰陳思魏德假論客主問答迂緩且已千言勞深勸寡飗炎缺焉又誄

碑篇曰陳思叨名而體實繁緩文皇誄未旨言自陳其乖甚矣雜文篇曰陳思七啓致美于宏壯陳思客問辭高而理疎頌贊篇云陳思所綴以皇子爲標謂所作皇太子生頌也論說篇云曹植辯道體同書鈔序志篇云詳觀近代之論文者若陳思序書辨而無當 唐日本國見在書目魏曹植集三十卷 唐書經籍藝文志魏陳思王集二十卷又三十卷案此兩本疑前後錄分編或猶是景初舊第

宋史藝文志曹植集十卷

晁氏讀書志曹植集十卷魏曹植子建也太祖子文帝封植爲陳王卒年三十一 案文帝當云明帝三十一三當爲四 案魏志景初中撰錄植所著賦頌詩銘雜論凡百餘篇隋志三十卷唐志二十卷今集十卷比隋唐本有亡逸者而詩文二百篇返溢于本傳所載不曉其故

陳氏書錄曰陳思王集二十卷卷數與前志合其間亦有采取御覽書鈔類聚諸書中所有者意皆後人附益然則亦非當時全書矣其間或引摯虞流別集此書國初已亡猶是唐人舊傳也

四庫提要曰曹子建集十卷目錄後有嘉定六年癸酉字猶從宋寧宗時本翻影蓋卽通考所載也凡賦四十四篇詩七十四篇雜文九十二篇合二百十篇殘篇斷句錯出其間棄婦篇見玉臺新詠鏡銘八字反覆顛倒皆叶韻成文實爲迴文之祖見藝文類聚皆未

收入亦不免有所舛漏

汪氏文選撰人篇目魏曹子建植有洛神賦
責躬詩應詔詩公讎詩送應氏詩三良詩七
哀詩贈徐幹詩贈丁儀詩贈王粲詩贈丁儀

王粲詩贈白馬王詩贈丁翼詩樂府四首朔
風詩雜詩六首情詩七啓求自試表求通親
親表與楊德祖書與吳季重書王仲宣誄

嚴氏文編卷首敘目曰曹植集十卷明郭萬
程刻本又二卷明張溥百三家集本又四錄
堂類集總目陳思王集十卷可均校編又全

三國文編輯本七卷凡賦五十六篇及令章
表疏書序頌畫贊論說銘誄雜文百四十三
篇馮氏詩紀樂府詩各一卷

張氏書目答問曹子建集十卷明仿宋刻附
音義本明安氏活字版本漢陽朝宗書室活
字版本

梁又有司徒華歆集二卷亡

魏志本傳歆字子魚平原高唐人也初爲郡
吏靈帝時舉孝廉除郎中病去官何進徵爲
尙書郎董卓遷天子長安歆求出爲下邳令

袁術留歆欲說術進軍討術不能用太傅
馬日磾安集關東辟爲掾東至徐州詔拜豫
章太守孫策略地江東乃幅巾迎策策死太

祖在官渡徵拜議郎參司空軍事入爲尙書
轉侍中代荀彧爲尙書令表爲軍師魏國既
建爲御史大夫文帝卽王位拜相國封安樂

鄉侯及踐阼改爲司徒明帝卽位進封博平
侯轉拜太尉太和五年薨諡曰敬侯子表嗣

魏書曰故時年七十五

唐書經籍志魏華歆集二十卷藝文志三十
卷 案兩志卷數與七錄懸殊必有一誤卽益以漢魏名
臣奏恐亦無二三十卷之多也

嚴氏全三國文編華歆唐有集三十卷今存
請敘鄭小同表諫伐蜀疏請受禪上言奏討
孫吳凡四篇

魏司徒王朗集三十四卷梁三十卷
王朗有左氏釋駁見經部春秋家
魏志本傳朗著易春秋孝經周官傳奏議論
記咸傳于世

文心雕龍奏啓篇曰魏代名臣文理迭興若
高堂天文王朗節省亦盡節而知治矣又銘
箴篇曰王朗雜箴乃置巾履得其戒慎而失

其所施觀其約文舉要憲章戒銘而水火井
竈繁辭不已志有偏也又才略篇曰王朗發
憤以託志亦致美于序銘

唐書經籍藝文志王朗集三十卷

嚴氏全三國文編輯存表疏上事奏議書論
雜箴貧窶語塞勢凡三十二篇

梁又有司徒陳羣集五卷亡案司徒當爲司空
魏志本傳羣字長文潁川許昌人也祖父寔
父紀叔父讜皆有盛名魯國孔融高才倨傲

年在紀羣之間先與紀友後與羣交更爲紀
拜由是顯名劉備臨豫州辟羣爲別駕後隨
紀避難徐州屬呂布破太祖辟爲司空西曹

掾屬以司徒掾舉高第爲治書侍御史參丞
相軍事魏國既建爲御史中丞轉侍中領丞

相東西曹掾文帝卽王位封昌武亭侯徙爲
尙書制九品官人之法羣所建也及踐阼進

爵穎鄉侯明帝卽位晉封穎陰侯爲司空錄
尙書事青龍四年薨諡曰靖侯 明紀青龍四年
十二月癸巳司空陳羣薨

又傳注魏書曰羣前後數密陳得失每上封
事輒削其草時人及其子弟莫能知也論者
或譏羣居位拱默正始中詔羣臣上書以爲

名臣奏議朝士乃見羣諫事皆嘆息焉
魏何晏論語集解序曰近故司空陳羣太常
王肅博士周生烈皆爲義說 案汪氏文選理學

權輿曰選注所引羣書有陳羣論語義說是其書唐初猶
傳李善得見而據之本志不著錄何氏集解所引止三條
馬氏玉函山房輯以備一家云

通典選舉門魏文帝爲魏王時三方鼎立士
流播遷四人錯雜詳覈無所延康元年吏部
尙書陳羣以天朝選用不盡人才乃立九品

官人之法州郡皆置中正以定其選擇州郡
之賢有識鑒者爲之區別人物第其高下又

制郡口十萬以上歲察一人其有秀異不拘
戶口其武官之選俾護軍主之黃初三年始
除舊漢限年之制令郡國貢舉勿拘老幼儒

通經術吏達文法則皆試用 杜佑曰案九品之
制初因後漢建安中天下興兵衣冠士族多離于本土欲
徵源流遠難委悉魏氏革命州郡縣俱置大小中正各以

本處人任諸府公卿及臺省郎吏有德充才盛者爲之區
別所管人物定爲九等其有言行脩著則升進之隱或道
義虧缺則降下之是以吏部不能審定天下士庶人才故

義虧缺則降下之是以吏部不能審定天下士庶人才故

委中正銓第等級惡之授受謂免罪戾及其弊也唯能知其間閥非復辨其賢愚所以劉毅云上品無寒門下品無勢族南朝至于梁陳北朝至于周隋選舉之法雖互相損益而九品及中正至開皇中方罷案九品官人之法始于陳寧行于魏晉南北朝最久而譜學家一派亦由是斷而復續故附著其大略于此

唐書經籍藝文志陳羣集三卷

嚴氏全三國文編陳羣有集五卷今存疏諫奏議書及汝穎人物論佚文凡一十三篇

魏給事中邯鄲淳集二卷梁有錄一卷

邯鄲淳有笑林見子部小說家

魏志王粲附傳穎川邯鄲淳等亦有文采注

引魏略曰黃初初以淳爲博士給事中淳作

投壺賦千餘言奏之文帝以爲工賜帛千匹

案千匹似非實事

後漢列女曹娥傳注會稽典錄曰上虞長度

尙弟子邯鄲淳字子禮時甫弱冠時謂漢桓帝

元嘉元年也而有異才尙先使魏朗作曹娥碑

文成未出會朗見尙與之飲宴而子禮方

至督酒尙問朗碑文成未朗辭不才因試使

子禮爲之操筆而成無所點定朗嗟嘆不暇

遂毀其草其後蔡邕又題八字曰黃絹幼婦

外孫蓋曰

文心雕龍才略篇曰丁儀邯鄲亦合論述之

美又封禪篇曰至于邯鄲受命攀轡前聲風

末力寡輯韻成頌雖文理順序而不能奮飛

唐書經籍藝文志邯鄲淳集二卷

馮氏詩紀輯存答贈臨苗侯詩一篇

嚴氏全三國文編輯存投壺賦受命述及上表漢鴻臚陳紀碑孝女曹娥碑凡五篇

梁又有劉廙集二卷亡

劉廙有政論見子部法家

魏志本傳廙著書數十篇及與丁儀共論刑

禮皆傳于世

吳志孫皓傳注江表傳曰初丹陽刁玄使蜀

得司馬徽與劉廙論運命曆數事

又陸遜傳黃龍元年徵遜輔太子南陽謝景

善劉廙先刑後禮之論遜呵景曰禮之長于

刑久矣廙以細辯而詭先聖之教皆非也君

今侍東宮宜遵仁義以彰德音若彼之談不

須講也

文心雕龍書記篇曰劉廙謝恩喻切以至箋

之爲善者也

唐書經籍藝文志劉廙集二卷

嚴氏全三國文編劉廙有政論五卷集二卷

今存表疏上言奏議箋答難戒弟書凡二十

篇附政論佚文八篇

梁又有侍中吳質集五卷亡

魏志王粲附傳吳質濟陰人以文才爲文帝

所善官至振威將軍假節都督河北諸軍事

封列侯

又傳注魏略曰質字季重以才學通博爲五

官將及諸侯所禮愛出爲朝歌長遷元城令

始質爲單家少遊傲貴戚間不與鄉里相沉

浮故雖已出官本國猶不與之士名及魏有

天下文帝徵質與車駕會洛陽到拜北中郎

將封列侯使持節督幽并諸軍事治信都及文帝崩質思慕作詩太和四年入爲侍中其年夏卒質先以怙威肆行諍曰醜侯質子應仍上書論枉至正元中乃改諡威侯

唐書經籍藝文志吳質集五卷

汪氏文選撰人篇目魏吳季重質有答魏太子箋與魏太子箋答東阿王書

嚴氏全三國文編輯存魏都賦箋書論凡七

篇馮氏輯存思慕詩一首

梁又有新城太守孟達集三卷亡

蜀志劉封傳初劉璋遣扶風孟達副法正各

將兵迎先主蜀平後以達爲宜都太守建安

二十四年命達北攻房陵進攻上庸遣封下

統達軍自關羽圍樊城襄陽連呼封達發兵

自助封達不承羽命會羽覆敗先主恨之又

封與達忿爭不和封尋奪達鼓吹達既懼罪

又忿恚封遂發表辭先主率所領降魏魏文

帝善達之姿才容觀以爲散騎常侍建武將

軍封平陽亭侯合房陵上庸西城三郡達領

新城太守遣征南將軍夏侯尚右將軍徐晃

與達共襲封封破走還成都達字子敬改字

子度

魏志文紀延康元年秋七月蜀將孟達率衆

降明紀太和元年十二月新城太守孟達反

詔驃騎將軍司馬宣王討之二年春正月宣

王攻破新城斬達傳其首達反事詳見明紀注又

略見劉曄傳

唐書經籍藝文志孟達集三卷一本或誤作達

嚴氏全三國文編蜀孟達字子度扶風人初字子敬避先主叔父諱改先主領荊州以為宜都太守後降魏為散騎常侍建武將軍封平陽亭侯領新城太守徙安定復還新城建興中丞相亮數書招之遂通款事露司馬懿討斬之有辭先主表在魏奏薦王雄在魏與劉封書在魏與諸葛亮書兵到又告諸葛亮凡五篇

梁又有魏徵士管寧集三卷錄一卷亡

魏志本傳寧字幼安北海朱虛人也與平原華歆同縣邴原相友俱游學于異國並敬善陳仲弓天下大亂與原及平原王烈等至于遼東文帝即位徵以為太中大夫明帝詔以為光祿勳自黃初至于青龍徵命相仍並固辭不受正始二年特具安車蒲輪束帛加璧聘焉會卒年八十四

又傳注傅子曰寧以衰亂之時世多妄變氏族者違聖人之制非禮命姓之意故著氏姓論以原本世系文多不載

唐書經籍藝文志管寧集二卷

嚴氏全三國文編曰寧避亂遼東三十七年文帝時還就徵以為太中大夫固辭明帝及齊王屢徵不出正始二年卒有集三卷今存辭疾上書辭徵命上疏辭辟別駕文答桓範書凡四篇

魏光祿勳高堂隆六卷梁十卷錄一卷隆下跋集字

高堂隆有魏臺雜訪議見史部刑法篇

魏志本傳評曰高堂隆學業修明志存匡君

因變陳戒發于懇誠忠矣哉及至必改正朔俾魏祖虞所謂意過其通者歟

又傳注習鑿齒曰高堂隆可謂忠臣矣君修每思諫其惡將死不忘憂社稷正辭動于昏主明戒驗于身後譽諤足以勵物德音沒而彌彰可不謂忠且智乎詩云聽用我謀庶無大悔又曰曾是莫聽大命以傾其高堂隆之謂也

唐書經籍藝文志高堂隆集十卷

嚴氏全三國文編高堂隆有集十卷今存對詔表疏上言奏議對問凡二十九篇編為一卷

梁又有光祿勳劉邵集二卷魏一卷亡魏當為錄

劉邵有孝經注見經部孝經類

魏志本傳黃初中受詔集五經羣書以類相從作皇覽明帝時與議郎庾嶷荀詵等定科令作新律十八篇著律略論嘗作趙都賦明帝美之詔邵作許都洛都賦時外與軍旅內營宮室邵作二賦皆諷諫焉景初中受詔作都官考課七十二條又作說略一篇又以為宜制禮作樂以移風俗著樂論十四篇事成未上會明帝崩不施行正始中執經講學凡所撰述法論人物志之類百餘篇

又傳評曰劉邵該覽學籍文質周洽

文心雕龍才略篇曰劉邵趙都能攀于前修

唐書經籍藝文志劉邵集二卷

嚴氏全三國文編劉邵有人物志三卷法論

十卷集二卷今存趙都賦嘉瑞賦龍瑞賦疏議序七華飛白序勢凡十三篇本傳有許都賦洛都賦及樂論十四篇文俱佚

魏散騎常侍繆襲集五卷梁有錄一卷

繆襲有列女傳贊見史部雜傳類晉書樂志漢時有短笛鏡歌之樂其曲列于鼓吹多敍戰陳之事及魏受命改其十二曲使繆襲為辭述以功德代漢

宋書樂志魏鼓吹曲十二篇繆襲造第一曲初之平言魏也第二曲戰榮陽言曹公也第三曲獲呂布言曹公東圍臨淮生擒呂布也第四曲克官渡言曹公與袁紹戰破之于官渡也第五曲舊邦言曹公勝袁紹于官渡還譙收藏士卒死亡也第六曲定武功言曹公初破鄴武功之定始乎此也第七曲屠柳城言曹公越北塞歷白檀破三郡烏桓于柳城也第八曲平南荆言曹公南平荊州也第九曲平關中言曹公征馬超定關中也第十曲應帝期言文帝以聖德受命應運期也第十一曲邕熙言君臣邕穆庶績咸熙也第十二曲太和言魏明帝繼體承統太和改元德澤流布也

文心雕龍樂府篇曰軒岐鼓吹並入樂府繆襲所製亦有可算焉

鍾嶸詩品曰照伯挽歌唯以造哀爾

唐書經籍藝文志繆襲集五卷

馮氏詩紀錄存鼓吹曲十二篇挽歌一篇

汪氏文選撰人篇目魏繆熙伯襲有挽歌一

首

嚴氏全三國文編曰繆襲有列女傳贊一卷
集五卷今存賦表奏對奏議贊祭儀凡一十
四篇

梁又有散騎常侍王象集一卷亡

魏志揚俊傳俊河內人也以兵亂避地并州
本郡王象少孤特為人僕隸年十七八見使
牧羊而私讀書因被筆楚俊嘉其才質即贖
象著家娉娶立屋然後與別文帝踐阼俊仕
歷南陽太守時王象為散騎常侍疏薦俊宜
還朝宣力蓋毅初臨舊侯與俊善太祖適嗣
未定密訪羣司俊稱臨舊猶美文帝常以恨
之黃初二年車駕至宛發怒收俊象請俊叩
頭流血帝不許俊曰吾知罪矣遂自殺衆冤
痛之案楊俊之死不以罪蓋與楊修丁儀丁廙同為臨
舊故也 又衛凱傳末云黃初時散騎常侍河內王象亦
與凱並以文章顯

又傳注魏略曰王象字義伯既為俊所知援
果有才智建安中與同郡荀緯等俱為魏太
子所禮待及王粲陳琳阮瑀路粹等亡後新
出之中惟象才最高魏有天下拜象散騎侍
郎遷為常侍封列侯受詔撰皇覽使領祕書
監象既性氣和厚又文采溫雅用是京師歸
美稱為儒宗及文帝殺楊俊象自恨不能濟
俊遂發病死

嚴氏全三國文編象以救楊俊不許發病死
有集一卷今惟見薦楊俊一篇

梁又有光祿大夫章誕集三卷錄一卷亡

章誕有韋氏相板印法指略鈔見子部五行
家

魏志劉邵附傳邵同時光祿大夫京兆章誕
等亦著文賦頗傳于世

又傳注文章敘錄曰初邯鄲淳衛覬及誕並
善書有名覬孫恆撰四體書勢其序篆書曰
章誕師淳而不及太和中誕為武都太守以
能書留補侍中魏氏寶器銘題皆誕書云
三輔決錄佚文曰章誕字仲將除武都太守
以書不得之郡轉侍中典作魏書號散騎書
一名大魏書凡五十篇案此蓋決錄注文其稱散
騎書者當時號仲將所書又云大魏書五十篇者似因與
脩王沈魏書之事其間似有敘文也

世說巧藝篇注文章敘錄曰誕有文學善屬
辭衛恆四體書勢曰誕善楷書魏宮多誕所
題明帝立凌霄觀誤先釘榜乃籠盛誕轆轤
長絙引上使就題之去地二十五丈誕甚危
懼乃戒子孫絕此楷法箸之家令

唐張懷瓘書斷曰誕伏膺于張芝兼邯鄲淳
之法諸書並善尤精題署青龍中洛陽許鄴
三都宮觀始成詔令仲將大為題署以為永
制給御筆墨皆不任用因曰蔡邕自矜能書
兼斯喜之法非流純體素不妄下筆夫工欲
善其事必先利其器若用張芝筆左伯紙及
臣墨兼此三具又得臣手然後可以建徑丈
之勢方寸寸言嘉平五年卒

宋刻全本意林第六卷章仲將筆墨法一卷
唐書經籍藝文志章誕集三卷又經部小學

類筆墨法一卷

嚴氏全三國文編章誕有集三卷今存賦奏
駁頌誄及墨方筆方凡八篇
梁又有散騎常侍糜元集五卷亡
糜元始末未詳

唐書經籍藝文志糜元集五卷
嚴氏全三國文編曰糜元為散騎常侍有集
五卷藝文類聚三十六有魏糜元譏許由一
篇又三十七及御覽五百九十六有元弔夷
齊文一篇

按糜元不知何許人魏有糜信蜀有糜竺
糜芳並東海朐人殆其族歟類聚弔夷齊
文有王粲阮瑀糜元三家劉勰謂仲宣傷
其隘譏阿實工今觀糜作實亦與之同御
覽此卷又有糜元弔比干文嚴氏不取或
審定非元文

梁又有游擊將軍卞蘭集二卷錄一卷亡

魏志武宣卞皇后傳后瑯邪開陽人文帝母
也本倡家后弟秉以功封都鄉侯進封開陽
侯秉薨子蘭嗣少有才學為奉車都尉游擊
將軍加散騎常侍薨

又傳注魏略曰蘭獻賦贊述太子德美由是
遂見親近明帝時蘭見外有二難而帝留意
于宮室常因侍從數切諫帝雖不能從猶納
其誠款後苦酒消渴以亡

唐書經籍藝文志卞蘭集二卷
嚴氏全三國文編輯存贊述太子賦許昌宮
賦七牧座右銘凡四篇

梁又有隰陽侯李康集二卷錄一卷亡

太平御覽文部詩類魏書曰李康字肅遠性介立不和俗為鄉里所嫉故官不進嘗作游九疑詩明帝異其文問左右斯人安在吾欲擢之因起家為隰陽長卒

文選運命論注宋劉義慶集林曰李康字肅遠中山人也著遊山九吟魏明帝異其文遂起家為尋陽長政有美績病卒汪氏文選撰人篇目魏李肅遠康有運命論

文心雕龍論說篇曰李康運命同論衡而過之案論衡先有命運等篇

唐書經籍藝文志李康集二卷

嚴氏全三國文編曰李康字肅遠中山人明帝時為尋陽長後封隰陽侯有集二卷今存偶馥賦遊山九吟序運命論凡三篇世說德行篇注有李康家誠乃李乘之誤李乘即李景晉李重之父也今定以家誠編入晉文案

魏書及集林所載自不得有封侯之事不知嚴氏何以云爾

梁又有陳郡太守孫該集二卷錄一卷亡

魏志劉卬傳卬同時陳郡太守任城孫該等亦著文賦頗傳于世

又傳注文章敍錄曰該字公達彊志好學年二十上計掾召為郎中著魏書遷博士司徒右長史復還入著作景元二年卒官

唐書經籍藝文志孫該集二卷

嚴氏全三國文編曰該為司徒右長史著作郎出為陳郡太守有集二卷今存三公山神

祠賦琵琶賦各一篇

梁又有尚書傅巽集二卷錄一卷亡

魏志劉表傳表大將蒯越從事中郎韓嵩及東曹掾傅巽等說劉琮歸太祖太祖軍到襄陽琮舉州降以琮為青州刺史封列侯蒯越等侯者十五人

又傳注傅子曰巽字公悌瓌偉博達有知人鑒辟公府拜尚書郎後客荊州以說劉琮之降賜爵關內侯文帝時為侍中太和中卒弟子嘏

唐書經籍藝文志傅巽集二卷

嚴氏全三國文編傅巽字公悌北地泥陽人黃初中為侍中遷尚書有集二卷今存槐賦蚊賦七誨奢儉論筆銘凡五篇

魏章武太守殷褒集一卷梁二卷

唐書經籍藝文志殷褒集二卷

宋郭茂倩樂府詩集殷氏世傳曰殷褒為梁陽令廣築學館會集朋徒民知禮讓乃歌之曰榮陽令有異政脩立學校人易性令我子弟恥訟爭

唐書經籍藝文志殷褒集二卷

嚴氏全三國文編曰殷褒字元祚為章武太守有集二卷藝文類聚五十三有薦同郡朱儉表又二十三有誠子書

魏司空王昶集五卷梁有錄一卷王氏出太原瑗邪二族各注條下以識別之此太原王氏也

魏志本傳昶字文舒太原晉陽人也少與同

郡王凌俱知名文帝在東宮昶為太子文學

中庶子及踐阼徙散騎侍郎為洛陽典農竟州刺史明帝即位加揚烈將軍賜爵關內侯昶雖在外任心存朝廷以為魏承秦漢之弊法制苛碎不大釐改國典以準先王之風而望治化復興不可得也乃著治論略依古制而合於時務者二十餘篇又著兵書十餘篇言奇正之用青龍中奏之其為兄子及子作名字皆依謙實以見其意故兄子默字處靜沈字處道其子渾字玄冲深字道冲遂書戒之曰欲使汝曹立身行己遵儒者之教履道家之言故以玄默冲虛為名欲使汝曹顧名思義不敢違越也正始中轉在徐州封武觀亭侯遷征南將軍假節都督荊豫諸軍事嘉平初太傅司馬宣王既誅曹爽乃奏博問大臣得失昶陳治略五事詔書褒贊因使撰百官考課事遷征南大將軍儀同三司進封京陵侯進位驃騎將軍遷司空持節都督如故甘露四年薨諡曰穆侯子渾嗣

唐書經籍藝文志王昶集五卷

嚴氏全三國文編輯存謝榮表考課疏卿考課事尚書侍中考課事陳治略五事奏吳蜀事狀白晉文王牋檄吳將校部曲家誠三戲論凡八篇案三戲論謂投壺博奕也似亦家誠中之一則

案太原王氏自司空昶而大郡邪王氏自晉初太保祥而大二王盛于魏晉六朝天下莫與比倫焉本志總集篇注云梁又有

下莫與比倫焉本志總集篇注云梁又有

太原王氏家碑誄頌贊銘集二十六卷史部雜傳篇又有太原王氏家傳二十三卷其人文從可知已

魏衛將軍王肅集五卷梁有錄一卷

王肅有周易注見經部易類

魏志本傳其所論駁朝廷典制郊祀宗廟喪紀輕重凡百餘篇

宋書樂志散騎常侍王肅私造宗廟詩頌十二篇不被歌

玉海樂舞篇齊志云王肅作宗廟詩頌十二篇不入于樂

唐書經籍藝文志王肅集五卷

嚴氏全三國文編曰肅有詩書論語三禮左氏解及撰定父朗所作易傳皆列于學官又有聖證論家語解各若干卷政論十卷集五卷

案又有尚書議駁毛詩議駁奏事問答祭法明堂議國語章句太玄經注各若干卷並見本志經部子部今存賦表疏議答難問教書序頌賀正儀納徵辭家誠凡三十五篇編為一卷

梁又有桓範集二卷亡

桓範有世要論見子部法家

唐書經籍藝文志桓範集二卷

嚴氏全三國文編範有世要論十二卷集二卷今存兗州刺史謝表薦管寧表薦徐宣表陳兵事與管寧書凡五篇繫以世要論佚文合為一卷

梁又有中領軍曹羲集五卷錄一卷亡

魏志曹真傳真字子丹太祖族子也明帝時為大將軍封邵陵侯子爽嗣又詔封真五子

義訓則彥禮皆為列侯齊王卽位爽以大將軍加侍中輔少主弟羲為中領軍爽飲食車服擬于乘輿作窟室綺疏四周數與何晏等會其中縱酒作樂羲深以為大憂數諫止之又著書三篇陳驕淫盈溢之致禍敗辭旨甚切不敢斥爽託以戒諸弟以示爽爽知其為已發也甚不悅羲或以時諫喻不納涕泣而起後與爽訓等皆誅夷時正始十年也

傅子佚文曰安鄉亭侯曹羲為領軍將軍募周公之下士賓客盈坐

晉書王接傳接父蔚世脩儒史之學魏中領軍曹羲作至公論蔚善之而著至機論

唐書經籍藝文志曹羲集五卷

嚴氏全三國文編曰曹羲為司馬懿所誅有集五卷今存為兄爽表司馬懿為太傅大司馬申蔣濟叔嫂服議九品議至公論肉刑論凡五篇

魏尚書何晏集十一卷梁十卷錄一卷

何晏有孝經注見經部

魏志曹爽附傳晏以才秀知名好老莊言作道德論及諸文賦著述凡數十篇

又管輅傳注輅別傳曰表使君問何平叔一代才名其實何如輅曰其說易生義美而多偽偽則神輅以為少功之才也表使君曰吾素與平叔共說老莊及易常覺其辭妙于理不能折之又時人吸習皆歸服之焉益令

不了相見得清言然後灼灼耳又曰何尚書神明清徹自言不解易中九事

南齊書張緒傳緒長于周易言精理與見宗一時常云何平叔所不解易中七事諸卦中所有時義是其一也

梁書儒林伏曼容傳曰何晏疑易中九事以吾觀之晏了不學也故知平叔有所短

番禺侯康補三國藝文志引王應麟曰晏以老莊談易係小子觀宗頌所不解者豈止七事哉

案九事七事自來傳說不一無以詳知其易說或當編入本集

世說規箴篇曰何晏令管輅作卦云不知位至三公不卦成輅稱引古義深以戒之注名

士傳曰是時曹爽輔政識者慮有危機晏有重名與魏姻戚內雖懷憂而無復退也著五

言詩以見志蓋因輅言懼而賦詩

鍾嶸詩品曰平叔鴻雁之篇風規見矣宜居中品

文心雕龍明詩篇曰及正始明道詩雜仙心何晏之徒率多浮淺又才略篇曰何晏景福

克光于後進

唐書經籍藝文志何晏集十卷

馮氏詩紀輯存五言詩二首

汪氏文選撰入篇目魏何平叔晏有景福殿賦

嚴氏全三國文編曰何晏有論語集解十卷老子道德論二卷集十一卷今存賦奏議論

敍頌銘凡一十四篇

魏衛尉卿應璩集十卷梁有錄一卷

魏志王粲傳汝南應瑒為五官將文學建安二十二年卒瑒弟璩子貞咸以文章顯璩

官至侍中

又傳注文章敘錄曰璩字休璩博學好屬文善為書記文明帝世歷官散騎常侍齊王即位稍遷侍中大將軍長史曹爽秉政多違法度璩為詩以諷焉其言雖頗諧合多切時要世共傳之復為侍中典著作嘉平四年卒追贈衛尉

晉書涼武昭王李玄盛傳于是寫諸葛亮訓誠以助諸子曰覽諸葛訓厲應璩諫尋其終始周孔之教盡在中矣案訓厲為諸葛集篇目奏諫或亦是此集中篇名

文選百一詩注張方賢楚國先賢傳曰汝南應休璩作百一篇詩譏切時事編以示在事者咸皆怪愕或以為應焚棄之何晏獨無怪也然方賢之意以有百一篇故曰百一李充翰林論曰應休璩五言詩百數十篇以風規治道蓋有詩人之旨焉又孫盛晉陽秋曰應璩作五言詩百三十篇言時事頗有補益世多傳之據此二文不得以一百一篇而稱百一也今書七志曰應璩集謂之新詩以百言為一篇或謂之百一詩然以字名詩義無所取據百一詩序云時謂曹爽曰公今聞周公巍巍之稱安知百慮有一失乎百一之名蓋與于此也 案本集有百一詩序可據而張方賢李充孫盛王儉記述紛紛乃若此至唐初李善始考定其實斯亦異已

鍾嶸詩品曰魏侍中應璩詩祖裴魏文善為古語指事殷勤雅意深篤得詩人激刺之旨

文心雕龍明詩篇曰若乃應璩百一獨立不懼辭譎義貞亦魏之遺直也又才略篇曰休璩風情則百一標其志

本志總集篇注梁又有應貞注應璩百一詩八卷百一詩二卷晉蜀郡太守李彪撰亡

唐書經籍藝文志應璩集十卷 蓋即應璩集馮氏詩紀張氏百三家集嚴氏文編皆輯有應璩雜詩侍公宴詩與桓元則書佚句共十句雜詩似即新詩亦即應璩百一詩之佚文也錄附于後似皆應璩之誤

馮氏詩紀輯存百一詩三首雜詩三首三叟詩一首又曰唐藝文志有應璩集十卷初學記載雜詩云貧子語窮兒無錢可把撮耕自不得粟采彼北山葛篔簹恆自在無用相呵喝

張氏百三家應休璩集一卷凡牋書詩四十餘篇末附應璩遺句云有酒流如川有看積如岑注云此二句一作應璩侍公宴詩

汪氏文選撰人篇目魏應休璩璩有百一詩與滿公琰書與曹長思書與岑文瑜書與從弟君苗書

嚴氏全三國文編輯存牋四篇書二十九篇又曰應璩末詳有集十卷文選七命注引璩與桓元則書曰敢不策勵敬尋後塵 桓範字元則汪氏文選注引書目有應璩與桓元則書是汪所見者乃應璩非應瑗也

按應休璩有從弟曰君苗曰君胄陸雲與兄書云君苗見兄文輒欲自焚其筆硯豈即瑗之字歟然本志無瑗集唐志無璩集

而卷數皆同為十卷馮氏張氏所采瑗之詩句又甚似百一詩佚文則璩之集為多 梁又有王弼集五卷錄一卷亡

王弼有易注見經部易家

魏志鍾會傳注何邵為弼傳曰弼幼而察惠年十餘好老氏吏部郎裴徽見而異之尋亦為傅嘏何晏所知淮南人劉陶善論縱橫為當時所稱每與弼語嘗屈弼弼天才卓出當其所得莫能奪也性和理樂游宴解音律善投壺頗以所長笑人故時為士君子所疾弼與鍾會善會論議以校練為家然每服弼之高致

唐書經籍藝文志王弼集五卷

嚴氏全三國文編曰弼有周易注六卷略例一卷老子注二卷集五卷今存戲答荀融書一篇難何晏聖人無喜怒哀樂論一篇並見魏志鍾會傳注

梁又有中書令劉階集二卷亡

劉階始末未詳

案此疑是劉放魏志本傳放字子葉涿郡人文帝即位為祕書令改祕書為中書以放為監太原孫資為令遂掌機密放善為書檄三祖詔命有所招喻多放所為齊王嘉平二年薨諡曰敬侯與此題中書令者頗合或即其集嚴氏文編據書鈔引魏名臣奏一條 又疑是劉陶見劉階傳未又疑是劉階見陳思王傳注然皆非中書令官也或又疑桓階魏志有傳嚴氏文編亦輯其佚文數篇然亦非中書令

官也

梁又有太常卿傅嘏集二卷錄一卷亡

魏志本傳嘏字蘭石北地泥陽人傅介子之

後也伯父巽黃初中為侍中尚書嘏弱冠知

名司空陳羣辟為掾正始初遷尚書郎黃門

侍郎何晏等與嘏不平因微事免嘏官太傅

司馬宣王請為從事中郎曹爽誅為河南尹

遷尚書正元二年春卅邱儉文欽作亂嘏及

王肅勸司馬景王自行以嘏守尚書僕射俱

東以功進封陽鄉侯是歲薨時年四十七追

贈太常諡曰元侯嘏常論才性同異鍾會集

而論之注傅子曰嘏既達治好正而有清理

識要好論才性原本精微尠能及之鍾會年

甚少嘏以明智交會又曰嘏自少與裴徽荀

越善徽越早亡又與何曾陳泰荀顗鍾毓並

善相與綜朝事俱為名臣案嘏論才性同異詳見

後鍾會集

又傳評曰劉廙以清鑒著傳嘏以才達顯臣

松之以為傳嘏識量名輩實當時高流而此

評但云用才達顯既于題目為拙又不足以

見嘏之美也

唐書經籍藝文志傳嘏集二卷

嚴氏全三國文編傳嘏字蘭石一字昭先賢

弟充之子今存對詔表議難劉劭考課法論

皇初頌凡五篇

梁又有樂安太守夏侯惠集二卷錄一卷亡

魏志夏侯淵傳淵字妙才沛國譙人惇族弟

也建安二十四年戰死漢中黃初中賜淵中

子霸太和中賜霸弟爵皆關內侯霸弟威威

弟惠官至樂安太守文章敍錄曰惠字稚權

幼以才學見稱善屬奏議歷散騎黃門侍郎

與鍾毓數有辯駁事多見從遷燕相樂安太

守年三十七卒

唐書經籍藝文志夏侯惠集二卷

嚴氏全三國文編夏侯惠字稚權征西將軍

淵子為散騎黃門侍郎遷燕相樂安太守有

集二卷今存景福殿賦薦劉邵表各一篇

魏校書郎杜摯集二卷

魏志劉劭傳劭同時郎中令河東杜摯等亦

著文賦頗傳于世文章敍錄曰摯字德魯初

上笏賦署司徒軍謀吏後舉孝廉除郎中轉

補校書摯與卍邱儉鄉里相親故為詩與儉

求仙人藥一丸欲以感切儉求助也摯竟不

得遷卒于祕書

唐書經籍志杜摯集一卷藝文志二卷

馮氏詩紀錄存贈卍邱儉詩一篇

嚴氏全三國文編錄存笏賦并序一篇

梁有卍邱儉集二卷錄一卷亡

卍邱儉有別傳三卷詳見史部雜傳類

唐書經籍藝文志卍邱儉集二卷

馮氏詩紀錄存答杜摯詩一篇

嚴氏全三國文編儉為平原侯文學明帝初

為尚書郎至鎮東將軍都督揚州正元二年

矯明元郭太后詔討司馬師乘潰見殺有集

二卷今存承露盤賦罪狀司馬師表諫明帝

治宮室疏上疏上言與曹爽書薦裴秀報弟

書承露盤銘凡八篇

梁有征東軍司馬江奉集二卷亡

江奉始末未詳

唐書經籍藝文志江奉集二卷

案魏有江衛嚴氏文編云爵里未詳文選

齊安陸昭王碑文注有衛與荀仲茂賧案

荀仲茂荀閔字荀彘之兄子不知李善所

據何書疑即據是集是集或本江衛而轉

寫為江奉歟

魏太常夏侯玄集三卷

魏志齊王本紀嘉平六年二月庚戌中書令

李豐與皇后父光祿大夫張緝等謀廢易大

臣以太常夏侯玄為大將軍事覺諸所連及

者皆伏誅

又夏侯傳尚字伯仁淵從子也封昌陵鄉

侯子玄嗣玄字太初少知名弱冠為散騎黃

門侍郎嘗進見與皇后弟毛曾並坐玄恥之

不悅形之于色明帝恨之左遷羽林監正始

初曹爽輔政玄爽之姑子也累遷散騎常侍

中護軍頃之為征西將軍假節都督雍涼州

與曹爽共與駱谷之役時人譏之爽誅徵為

大鴻臚數年徙太常玄以爽抑絀內不得意

中書令李豐等謀誅大將軍以玄代之大將

軍微聞其謀事下有司收玄等皆夷三族玄

格量弘濟臨斬東市顏色不變舉動自若時

年四十六

又傳注世語曰玄世名知人為中護軍援用

武官參戟牙門無非俊傑多牧州典郡立法

垂教于今皆為後式又魏氏春秋曰玄嘗著樂毅張良及本無肉刑論辭旨通遠咸傳于世

世說文學篇注晉諸公贊曰自魏太常夏侯玄步兵校尉阮籍等皆著道德論

唐書經籍藝文志夏侯玄集二卷

嚴氏全三國文編玄字太初淵從孫嘉平六年為司馬師所殺夷三族有集三卷今存皇胤賦時事議答司馬宣王書肉刑論答李勝難肉刑論樂毅論辨樂論凡七篇又從太平御覽輯存夏侯子佚文凡三條

梁有車騎將軍鍾毓集五卷錄一卷亡

魏志鍾繇傳繇字元常穎川長社人也仕漢入魏至太傅封定陵侯子毓嗣毓字稚叔年十四為散騎侍郎機捷談笑有父風遷黃門侍郎散騎常侍侍中魏郡太守御史中丞侍中廷尉聽君父已沒臣子得為理謗及士為侯其妻不復配嫁毓所創也正元中為尚書青州刺史加後將軍都督徐州荆州景元四年薨追贈車騎將軍諡曰惠侯毓弟會又管輅傳注輅別傳曰魏郡太守鍾毓清逸有才難輅易二十餘事自以為難之至精也

世說言語篇注魏志曰繇字元常家貧好學為周易老子訓又鍾會為母傳曰夫人明于教訓勸見規誨十一誦易十四誦成侯易記成侯縣監也是毓子易回家學也

唐書經籍藝文志鍾毓集五卷

嚴氏全三國文編鍾毓有集五卷今存果然賦諫西征疏奏誅李豐等與曹爽書止增兵

伐蜀凡四篇

魏步兵校尉阮籍集十卷梁十三卷錄一卷

魏志王粲附傳陳留阮瑀字元瑜為丞相倉曹掾屬建安十七年卒子籍才藻豔逸而個儻放蕩行己寡欲以莊周為模則官至步兵校尉

晉書本傳籍字嗣宗陳留尉氏人也志氣宏放任性不羈太尉蔣濟辟之謝病歸復為尚書郎少時又以病免及曹爽輔政召為參軍宣帝為太傅命為從事中郎復為景帝大司馬從事中郎高貴鄉公即位封關內侯徙散騎常侍籍少有濟世志屬魏晉之際天下多故名士少有全者籍由是不與世事遂酣飲為常文帝輔政拜東平相到郡旬日而還帝引為大將軍從事中郎開步兵廚營人善釀有貯酒三百斛乃求為步兵校尉遺落世事雖去佐職恆游府內朝宴必與焉會帝讓九錫公卿將勸進使籍為其辭籍沈醉忘作臨詣府使取之見籍方據案醉眠使者以告籍便書案使寫之無所改竄辭甚清壯為時所重嘗登廣武觀楚漢戰處登武牢山望京邑而嘆于是賦豪傑詩景元四年冬卒時年五十四籍能屬文初不留意作詠懷詩八十餘篇為世所重著達莊論鼓無為之貴又著大人先生傳亦籍之胸懷本趣也

篇為世所重

文選阮嗣宗詠懷詩顏延年沈約等注顏延年曰說者阮籍在晉文代常慮禍患故發此詠耳又曰嗣宗身仕亂朝常恐罹謗遇禍因茲發詠故每有憂生之嗟雖志在諷刺而文多隱避百代之下難以情惻故粗明大意略其幽旨也

鍾嶸詩品曰晉步兵阮籍詩其源出於小雅無雕蟲之功而詠懷之作可以陶性靈發幽思言在耳目之內情寄八荒之表洋洋乎會于風雅使人忘其鄙近自致遠大頗多感慨之詞厥旨淵放歸趣難求顏延之注解佳言其志

文心雕龍明詩篇曰稽志清峻阮志遙深又才略篇云阮籍使氣以命詩

唐日本國見在書目阮嗣宗集五卷又阮步兵集十卷

唐書經籍藝文志阮籍集五卷

宋史藝文志阮籍集十卷 一本阮籍誤作阮林又經部易家阮嗣宗通易論一卷案此一卷似即從本集中析出者元胡一桂曰易通論一卷凡五篇

崇文總目阮步兵集十卷阮籍撰

晁氏讀書志阮籍集十卷籍志氣宏放博覽羣籍尤好莊老屬文不留思嗜酒能嘯善彈琴當其得意忽忘形體雖不拘禮數而發言玄遠

陳氏書錄別集類阮步兵集十卷魏步兵校尉陳留阮籍嗣宗撰籍瑀之子也 又詩集

類阮步兵集四卷其題皆曰詠懷首卷四言十三篇餘皆五言八十篇通爲九十三篇文選所收十七篇而已

馮氏詩紀曰京師曹氏家藏阮步兵詩一卷唐人所書與世所傳多異孔宗翰亦有本與此多同凡詩歌八十七首

張氏百三家阮步兵集一卷凡賦箋奏記書論傳贊誄文帖二十篇詠懷三首又八十二首歌二首

汪氏文選撰人篇目晉阮嗣宗籍有詠懷詩十七首勸晉王賤奏記詣蔣公

嚴氏全三國文編曰阮籍有集十三卷今存賦箋奏記書贊論傳帖誄弔凡二十篇又卷首敍錄曰阮籍集十卷明黃省曾刻本又一卷張溥百三家集本

案太平御覽地部七金門山引阮籍宜陽記曰金山之竹堪爲笙管案宜陽記當在本集 洪氏魏疆域記曰司州弘農郡宜陽漢舊縣

又御覽經史圖書綱目有阮籍奏記疑是奏記之寫誤又世說文學篇注引晉諸公贊言阮籍著道德論疑卽通老論今惟存佚文三條

魏中散大夫嵇康集十三卷梁十五卷錄一卷嵇康有左氏傳音見經部春秋家

魏志王粲附傳注魏氏春秋曰初康采藥汲郡山中遇隱者孫登登曰子才多識寡難乎免于今之世及遭呂安事爲詩自責曰欲寡其過謗議沸騰性不傷物類致怨惜慚柳

下今愧孫登內負宿心外覈良朋康所著諸文論六七萬言皆爲世所玩詠 又鄭原傳注荀綽冀州記曰銀鹿張濼字遂叔遂東太守者自然好學論在嵇康集案今本集中有雖張遂叔自然好學論雖張遂叔宅無吉凶攝生論答張遂叔釋雜宅無吉凶攝生論凡三篇而張之本論俱亡矣

晉書本傳康有奇才遠邁不羣著養生論又爲君子無私論蓋其胸懷所寄以高契難期每思鄧質山濤將去選官舉康自代康乃與濤書告絕東平呂安以事繫獄辭相證引遂復收康康性慎言行一旦縲紲乃作憂憤詩

又曰康善談理又能屬文其高情遠趣率然玄遠撰上古以來高士爲之傳贊欲友其人于千載也又作太師箴亦足以明帝王之道焉復作聲無哀樂論甚有條理

鍾嶸詩品曰晉中散嵇康詩頗似魏文過于峻切訐直露才傷澗雅之致然託喻清超良有鑒裁亦未失高流矣

文心雕龍明詩篇曰嵇志清峻又曰四言五言叔夜合其潤才略篇云嵇康師心以遺論書記篇云嵇康絕交實志高而文偉

唐書經籍藝文志嵇康集十五卷案此十五卷或并左傳音聖賢高士傳稽荀錄及他家贈答詩文合爲一編者

崇文總目嵇康集十卷宋史志同 晁氏讀書志嵇康集十卷康美詞氣有丰儀土木形骸不自藻飾學不師受博覽該通長好莊老屬文玄遠景元初鍾會譖於晉文帝

遇害

陳氏書錄曰嵇中散集十卷魏中散大夫譙嵇康叔夜撰所著文論六七萬言今存于世者僅如此唐志猶有十五卷

馮氏詩紀曰山濤爲吏部舉康自代康答書言不堪流俗非薄湯武大將軍司馬昭聞之而怒景元三年以鍾會譖殺之今存秋胡行七首幽憤詩一首贈秀才入軍十九首酒會詩七首雜詩一首答二郭三首與阮德如一首遊仙詩一首述志詩二首六言十首思親詩一首以上凡五十三首百三家集作五十四首 又

嵇喜答嵇康四首郭遐周贈嵇康三首郭遐叔贈五首阮德如答二首合前正符宋本六十八首之數其相傳本集所有如此也

張氏百三家嵇中散集一卷凡賦書設難論贊箴誠二十二篇樂府詩五十四篇

四庫提要曰嵇中散集十卷舊本題晉嵇康撰案康爲司馬昭所害時當塗之祚未終則康當爲魏人不當爲晉人晉書立傳實房喬等之舛誤本集因而題之非也隋志載康集十五卷新舊唐書並同至書錄解題則已作十卷宋時已無全本矣王楙野客叢書云昆

陵賀方回家所藏繕寫嵇康集十卷有詩六十八首今此本凡詩四十七篇賦一篇書二篇雜著二篇論九篇箴一篇家誠一篇而雜著中嵇荀錄一篇有錄無書實共詩文六十二篇又非宋本之舊蓋明嘉靖乙酉吳縣黃省曾所重輯也

汪氏文選撰人篇目晉嵇叔夜康有琴賦幽憤詩贈秀才入軍詩雜詩一首與山巨源書養生論又文選注引書目有嵇康文集錄

嚴氏全三國文編曰康尚魏宗室長樂亭主除郎中拜中散大夫景元二年以答山濤書

許司馬昭尋坐呂安事誅有集十五卷今存琴賦酒賦蠶賦懷香賦卜疑與山巨源書與呂長悌絕交書琴贊養生論答向子期難養生論聲無哀樂論釋私論管蔡論明膽論難

張遼叔自然好學論又難宅無吉凶攝生論又答釋難論太師箴燈銘家誠附嵇康集目錄一條凡二十一篇編為五卷附聖賢高士傳贊一卷

梁又有魏徵士呂安集二卷錄一卷亡

魏志王粲附傳注魏氏春秋曰初康與東平呂昭子巽及巽弟安親善會巽淫安妻徐氏而誣安不孝囚之安引康為證康義不負心保明其事安亦至烈有濟世志力鍾會勸大將軍因此除之遂殺安及康

案嵇康集載康與呂長悌絕交書即言其事可謂黜無天日寃沈海底者矣巽之內其足食乎昭字子展明帝時為鎮北將軍領冀州刺史見杜恕傳

又杜恕傳注世語昭長子巽字長悌為相國掾有寵于司馬文王次子安字仲悌與嵇康善與康俱被誅

晉書嵇康傳東平呂平服康高致每一相見輒千里命駕康友而善之後安為兄所枉訴以事繫獄辭相證引遂復康

唐書經籍藝文志呂安集二卷

嚴氏全三國文編曰呂安字仲悌東平人徵十景元中坐事與嵇康俱誅有集二卷今惟見諸書引安憫體賦二條

魏司徒鍾會集九卷梁十卷錄一卷

鍾會有周易盡神論見經部易家魏志本傳初以鄧艾為太尉會為司徒皆持節都督諸軍如故威未受命而斃會嘗論易無互體才性同異

世說文學篇鍾會撰四本論始畢甚欲使嵇公一見畏其難懷不敢出於戶外遙擲使回急走注魏志曰會論才性同異傳于世四本者言才性同才性異才性合才性離也尚書

傳嘏論同中書令李豐論異侍郎鍾會論合屯騎校尉王廣論離

博綴有集見前李豐見魏志夏侯玄傳王廣字公淵王凌字見凌傳

文心雕龍檄移篇鍾會檄蜀徵驗甚明壯筆也

唐書經籍藝文志鍾會集十卷

張氏百三家鍾司徒集一卷凡賦檄奏書記傳十一篇繫以芻蕘論一條

汪氏文選撰人篇目魏鍾士季有檄蜀文嚴氏全三國文編曰會以定蜀功進司徒封縣侯尋謀據蜀為亂兵所殺有老子注二卷芻蕘論五卷集十卷今存賦上言書檄論傳凡十三篇繫以芻蕘論七條

魏汝南太守程曉集二卷梁錄一卷

魏志程昱傳昱字仲德東郡東阿人也仕漢

入魏文帝時至衛尉進封安鄉侯分封少子及孫曉列侯曉嘉平中為黃門侍郎時校事放橫曉上疏言其狀于是遂罷校事官曉遷汝南太守年四十餘薨

又傳注世語曰曉字季明有通識又別傳曰曉大著文章多亡失今之存者不能十分之一

文心雕龍議對篇曰若乃程曉之駁校事事實允當可謂達議體矣

唐書經籍藝文志程曉集二卷嚴氏全三國文編程曉字季明東郡東阿人衛尉昱之孫黃初中封列侯嘉平中為黃門侍郎後為汝南太守有集二卷今存請罷校事官疏與傅玄書女典篇凡三篇

案文編又云藝文類聚四有晉程曉詩或晉受禪後其人尚在或別是一人也俟考

今案馮氏詩紀云程曉古文苑作晉人有贈傅奕詩二首嘲熱客一首不知即此程曉否也其嘲熱客詩足為世之好交遊驚馳逐不知檢束者戒焉

以上三國曹魏人文凡一十九家附梁有二十五家綜四十四家四十六部

蜀丞相諸葛亮集二十五卷梁二十四卷諸葛亮有論前漢事見史部正史篇

蜀志本傳亮初躬耕隴畝好為梁父吟又曰亮言教書奏多可觀別為一集集錄曰開府作牧第一權制第二南征第三北出第四計算第五訓厲第六綜覈上第七綜覈下第八

算第五訓厲第六綜覈上第七綜覈下第八

算第五訓厲第六綜覈上第七綜覈下第八

算第五訓厲第六綜覈上第七綜覈下第八

算第五訓厲第六綜覈上第七綜覈下第八

算第五訓厲第六綜覈上第七綜覈下第八

算第五訓厲第六綜覈上第七綜覈下第八

算第五訓厲第六綜覈上第七綜覈下第八

算第五訓厲第六綜覈上第七綜覈下第八

算第五訓厲第六綜覈上第七綜覈下第八

算第五訓厲第六綜覈上第七綜覈下第八

算第五訓厲第六綜覈上第七綜覈下第八

算第五訓厲第六綜覈上第七綜覈下第八

雜言上第九雜言下第十貴和第十一兵要第十二傳運第十三與孫權書第十四與諸葛瑾書第十五與孟達書第十六廢李平第十七法檢上下第十八十九科令上下第二十二十一軍令中下第二十二至二十四右二十四篇凡十萬四千一百一十二字傳注云漢賊不兩立王業不偏安之表亮集所無出張儼默記

臣壽等言臣前在著作郎侍中領中書監濟北侯臣荀勗中書令關內侯臣和嶠奏使臣定故蜀丞相諸葛亮故事輒刪除復重隨類相從凡為二十四篇篇名如右論者或怪亮文采不豔而過于丁寧周至臣愚以為咎繇大賢也周公聖人也考之尙書咎繇之謨略而雅周公之誥煩而悉何則咎繇與舜禹共談周公與羣下矢誓故也亮所與言盡衆人凡士故其文指不得及遠也然其聲教遺言皆經事綜物公誠之心形于文墨足以知其人之意理而有補于當世謹錄寫上詣著作泰始十年二月一日癸巳平陽侯相臣陳壽上

華陽國志後賢志陳壽傳中書監荀勗令張華又表令次定諸葛亮故事集為二十四篇時壽良亦集故頗不同案此則晉初有陳壽二家所集本壽良字文叔蜀成都人仕晉至散騎常侍大長秋亦見後賢志

文心雕龍詔策篇戒者慎也教者效也若諸葛孔明之詳約理得而辭中教之善者也又

章表篇曰孔明之辭後主志盡文暢表之英也

唐日本國見在書目雜家諸葛武侯上事九卷案此殆亦從本集析出表奏疏議之屬

唐書經籍藝文志蜀諸葛亮集二十四卷宋史藝文志諸葛亮集十四卷

玉海藝文類中與書目曰亮集十四卷後二卷錄傳及碑記其前十二篇章句頗多字數乃少

張氏百三家諸葛丞相集一卷凡詔表奏疏公文教書牋議法論記碑令詩七十五篇

汪氏文選撰人篇目季漢諸葛孔明亮有出師表一首

武威張澍輯本序曰晉書陳壽傳壽撰蜀相諸葛亮集奏之即蜀志之二十四篇也非獨

哀其文並其言與事而亦載之隋志二十五卷唐志二十四卷中與書目十四卷明王士

禛集武侯全書二十卷楊時偉以王書蕪累更撰諸葛全書十卷亦無財擇本朝朱彞輯

諸葛武侯集二十卷遂寧張鵬翮之忠武志全襲之庸俗詩文盈汗篇牘侯之著作反多

遺漏張氏又增白浮鳩一篇乃吳人苦孫皓之暴而吟者亦混簡編其疏可如澍搜采散

逸較諸本增益倍蓰編文集四卷附錄二卷別撰諸葛故事五卷都為十一卷昔司空張

華謂李密曰孔明言教何碎密曰昔舜禹皋陶相與語故得簡大雅語與凡人言宜碎大雅當是大雅之誤孔明與言者無已敵言教是

以碎耳嗚呼讀忠武文者當以是求之案此所云王士禛楊時偉朱彞張鵬翮四家之書並詳見四庫提要史部傳記名人類中四本之外又有明崇禎時武侯三十六世孫彞輯本二十三卷道藏輯要中刻之

嚴氏全三國文編輯本二卷凡教軍令表疏上書上言公文箋書誠甘咸論亡正議算

計兵要兵法木牛流馬法并黃陵廟記陰符經序等依託之文綜五十五篇九十一首

張氏書目答問諸葛忠武侯文集四卷附錄二卷諸葛故事五卷張澍編沔縣祠堂本

梁又有蜀司徒許靖集二卷錄一卷亡蜀志本傳靖字文休汝南平輿人少與從弟

劭俱知名並有人倫臧否之稱靈帝時郡舉計吏察孝廉除尙書郎典選舉董卓秉政補

御史中丞靖懼誅奔豫州刺史孔伯仙依揚州刺史陳禕吳郡都尉許貢會稽太守王

朗孫策東渡江走交州既至交阯太守士燮厚加敬待陳國袁徽以寄寓交州與尙書荀

彧書曰許文休英才偉士智略足以計事自流宕已來與羣士相隨每有患急常先人後

己與九族中外同其飢寒其紀綱同類仁恕惻怛皆有效事不能復一一陳之耳後劉璋

使使招靖靖來入蜀璋以為巴郡廣漢太守南陽宋仲子于荆州與蜀郡太守王商書曰

文休儻瑰璋有當世之具足下當以為指南建安十六年轉在蜀郡十九年先主克蜀

以為左將軍長史先主為漢中王靖為太傅及即尊號策為司徒靖雖年逾七十愛樂人

物誘納後進清談不倦丞相諸葛亮皆爲之拜章武二年卒始靖兄事穎川陳紀與陳郡袁煥平原華歆東海王朗等親善歆朗及紀并子羣魏初爲公輔大臣咸與靖書申陳舊好情義款至

唐書經籍藝文志蜀許靖集二卷

嚴氏全三國文編蜀許靖有集二卷蜀志本傳注及先主傳注有奔孔佑自表因衆瑞上表勸進與曹公書凡三篇案自表在董卓時勸進表在漢中王太傅時與曹公書在流寓交州時書中備言

經歷艱苦當時亂離情狀亦從可知矣

梁又有蜀征北將軍夏侯霸集二卷亡

魏志夏侯淵附傳黃初中賜淵中子霸爵關內侯正始中爲討蜀護軍右將軍進封博昌亭侯素爲曹爽所厚聞爽誅自疑亡入蜀以淵舊勳赦霸子徙樂浪郡

又傳注魏略曰霸字仲權淵爲蜀所害故霸嘗切齒有報蜀意黃初中爲偏將軍子午之役霸召爲前鋒後爲右將軍屯隴西其養士和戎並得其歡心正始中代夏侯儒爲征蜀護軍統屬征西時征西將軍夏侯玄于霸爲從子而玄于曹爽爲外弟及司馬宣王誅曹爽遂召玄玄來東霸聞爽被誅而玄又徵以爲禍必轉相及心既內恐又霸先與雍州刺史郭淮不和而淮代玄爲征西霸益不安故遂奔蜀南趣陰平而失道入窮谷中糧盡殺馬步行足破臥巖石下使人求道未知何之蜀聞之乃使人迎霸初建安五年時霸從妹

年十三四在本郡出行樵采爲張飛所得飛知其良家女遂以爲妻產息女爲劉禪皇后故淵之初亡飛妻請而葬之及霸入蜀禪與相見釋之曰卿父自遇害于行間耳非我先人之手刃也指其兒子以示之曰此夏侯氏之甥也厚川爵寵

蜀志後主傳延熙十二年春正月魏誅大將軍曹爽等右將軍夏侯霸來降

華陽國志劉後主延熙十二年魏嘉平元年也魏誅大將軍曹爽右將軍夏侯霸來降淵子也拜車騎將軍

晉書羊祜傳祜泰山南城人美鬚眉善談論郡將夏侯威異之以兄霸之子妻之及霸之降蜀也姻親多告絕祜獨安其室恩禮有加焉

唐書經籍藝文志魏夏侯霸集二卷 案舊志列于魏人桓範鍾毓之間新志同

案七錄題征北將軍尋蜀志未見自是爲車騎將軍之後終于是官歟

以上三國季漢人文凡一家附梁有二家

綜三家三部

吳輔義中郎將張溫集六卷

張溫有三史略見史部雜史類

吳志本傳將軍路統表理溫曰溫雖智非從橫武非虜虎然其弘雅之素英秀之德文章之采論議之辯卓犖冠羣煒燁曜世世人未有及之者也故論溫才即可惜言罪則可知若忍威烈以救盛德有賢才以救大業固明

朝之休光四方之麗觀也權終不納

又傳注會稽典錄曰餘姚虞俊嘆曰張惠恕才多智少華而不實怨之所聚有覆家之禍

吾見其兆矣諸葛亮聞俊憂溫意未之信及溫放黜亮乃嘆俊之有先見臣松之以爲莊周云名者公器也不可以多取張溫之廢豈其取名之多乎多之爲弊古賢既知之矣是以遠見之士退藏于密不使名浮于德不以華傷其實既不能被謁韞寶挫廉逃譽使才

映一世聲蓋人上沖用之道庸可暫替溫則反之能無敗乎權既疾溫名盛而路統方驟言其美至云卓犖冠羣煒燁曜世世人未有及之者也斯何異燎之方盛又搗膏以熾之哉

唐書經籍藝文志吳張溫集五卷

嚴氏全三國文編吳張溫字惠恕吳郡人黃武初徵拜議郎選曹尙書徙太子太傅以輔義中郎將使蜀還斥免有三史略二十九卷集六卷本傳有奉使至蜀詣闕拜章一篇文選注類聚御覽有表二條自理一條

梁有士燮集五卷亡

士燮有春秋經注見經部春秋家之首

唐書經籍藝文志吳士燮集五卷

案史通雜說篇云交阯遠居南裔越裳之俗也敦煌僻處西域昆戎之鄉也求諸人物自古闕載蓋由地居下國路絕上京史官記注所不能及也既而士燮著錄劉昫

裁書則磊落英才粲然盈囑者矣向使兩

賢不出二郡無記彼邊隅之君子何以取聞於後世乎是知著述之功其力大矣豈與夫詩賦小技校其優劣者哉按劉昫裁書謂敦煌實錄見史部霸史類士燮著錄則本志及七錄皆不見當在是集集中有言交州人物如傳記之類者劉子玄氏所見或本諸此

吳偏將軍駱統集十卷梁有錄一卷

吳志本傳統字公緒會稽烏傷人也孫權以將軍領會稽太守統年二十試爲烏程相召爲功曹行騎都尉妻以從兄輔女統志在補察苟所見聞夕不待旦常勸權以尊賢接士勤求損益權納用焉出爲建忠郎將以隨陸遜破蜀軍于宜都遷偏將軍黃武初封新陽亭侯後爲濡須督數陳便宜前後書數十上所言皆善尤以占募在民間長惡敗俗生離叛之心急宜絕置權與相反覆終遂行之年三十六黃武七年卒

唐書經籍藝文志吳駱統集十卷

嚴氏全三國文編吳駱統有集十卷本傳有民戶損耗上疏一篇張溫傳有表理張溫一篇北堂書鈔未改本有陳諸將舟船飾嚴箋梁又有太子少傅薛綜集三卷錄一卷亡

吳志本傳統字敬文沛郡竹邑人也少依族人避地交州從劉熙學士燮既孫權召綜爲五官中郎除合浦交趾太守還郡守謁者僕射出爲建昌侯慮長史慮卒入守賊曹尙書遷尙書僕射正月乙未權勅綜視祖不得

用常文案此言正月乙未上有致文以其事考之孫權傳則似黃龍三四五年綜承詔卒造文義信辭燦爛權曰復爲兩頭使滿三也綜復再祝辭令皆新衆咸稱善亦爲三年徙選曹尙書五年爲太子少傅領選職如故六年春卒凡所著詩賦難論數萬言名曰私載又定五宗圖述二京賦解皆傳于世孫皓嘗追歎綜遺文且命綜子瑩繼作云

又傳注吳錄曰薛氏世典州郡爲著姓綜少明經善屬文有秀才吳書曰權賜綜紫綬囊時綜以名儒居師傅之位仍兼選舉甚爲優重

唐書經籍志吳薛綜集二卷藝文志三卷

嚴氏全三國文編吳薛綜有集三卷今存表疏文移頌凡十一篇述鄭氏禮五宗圖一篇

吳選曹尙書暨監集二卷梁三卷錄一卷

吳志張溫傳權既陰銜溫稱美蜀政思有以中傷之會暨監事起遂因此發舉暨字子休亦吳郡人也溫引致之以爲選曹郎至尙書監性狷厲好爲清議見時郎署混濁淆雜多非其人欲臧否區別賢愚彈射百僚覈選三署率皆貶高就下降損數等其守故者十未能一其居位貪鄙志節卑汚者皆以爲軍吏置營府以處之而怨憤之聲積浸潤之譖行矣競言暨及選曹郎徐彪專用私情憎愛不由公理暨彪皆坐自殺溫宿與暨彪同意數交書疏問往還卽罪溫幽之有司下令斥免

唐書經籍藝文志吳暨監集二卷

嚴氏全三國文編曰暨監字子休吳郡人爲選曹郎進尙書爲怨家所誣自殺有集三卷御覽三百四十八引暨監集雜移一條云角弩既調射者又工多獲鴉鳥能無戀傷

案王應麟姓氏急就篇云元豐中進士唱名有暨陶主司三呼去聲不應蘇頌進曰當以入聲呼之果出應神宗問何以知之頌對三國時吳有暨監造營府之論恐其後問陶鄉里乃崇安人上喜曰果吳人也案營府之論卽所置營府以處志節卑汚之士者宋蘇魏公猶見之其論當在是集中今泯滅無聞矣

梁又有姚信集二卷錄一卷亡

姚信有易注見經部易家

唐書經籍藝文志姚信集十卷 案此十卷或并他所著士緯新書合爲一表者

武進張惠言易義別錄曰吳與志有德祐文集輯易注一卷明人爲之

嚴氏全三國文編曰信字元道寶鼎初爲太常有士緯十卷姚氏新書二卷集二卷吳志陸續傳注引姚信集有請襲陸續女燮生表一篇晉宋隋書天文志有昉天論一篇藝文類聚二十三有誠子一篇

梁又有謝承集四卷今亡丞當爲承

謝承有後漢書見史部正史篇

唐書經籍藝文志謝承集四卷

嚴氏全三國文編曰吳謝承字偉平會稽山

陰人孫權謝夫人之弟為吳郡督郵拜郎中遷長沙東部都尉武陵太守有後漢書一百三十卷集四卷初學記類聚御覽諸書有賀靈龜表上丹砂表與步子山書三夫人箴凡四條

吳人楊厚集二卷梁又有錄一卷

楊厚始末未詳

唐書經籍志吳楊厚集二卷

唐書藝文志漢楊厚集二卷

通志藝文略吳楊文厚集二卷

案唐藝文志載是集於後漢劉珍張衡之間以為漢之楊厚考順帝時有侍中楊厚

廣漢新都人家世圖緯深于陰陽消復之術桓帝時卒范書及華陽國志並有傳此明著吳人楊厚又引七錄有錄一卷不致舛誤其非蜀人楊厚可知通志略以為楊文厚豈今本隋志敘文字歟不可知已

吳丞相陸凱集五卷梁有錄一卷

陸凱有吳先賢傳見史部雜傳篇

吳志本傳凱乃心公家義形于色表疏皆指事不飾忠懇內發建衡元年疾病皓遣中書令董朝問所欲言凱陳姚信樓玄賀邵張悌郭連薛瑩滕修及族弟喜抗皆社稷之楨幹國家之良輔願重留神思訪以時務各盡其忠拾遺萬一

又傳末附記曰子連從荆揚來者得凱所陳二十事博問吳人多云不聞凱有此表又案其文殊甚切直恐非皓之所能容忍也或以

為凱藏之篋笥未敢宣行病困皓遣董朝省問欲言因以付之虛實難明故不著于篇然愛其指撻皓事足為後戒故鈔列于凱傳左云

唐書藝文志陸凱集五卷一本作陸凱刊誤也經籍志不載

嚴氏全三國文編陸凱有吳先賢傳四卷太玄經注十三卷集五卷今存上表言宜優卹功臣後上表諫吳主皓重表諫起宮疏悼王蕃疏諫吳主皓疏諫吳主皓不遵先帝二十事奏重備西陵奏事凡八篇附吳先賢傳贊三條

吳侍中胡綜集二卷梁有錄一卷

吳志本傳綜字偉則汝南固始人也少孤將母避難江東孫策領會稽綜年十四為門下循行留吳與孫權共讀書策薨權為討虜將軍以綜為金曹從事從討黃祖拜鄂長權為車騎將軍都京召綜還為書部與是儀徐詳俱典軍國密事為解煩右都督加建武中郎將魏拜權為吳王封綜儀詳皆為亭侯黃武八年夏黃龍見夏口于是權稱尊號因瑞改元又作黃龍大牙常在軍中諸軍進退視其所向命綜作賦蜀聞權踐阼遣使重申前好綜為盟文文義甚美權下都建業詳綜並為侍中進封鄉侯兼左右領軍時魏降人或云魏都督河北振威將軍吳質頗見猜疑綜乃偽為質作降文三條此文既流行而質已為侍中矣後拜綜偏將軍兼左執法領辭訟凡

自權統事諸文誥策命鄰國書符略皆綜之所造也亦烏六年卒子冲嗣 胡冲有吳朝人士品秩狀八卷吳曆六卷本志不著錄見唐志雜史類

又傳評曰是儀徐詳胡綜皆孫權時幹興事業者也儀清恪貞素詳數通使命綜文采才用各見信任辟之廣夏其棧椽之佐乎

唐書經籍藝文志胡綜集二卷

嚴氏全三國文編吳胡綜有集二卷今存黃龍大牙賦中分天下盟文請立諸王表議奔喪偽為吳質作降文太子賓友目凡六篇

梁又有東觀令華聚集五卷錄一卷亡 一本作華聚說

吳志本傳覈字永先吳郡武進人也始為上虞尉典農都尉以文學入為祕府郎遷中書丞孫皓即位封徐陵亭侯後遷東觀令領右國史覈上疏辭讓皓答曰得表以東觀儒林之府當講校文藝處定疑難漢時皆名學碩儒乃任其職乞更選英賢聞之以卿研精墳典博覽多聞可謂悅禮樂敦詩書者也當飛翰騁藻光贊時事以越揚班張蔡之疇怪乃謙光厚自非薄宜勉脩所職以邁先賢勿復紛紛皓以覈年老勅令草表覈不敢又勅作草文停立待之覈為文章對覈前後陳便宜及貢薦良能解釋罪過書百餘上皆有補益天册元年以微譴免數歲卒所論事章疏咸傳于世

又傳評曰胡冲以為華覈文賦之才有過于韋曜而典誥不及也予觀覈數獻良規期于

自盡庶幾忠臣矣

唐書經籍志華嚴集三卷藝文志五卷

嚴氏全三國文編曰華嚴有集五卷今存車

賦奏薦陸胤表薦陸禕聞蜀亡詣宮門上表

諫吳主皓盛夏興工疏上務農禁修疏乞赦

樓玄疏疏請召還薛瑩疏救章曜奉勅草對

凡十一篇

吳侍中張儼集一卷梁二卷錄一卷

張儼有默記見子部雜家

唐書經籍藝文志張儼集二卷

嚴氏全三國文編曰張儼字子節吳人官大

鴻臚有默記三卷集一卷文士傳有賦犬一

條藝文類聚有請立太子師傳表一篇又蜀

志諸葛亮傳注引默記述佐篇北堂書鈔引

默記佚文一條

梁又有章昭集二卷錄一卷亡

章昭有毛詩答問見經部詩類

吳志本傳皓收曜付獄華嚴連上疏救曜曰

曜自少勤學雖老不倦探綜墳典温故知新

及意所經識古今行事外吏之中少過曜者

又華嚴傳末云曜覈所論事章疏咸傳于世

也

又傳評曰薛瑩稱章曜篤學好古博見羣籍

有記述之才胡冲以爲華嚴文賦之才有過

于曜而典誥不及也

晉書樂志漢時有短簫鏡歌之樂其曲列于

鼓吹多序戰陳之事及魏受命改其十二曲

使繆襲爲辭是時吳亦使章昭製十二曲名

以述功德受命

宋書樂志章昭于孫休世上鼓吹鏡歌十二

曲表曰當付樂官善歌者習歌曰炎精缺者

言漢室衰武烈皇帝孫堅奮迅猛志念在匡

救王迹始乎此也曰漢之季者武烈皇帝悼

漢之微痛卓之亂與兵奮擊功蓋海內也曰

據武者言大皇帝權卒武烈之業而奮征

也曰烏林者言曹操既破荆州從流東下大

皇帝命將周瑜逆擊之于烏林而破走也曰

秋風者言大皇帝說以使民忘其死曰克

皖城者言曹操志圖兼并令朱光爲廬江太

守上親征光破之于皖城也曰關背德者言

蜀將關某背棄吳德大皇帝引師浮江而擒

之也曰通荆門者言大皇帝與蜀交好齊盟

終復初好也曰章洪德者言大皇帝章其大

德遠方來附也曰從曆數者言大皇帝從圖

籙之符而建大號也曰承天命者言上以聖

德踐位道化至德盛也曰玄化者言上脩文

訓武則天而行仁澤流洽天下喜樂也

唐書經籍藝文志章昭集二卷

馮氏詩紀輯存鼓吹鏡歌十二曲

汪氏文選撰入篇目吳章弘嗣昭有博奕論

案吳志孫和傳和常言當世士人宜講修術學校習射御

以周世務而但交游博奕以妨事業非進取之謂乃命侍

坐者八人各著論以矯之于中庶子章曜退而論奏和

以示賓客案此則當時奉令而作者凡八人文選所錄止

章昭一家其時關澤薛綜張純封伯嚴維吾樂顧譚等皆

爲太子侍從意此數人亦皆有所作

嚴氏全三國文編曰章昭字弘嗣陳壽避司

馬文王諱追改名曜孫皓鳳凰二年忤旨下

獄誅有國語注二十二卷吳書五十五卷集

二卷今存雲陽賦上鼓吹鏡歌表因獄吏上

辭國語解敘博奕論凡五篇

吳中書令紀騶集三卷梁有錄一卷

吳志孫皓傳元興元年是歲十二月晉文帝

爲魏相國遣使齎書陳時勢利害以申喻皓

甘露元年三月皓遣光祿大夫紀陟五官中

郎將弘珍報書陟珍至洛遇晉文帝崩十一

月乃遣還十二月晉受禪案騶陟並相通范書鄧

騶章懷太子注云東觀記作鄧陟與此相類

又傳注吳錄曰陟字子丹陽人初爲中書

郎孫休時父亮爲尚書令而陟爲中書令每

朝會詔以屏風隔其坐出爲豫章太守陟子

孚皓封都亭侯孚弟瞻字思遠入仕晉驃騎

將軍晉書紀瞻傳瞻丹陽秣陵人也阻亮吳尚書令父

陟光祿大夫

唐書經籍志吳紀騶集三卷藝文志二卷

嚴氏全三國文編曰紀騶丹陽人尚書令亮

子累官至中書令有集三卷太平御覽有上

吳主皓表一條

梁又有陸景集一卷亡

陸景有典語見子部儒家

吳志陸抗傳抗子晏晏弟景玄機雲分領抗

兵景深身好學著書數十篇也

嚴氏全三國文編曰陸景有典語十卷典語

別二卷集一卷藝文類聚北堂書鈔有與兄

書三條誠盈一篇

以上三國孫吳人文凡八家附梁有七家

綜一十五家

大凡三國人文二十八家附梁有三十四

家通計六十二家六十四部是為別集類

分篇第三內魏武帝一家三部

隋書經籍志考證卷三十九之四

集部二之四

別集類四書

晉宣帝集五卷梁有錄一卷

晉書本紀宣皇帝諱懿字仲達河南溫縣人

姓司馬氏漢建安六年郡舉上計掾魏武為

丞相辟為文學掾歷文帝明帝至齊王時累

遷侍中持節都督中外諸軍錄尚書事進太

傅嘉平元年進丞相加九錫三年策命為相

國進封安平郡公並固讓不受是年秋八月

戊寅崩于京師時年七十三諡曰文貞後改

諡文宣先是預作終制作願命三篇晉國初

建追尊曰宣王武帝受禪上尊號曰宣皇帝

廟號高祖

又曰魏武聞帝有狼顧相欲驗之乃召使前

行令反顧面正向後而身不動及平公孫文

懿大行殺戮誅曹爽之際支黨皆夷及三族

男女無少長姑姊妹之適人皆殺之明帝時

王導侍坐帝問前世所以得天下導乃陳帝

創業之始及文帝末高貴鄉公事明帝以面

覆牀曰若如公言晉祚復安得長遠迹其猜

忍蓋有符于狼顧也 公孫淵字文懿惟見于此唐

人避諱故稱其字

唐書經籍志晉宣帝集十卷藝文志五卷

馮氏詩紀晉書曰高祖伐公孫淵過溫見父

老故舊讌飲累日悵然有感為讌飲歌一篇

嚴氏全晉文編晉宣帝有集五卷據三國志

紀傳注及晉書御覽諸書有遺詔令教上書

上言奏事議書凡一十五篇

晉文帝集三卷

晉書本紀文帝諱昭字子上景帝母弟也魏

正元二年景帝崩進位大將軍加侍中都督

中外諸軍錄尚書事輔政景元四年進封晉

公加九錫以相國總百揆咸熙元年進爵為

王二年天子命帝冕十有二旒建天子旌旗

出警入蹕如帝者之儀秋八月辛卯崩年五

十五諡曰文王武帝受禪追尊曰文皇帝廟

號太祖

唐書經籍志晉文帝集一卷藝文志二卷

嚴氏全晉文編文帝有集三卷今存讓諡兄

司馬師為武公表請魏帝親征諸葛誕表奏

收成濟與鄭袤書與王基書報王基書與山

濤書與鍾會書凡八篇

齊王攸集二卷梁三卷

晉書文六王傳文明皇后生武帝齊獻

王攸攸字大猷少而岐嶷及長清和平允親

賢好施愛經籍能屬文善尺牘為世所楷才

望出武帝之右宣帝每器之景帝無子命攸

為嗣武帝踐阼封齊王時朝廷草創而攸總

統軍事撫寧內外莫不景附焉遷驃騎將軍

開府辟召禮同三司轉鎮軍大將軍加侍中

行太子少傅數年授太傅獻箴于太子世以

為工咸寧二年代賈充為司空太康三年詔

以為大司馬都督青州明年策攸就國攸知

荀勗馮統構己憤怨發疾歐血薨年三十六

子罔立攸以禮自拘鮮有過事就人借書必

手刊其謬然後反之加以至性過人有觸其諱者輒泣然流涕武帝亦敬憚之每引之同處必擇言而後發

唐書經籍志晉齊王集二卷

唐書藝文志齊王攸集二卷

嚴氏全晉文編輯存令教議書及太子箴凡八篇

晉王沈集五卷太原

王沈有魏書見史部正史篇

晉書本傳沈好書善屬文魏高貴鄉公好學有文才引沈及裴秀數于東堂講讎屬文號

沈為文籍先生秀為儒林丈人

唐書經籍藝文志晉王沈集五卷

嚴氏全晉文編王沈有魏書四十八卷集五

卷今存賦五篇表教書頌祭文凡十四篇

梁有鄭袤集二卷亡

晉書本傳袤字林叔榮陽開封人也高祖衆

漢大司農父泰揚州刺史有高名袤早有識

鑒魏武帝初封諸子為侯精選賓友袤與徐

幹俱為臨菑侯文學案陳思王初封臨菑侯後為

廣平太守以德化為先善作條教郡中愛之

魏景元初疾病失明屢乞骸骨不許拜光祿

大夫武帝踐阼進爵密陵侯泰始九年薨年

八十五謚曰元有子六人長子默嗣次質舒

翽稱予位並列卿鄭氏孝經注或疑為鄭僂撰即此

鄭稱表第五子也

唐書經籍藝文志鄭袤集二卷

晉宗正嵇喜集一卷殘缺梁二卷錄一卷 一本嵇

作稽非也

魏志王粲附傳注嵇氏譜曰康兄喜字公穆

晉揚州刺史宗正喜為康傳曰家世儒學

晉書嵇康傳康兄喜有當世才歷太僕宗正

又忠義稽含傳祖喜徐州刺史

唐書經籍藝文志嵇喜集二卷

嚴氏全晉文編曰嵇喜字公穆譙國鉅人魏

中散大夫嵇康兄為衛軍司馬入晉拜揚州

刺史遷太僕宗正有集二卷魏志王粲傳注

引所作嵇康傳

晉散騎常侍應貞集一卷梁五卷

魏志王粲附傳始文帝為五官將及平原侯

植皆好文學粲與汝南應瑒等並見友善瑒

弟瑒瑒子貞咸以文章顯貞咸熙中參相國

軍事注文章敘錄曰貞字吉甫少以才聞能

談論正始中夏侯玄盛有名勢貞常在玄坐

作五言詩玄嘉玩之舉高第歷顯位晉武帝

為撫軍大將軍以貞參軍事晉室踐阼遷太

子中庶子散騎常侍又以儒學與太尉荀顛

撰定新禮事未施行

晉書文苑傳貞字吉甫汝南頓人魏侍中

瑒之子也自漢至魏世以文章顯軒冕相襲

為郡盛族貞善談論以才學稱武帝踐阼遷

給事中帝于華林園宴射貞賦詩最美太始

五年卒文集行于世

又史臣曰應貞宴射之文極形言之美華林

羣藻罕或疇之

釋文敘錄曰晉張璠周易集解二十二家有

應貞明易論

唐書經籍藝文志應貞集五卷

馮氏詩紀輯存華林園詩九章

汪氏文選撰人篇目晉應吉甫貞有華林集

詩

嚴氏全晉文編應貞有集五卷今存臨丹賦

安石榴賦蒲桃賦釋左雜論七華杖箴朱杖

銘華覽華林凡九篇

晉司隸校尉傅玄集十五卷梁五十卷錄一卷亡

傅玄有傅子見子部雜家

晉書本傳玄博學善屬文解鍾律數上書陳

便宜多所匡正又曰玄少時避難于河內專

心誦學後雖顯貴而著述不廢撰傅子數十

萬言并文集百餘卷行于世

太平御覽文部摯虞文章流別論曰傅子集

古今七篇品之署曰七林案此條嚴氏輯流別論

遺之

文心雕龍樂府篇曰逮于晉世則傅玄曉音

創定雅歌以詠祖宗又才略篇曰傅玄篇章

義多規鏡

唐書經籍藝文志傅玄集五十卷

宋史藝文志傅玄集一卷

馮氏詩紀曰休奕諸詩文句多闕不能盡析

姑從類次之其不成章者列于卷末凡五十

三篇七十三首

又曰晉書樂志武帝受命泰始二年詔郊祀

明堂禮樂權用魏儀但改樂章使傅玄為之

辭凡一十九篇又泰始五年傅玄造四廂樂

歌三篇又曰武帝令傅玄製鼓吹曲二十二首又泰始九年傅玄造正德舞歌大豫舞歌各一篇又有宣武舞歌四首宣文舞歌二首

又有舞舞歌五首鐸舞歌一首 案晉宋齊書樂志所載樂章或不盡著撰人馮氏摛諸書皆一一考訂之故不取史志唯以詩紀為斷其下成公綏荀勗張華諸家並同此

張氏百三家傳鶉觚集一卷凡賦墓誌疏奏議序論贊箴銘頌設難誄祝文九十五篇樂府三十八篇詩二十五篇

汪氏文選撰人篇目晉傅休奕玄有雜詩一首

嚴氏全晉文編輯存賦五十三篇擬騷表疏議客難七謨序頌古今畫贊箴銘口誠墓誌誄祝文凡四十篇綜九十三篇編為二卷

晉著作郎成公綏集九卷殘缺梁十卷

晉書文苑傳成公綏字子安東郡白馬人也幼而聰敏博涉經傳性寡欲不營資產家貧歲飢嘗晏如也少有俊才辭賦甚麗閑默自守不求聞達時有孝烏每集其廬舍綏謂有反哺之德以為祥禽乃作賦美之又以為賦者貴能分賦物理敷演無方天地之盛可以致思矣歷觀古人未之有賦豈獨以至麗無文難以辭贊不然何其闕哉乃為天地賦綏雅好音律嘗當暑承風而嘯冷然成曲因為嘯賦張華雅重綏每見其文歎伏以為絕倫薦之太常徵為博士歷祕書郎轉丞遷中書郎每與華受詔並為詩賦又與賈充等參定

法律泰始九年卒年四十三所著詩賦雜筆十餘卷行世 又史臣曰子安幼標明敏少蓄清思懷天地之寥廓賦辭人之所遺特購新情豈常均之所企 文心雕龍詮賦篇曰太冲安仁策勳于鴻規士衡子安底績于流制又才略篇曰成公子安選賦而時美 唐書經籍藝文志成公綏集十卷 馮氏詩紀輯存中宮詩二首行路詩游仙詩各一首又曰晉書樂志武帝太始五年使傅玄荀勗張華等各造正旦行禮及王公上壽酒食舉樂歌詩後又詔成公綏亦作焉綏造王公上壽酒歌一篇正旦大會行禮歌十五章 張氏百三家成公子安集一卷凡賦頌銘箴誄七唱雜文三十篇樂歌二篇詩二篇 汪氏文選撰人篇目晉成公子安綏有嘯賦嚴氏全晉文編曰成公綏有集十卷今存天地賦以迄螳螂賦凡二十四篇七唱頌贊錢神論箴銘誄戒火文隸書體十二篇綜三十六篇 梁又有裴秀集三卷錄一卷亡 魏志裴潛傳潛字文行河東聞喜人子秀成熙中為尚書僕射注文章鼓錄曰秀字季彥弘通博濟八歲能屬文遂知名大將軍曹爽辟累遷散騎常侍尚書僕射令光祿大夫成熙中晉文王始建五等命秀典為制度封廣

川侯晉室受禪進左光祿大夫改封鉅鹿公遷司空著易及樂論又畫地域圖十八篇傳行于世盟會圖及典治官制皆未成年四十八泰始七年薨諡元公配食宗廟

晉書本傳秀少好學有風操叔父徽有盛名賓客甚衆秀年十歲有詣徽者出則過秀魏成熙初釐革憲司時荀勗定禮儀賈充正法律而秀改官制焉武帝受禪詔以秀為司空秀儒學洽聞且留心政事當禪代之際總納言之要其所裁當禮無違者又以職在地官以禹貢山川地名從來久遠多有變易後世說者或彊牽引漸以暗昧于是甄擿舊文疑者則闕古有名而今無者皆隨事注列作禹貢地域圖十八篇奏之藏于祕府案此圖必亡于永嘉之亂秀創制朝儀廣陳刑政朝廷多遵用之以為故事在位四載為當世名公服寒食散當飲熱酒而飲冷酒泰始七年薨初秀以尚書三十六曹統事準例不明宜使諸卿任職未及奏而薨其友人料其書記得表草言平吳之事乃封以上聞

唐書經籍藝文志裴秀集三卷 馮氏詩紀輯存大蜡詩一篇

嚴氏全晉文編裴秀有集三卷本傳載平吳表草禹貢九州地域圖序北堂書鈔載奏事與山濤書凡四篇

晉金紫光祿大夫何植集一卷梁五卷植當為植太平御覽文部文士傳曰何植字元幹青龍元年天子特詔曰揚州別駕何植有文章才

川侯晉室受禪進左光祿大夫改封鉅鹿公遷司空著易及樂論又畫地域圖十八篇傳行于世盟會圖及典治官制皆未成年四十八泰始七年薨諡元公配食宗廟 晉書本傳秀少好學有風操叔父徽有盛名賓客甚衆秀年十歲有詣徽者出則過秀魏成熙初釐革憲司時荀勗定禮儀賈充正法律而秀改官制焉武帝受禪詔以秀為司空秀儒學洽聞且留心政事當禪代之際總納言之要其所裁當禮無違者又以職在地官以禹貢山川地名從來久遠多有變易後世說者或彊牽引漸以暗昧于是甄擿舊文疑者則闕古有名而今無者皆隨事注列作禹貢地域圖十八篇奏之藏于祕府案此圖必亡于永嘉之亂秀創制朝儀廣陳刑政朝廷多遵用之以為故事在位四載為當世名公服寒食散當飲熱酒而飲冷酒泰始七年薨初秀以尚書三十六曹統事準例不明宜使諸卿任職未及奏而薨其友人料其書記得表草言平吳之事乃封以上聞 唐書經籍藝文志裴秀集三卷 馮氏詩紀輯存大蜡詩一篇 嚴氏全晉文編裴秀有集三卷本傳載平吳表草禹貢九州地域圖序北堂書鈔載奏事與山濤書凡四篇 晉金紫光祿大夫何植集一卷梁五卷植當為植太平御覽文部文士傳曰何植字元幹青龍元年天子特詔曰揚州別駕何植有文章才

試使作許都賦成封上不得令人見楨遂造賦上甚異之 嚴氏錄入魏明帝集載此詔云使作許都賦成上不封得令人見

唐書經籍藝文志何楨集五卷

嚴氏全晉文編曰何楨字元幹廬江潯人魏太和中爲揚州別駕正始中爲弘農太守歷幽州刺史拜廷尉入晉爲尙書光祿大夫有五集五卷今存許都賦佚文及表議贊敍凡五篇

梁又有袁準集二卷錄一卷亡

袁準有喪服經傳見經部禮類

唐書經籍藝文志袁準集二卷

嚴氏全晉文編袁準有儀禮喪服經注一卷袁子正論十九卷正書二十五卷集二卷藝文類聚有招公子一名觀殊俗才性論魏志齊王紀注有獻官于曹爽宜捐淮漢已南凡三篇

晉少傅山濤集九卷梁五卷錄一卷又一本十卷齊奉朝請表津注

晉書本傳濤字巨源河內懷人也少有器量介然不羣性好莊老每隱身自晦與嵇康呂安善後遇阮籍便爲竹林之游著忘年之契魏正元初司隸舉秀才除郎中歷驃騎王昶從事中郎趙國相尙書吏部郎大將軍從事中郎行軍司馬咸熙初封新沓子泰始初進爵爲伯咸寧初轉太子少傅加散騎常侍尙書僕射加侍中領吏部拜司徒太康四年薨年七十九諡曰康

唐書經籍藝文志山濤集五卷嚴氏全晉文編山濤有集九卷今惟見本傳所載表疏四篇通典載答詔問郡詵事二條及諸書所引啓事五十一條

案別有山公啓事見後總集類或亦編入十卷本中也齊奉朝請表津始末未詳本志所載爲詩文集注者始見于此

梁又有向秀集二卷錄一卷亡

向秀有莊子注見子部道家

晉書本傳秀清悟有遠識少爲山濤所知既爲莊子隱解發明奇趣又與嵇康論養生辭難往復蓋欲發康高致焉康既被誅秀應本郡計入洛秀乃自此役作思舊賦

世說言語篇注向秀別傳曰秀少爲同郡山濤所知又與譙國嵇康東平呂安友善並有拔俗之韻其進止無不同而造事營生業亦不異常與嵇康偶鍛于洛邑與呂安灌園于山陽不慮家之有無外物不足拂其心弱冠著儒道論棄而不錄好事者或存之或云是其族人所作困于不行乃告秀欲假其名秀笑曰可復爾耳

文心雕龍指瑕篇曰崔瑗之誅李公比行于黃虞向秀之賦嵇生方罪于李斯與其失也雖寧僭毋濫然高厚之詩不類甚矣凡巧言易標拙辭難隱斯言之玷實深白圭釋文敍錄曰晉張璠周易集解有向秀義瑤序云依向秀本唐書經籍藝文志向秀集二卷

汪氏文選撰人篇目晉向子期秀有思舊賦嚴氏全晉文編向秀有集二卷今惟本傳及文選所載思舊賦嵇中散集載難養生論各一篇

梁又有平原太守阮種集二卷錄一卷亡

晉書本傳種字德猷陳留尉氏人漢侍中胥卿八世孫也弱冠有殊操爲嵇康所重康著養生論所稱阮生即種也察孝廉爲公府掾詔舉賢良方正直言之士于是太保何曾舉種賢良對策種與濟陰郗詵東平王康俱居上第即除尙書郎然毀譽之徒或言對者因緣假託帝乃更延羣士庭以問之策奏帝親覽焉又擢爲第一轉中書郎進止有方正己率下朝廷咸憚其威容每爲駁議事皆施用遂爲楮則遷平原相卒于郡

唐書經籍藝文志阮沖集二卷沖並當爲種

嚴氏全晉文編阮種有集二卷今唯見本傳所載泰始七年舉賢良對策廷試對策各一篇

梁又有阮侃集五卷錄一卷亡

阮侃有攝生論二卷見子部道家

唐書經籍藝文志阮侃集五卷

案阮侃事蹟不概見惟世說賢媛篇注引陳留志知爲魏衛尉阮共之少子亦與嵇康爲友康集載宅無吉凶攝生論與張遼叔相反覆者意侃集其論爲二卷七錄列之道家或亦編入本集五卷中也又阮種字德猷侃字德如皆陳留尉氏人殆與種

兄弟行德如妹為魏領軍許允婦奇醜而才識在允之上交禮竟允無復入理桓範謂允曰阮家既嫁醜女與卿故當有意卿宜察之遂相敬重云

晉太傅羊祜集一卷殘缺梁二卷錄一卷

羊祜有老子傳見子部道家

晉書本傳祜蔡邕外孫博學能屬文善談論時高貴鄉公好屬文在位者多獻詩賦祜在其間焉又曰祜歷職二朝任典樞要政事損益皆諮訪焉其嘉謨讜議皆焚其草故世莫得聞又曰祜樂山水每風景必造峴山置酒言詠終日不倦嘗慨然嘆息顧謂從事中郎鄒湛等曰自有宇宙便有此山由來賢達勝士登此遠望如我與卿者多矣皆湮沒無聞使人悲傷湛曰公德冠四海道嗣前哲令聞令望必與此山俱傳至若湛輩乃當如公言耳祜所著文章及為老子傳並行于世襄陽百姓于峴山祜平生游憩之所建碑立廟焉李充翰林論曰表宜以遠大為本不以華藻為先若諸葛之表劉主裴公之辭侍中羊公之辭開府可謂德音矣案裴公似謂裴成公顧也久任侍中又使專任門下顧辭讓不許又上言云云見晉書裴秀附傳祜本傳云開府累年謙讓不辟士

前談

唐書經籍藝文志羊祜集二卷

汪氏文選撰人篇目曰晉羊叔子祜有讓開府表

嚴氏全晉文編曰羊祜有集二卷今見諸書所引有鴈賦讓開府表讓封南城侯表請伐吳疏與從弟琇書與吳都督陸抗書誠子書凡七篇

梁又有蔡玄通集五卷亡

蔡玄通始末未詳

梁又有太宰賈充集五卷錄一卷亡

晉書本傳充字公閭平陽襄陵人父達魏豫州刺史陽里亭侯充襲父爵為侯拜尚書郎典定科令兼度支考課辯章節度事皆施用與裴秀王沈羊祜荀勗同受腹心之任文帝又命充定律律晉受禪以建明大命更封魯郡公累遷司空太尉錄尚書事太康三年四月薨年六十六追贈太宰諡曰武配饗廟庭又史臣曰賈充以詔諛誦質刀筆常材幸屬昌辰濫叨非據抽戈犯順會無猜憚之心杖鉞推亡遽有知難之請非唯魏朝之悖逆抑亦晉室之罪人者歟然猶身極寵光任兼文武存荷台衡之寄沒有從享之榮可謂無德而祿殃將及矣逮乎貽厥乃乞丐之徒嗣惡稔之餘基縱姦邪之凶德煽茲哲婦索彼惟家雖及誅夷曷云塞責昔當塗嗣闕公閭實肆其勢典午分崩南風亦盡其力可謂君以此始必以此終信乎其然矣 賈后名南風充女也

唐書經籍藝文志賈充集二卷

馮氏詩紀輯存與李夫人聯句一首 嚴氏全晉文編賈充有集五卷今惟本傳及

裴頠傳有表三篇議一篇 梁又有荀勗集三卷錄一卷亡

荀勗有晉中經見史部簿錄篇

晉書本傳勗岐嶷夙成年十餘歲能屬文既長博學達于從政時將發使聘吳並遣當時文士作書于孫皓文帝用勗所作皓既命和親帝謂勗曰君前作書使吳思順勝十萬之衆也武帝受禪領著作與賈充共定律令既掌樂事又脩律呂並行于世時帝知太子闇弱恐後亂國遣勗及和嶠往觀之勗還盛稱太子之德而嶠云太子如初于是天下貴嶠而賤勗帝將廢賈勗與馮統等諫請故得不廢時議以勗傾國害時孫資劉放之匹云

唐書經籍藝文志荀勗集二十卷案十字衍

馮氏詩紀輯存從武帝宴華林園詩二篇又曰晉書樂志泰始中使傅玄荀勗張華各造正旦大會行禮及王公上壽酒食舉樂歌詩勗乃更作行禮詩四篇又為正旦大會王公上壽歌詩并食舉樂歌詩合十三篇又造正德大豫舞歌二首 嚴氏全晉文編荀勗有集三卷藝文類聚載有蒲萄賦餘所引有表奏議書及上穆天子傳序凡十六篇

晉征南將軍杜預集十八卷

杜預有喪服要集見經部禮類

晉書本傳預博學明于興廢之道常言德不可以企及立功立言可庶幾也泰始中守河

南尹受詔爲黜陟之課拜度支尚書奏立籍田建安邊論處軍國之要又作人排新器與常平倉定穀價較鹽運制課調內以利國外以救邊者五十餘條皆納焉又以時曆差舛不應暑度奏上二元乾度曆行于世咸寧四年秋大霖雨蝗蟲起預上疏多陳農要事在食貨志在內七年損益萬機不可勝數朝野稱美號曰杜武庫言其無所不有也及鎮荊州數請伐吳表陳至計孫皓既平于公家之事知無不爲凡所興造必考度終始鮮有敗事好爲後世名常言高岸爲谷深谷爲陵刻石爲二碑記其勳績一沈萬山之下一立岷山之上曰焉知此後不爲陵谷乎又爲遺令欲以儉自完子孫一以遵之

又史臣曰杜預不有生知用之則習振長策而攻取兼儒風而轉戰孔門稱四則仰止其三春秋有五而獨擅其一不其優歟

唐書經籍藝文志杜預集二十卷

張氏百三家杜征南集一卷凡奏疏表議書序論說譜令雜文凡三十一篇

汪氏文選撰人篇目晉杜元凱預有左氏傳序

嚴氏全晉文編杜預有春秋左氏經傳集解三十卷春秋釋例十五卷集十八卷諸書所引有表奏疏議答問書七規一作七矯律序春秋左氏傳序後序長曆宗譜遺令集要自述凡二十八篇又北堂書鈔一百十九引杜預集序一條

晉輔國將軍王濬集一卷殘缺梁二卷錄一卷

晉書本傳濬字士治弘農湖人也家世二千石博涉典墳州郡辟河東從事後參征南軍事羊祜雅知濬有奇略密表爲益州刺史尋拜龍驤將軍大舉伐吳受孫皓降拜輔國大將軍領步兵校尉封襄陽縣侯濬自以功大而爲王渾父子及豪強所抑屢爲有司所奏每進見陳其功伐之勞及見枉之狀或不勝忿憤徑出不辭帝每容恕之時人咸以濬功重報輕博士秦秀等並表訟濬之屈帝乃遷濬鎮軍大將軍加散騎常侍領後軍將軍後又轉濬撫軍大將軍開府儀同三司加特進大康六年卒時年八十諡曰武

唐書經籍藝文志王濬集二卷

馮氏詩紀輯存祖道應令詩一篇

嚴氏全晉文編王濬有集二卷今惟見本傳及書抄御覽所載上疏請平吳上書自理復上表自理凡三篇

晉徵仕皇甫謐集二卷錄一卷仕當爲士

皇甫謐有帝王世紀見史部雜史類

晉書本傳謐博綜典籍百家之言以著述爲務著禮樂聖真之論或勸謐脩名廣交謐以爲居田里之中亦可以樂堯舜之道何必崇接世利事官執掌然後爲名乎作玄守論以答之時魏郡召上計掾舉孝廉景元初相國辟皆不行其後鄉親勸令應命謐爲釋勸論以通志焉其後武帝頻下詔敦逼不已謐上疏稱草莽臣自陳久嬰篤疾辭切言至遂見

聽許歲餘又舉賢良方正並不起自表就帝借書帝送一車書與之著論爲葬送之制名曰篤終所著詩賦頌頌論難甚多並行于世

又史臣曰皇甫謐素履幽貞閑居養疾留情筆削敦悅丘墳軒冕未足爲榮貧賤不以爲恥確乎不拔斯固有晉之高者歟洎乎篇終立論薄葬昭儉既戒奢于季氏亦無取乎王孫可謂達存亡之機矣

唐書經籍藝文志皇甫謐集二卷

馮氏詩紀輯存女怨詩殘文一條

汪氏文選撰人篇目曰晉皇甫士安謐有三都賦序

嚴氏全晉文編皇甫謐有集二卷今見本傳及藝文御覽所載有讓徵聘表答辛曠書玄守論釋勸論篤終論帝王世紀漢高祖論光武論高士傳焦先論列女傳龐娥親論三都賦序高士傳序自序闕題凡十三篇

晉侍中程咸集三卷

唐書經籍藝文志程咸集二卷

嚴氏全晉文編曰程咸字延休魏正元中爲司隸校尉府主簿入晉歷黃門郎散騎常侍左通直郎累遷至侍中有集二卷今見通典類聚書鈔所引有已出女不從坐議王昌前母服議華林園詩序凡三篇

梁有光祿大夫劉毅集二卷錄一卷亡

晉書本傳毅字仲雄東萊掖人漢陽城景王章之後魏末同郡王基薦毅於公府太常鄭袤舉博士文帝辟爲相國掾武帝受禪爲尚

書郎駙馬都尉散騎常侍國子祭酒司隸校尉毅言議切直無所屈撓為朝野之所式瞻遷尚書左僕射以光祿大夫致仕為青州大中正大康六年卒

唐書經籍藝文志劉毅集二卷

嚴氏全晉文編劉毅有集二卷今見本傳通典羣書治要所引有表疏上言駁奏凡五篇案羣書治要中有晉書二卷也

梁有晉侍中庾峻集二卷錄一卷亡

晉書本傳峻字山甫潁川鄆陵人也少好學有才思歷郡功曹舉計掾州辟從事太常鄭袤舉博士時重莊老而輕經史峻懼雅道陵遲乃潛心儒典屬高貴鄉公幸太學問尚書義峻援引師說發明經旨申暢疑滯對答詳悉案亦見魏志本紀時峻為尚書博士也 遷祕書丞武帝踐阼賜爵關中侯遷司空長史祕書監御史中丞侍中諫議大夫常侍帝講詩中庶子何劭論風雅正變之義峻起難往反四坐莫能屈是時風俗趨競禮讓陵遲峻上疏曰云云又疾世浮華不修名實著論以非之九年卒案當是泰始九年也

唐書經籍藝文志庾峻集三卷

嚴氏全晉文編庾峻有集二卷本傳有上疏請易風俗興禮讓類聚有祖德頌御覽有遺勅子珉凡三篇

晉巴西太守郤正集一卷

蜀志本傳正字令先河南偃師人也祖父儉靈帝時益州刺史為盜賊所殺父揖留蜀為

孟達營都督隨達降魏為中書令史正本名纂少以父死母嫁單榮隻立而安貧好學博覽籍籍弱冠能屬文入為祕書吏轉為令史遷郎至令澹于榮利而尤耽意文章自司馬王揚班傅張蔡之儔遺文篇賦及當世美書善論益部有者則鑽鑿推求略皆寓目自在內職與官人黃皓比屋周旋經三十年不為皓所愛憎官不過六百石而免于憂患依則先儒假文見意號曰釋譏其文繼于崔駰達

旨景耀六年後主從譙周之計遣使請降于鄧艾其書正所造也明年正月鍾會作亂成都後主東遷洛陽時擾攘倉卒蜀之大臣無翼從者惟正及殿中督汝南張通捨妻子單身隨侍後主賴正相導宜適舉動無闕乃慨然嘆息恨知正之晚時論嘉之賜爵關內侯泰始中除安陽令八年詔以正為巴西太守咸寧四年卒凡所著述詩論賦之屬垂百篇又傳評曰譙周詞理淵通為世碩儒有董揚之規郤正文辭粲爛有張蔡之風加其行止君子有取焉二子處晉事少在蜀事多故著于篇

唐書經籍藝文志郤正集一卷

嚴氏全晉文編錄存為後主作降書姜維論釋譏凡三篇

晉散騎常侍薛瑩集三卷

薛瑩有後漢記見史部正史類

吳志薛綜傳綜子翊翊弟瑩瑩孫皓建衡三年皓追歎瑩父綜遺文且命瑩繼作瑩獻詩一

篇出為武昌左部督下獄徙廣州右國史華

數疏請瑩還續修吳書遂召還為左國史復以微事為人所白徙廣州未至召還復職是時法政多謬舉措煩苛瑩每上便宜陳緩刑簡役以濟育百姓事或施行天紀四年晉軍征皓奉書于司馬伯王渾王潛請降其文瑩所造也瑩既至洛陽特先見敘為散騎常侍答問處當皆有條理太康三年卒著書八篇名曰新議

又傳注于寶晉紀曰武帝從容問瑩曰孫皓之所以亡者何也瑩對曰歸命侯臣皓之君吳也昵近小人刑罰妄加大臣大將無所親信人人憂恐各不自保危亡之覺實由于此帝遂問吳士存亡者之賢愚瑩各以狀對

唐書經籍志晉薛瑩集二卷

唐書藝文志吳薛瑩集二卷 列吳薛綜集三卷之前綜瑩之父也敘次失當

嚴氏全晉文編薛瑩有後漢紀一百卷新議八篇集三卷今存為吳主皓請降書後漢紀光武明帝章帝安帝桓帝靈帝贊各一篇條例吳事一則 案世說規箴篇注引條列吳事曰孫休在位恣恣無有遺事唯射雉可譏殆即薛瑩所條之一事又吳志第二十評曰薛瑩稱王蕃樓玄賀即章囑四人云云亦是條列吳事中之四事嚴氏皆未采或亦常在國史中也 又條列吳事或即新議八篇新議本志及七錄皆不見疑編入本集

梁又有散騎常侍陶潛集二卷錄一卷亡

晉書陶璜傳璜字世英丹陽秣陵人仕吳為

交州牧孫皓既降手書勅歸順詔復其本職封宛陵侯璜在南三十年威恩著于殊俗璜弟濬吳鎮南大將軍荆州牧濬弟抗濬子湮湮弟猷並有名

吳志孫皓傳天紀三年夏郭馬反攻殺廣州督虞授自號都督交廣二州諸軍事安南將軍八月遣徐陵督陶濬將七千人從西道命交州故陶璜部伍所領共擊馬陶濬至武昌聞晉軍大出停駐不前四年春晉軍所在戰

克三月戊辰陶濬從武昌還即引見問水軍消息對曰蜀船皆小今得二萬兵乘大船戰自足擊之于是合衆授濬節鉞明日當發其夜衆悉逃走而王濬順流將至司馬伯玉渾皆臨近境皓用光祿勳薛瑩中書令胡冲等計分遣使奉書于濬伯玉渾請命

案晉書載晉事甚略吳志載濬事如此所謂合衆授節鉞者蓋即授鎮南大將軍荆州牧之官入晉終于散騎常侍者

唐書經籍藝文志陶濬集二卷

案吳志孫皓傳注江表傳載皓將敗與舅何植書曰得陶濬表云武昌以西並復不守不守者非糧不足非城不固兵將背戰耳濬之佚文得考見者唯此一表

晉通事郎江偉集六卷

唐書經籍藝文志江偉集五卷

馮氏詩紀曰江偉爵里無考有正元二年答弟廣平賀蜡詩一首藝文類聚作晉人然晉無正元之號或誤也

嚴氏全晉文編曰江偉陳留襄邑人仕魏官

爵未詳武帝時爲通直郎有集六卷藝文類聚有答弟廣平賀蜡詩序襄邑令傅渾頌各一篇

案偉之詩序云正元二年冬臘家君在陳郡余別在國舍不得集會弟廣平作詩以貽余余答之云案正元魏高貴鄉公年號也是詩蓋猶在魏時作文選齊安陸昭王碑文注引江衡與荀仲茂牋似即此江偉也

梁有宣舒集五卷亡

宣舒有宣子二卷見子部道家

唐書經籍志宣聘集三卷

唐書藝文志宣聘集三卷宣聘宣聘皆宣舒之謬詳見道家

嚴氏全晉文編曰宣舒字幼驥陳郡人爲宣城令有集五卷經典攷錄有通知來藏往論今亡通典九十二有申袁準從母服論一篇

梁有散騎常侍曹志集二卷錄一卷亡

魏志陳思王植傳植發病薨遺令以小子志保家之主也欲立之志嗣徙封濟北王累增邑并前九百九十戶注引志別傳曰志字允

恭好學有才行晉武帝爲中撫軍迎常道鄉公子鄴志夜與帝相見帝與語從暮至旦甚器之及受禪改封甄城公詔以爲樂平太守

歷章武趙郡遷散騎常侍國子博士祭酒及齊王攸當之藩下禮官議崇錫之典志嘆曰安有如此之才如此之親而不得樹本助化而遠出海隅者乎乃建議以諫辭旨甚切帝

大怒免志官後復爲散騎常侍太康九年卒諡曰定公

晉書本傳志譙國譙人魏陳思王之雙子也武帝受禪詔曰前濟北王曹志履德清純才高行潔好古博物爲魏宗英咸寧初詔曰甄

城公志篤行履素達學通識宜在儒林以弘胄子之教齊王攸將之國博士秦秀等以齊王官內匡朝政不可之藩志又常恨其父不得志於魏因愴然嘆息乃奏議以爲當如博士等議議成當上見其從弟高邑公嘉嘉曰

兄議甚切百年之後必書晉史目下將見責耶案嘉有晉紀十卷見史部古史篇

唐書經籍藝文志曹志集二卷

嚴氏全晉文編曹志有集二卷本傳載奏議齊王攸之藩藝文類聚載肉刑論各一篇

梁有鄒湛集三卷錄一卷亡

鄒湛有周易統略見經部易家

晉書文苑傳湛少以才學知名爲征南從事中郎深爲羊祜所器重所著詩及論事議二十五首爲時所重子捷字太應亦有文才又史臣曰鄒湛之持論實南陽之人傑

唐書經籍藝文志鄒湛集四卷

嚴氏全晉文編鄒湛有集三卷今僅見文選注所引爲諸葛穆答晉王令一條

晉汝南太守孫毓集六卷

孫毓有毛詩異同評見經部詩類

唐書經籍志孫毓集二卷藝文志五卷

嚴氏全晉文編孫毓有毛詩異同評十卷春

秋左氏傳注二十八卷孫氏成敗志三卷集
六卷藝文類聚有賀封諸侯王表通典載廟
志議諸禮議凡十二篇五禮駁一篇書鈔有
七誘綜凡一十五篇

晉處士楊泉集二卷錄一卷

楊泉有物理論見子部儒家
金樓子立言篇曰楊泉賦序曰古人作賦者
多矣而獨不賦蠶乃為蠶賦是何言歟楚蘭
陵令荀況有蠶賦近不見之有文不如無述
也

唐書經籍藝文志楊泉集二卷

嚴氏全三國文編曰吳楊泉有太玄經十四
卷物理論十六卷集二卷書鈔類聚御覽文
選注引有五湖賦贊善賦養性賦蠶賦織機
賦草書賦請辭凡七篇

梁有司徒王渾集五卷亡太原

晉書本傳渾字玄沖太原晉陽人也父昶魏
司空渾沈雅有器量襲爵京陵侯仕魏至越
騎校尉武帝受禪奉始中遷東中郎將督淮
北諸軍事鎮許昌數陳損益多見納用轉征
虜將軍監豫州諸軍假節領刺史都督揚州
鎮壽春及大舉伐吳渾率師出橫江既而王
濬破石頭降孫皓明日渾始濟江登建業宮
醜酒高會自以先據江上破皓中軍案甲不
進致在王濬之後意甚愧恨有不平之色頻
奏濬罪狀時人譏之以平吳功進爵為公齊
王攸當之藩渾上書諫不納太熙初遷司徒
惠帝常訪渾元會問郡國計吏方俗之宜渾

奏陳其事帝然之詔錄尚書事元康七年薨
年七十五諡曰元

唐書經籍藝文志王渾集五卷

嚴氏全晉文編王渾有集五卷本傳及通典
諸書所載有表奏對上書凡九篇

梁有冀州刺史王深集五卷亡太原

魏志王昶傳昶為子作名字皆依謙實以見
其意故其子渾字玄沖深字道冲遂書戒之
曰欲思汝曹顧名思義不敢違越也注案晉
書曰渾弟深冀州刺史深弟湛字處冲汝南
太守案晉書無王深傳其事迹遺文亦罕見著錄

唐書經籍藝文志王深集四卷

晉徵士閔鴻集三卷

晉書陸雲傳雲幼時吳尚書廣陵閔鴻見而
奇之曰此兒若非龍駒當是鳳雛後舉雲賢
良時年十六

唐書經籍藝文志晉閔鴻集二卷

嚴氏全三國文編吳閔鴻廣陵人仕吳為尚
書入晉徵不就其集三卷初學記御覽書鈔
文選注有親蠶賦琴賦羽扇賦芙蓉賦與劉
子雅書凡五篇

梁有光祿大夫裴楷集二卷錄一卷亡

晉書裴秀傳秀河東聞喜人也從弟楷字叔
則父徽魏冀州刺史楷明悟有識量弱冠知
名尤精老易少與王戎齊名鍾會薦之于文
帝辟相國掾遷吏部郎楷風神高邁容儀儻
爽博涉羣書特精理義時人謂之玉人又稱
見裴叔則為近玉山昭曠人也平吳之後帝

乃修太平之化每延公卿與論政道楷陳三
五之風次序漢魏盛衰之迹帝稱善坐者嘆
服焉惠帝時封臨海侯為中書令侍中與張
華王戎並管機要加光祿大夫儀同三司卒
年五十五諡曰元

又史臣曰秀則聲蓋朋僚稱為領袖楷則機
神幼發日以清通俱為晉代名臣良有以也

唐書經籍藝文志裴楷集二卷

嚴氏全晉文編裴楷有集二卷今惟見本傳
所載與石崇書一條

晉司空張華集十卷錄一卷

張華有博物志見子部雜家

晉書本傳華學業優博辭藻溫麗朗瞻多通
器識弘曠時人罕能測之初未知名著鶴鶴
賦以自寄陳留阮籍見之嘆曰王佐之才也
由是聲名始著及兼中書郎朝議表奏多見
施用武帝嘗問漢宮室制度及建章千門萬
戶華應對如流聽者忘倦畫地成圖左右屬
目帝甚異之名重一世衆所推服晉史及儀
禮憲章並屬于華多所損益當時詔誥皆所
草定惠帝時懼后族之盛作女史箴以為諷
初陸機兄弟志氣高爽自以吳之名家初入
洛不推中國人士見華一面如舊欽華德範
如師資之禮焉華見害後作誄又為詠德賦
以悼之華著博物志及文章並行于世
鍾嶸詩品曰晉司空張華詩其源出于王粲
其體華豔與託不奇巧用文字務為研治雖
名高曩代而疏亮之士猶恨其兒女情多風

雲氣少謝康樂云張公雖復千篇猶一體耳今置之小品疑弱處之下科恨少季孟之間矣

文心雕龍樂府篇曰張華新篇亦充庭萬又詔策篇云魏晉詰策職在中書劉放張華互管斯任施命發號洋洋盈耳又章表篇云晉初筆札則張華爲備其三讓公封理周辭要引義比事必得其偶世珍鶴鶴莫顧章表又才略篇云張華短章奕奕清暢其鶴鶴寓意卽韓非之說難也

唐日本國見在書目張華集十卷

唐書經籍藝文志張華集十卷

宋史藝文志張華集二卷又詩一卷

崇文總目小象千字詩一卷張華撰一名小象賦

晁氏讀書志張華集三卷晉張華茂先也范陽人惠帝時爲司空趙王倫孫秀黨謀害之華博物洽聞世無與比集有詩一百二十哀辭册文二十一賦三

陳氏書錄解題張司空集三卷前二卷爲四言五言詩後一卷爲祭祀哀誄等文

馮氏詩紀輯存詩二十篇凡四十三首又曰晉書樂志有張華四廂樂歌十六首又有冬至初歲小會歌宴會歌中宮所歌宗親會歌各一首又有凱歌二首正德大豫舞歌二首張氏百三家輯本序曰晁氏載張司空集有詩百二十哀詞册文廿一賦三今余所綴緝賦數過之文不及全詩歌八十餘中間拂舞

白紵舞杯槃舞諸篇晉代無名氏之作藏書家本亦有繫之張司空集者然觀其壯健頓挫類非司空溫麗之素餘詩平雅近代詩家深貶其博學爲累豈所謂聽古樂而臥乎壯武文章賦最蒼深文次之詩又次之大抵去漢不遠猶存張蔡之遺凡賦八篇表二篇議三篇哀策二篇誄三篇箴四篇銘二篇書三篇問序贊各一篇樂歌三十一首詩四十五首

汪氏文選撰人篇目晉張茂先華有鶴鶴賦勵志詩答何劭詩雜詩一首情詩二首女史箴

嚴氏全晉文編曰案張溥本有環材枕賦環材枕箴今編入張紘集又有豆羹賦今編入張翰集今輯存賦六表一議三書四問序贊各一篇四銘三誄三哀策文二并縱橫篇凡三十篇

晉尙書僕射裴頠集九卷

晉書裴秀傳秀河東聞喜人二子濬頠濬嗣位卒少弟頠嗣頠字逸民弘雅有遠識博學稽古自少知名御史中丞周弼見而嘆曰頠若武庫五兵縱橫一時之傑也累遷侍中時天下暫寧頠奏修古學刻石寫經皇太子旣講釋奠祀孔子飲饗射侯甚有儀序又令荀藩終父勛之志鑄鍾鑿磬以備郊廟朝享禮樂頠通博多聞兼明醫術荀勛之修律度也檢得古尺短世所用四分有餘頠上言宜改諸度量若未能悉革可先改太醫權衡此若

差遠遂失神農岐伯之正藥物輕重分兩乖互所可傷天爲害尤深古壽考而今短折者未必不由此也卒不能用樂廣嘗與頠清言欲以理服之而頠辭論豐博廣笑而不言時人謂頠言談之林藪遷尙書加光祿大夫每受一職未嘗不殷勤固讓表疏十餘上博引今古成敗以爲言覽之者莫不寒心遷尙書左僕射頠深思時俗放蕩不尊儒術何晏阮籍素有高名于世口談浮虛不遵禮法尸祿耽寵仕不事事至王衍之徒聲譽太盛位高勢重不以物務自嬰遂相放效風教陵遲乃著崇有之論以釋其蔽王衍之徒攻難交至並莫能屈又著辯才論古今精義皆辨釋焉未成而遇禍初趙王倫諂事賈后頠甚惡之倫數求官頠與張華復固執不許由是深爲倫所怨倫又潛懷篡逆欲先除朝望因廢賈后之際遂誅之時年三十四惠帝反正追復本官諡曰成

魏志裴潛傳注臣松之案陸機惠帝起居注稱頠雅有遠量常朝名士也又曰民之望也頠理具淵博膽于論難著崇有貴無二論以矯虛誕之弊文辭精富爲世名論

世說文學篇裴成公作崇有論時人攻難之莫能折唯王夷甫來如小屈時人卽以王理難表理還復申注晉諸公贊曰自魏太常夏侯玄步兵校尉阮籍等皆著道德論于是侍中樂廣吏部郎劉漢亦體道而言約尙書令王夷甫講理而才虛散騎常侍戴奧以學道

為業後進庾敬之徒皆希慕簡曠頹疾世俗尚虛無之理故著崇有二論以折之才博喻廣學者不能究後樂廣與頹清閒欲說理而頹辭喻豐博廣自以體虛無笑而不復言文心雕龍論說篇曰夷甫裴頠交辯于有無之域獨步當時流聲後代然滯有者全繫于形容貴無者專守于寂寥徒銳偏師莫詣正理動極神源其般若之絕境乎

唐書經籍藝文志裴頠集十卷

嚴氏全晉文編裴頠有集九卷諸書引見有表疏上言諫議答問及崇有論女史箴凡一十三篇案頠有辨才論未成見本傳又有貴無論見魏志裴潛傳注今亡

梁有太子中庶子許孟集三卷錄一卷亡

唐書經籍藝文志許孟集二卷

案此似即許猛也魏志夏侯玄傳中領軍高陽許允與玄親善後玄等事覺徙允為鎮北將軍假節督河北諸軍事未發以放散官物收付廷尉徙樂浪道死世語曰允

二子奇字子泰猛字子豹並有治理才學

晉元康中奇為司隸校尉猛幽州刺史傅暢晉諸公贊曰猛禮樂儒雅當時最優嚴氏文編曰許猛字子豹高陽人魏鎮北將軍許允次子泰康初吏部郎守國子博士

元康中為幽州刺史晉書禮志及通典引

猛所作王昌前母服議答或問答步熊問凡六條

梁有太宰何邵集二卷錄一卷亡邵嘗為勃

晉書何曾傳曾陳國陽夏人也二子遵劭劭嗣字敬祖少與武帝同年有總角之好帝為王太子以劭為中庶子及即位轉散騎常侍甚見親待遷侍中尚書惠帝即位累遷尚書左僕射劭博學善屬文陳說近代事若指諸掌永康初遷司徒趙王倫篡位以劭為太宰及三王交爭劭以軒冕而游其間無怨之者優游自足不貪權勢常語鄉人王詮曰僕雖名位過幸少無可書之事惟與夏侯長容諫授博士可傳史冊耳所撰荀粲王弼傳及諸奏議文章並行于世永寧元年薨贈司徒諡曰康

鍾嶸詩品評石崇曹摅何劭詩曰季倫顏遠並有英篇篇而論之朗陵為最 劭父曾封朗陵公劭醫醫石崇曹摅並有集見後

唐書經籍藝文志何劭集二卷

馮氏詩紀輯存應詔詩贈張華詩游仙詩雜詩各一篇

汪氏文選撰人篇目曰晉何敬祖劭有游仙詩贈張華詩雜詩一首

嚴氏全晉文編何劭有集二卷晉書楊駿傳有劭所作武帝遺詔魏志荀彧鍾會傳注引劭所撰荀粲傳王弼傳各一篇

梁有光祿大夫劉頌集三卷錄一卷亡

晉書本傳頌字子雅廣陵人漢廣陵厲王胥之後也世為名族少能辯物理為時人所稱文帝辟為相府掾武帝踐阼拜尚書三公郎累遷中書侍郎黃門郎議郎守廷尉河內太

守淮南相在郡上疏詔答曰得表陳封國之制宜如古典任刑齊法宜復肉刑及六州將士之役居職之宜諸所陳聞具知卿之乃心為國也動靜數以聞元康初從淮南王入朝詔以頌為三公尚書又上疏論律令事為時論所美轉吏部尚書趙王倫專政以為光祿大夫尋病卒諡曰貞永康元年詔以頌誅賈謐督攝衆事有功追封梁鄒縣侯

又史臣曰子雅束髮登朝竭誠奉國廣陳封建深中機宜詳辯刑名該覈政體雖文慚華婉而理貴切要游目西京望賈誼而非遠眷言東國顧郎顛而有餘

文心雕龍奏啓篇曰劉頌殷勤于時務體國之忠規也

唐書經籍藝文志劉頌集三卷

嚴氏全晉文編劉頌有集三卷今見本傳及刑法志通典類聚羣書治要諸書有除淮南相在郡上疏上疏議復肉刑上疏言斷獄宜守律令趙王倫加九錫議駁凡四篇

梁有劉寔集二卷錄一卷亡

劉寔有春秋條例見經部春秋左氏學家晉書本傳寔博通古今以世多進趣廉遜道闕乃著崇讓論以矯之弟智為潁川太守平原管轄嘗謂人曰吾與劉穎川兄弟語神思清發昏不假寐自此之外殆白日欲寢矣

唐書經籍藝文志劉寔集二卷

嚴氏全晉文編曰劉寔有集二卷今唯見本傳所載崇讓論亦見羣書治要二十九通典

晉散騎常侍王佑集三卷錄一卷太原

晉書王湛傳湛司徒渾之弟也湛子承承族

子嶠嶠父佑以才智稱爲楊駿腹心駿之排

汝南王亮退衛璜皆佑之謀也位至北軍中

候

又王濟傳濟爲侍中時渾爲僕射主者處事

或不當濟性峻厲明法繩之濟素與從兄佑

不平佑黨頗謂濟不能顧其父由是長同異

之言出爲河南尹未拜坐鞭王官吏免官而

王佑始見委任

又楊駿傳駿弟珧濟皆有雋才深慮盛滿共

切諫駿斥出王佑爲河南太守

唐書經籍志王祐集二卷

唐書藝文志王祐集三卷二志作王祐皆非也

梁有晉驃騎將軍王濟集二卷亡太原

晉書王渾傳渾次子濟字武子少有逸才風

姿英爽氣蓋一時好弓馬勇力絕人善易及

莊老文辭秀茂伎藝過人有名當世與姊夫

和嶠及裴楷齊名尙常山公主年二十起家

拜中書郎累遷侍中與侍中孔恂王恂楊濟

同列爲一時秀彥每侍見未嘗不諮論人物

及萬幾得失濟善于清言脩飾辭令諷議將

順朝臣莫能尙焉然外雖弘雅而內多忌刻

好以言傷物儕類以此少之以其父之故每

排王濬時議譏焉後以忤旨左遷又坐事免

官尋使白衣領太僕年四十六先渾卒追贈

驃騎將軍

鍾嶸詩品曰永嘉以來清虛在俗王武子輩

詩貴道家之言爰泊江表玄風尙備眞長仲

祖桓庾諸公猶相襲

文心雕龍銘箴篇曰王濟國子引廣事雜案

濟以諫齊王攸之國忤旨左遷國子祭酒據此所云則其

集有國子祭酒博士等箴今已不傳矣

釋文敍錄曰張璠周易集解引王濟易義

唐書經籍藝文志王濟集二卷

馮氏詩紀輯存平吳後三月三日華林園詩

一篇

嚴氏全晉文編王濟有集二卷今初學記通

典文選注孫楚傳所引有槐樹賦太常郭奕

諡議鍾夫人序德頌銓孫楚品狀凡四條

華嶠集八卷梁二卷

華嶠有後漢書見史部正史篇

晉書本傳嶠博聞多識轉祕書監加散騎常

侍班同中書寺爲內臺中書散騎著作及治

禮音律天文數術南省文章門下撰集皆典

統之後爲臺郎典官制事所著論議難駁詩

賦之屬數十萬言其所奏官制太子宜還宮

及安邊零祭明堂辟雍浚導河渠巡禹之舊

跡置都水官修蠶宮之禮置長秋事多施行

嶠三子頤微暢暢有才思所著文章數萬言

遭寇亂避難荆州爲賊所害時年四十

唐書經籍志華嶠集一卷藝文志二卷

嚴氏全晉文編華嶠有集八卷魏志華歆傳

注世說德行篇注太平御覽引譜序凡五條

餘見諸書所引有表奏及後漢書江革毛義

論丁鴻論郎顛論王允論凡九篇

晉祕書丞司馬彪集四卷梁三卷錄一卷

司馬彪有續漢書見史部正史篇

晉書本傳彪篤學不倦而專精學習故得博

覽羣籍終其綴集之務注莊子作九州春秋

續漢書泰始初武帝親祠南郊彪上疏定議

語在郊祀志

又史臣曰紹統咸藩之胤研機載籍綜緯遺

文垂諸不朽

唐書經籍藝文志司馬彪集三卷

馮氏詩紀輯存贈山濤詩雜詩各一首

汪氏文選撰人篇目晉司馬紹統彪有贈山

濤詩

嚴氏全晉文編司馬彪有集四卷本傳及續

漢祭祀志注太平御覽載有駁祀六宗表與

山巨源書續漢書敍續漢書光武紀論和帝

紀論凡五篇

梁又有尙書庾儵集二卷錄一卷亡

唐書經籍藝文志庾儵集三卷

嚴氏全晉文編曰庾儵字女默潁川鄆陵人

侍中峻從弟案庾峻有集見前仕魏未詳入晉

爲尙書有集二卷藝文類聚初學記太平御

覽引儵冰井賦大槐賦安石榴賦凡三篇

梁又有國子祭酒謝衡集二卷亡

晉書謝鯤傳鯤陳國陽夏人也父衡以儒素

顯仕至國子祭酒鯤有集見後江左人文中鯤弟襄

襄第三子安即文靖江左柱石數世賴之衡爲謝氏發紐

之初史略無其事并其字亦不傳也

世說方正篇注永嘉流人名曰謝哀字幼儒陳郡人父衡博士又曰歷侍中吏部尚書吳國內史

晉書謝安傳云父哀太常卿哀晉書亦無傳

鄧氏古今姓氏書辯證陳郡陽夏謝氏典農

中郎將續生衡國子祭酒二子鯤哀哀六子奕據安萬石鐵

晉書王接傳接論汲冢書詳其得失繫虞謝衡皆博物多聞咸以為允當 案衡在惠帝時嘗與擊仲洽諸人討論汲冢竹書詳見後東晉集條下衡之事迹可見者惟此

唐書經籍藝文志謝衡集二卷

嚴氏全晉文編謝衡陳國陽夏人泰康初國

子博士惠帝時進祭酒有集二卷晉宋書禮

志及通典引王昌前母服議蘇宙事議為皇

太孫服齊衰期議凡三篇

晉漢中太守李虔集一卷梁二卷錄一卷

晉書孝友傳李密字令伯犍為武陽人也一

名虔父早亡母改醮密時年數歲感戀彌至

祖母劉氏躬自撫養密奉事以孝謹聞有暇

則講學忘疲師事譙周周門人之游夏少

仕蜀為郎數使吳有才辯吳人稱之蜀平泰

始初徵為太子洗馬密以祖母年高無人奉

養遂不應命上疏願乞終養帝覽之曰士之

有名不虛然哉乃停召後劉終服闋復以洗

馬徵至洛出為温令密有才能常望內轉而

朝廷無援乃遷漢中太守自以失分懷怨及

賜餞東堂詔普令賦詩末章曰人亦有言有

因有緣官無中人不歸田明明在上斯語

豈然武帝忿之于是都官從事奏免密官後卒于家二子賜與賜少能屬文為玄鳥賦詞甚美與亦有文才為諸葛孔明羊叔子碣文甚有辭理

華陽國志後賢志宓治春秋左傳博覽五經多所通涉機警辨捷辭義響起及上疏陳情

武帝覽之曰宓不空有名也嘉其誠款賜奴

婢二人下郡縣供其祖母奉膳年六十四卒

著述理論論中和仁義儒學道化之事凡十

篇安東將軍胡熊與皇甫士安深善之又與

士安論夷齊及司馬文中杜超宗鄧令先文

廣休等議論往返言經訓詁釋河內趙子聲

譏詩賦之屬二十餘篇

唐書經籍藝文志李虔集十卷

汪氏文選撰人篇目晉李令伯密有陳情表

嚴氏全晉文編輯存陳情事表薦壽良表與

中山王牋凡三篇又曰密少子與一名安永

興中為太傅掾有諸葛丞相故宅碣表晉太

傅鉅平成侯羊公碑各一篇

晉司隸校尉傅咸集十七卷梁三十卷錄一卷

晉書傅玄傳玄子咸字長虞剛簡有大節風

格峻整識性明悟疾惡如讎推賢樂善好屬

文論雖綺麗不足而言成規鑿穎川庾純常

嘆曰長虞之文近乎詩人之作矣咸寧初襲

父爵清泉侯拜太子洗馬累遷尚書右丞冀

州刺史司徒左長史時帝留心政事詔訪朝

臣政之損益咸在位多所執正轉車騎司馬

尚書左丞惠帝即位為御史中丞再為本部

中正以議郎長兼司隸校尉咸累上事稱引

故事條理灼然朝廷無以易之吳郡顧榮常

與親故書曰傅長虞為司隸勁直忠果劾案

驚人雖非周才偏亮可貴也元康四年卒官

時年五十六詔贈司隸校尉諡曰貞

李充翰林論曰駁不以華藻為先世以傅長

虞每奏駁事為邦之司直矣

文心雕龍奏啓篇曰傅咸勁直而按辭堅深

又議對篇曰漢世善駁則應劭為首晉代能

議則傅咸為宗然仲瑗博古而銓貫有敘長

虞識治而屬辭枝繁又才略篇曰傅玄篇章

義多規鏡長虞筆奏世執剛中並楨幹之實

才非羣華之韞蓀也

鍾嶸詩品曰長虞父子繁富可嘉

唐書經籍藝文志傅咸集三卷

馮氏詩紀曰春秋正義傅咸七經詩王羲之

寫然今所存者孝經論語毛詩周易周官左

傳六經耳并贈答雜詩十篇凡十六篇二十

首

張氏百三家輯本序曰傅氏諸賦不尚綺麗

長虞短篇時見正性又曰休奕四部六錄文

集百餘湮闕者多長虞著述不富傳文亦與

父埒為彪為固不能短長凡賦及賦序疏表

奏上書牋教草書尺牘頌箴銘碑誄七十五

篇詩十五篇

汪氏文選撰人篇目晉傅長虞咸有贈何劭

王濟詩

嚴氏全晉文編傅咸有集三十卷案張溥本

有蜀銘今據御覽改入傳玄集凡賦三十六篇表七篇上言上書奏劾奏事上事十四篇教牋各二篇書草五篇詩序五篇頌銘箴碑誄七篇綜七十六篇

梁又有太子中庶子棗據集二卷錄一卷亡

晉書文苑傳棗據字道彥潁川長社人也本

姓棘其先避讎改焉據善文辭弱冠辟大將軍府出為山陽令遷尚書郎轉右丞賈充伐

吳為從事中郎軍還徙黃門侍郎冀州刺史

太子中庶子太康中卒時年五十餘所著詩

賦論四十五首遇亂多亡失子腆弟嵩並以

文章顯赫及嵩並有集見後

唐書經籍藝文志棗據集二卷

馮氏詩紀輯存答阮德猷詩游覽詩雜詩無

題詩凡四篇

汪氏文選撰人篇目晉棗道彥據有雜詩一

首

嚴氏全晉文編棗據有集二卷藝文類聚諸

書有表志賦逸民賦登樓賦賦船賦追遠詩序

凡五篇

梁又有劉寶集三卷亡

劉寶有漢書駁義見史部正史篇

唐書經籍藝文志劉寶集三卷

嚴氏全晉文編劉寶為安北將軍有漢書駁

議二卷集三卷通典八十八引寶所作孫為

祖持重議一篇

晉馮翊太守孫楚集六卷梁十二卷錄一卷

晉書本傳楚字子荆太原中都人也才藻卓

絕爽邁不羣多所陵傲缺鄉曲之譽年四十餘始參鎮東軍事文帝遣符邵孫郁使吳吳

孫孫皓傳及晉書文帝紀並作徐紹孫孫 將軍石苞

邵等至吳不敢為通後遷佐著作郎復參石

苞驃騎軍事楚既負其材氣頗侮易于苞又

與郭奕忿爭遂湮廢積年初參軍不敬府主

楚既輕苞遂制施敬自楚始也征西將軍扶

風王駿與楚舊好起為參軍轉梁令遷衛軍

司馬惠帝初為馮翊太守太康三年卒 案當

是元康 初楚與同郡王濟友善濟為本州大

中正訪問銓邑人品狀至楚濟曰此人非卿

所能目吾自為之乃狀楚曰天才英博亮拔

不羣楚少所推服惟雅敬濟初除婦服作詩

以示濟濟曰未知文生于情情生于文覽之

悽然增伉儷之重三子乘洵纂惟纂子統綽

並知名統綽亦並有集見後東晉人文中

又史臣曰孫楚體英絢之姿超然出類見知

武子覽其貽孫皓之書諒曩代之佳筆也而

負才陵傲蔑苞忿奕違遜讓之道十年沈廢

蓋自取矣

鍾嶸詩品曰子荆零雨之外雖有累札良亦

無聞

文心雕龍才略篇曰孫楚綴思每直置以疏

通

唐書經籍藝文志孫楚集十卷

馮氏詩紀輯存除婦服詩征西官屬送于陟

陽侯作詩及贈答祖道等詩凡六首

張氏百三家孫馮翊集一卷凡賦論頌贊銘

碑疏牋書哀文四十篇詩六篇

汪氏文選撰人篇目晉孫子荆楚有送于陟

陽侯詩又有與孫皓書

嚴氏全晉文編輯存賦十七篇上言奏牋書

頌贊銘論屈建文誄碑哀文哀辭祭文二十

八篇綜四十五篇

晉散騎常侍夏侯湛集十卷梁有錄一卷

夏侯湛有新論見子部儒家

晉書本傳湛幼有盛才文章宏富善構新詞

而美容觀與潘岳友善泰始中舉賢良對策

上第拜郎中累年不調乃作抵疑以自廣後

出為野王令優游多暇乃作昆弟誥

又史臣曰孝若拔蔚春華時標麗藻觀其抵

疑詮理本窮通于自天作誥敷文流英聲于

孝悌旨深致遠殊有大雅之風烈焉

世說文學篇夏侯湛作周詩成示潘安仁安

仁曰此非徒溫雅乃別見孝悌之性注引湛

集敘曰周詩者南陔白華華黍由庚崇丘由

儀六篇有其義而亡其辭湛結其亡故云周

詩也案同時東晉亦有補亡詩詳見後

文心雕龍才略篇曰夏侯孝若具體而皆微

唐書經籍藝文志夏侯湛集十卷

馮氏詩紀輯存周詩一條又山路吟江上泛

歌離親詠長夜謠寒苦謠凡六篇

張氏百三家夏侯常侍集一卷凡賦二十三

篇抵疑昆弟誥序贊傳十五篇詩七篇

汪氏文選撰人篇目晉夏侯孝若湛有東方

朔畫贊

嚴氏全晉文編輯存賦二十五篇謠歌辭對策十篇昆弟誥抵疑敍贊傳碑銘并新論佚文十九篇

梁又有弋陽太守夏侯淳集二卷亡

晉書夏侯湛傳湛弟淳字孝冲亦有文藻與湛俱知名官至弋陽太守遭中原傾覆子姪多沒胡寇唯息承渡江

唐書經籍藝文志夏侯淳集十卷

嚴氏全晉文編夏侯淳有集二卷藝文類聚文選注有懷思賦笙賦彈碁賦馳射賦凡四篇

梁又有散騎侍郎王讚集五卷亡

文選雜詩注臧榮緒晉書曰王讚字正長義陽人也博學有俊才辟司空掾歷散騎侍郎卒

晉書李胤傳胤以太子少傅累遷為司徒太

康三年薨太子命舍人王贊誄之文義甚美鍾嶸詩品評晉馮翊守孫楚晉著作王贊詩曰子荆零雨之外正長朔風之後雖有累札良亦無聞宜居中品

零雨朔風之詩即文選所錄是

唐書經籍志王讚集三卷藝文志二卷

馮氏詩紀輯存三月三日侍皇太子宴詩又侍宴始平王祖道楚淮南二王及雜詩凡四篇

汪氏文選撰人篇目晉王正長瓊有雜詩一首

嚴氏全晉文編曰王讚太康中為太子舍人

惠帝時拜侍中永嘉中為陳留內史加散騎常侍有集五卷藝文類聚八十六載有黎樹頌其敍云太康十年黎樹四枝其條與中枝合生于園圃皇太子令侍臣作頌云

晉衛尉卿石崇集六卷梁有錄一卷

晉書石苞傳苞渤海南皮人也第六子崇字季倫少敏惠勇而有謀年二十餘為修武令有能名伐吳有功封安陽鄉侯好學不倦穎悟有才氣累遷散騎常侍侍中南中郎將荆州刺史又數遷至衛尉與潘岳諂事賈謐

與之親善號二十四友謐誅以黨與免官後與歐陽建潘岳謀誅趙王倫孫秀秀覺矯詔收崇岳建等皆被害時年五十二惠帝復降詔以卿禮葬之

唐日本國見在書目石季倫集五卷

唐書經籍藝文志石崇集五卷

馮氏詩紀輯存大雅吟楚妃歎王明君辭思歸引答曹嘉詩贈答裴腆詩凡八篇

汪氏文選撰人篇目晉石季倫崇有王明君詞思歸引序

嚴氏全晉文編石崇有集六卷諸書所引有思歸歎表奏楚妃歎序琵琶引序金谷詩序許巢論奴券凡九篇

晉尚書郎張敏集二卷梁五卷

唐書經籍藝文志張敏集二卷宋史藝文志同宋洪邁容齋五筆曰故籠中得舊書一帙題為晉代名臣文集凡十四家有張敏者太原

人仕歷平南參軍太子舍人濟北長史其一

篇曰頭責子羽文極為尖新古來文士皆無此作其文九百餘言頗有東方朔客難劉孝標絕交論之體太平廣記所載神女成公智瓊傳蓋敏之作

嚴氏全晉文編曰張敏太原中都人咸寧中為尚書郎領秘書監太康初出為益州刺史有集二卷初學記有奇士劉披賦藝文類聚有神女賦北堂書鈔有神女傳世說排調篇注有頭責秦子羽文凡四篇

案秦子羽者張敏姊夫也其文作于泰始元年

梁又有黃門郎伏偉集一卷亡

伏偉始末未詳

晉黃門郎潘岳集十卷

晉書本傳岳字安仁滎陽中牟人也少以才穎見稱鄉邑號為奇童謂終賈之儔也早辟司空太尉府舉秀才泰始中武帝躬耕籍田岳作賦以美其事出為河陽令轉懷令調補尚書度支郎遷廷尉評以公事免楊駿引為

太傅主簿駿誅除名未幾選為長安令作西征賦述所經人物山水文清旨詣尋為著作郎轉散騎侍郎岳性輕躁趨世利與石崇諂事賈謐構愍懷之文岳之辭也謐二十四友

岳為其首謐晉書限斷亦岳之辭也其母數謂之曰爾當知足而乾沒不已乎而岳終不能改既仕宦不達乃作閑居賦趙王倫輔政

孫秀為尚書令誣岳與石崇歐陽建謀奉淮南王允齊王問為亂誅之夷三族岳辭藻絕

南王允齊王問為亂誅之夷三族岳辭藻絕

麗尤善爲哀誄之文

李充翰林論曰潘安仁之爲文也猶翔禽之羽毛衣被之綃縠案鍾嶸詩品知此下尙有淺于陸機之語

世說文學篇曰夏侯湛作周詩潘安仁因此作家風詩注云岳家風詩載其宗祖之德及自成也

又曰孫興公云潘文爛若披錦無處不善陸文若排沙簡金往往見寶注續文章志曰岳爲文選言簡章清綺絕倫晉陽秋曰岳善屬文清綺絕世蔡邕未能過也

鍾嶸詩品曰晉黃門郎潘岳詩其源出于仲宣翰林歎其翩翩然如翔禽之有羽毛衣服之綃縠猶淺于陸機謝混云潘詩爛若舒錦無處不佳陸文如披沙簡金往往見寶謂益壽輕華故以潘爲勝翰林篤論故歎陸爲深余常言陸才如海潘才如江 案輕華謂張華也詳見後陸機集條下據世說益壽云云乃孫綽之言也

文心雕龍詮賦篇曰太冲安仁策勳于鴻規又祝盟篇曰潘岳之祭庾婦奠祭之悲哀也黃氏注云潘集有爲諸婦祭與新婦文 又誄碑篇曰潘岳構意專師孝山巧于序悲易入新切所以隔代相望能徹厥聲者也 後漢蘇順字孝山有集見前 又哀弔篇曰建安哀辭惟倬長差善行女一篇時有惻怛及潘岳繼作實踵其美觀其慮善辭變情洞悲苦敘事如傳結言

摹詩促節四言鮮有緩句故能義直而文婉體舊而趣新金鹿澤蘭莫之能繼也 黃注潘

集有金鹿哀辭澤蘭哀辭 又指瑕篇曰潘岳爲才

善于哀文然悲內兄則云感口澤傷弱子則云心如疑禮文在尊極而施之下流辭雖足哀義斯替矣又才略篇曰潘岳敏給辭自和暢鍾美于西征賈餘于哀誄非自外也

唐書經籍藝文志潘岳集十卷 宋史藝文志七卷

馮氏詩紀輯存關中詩家風詩悼亡詩等十四篇四十四首

張氏百三家潘黃門集一卷凡賦表議頌贊箴訓碑哀文祭文誄五十二篇詩十四篇謠一篇

汪氏文選撰人篇曰曰晉潘安仁岳有籍田賦射雉賦西征賦秋興賦閒居賦懷舊賦寡婦賦箴賦關中詩金谷集詩悼亡詩三首贈陸機詩河陽縣詩懷縣詩楊州誄楊仲武誄夏侯常侍誄馬汧督誄哀永逝文

嚴氏全晉文編輯存賦二十有二表一議二訓頌替箴各一誄十四碑三哀策文等十二弔祭禱神文各一凡六十一篇

又文編卷首敘目曰潘岳集六卷明人纂輯本 案舊藏叢殘書中有明河東呂兆禧校潘黃門集六卷殆即此本也凡賦三卷十九篇詩一卷十四篇四十五首議頌箴贊訓誄哀文哀辭碑弔祭合二卷三十篇其本與汪氏賢二十名家集相似 又兩唐志有潘岳關中記

一卷本志不著錄或亦編入本集

晉太常卿潘尼集十卷

魏志衛凱傳建安末尙書右丞河南潘勗亦

以文章顯文章志曰勗子滿平原太守亦以學行稱滿子尼字正叔尼別傳曰少有清才文辭溫雅尼嘗贈陸機詩機答之其四句曰猗歟潘生世篤其藻仰儀前文丕隆祖考位終大常尼從父岳爲孫秀所殺尼岳文翰並見重于世

晉書潘岳傳岳從子尼字正叔少與岳俱以文章見知性靜退不競唯以勤學著述爲事著安身論以明所守太康中舉秀才爲博士元康初拜太子舍人上釋奠頌數遷著作郎爲乘輿箴及趙王倫篡位孫秀專政忠良之士皆罹禍酷尼遂疾篤取假拜掃墳墓開齊王問起義乃赴許昌問引爲參軍事平封安昌公歷黃門侍郎散騎常侍侍中祕書監永興末爲中書令時三王戰爭皇家多故尼職居顯要從容而已雖憂虞不及而備嘗艱難永嘉中遷太常卿洛陽將沒攜家還鄉里道

遇賊不得前病卒于塢壁年六十餘 又史臣曰安仁蔑棄倚門之訓乾沒不逞之聞斯才也而有斯行也天之所賦何其駁歟正叔合咀藝文履危居正安其身而後動契其心而後言著論究人道之綱裁箴乘輿之鑿可謂玉質而金相者矣

太平御覽文部文士傳曰潘尼曾與同僚飲主人有琉璃盃使客賦之尼于坐立成

文心雕龍箴篇曰潘尼乘輿義正體無唐書經籍藝文志潘尼集十卷

馮氏詩紀輯存詩二十篇二十六首

張氏百三家潘太常集一卷凡賦頌箴論序
銘碑二十三篇詩二十首

汪氏文選撰人篇目晉潘正叔尼有贈陸機
詩贈河陽詩贈侍御史王元貺詩迎大駕詩

嚴氏全晉文編輯存賦十四詩序三頌二論
一箴二銘一碑二碣一凡二十六篇

晉頌丘太守歐陽建集二卷

晉書石崇傳時趙王倫專權崇甥歐陽建與
倫有隙孫秀以求緣殊不得乃勸倫誅崇建
遂與潘岳皆被害建字堅石世為冀方右族
雅有思才藻美膽擅名北州時人為之語
曰渤海赫赫歐陽堅石辟公府歷山陽令尚
書郎馮翊太守甚得時譽及遇禍莫不悼惜
之年三十餘臨命作詩文甚哀楚

唐書經籍藝文志歐陽建集二卷

馮氏詩紀輯存臨終詩答棗腆詩

汪氏文選撰人篇目曰晉歐陽堅石建有臨
終詩

嚴氏全晉文編輯歐陽建有集二卷藝文類聚
六十三載有登檣賦世說文學篇注有言盡
意論凡二篇 案世說云王丞相過江左道聲無哀

樂養生言盡意三理而已然宛轉關生無所不入聲聲無
哀樂論養生論稽叔夜諸人所撰也言盡意論則歐陽堅
石所作蓋亦名論

梁有宗正劉許集二卷錄一卷亡

魏志劉放傅放子正臣松之案頭責子羽曰
士卿劉許字文生正之弟也與張華六人並
稱文辭可觀意思詳序晉惠帝世許為越騎

校尉案頭責子羽文見前張敬集

世說排調篇注晉百官名曰劉許字文生涿
鹿郡人父放魏驃騎將軍許惠帝時為宗正
卿

唐書經籍志劉許集二卷藝文志劉許集二
卷

梁有散騎常侍李重集二卷亡

晉書本傳重字茂會江夏鍾武人也少好學
有文辭為始平王文學上疏陳九品遷太子
舍人尚書郎太熙中遷廷尉平駁廷尉奏郎
駟驪等文多不載再遷中書郎每大事及疑
議輒參以經典處決多皆施行為尚書吏部
郎平陽太守永康初趙王倫用為相國左司
馬以憂偏成疾而卒時年四十八追贈散騎
常侍諡曰成

唐書經籍志李重集二卷

唐書藝文志李黃集二卷黃當為重

嚴氏全晉文編李重有集二卷書鈔類聚通
典御覽諸書有疏奏駁雜奏議薦曹嘉表
吏部尚書箴序凡八篇

梁有光祿大夫樂廣集二卷錄一卷亡

晉書本傳廣字彥輔南陽滎陽人也僑居山
陽寒素為業性沖約有遠識與物無競尤善
談論每以約言析理以厭人之心王戎為荆
州刺史聞廣為夏侯玄所賞乃舉為秀才又
薦于賈充拜太尉掾歷太子舍人元城令累
遷侍中河南尹廣善清言而不長于筆將讓
尹請潘岳為表岳曰當得君意廣乃作二百

句語述己之志岳因取次比便成名筆時人

咸云若廣不假岳之筆岳不取廣之旨無以
成斯美也廣與王衍俱宅心事外名重于時
故天下言風流者謂王樂為稱首焉是時王

澄胡母輔之等亦皆任放為達或至裸體廣
聞而笑曰名教內自有樂地何必乃爾代王
戎為尚書令始戎薦廣而終踐其位時人美
之成都王穎廣之壻也穎與長沙王乂遭難
廣以憂卒

唐書經籍藝文志樂廣集二卷

梁有阮渾集三卷錄一卷亡

阮渾有周易論見經部易家

唐書經籍藝文志阮渾集二卷

晉侍中嵇紹集二卷錄一卷

魏志王粲傳注嵇康子紹字延祖少知名山
濤啓以為秘書郎稱紹平簡溫敏有文思又
曉音當成濟者帝曰紹如此便可以為丞不
足復為郎也遂歷顯位晉諸公贊曰紹與山
濤子簡弘農楊準同好友善而紹最有忠正
之情以待中從惠帝北伐成郡王穎王師敗
績百官奔步惟紹獨以身扞衛遂死于帝側
故累見褒崇追贈太尉諡曰忠穆公

唐書經籍藝文志嵇紹集二卷

馮氏詩紀輯存贈石季倫詩一篇

嚴氏全晉文編輯嵇紹有集二卷晉書忠義傳
載有上惠帝疏陳準諡議張華不宜復爵議
諫齊王問書世說言語篇有敘趙至凡五篇

梁有錢唐令楊建集九卷亡

楊建始末未詳

梁有長抄相盛彥彥集五卷亡

晉書孝友傳盛彥字翁子廣陵人也少有異

才年八歲詣吳太尉戴昌昌贈詩以觀之彥

子坐答之辭甚慷慨仕吳至中書侍郎吳平

陸雲薦之于刺史周浚本邑大中正劉頌又

舉彥為小中正太康中卒

嚴氏全晉文編曰彥入晉為長沙相本邑小

中正有集五卷書鈔御覽有擊壤賦藏疆賦

與劉頌書通典有通桑梓敬義凡四篇

梁有左長史楊又集三卷錄一卷亡

楊又有卦序論見經部易家

嚴氏全晉文編楊又有集三卷類聚御覽有

雲賦刑禮論凡二篇

晉尚書盧播集一卷梁二卷錄一卷

阮籍集籍與晉文王書薦盧播曰伏見鄙州

別駕同郡盧播年三十二字景宣少有才秀

之異長懷淑茂之量研精墳典聰鑒物理潛

心圖籍文學之宗敷藻載述良史之表誠後

門之秀偉當時之利器

晉書周處傳處與振威將軍盧播雍州刺史

解系攻齊萬年于六陌自旦及暮斬首萬計

絃絕矢盡播系不救處遂力戰而沒

唐書經籍藝文志盧播集二卷

嚴氏全晉文編盧播字景宣陳留人為本州

別駕元康中遷梁王彤征西長史進振威將

軍後為尚書有集二卷藝文類聚三十六引

二十五史補編 隋書經籍志考證

梁又有樂肇集五卷錄一卷亡

樂肇有周易象論見經部易家

唐書經籍藝文志樂肇集五卷

梁又有南中郎長史應亨集二卷亡

唐書經籍藝文志應亨集二卷

嚴氏全晉文編曰應亨應貞從孫為著作郎

累遷南中郎長史有集二卷書鈔有讓著作

表初學記御覽有與州將箋應翊像贊序贈

四王冠詩序凡五篇 案亨讓著作表云自司隸校

尉奉至臣父五世著作不絕邦族以為美談則後漢應奉

之六世孫也奉有漢書後序見子部儒家

晉國子祭酒杜育集二卷

世說品藻篇注晉諸公贊曰杜育字方叔襄

城鄧陵人杜襲孫也育幼便岐嶷號神童及

長美風姿有才藻時人號曰杜聖累遷國子

祭酒洛陽將沒為賊所殺

釋文敘錄曰杜育字方叔襄城人國子祭酒

為易義

唐書經籍藝文志杜育集二卷

馮氏詩紀輯存贈摯仲治詩一篇

嚴氏全晉文編曰育初與石崇等為賈謐二

十四友永興中拜汝南太守永嘉中進右將

軍後為國子祭酒有易義若干卷集二卷類

聚書鈔御覽有菴賦菴賦各一篇

晉太常卿摯虞集九卷梁十卷錄一卷

摯虞有決疑要注見史部儀注篇

晉書本傳虞少事皇甫謐才學通博著述不

所守蕩而積憤或迷或放故借之以身假之

以事作思游賦舉賢良與夏侯湛等十七人

策為下第武帝又詔會東堂策問時吳寇新

平天下又安上太康頌以美晉德又表論封

禪見禮志又議玉輅兩社事見與服志性愛

人士有表薦者恆為其辭

文心雕龍才略篇曰摯虞述懷必循規以溫

雅

唐書經籍志摯虞集二卷藝文志十卷

馮氏詩紀輯存答杜育詩雍州詩二篇

張氏百三家輯本序曰仲治為玄晏高弟知

名當世遭亂餒死傷哉貧也張茂先聚書三

十乘仲治撰定官書皆資以取正茂先冤死

仲治致賤齊王事漸表白可云不負知己集

詩甚少賦亦遠遠茂先議禮諸文最稱宏辯

與杜元凱東廣微並生一時勢猶鼎足二荀

弗如也東堂策對其生平致身之文中少壯

氣沿為卑響靡靡之句當日作者得毋自恨

其率爾乎凡賦策表奏議駁書牋頌箴贊銘

誥五十三篇文章流別論十二條對一篇詩

二篇騷一篇

嚴氏全晉文編輯存賦騷誥冊文對策表奏

議駁對箋書頌贊銘箴決疑理疑文章流別

論凡六十篇

梁又有祕書監繆徵集二卷錄一卷亡

魏志劉邵傳邵同時東海繆文章志曰襲

歷仕魏四世正始六年卒子悅字孔惺晉光

第七〇五頁 開明書店製版

晉書賈充傳充無子以外孫韓謚為嗣襲封魯公權過人主渤海石崇歐陽建榮陽潘岳吳國陸機陸雲蘭陵繆徵等皆傳會于謚號曰二十四友

又張軌傳秘書監繆世徵少府掾虞夜觀星象相與言曰天下方亂避難之國唯涼土耳案此作繆世徵其字歟又疑世應之誤

唐書經籍藝文志繆徵集二卷

案嚴氏文編云繆世應一作應世爵里未詳當在惠帝時書鈔六十二引有所作石鑿碑一條按世應頗似徵之字疑即其人也

晉齊王府記室左思集二卷梁有五卷錄一卷

晉書文苑傳左思字太冲齊國臨菑人也家世儒學少學鍾胡書及鼓琴並不成遂感激勤學兼善陰陽之術貌寢口訥而辭藻壯麗不好交游惟以閒居為事造齊都賦一年乃成復欲賦三都會妹芬入宮移家京師乃詣著作郎張載訪岷邛之事遂構思十年門庭藩溷皆著紙筆遇得一句即便疏之自以所見不博求為祕書郎及賦成時人未之重思以其作不謝班張恐以人廢言安定皇甫謐有高譽思造而示之謐稱善為其賦序張載為注魏都劉逵注吳蜀而序之陳留衛瓘又為思賦作略解自是之後盛重于時司空張華見而歎曰班張之流也使讀之者盡而有餘久而更新于是豪貴之家競相傳寫洛陽為之紙貴初陸機入洛欲為此賦聞思作之

撫掌而笑與弟雲書曰此間有僧父欲作三都賦須其成當以覆酒甕耳及思賦出機絕歎服以為不能加也遂綴筆焉祕書監賈謐請講漢書謐誅退居宜春里專意典籍齊王罔命為記室督及張方縱暴都邑舉家適冀州數歲以疾終

鍾嶸詩品曰迄于有晉太康中三張二陸兩潘一左勃爾復興踵武前王風流未沫亦文章之中興也又曰晉記室左思詩其源出於公幹文典以怨頗為精切得諷諭之致雖野于陸機而深于潘岳謝康樂常言左太冲潘安仁詩古今難比

文心雕龍明詩篇曰四言五言兼善則子建仲宣偏美則太冲公幹又詮賦篇曰仲宣偉長太冲安仁士衡子安景純彥伯亦魏晉之賦首也又雜文篇曰枚乘七發以下作者繼踵自桓麟七說以下左思七諷以上枝附影從十有餘家或文麗而義賾或理粹而辭駁又指瑕篇云左思七諷說孝而不從反道若斯餘不足觀矣又才略篇云左思奇才業深覃思盡銳于三都拔萃于詠史無遺力矣本志總集篇梁有齊都賦二卷并音左思撰案此有敘誤詳見本條又曰梁有張載及晉侍中劉逵晉懷令衛瓘注左思三都賦三卷纂母遼注三都賦三卷唐書經籍志左思集五卷又總集類齊都賦一卷左太冲撰齊都賦音一卷李軌撰又三都賦三卷左太冲撰

唐書藝文志左思集五卷又總集類左太冲齊都賦一卷李軌齊都賦音一卷左太冲三都賦三卷

馮氏詩紀輯存贈妹九嬪悼離詩詠史詩八首招隱詩雜詩嬌女詩凡五篇十四首

汪氏文選撰人篇目晉左太冲思有三都賦詠史詩招隱詩雜詩

嚴氏全晉文編左思有集五卷今存齊都賦五條及三都賦并序白髮賦七諷凡七篇

梁又有晉豫章太守夏靖集二卷錄一卷亡唐書經籍藝文志夏侯靖集二卷

按晉書熊遠傳遠豫章南昌人太守會稽夏靜辟為功曹及靜去職遠送至會稽以歸蓋即此夏靖會稽人也靜與靖通兩唐志作夏侯靖非是

梁又有吳王文學鄭豐集二卷錄一卷亡吳志孫權赤烏二年注文士傳曰鄭胄字敬先沛國人仕吳為執金吾子豐字曼季有文學操行與陸雲善與雲詩辭往返司空張華辟未就卒案武帝諸子中有吳敬王曼太康十年封洛京傾覆遇害年三十一此稱吳王文學殆太康十年以後豐嘗為此吳王文學據者陸機兄弟嘗為吳王郎中令蓋與之同時

唐書經籍藝文志鄭豐集二卷馮氏詩紀陸士龍詩後附鄭曼季答詩四篇凡二十首嚴氏全晉文編曰鄭豐字曼季沛國人司空張華辟未就有答陸士龍詩序三篇並見陸

雲集

梁又有大司馬東曹掾張翰集二卷錄一卷亡

晉書文苑傳張翰字季鷹吳郡吳人也父儼

吳大鴻臚翰有清才善屬文而縱任不拘時

人號爲江東步兵齊王冏辟爲大司馬東曹

掾冏時執權翰謂同郡顧榮曰天下紛紛禍

難未已夫有四海之名者求退良難吾本山

林間人無望于時子善以明防前以智慮後

榮執其手愴然曰吾亦與子采南山蕨飲三

江水耳翰因見秋風起乃思吳中菰菜葦羹

鱸魚膾曰人生貴得適志何能羈宦數千里

以要名爵乎遂命駕而歸著首邱賦文多不

載府以其輒去吏名翰任性自適不求當

世年五十七卒其文筆數十篇行於世

鍾嶸評張翰潘尼詩曰季鷹黃花之唱正叔

綠繁之良雖不具美而文采高麗並得虬龍

片甲鳳皇一毛

文心雕龍才略篇曰曹摅清靡于長篇季鷹

辨切于短韻各其善也

唐書經籍藝文志張翰集二卷

馮氏詩紀輯存周小史詩一首雜詩二首秋

風歌一首

汪氏文選撰人篇目晉張季鷹翰有雜詩一

首

嚴氏全晉文編張翰有集二卷案翰有首邱

賦今亡藝文類聚有杖賦豆羹賦初學記有

詩序凡三篇又類聚十七有張翰不用舌論

一篇韓爵里未詳疑翰之誤

梁又有清河王文學陳略集二卷錄一卷亡

陳略始末未詳清河康王暹嗣王暹並見晉書武十

三王傳

唐書經籍藝文志陳略集二卷

梁又有揚州從事陸沖集二卷錄一卷亡

陸沖始末未詳

唐書經籍藝文志陸沖集二卷

馮氏詩紀輯存陸沖雜詩二首文不完自述其

長途旅行

嚴氏全晉文編曰陸沖爲揚州從事有集二

卷藝文類聚卷一有沖風賦

晉平原內史陸機集十四卷梁四十七卷錄一卷

陸機有吳章篇見經部小學家

晉書本傳機年二十而吳滅退居舊里閉門

勤學積有十年以孫氏在吳而祖父世爲將

相有大勳於江表深慨孫皓舉而棄之乃論

權所以得皓所以失又欲述其祖父功業遂

作辯亡論二篇及齊王冏矜功自伐受爵不

讓作豪士賦以刺焉又以聖王經國義在封

建因采其遠指著五等論機天才爲逸辭藻

宏麗張華嘗謂之曰人之爲文常恨才少而

子更患其多弟雲嘗與書曰君苗見兄文輒

欲燒其筆硯後葛洪著書稱機文猶玄圃之

積玉無非夜光焉五河之吐流泉源如一焉

其弘麗妍瞻英銳漂逸亦一代之絕乎其爲

人所推服如此然好游權門與賈謐親善以

進趣獲譏所著文章凡二百餘篇並行於世

李充翰林論或問曰何如斯可謂之文答曰

孔文舉之書陸士衡之議斯可謂成文矣又

曰在朝辯政而議奏出宜以遠大爲本陸機

議晉斷亦名其美矣

鍾嶸詩品曰陸機爲太康之英安仁景陽爲

輔五言之冠冕文辭之名世也又曰晉平原

相陸機詩其源出于陳思才高辭瞻舉體華

美氣少於公幹文劣於仲宣尙規矩不貴綺

錯有傷直致之奇然其咀嚼華英厭厭膏澤

文章之淵泉也張公歎其大才信矣

文心雕龍明詩篇曰晉世羣才稍入輕綺張

潘左陸比肩詩衡采緝於正始力柔於建安

或析文以爲妙或流靡以自妍此其大略也

又頌贊篇云陸機積篇惟功臣最顯其褒貶

雜居固未代之詛體也黃注云陸集有漢高祖功

臣頌又雜文篇云自楊雄連珠以下擬者間

出唯士衡運思理新文敏而裁章置句廣于

舊篇豈慕朱仲四寸之璫乎又哀弔篇云陸

機之弔魏武序巧而文繁又論說篇云陸機

辯亡效過秦而不及又檄移篇云陸機之移

百官言約而事顯武移之要者也又議對篇

云陸機斷議亦有鋒穎而腴辭弗剪頗累文

骨亦各有美風骨存焉又書記篇云劉廙謝

恩喻切以至陸機自理情周而巧箋之爲善

者也

本志總集篇梁有連珠一卷陸機撰何承天

注亡案文選有陸士衡演連珠劉孝標注七錄本志皆

不見

唐書經籍藝文志陸機集十五卷宋史藝文志十卷

晁氏讀書志陸機集十卷機所著文章三百餘篇案三百或二百之誤 今存詩賦論議箋表碑誄百七十餘首以晉書文選校正外餘多舛誤

馮氏詩紀輯存樂府一卷三十八篇四十五首詩一卷四十五篇八十首 張氏百三家輯存文一卷樂府詩一卷

汪氏文選撰人篇目晉陸士衡機有歎逝賦文賦譙玄圃詩招隱詩斥邱令詩答賈謐詩與士龍詩贈顧彥先詩贈顧交阯詩贈車騎詩答張士然詩為顧贈婦詩贈馮文熊詩贈士龍詩赴洛詩赴洛道中詩從梁陳詩樂府十七首挽歌三首園葵詩擬古十二首謝內史表豪士詩序漢高功臣頌辯亡論五等諸侯論演連珠五十首弔魏武文

四庫未收書目曰陸士衡文集十卷案宋慶元庚申奉議郎知華亭縣事徐民瞻合刻二陸文集取張華之語目之曰晉二俊文集此即影鈔民瞻之本與七閣所收陸士龍集相合計賦二十五篇為四卷詩五十八篇為二卷樂府十首百年歌十首為一卷演連珠一首七徵一首為一卷頌箴贊表文誄哀辭共十篇為一卷議論碑五首為一卷共一百七十四首與晁志數正同知民瞻所刻即公武之本也文句譌敝北宋時已如此而機集之傳于今者莫古于此本矣

嚴氏文編敘錄曰陸機集十卷明都穆二俊文集本其序言宋舊本其實從羣書纂輯非舊本也又全晉文編輯本四卷凡七十四篇張氏書目答問陸士衡集十卷明汪士賢刻漢魏六朝二十名家集本

晉清河太守陸雲集十二卷梁十卷錄一卷陸雲有陸子十卷見子部道家

晉書本傳雲六歲能屬文清正有才理少與兄機齊名雖文章不及機而持論過之號曰二陸所著文章三百四十九篇行于世

抱朴子佚文曰嵇君道問二陸優劣抱朴子曰吾見二陸之文百許卷似未盡也又嵇君道曰每讀二陸之文未嘗不廢書而歎恐其卷盡也

文心雕龍鎔裁篇曰士衡才優而綴辭尤繁士龍思劣而雅好清省及雲之論機恆恨其多而稱清新相接不以為病蓋崇友于耳又才略篇曰陸機才欲窺深辭務宏廣故思能入巧而不制繁士龍朗練以識檢亂故能布采鮮淨敏于短篇

唐書經籍藝文志陸雲集十卷 宋史藝文志同 晁氏讀書志同

崇文總目陸雲集八卷 陳氏書錄解題陸士龍集十卷晉清河內史陸雲撰太康平吳二陸入洛張茂先所謂利獲二俊者也遜抗之後而有機雲可謂代不乏人矣然皆不免其身才者身之累也況居亂世乎機好游權門抑又有以取之耶

馮氏詩紀輯存詩二卷凡二十九篇一百三十七首附鄭曼季答詩四篇

張氏百三家輯本凡賦啓書疏頌贊箴碑誄文騷為一卷詩一卷

四庫提要曰陸士龍集十卷史謂其文章不及機而持論過之今觀集中諸啓其執辭諫諍陳議鯁切誠近於古之遺直至其文藻麗密詞旨深雅與機亦相上下平吳二俊要亦未易優劣也唐志作十卷則隋時十二卷本已不復見至南宋時十卷之本又漸湮沒慶元間信安徐民瞻始得之于秘書省與機集並刊以行然今亦未見宋刻世所行者惟此

本史稱雲所著三百四十九篇此僅錄二百餘篇蓋明人所重編敘次頗為叢雜

汪氏文選撰人篇目晉陸士龍雲有大將軍讌會詩為顧贈婦詩答兄詩答張士然詩

嚴氏文編敘錄曰陸雲集十卷宋刊本又明都穆二俊文集本又全晉文編輯本五卷凡五十四篇

張氏書目答問陸士龍集十卷明汪士賢刻二十名家集本

梁又有少府丞孫極集二卷錄一卷亡 唐書經籍藝文志孫極集二卷

嚴氏全晉文編曰藝文類聚三十六有孫承嘉遜賦一篇承爵里未詳案吳志孫桓傳注桓從孫承字顯世文士傳曰承作螢火賦行于世仕孫皓為黃門侍郎吳平赴洛為范陽涿令永安中陸機請為司馬與機俱被害晉

書陸機傳作孫拯未知即其人否

案晉書陸機附傳云孫拯者字顯世吳郡富春人也能屬文孫晧世侍臣多得罪惟

拯與顧榮以智全機既為孟玖等所誣收拯考掠兩踝骨見終不變辭門生費慈宰

意二人詣獄明拯拯譬遣之曰吾義不可誣枉知故卿何宜復爾二人曰僕亦安得

負君拯遂死獄中而慈意亦死其人其事固足為千載痛傷者也此孫極大抵是孫

拯之誤故七錄附其集於二陸之後拯殆以少府丞為陸機後將軍河北大都督司

馬歟馮氏詩記輯存拯贈陸士龍詩十章晉中書郎張載集七卷梁一本二卷錄一卷

晉書本傳載字孟陽安平人也父收蜀郡太守載性閑雅博學有文章太康初至蜀省父

道經劍閣載以蜀人特險好亂因著銘以作誠益州刺史張敏見而奇之乃表上其文張

敏有集見前武帝遣使鑄之於劍閣山焉載又為權論又為濛汜賦司隸校尉傅玄見而嗟

歎以車迎之言談盡日為之延譽遂知名起家佐著作郎數遷至中書侍郎領著作載見

世方亂無復進仕意遂稱疾告歸卒於家又史臣曰孟陽鏤石之文見奇於張敏濛汜

之詠取重於傅玄為名流之所挹亦當代之文宗矣

鍾嶸詩品曰孟陽詩乃遠慚厥弟而近超兩傳

文心雕龍銘箴篇曰張載劍閣其才清采迅

足駭駭後發前至勒銘岷漢得其宜矣

唐書經籍藝文志張載集三卷馮氏詩紀輯存詩十篇十四首

張氏百三家輯本一卷凡賦論頌銘詩十八篇

汪氏文選撰人篇目曰晉張孟陽載有七哀詩擬四愁詩劍閣銘

嚴氏全晉文編張載有集七卷存濛汜池等賦七篇頌二論一銘三凡一十三篇

晉黃門郎張協集三卷梁四卷錄一卷晉書張載傳載弟協字景陽少有儁才與載

齊名辟公府掾數遷至河間內史于時天下已亂所在寇盜協遂棄絕人事屏居草澤守

道不競以屬詠自娛擬諸文士作七命世以為工永嘉初復徵為黃門侍郎託疾不就終

於家協弟元字季陽才藻不逮二兄亦有屬綴時人謂載協元陸機雲曰二陸三張

又史臣曰景陽摛光王府棟蓍相耀泊乎二陸入洛三張減價考覈遺文非徒語也

鍾嶸詩品曰晉黃門郎張協詩其源出於王粲文體華淨少病累又巧構形似之言雄於

潘岳靡於太沖風流調達實曠代之高手辭采葱蒨音韻鏗鏘使人味之亶亶不倦

文心雕龍才略篇曰孟陽景陽才綺而相埒可謂魯衛之政兄弟之文也

唐書經籍藝文志張協集二卷馮氏詩紀輯存詠史詩一首雜詩十一首游仙詩一首

張氏百三家輯本一卷凡賦銘七命及詩一十七首序曰晉代文人有二陸三張之名景

陽詩獨勁出二子守道嫉衆貪位高尚之懷每形詩詠時或疵其玄之尚白及觀二鳳齊

傾金谷並損華亭上蔡嗟呼歎晚然後知達人至識長謠二疏高歌招隱所以能自脫於

巫山之火也案長謠二疏即所作詠史詩高歌招隱其兄載招隱詩有云不與巫山火芝艾豈相離故此云爾

汪氏文選撰人篇目曰晉張景陽協有詠史詩雜詩十首七命一篇

嚴氏一晉文編張協有集四卷今存賦六篇七命一篇頌一篇銘七篇

晉著作郎東哲集七卷梁五卷錄一卷東哲有發蒙記見經部小學家

晉書本傳哲嘗為勸農及甦諸賦文頗鄙俗時人薄之而性沈退不慕榮利作玄居釋以

擬客難張華見而奇之又上議大興田農在著作得觀竹書隨宜分釋皆有義證所著五

經通論發蒙記補亡詩文集數十篇行於世云

又王接傳祕書丞衛恆考正汲冢書未迄而遭難佐著作郎東哲述而成之事多證異義

時東萊太守陳留王庭堅難之亦有證據哲又釋難而庭堅已亡散騎侍郎潘滔謂接曰

卿才學理議足解二子之紛可試論之接遂詳其得失摯虞謝衡皆博物多聞咸以為允

當

文心雕龍諸讜篇曰魏晉滑稽盛相驅扇懿

文之士未免枉轡潘岳醜婦之屬束皙賣餅之類尤而效之蓋以百數

唐書經籍藝文志束皙集五卷 宋史藝文志一

卷

馮氏詩紀輯存補亡詩六首曰南陔曰白華

曰華黍曰由庚曰崇邱曰由儀

張氏百三家束廣徵集一卷凡賦論議對奏

書牋文雜文補亡詩二十五篇序曰晉世笑

束先生勸農及黜諸賦文辭鄙俗今雜置賦

苑反覺其質致近古由彼彫績少也玄居釋

痛言周漢衰時禍福無報朝卿相夕鼎烹功

名之士可為嘖指出血集中數議爾雅之文

不愧典冊補亡詩志大而辭淺欲以續經罷

不勝任也

汪氏文選撰人篇目晉束廣徵哲有補亡詩

嚴氏全晉文編束皙有集七卷今存賦奏議

書玄居釋補亡詩序失題弔文發蒙記論凡

二十篇為一卷

梁又有征南司馬曹據集三卷錄一卷亡

魏志曹休傳休太祖族子也子肇肇子與張

隱文士傳曰肇孫據字顏遠少厲志操博學

有才藻仕晉辟公府歷洛陽令齊王冏輔政

據與齊人左思俱為記室督從中郎出為襄

陽太守征南司馬值天下亂據討賊向吳戰

死

晉書良吏傳曹據字顏遠譙國譙人也少好

學善屬文太尉王衍見而器之永嘉二年高

密王簡鎮襄陽以據為征南司馬其年流人

王適等聚眾寇掠城邑簡遣參軍崔曠討之令據督護曠曠奸凶人也謫據前戰期為後繼既而不至據獨與適戰軍敗死之

鍾嶸評石崇曹據詩曰季倫顏遠並有英篇

文心雕龍才略篇曰曹據清靡于長篇

唐書經籍藝文志曹據集二卷

馮氏詩紀輯存思友詩感舊詩贈石崇詩

汪氏文選撰人篇目曰晉曹顏遠據有思友人詩感舊詩

嚴氏全晉文編曹據有集二卷藝文類聚文

選注有述志賦感舊賦圍棋賦凡三篇

梁又有散騎常侍江統集十卷錄一卷亡

晉書本傳統字應元陳留圉人也祖蕤誰郡

太守封亢父舅父祚安南太守統靜默有遠

志與鄉人蔡克俱知名襲父爵除山陰令時

關隴屢為氏羌所擾孟觀西討自檢氏帥齊

萬年統深惟四夷亂華宜杜其萌乃作徒戎

論帝不能用未及十年而夷狄亂華時服其

深識遷中郎轉太子洗馬太子頗闕朝覲又

奢費過度多諸禁忌統上書諫陳五事朝廷

善之及太子廢徙許昌薨統作誄敘哀為世

所重後為博士尚書郎參大司馬齊王冏事

冏驕荒將敗統切諫成都王穎請為記室多

所箴諫申論陸雲兄弟辭甚切至累遷黃門

侍郎選騎常侍永嘉四年避難奔於成臯病

卒凡所造賦頌表奏皆傳於後

又史臣曰江統風檢操行良有可稱陳留多

士斯為其冠徙戎之論實是經國遠圖然運

距中衰陵替有漸假其言見用恐速禍招怨無救於將顛也逮愍懷廢徙冒禁拜辭所謂命輕鴻毛義貴熊掌

唐書經籍藝文志江統集十卷 宋史藝文志一

卷

嚴氏全晉文編江統有集十卷今存祖淮賦

函谷關賦酒誥疏議書徒戎論銘凡十四篇

梁又有著作郎胡濟集五卷錄一卷亡

唐書經籍藝文志胡濟集五卷

嚴氏全晉文編曰胡濟元康中為尚書郎領

著作有集五卷今存灑谷賦黃甘賦奏薦伍

朝改葬前母服議凡四篇

晉中書令卞粹集一卷梁五卷

晉書卞壹傳壹陰險冤旬人也父粹以清辨

鑒察稱兄弟六人並登宰府世稱卞氏六龍

玄仁無雙玄仁粹字也惠帝初為尚書郎楊

駿執政人多附會而粹正直不阿及駿誅超

拜右丞封成陽子稍遷至右軍將軍張華之

誅粹以華培免官齊王冏輔政為侍中中書

令進爵為公及長沙王又專權粹立朝正色

父忌而害之 長沙王又傳冏問王顯潛使侍中馮蔗

河南尹李含中書令卞粹等驛父又並誅之

唐書經籍藝文志卞粹集二卷

嚴氏全晉文編卞粹有集五卷晉宋書禮志

引王昌前母服議為皇太孫服議各一篇

梁又有光祿勳閔邱沖集二卷錄一卷亡

世說品藻篇注荀綽兖州記曰閔邱沖字賓

卿高平人家世二千石沖清平有鑒識博學

有文義累遷太傅長史操持文案必引經誥飾以文采未嘗有滯性尤通達不矜不假至於白首而清名令望不渝始為光祿勳京邑未潰乘車出為賊所害時人皆痛惜之

唐書經籍藝文志閻邱冲集二卷
馮氏詩紀輯存三月三日應詔詩二首招隱詩一首

嚴氏全晉文編曰閻邱冲懷帝初為光祿勳有集二卷晉書禮志有武悼楊皇后服議一篇

晉太傅從事中郎庾徵集一卷梁五卷錄一卷

晉書庾峻傳峻潁川鄆陵人二子珉數數字

子嵩雅有遠韻為陳留相未嘗以事嬰心從容酣暢寄通而已嘗讀老莊曰正與人意關

同太尉王衍雅重之徵見王室多難終知嬰禍乃著意賦以豁情衍賈誼之服鳥也從子亮見賦問曰若有意也非賦所盡若無意也

復何所賦答曰在有無之間耳遷吏部郎參東海王越太傅軍事轉軍諮祭酒越府多僞

異徵在其中常自袖手徵有重名為搢紳所推石勒之亂與王衍俱被害年五十

案徵有數音以其字子嵩言之則徵音常讀如鬼

唐書經籍藝文志庾徵集二卷

嚴氏全晉文編庾徵有集五卷本傳有意賦藝文類聚有幽人箴凡二篇

梁又有太子中舍人阮瞻集二卷錄一卷亡

晉書阮籍傳籍兄子咸咸子瞻字千里清心寡欲自得于懷讀書不甚研求而默識其要

遇理而辨詞不足而旨有餘見司徒王戎戎問曰聖人貴名教老莊明自然其旨同異瞻曰將毋同戎咨嗟良久即命辟之時人謂之三語掾太尉王衍亦雅重之東海王越鎮許昌以瞻為記室參軍與王承謝鯤鄧攸俱在越府永嘉中為太子舍人瞻素執無鬼論物莫能難每自謂此理足可以辨正幽明後病卒于倉垣時年三十

唐書經籍藝文志阮瞻集二卷
嚴氏全晉文編阮瞻有集二卷初學記書鈔御覽有上已會賦一篇

梁又有太子洗馬阮脩集二卷錄一卷亡

晉書阮籍傳籍兄子咸咸子瞻瞻弟孚從子脩字宣子好易老善清言嘗有論鬼神有無者皆以人死者有鬼脩獨以為無曰今見鬼

者云着生時衣服若人死有鬼衣服亦有鬼耶論者服焉性簡任不修人事家無儋石之儲晏如也與兄弟同志常自得於林阜之間

王衍當時談宗自以論易略盡然有所未了研之終莫悟每云不知比沒當見能通之者

不衍族子敦謂衍曰阮宣子可與言衍曰吾亦聞之但未知齋齋之處定何如耳及與修

談言寡而旨暢衍乃歎服焉脩居貧年四十餘未有室王敦等斂錢為婚皆名士也時慕

之者求入錢而不得脩所著述甚寡嘗作大鵬贊王敦引為鴻臚丞轉太傅行參軍太子

洗馬避亂南行至西陽期思縣為賊所害時年四十二

唐書經籍藝文志阮脩集二卷 舊志岑氏刻本誤作阮脩

馮氏詩紀輯存上已會詩一篇

嚴氏全晉文編阮脩有集二卷本傳有大鵬贊北堂書鈔有患雨賦凡二篇

梁又有廣威將軍裴邈集二卷錄一卷亡

魏志裴潛傳潛河東聞喜人子秀嗣文章敏錄曰秀少子頌頌從父弟邈字景聲有雋才為太傅司馬越從事中郎監中外營諸軍事

又劉與傳時稱越府有三才潘滔大才劉與長才裴邈清才

晉書裴秀傳末曰初裴王二族盛於魏晉之世時人以為八裴方八王徽比王祥楷比王

衍康比王綏綽比王澄瓊比王敦遐比王導頌比王戎邈比王玄云

唐書經籍藝文志裴邈集二卷
嚴氏全晉文編曰藝文類聚初學記御覽引裴邈文身斂銘文身刀銘各一篇

晉太傅郭象集二卷梁五卷錄一卷 錢氏隋書考異曰郭延禧曰太傅下敝主簿二字

郭象有論語體略見經部論語家

晉書本傳象少有才理好老莊能清言太尉王衍每云聽象語如懸河瀉水注而不竭州

郡辟召不就常閑居以文論自娛及為東海王越主簿任職當權熏灼內外由是素論去之著碑論十二篇

唐書經籍藝文志郭象集五卷
嚴氏全晉文編郭象有集二卷今惟見莊子

注序一篇

梁又有廣州刺史稽含集十卷錄一卷亡

晉書忠義稽紹傳紹康之子也從子含字君道祖喜徐州刺史父蕃太子舍人含好學能屬文家在羣縣臺丘自號臺丘子門曰歸厚之門室曰慎終之室舉秀才除郎中時弘農王粹以貴公子尚主館宇甚盛圖莊周于室廣集朝士使含為之贊合援筆為弔文以謂託非其所可弔不可贊粹有愧色齊王冏辟為參軍襲爵武昌鄉侯長沙王又召為記室督尚書郎後鎮南將軍劉弘表為平越中郎將廣州刺史假節未發會弘卒含性剛躁素與弘司馬郭勸有隙勸夜掩殺之時年四十四懷帝即位諡曰憲

唐書經籍藝文志稽合集十卷

馮氏詩紀輯存悅晴詩伉儷詩各一篇

嚴氏全晉文編曰稽含有南方草木狀三卷集十卷今存賦十六篇語上言詩序草木狀序詠弔文失題九篇凡二十五篇 案今所傳南方草木狀三卷殆編入此集故隋唐志皆不別著于錄

晉安豐太守孫惠集八卷梁十一卷錄一卷

晉書本傳惠字德施吳國富陽人父祖並仕吳惠好學有才識寓居蕭沛之間永寧初赴齊王冏義討趙王倫以功封晉興縣侯冏驕矜僭侈惠獻言諷以五難四不可勸令歸藩辭甚切至冏不納惠懼罪辭疾去東海王越舉兵下邳惠以書干越越即以爲記室參軍

專掌文疏豫參謀議越遷太傅以爲軍諮祭酒數咨訪得失每造書檄越或驛馬催之應命立成皆有文采轉彭城內史廣陵相廣武將軍安豐內史以迎大駕功封臨湘縣公元帝初以廬江何銳爲安豐太守惠權留郡境銳以他事收惠下人推之惠既非南朝所授常慮讒間因此大懼遂攻殺銳奔入蠻中尋病卒年四十七

吳志宗室孫資傳資曾孫惠字德施惠別傳曰惠與陸機鄉里親厚及機雲耽見殺甚傷恨之又曰惠以書干越詭其姓名自稱南岳逸民秦祕之勉以勤王匡世之略辭義甚美越省其書題道衢推求其人惠乃出見惠文翰凡數十篇資孫堅兒光之子也

唐書經籍藝文志孫惠集十卷

嚴氏全晉文編孫惠有集十一卷今存賦諫書檄三馬哀辭序祭金鼓文凡十篇

梁又有松滋令蔡洪集二卷錄一卷亡

蔡洪有化清經見子部儒家

晉書文苑王沈傳沈有俊才出於寒素不能隨俗沈浮爲時豪所抑鬱鬱不得志作釋時論元康初松滋令蔡洪作孤奮論與釋時意同讀之者莫不歎息焉

唐書經籍志蔡洪集三卷藝文志二卷

嚴氏全晉文編蔡洪有集二卷藝文類聚御覽有圍碁賦鸚鵡賦世說賞譽篇注有與刺史周俊書凡三篇又洪有孤奮論見文苑王沈傳亡

晉平北將軍秀集四卷梁三卷錄一卷

晉書本傳秀字成叔武邑觀津人也祖招魏雁門太守秀博辯有文才性豪俠弱冠得美名爲太保衛瓘尚書崔洪所知數遷爲司空張華長史後奔成都王穎詔事黃門孟玖證成陸機之罪惠帝西幸長安以爲尚書河間王顥以爲平北將軍鎮馮翊爲顯長史楊騰殺之於萬年

魏志牽招傳招子嘉嘉子秀荀綽冀州記曰秀有雋才在馮翊遇害世人玩其辭賦惜其才幹

唐書經籍藝文志牽秀集五卷

嚴氏全晉文編牽秀有集四卷今存相風賦黃帝頌老子頌彭祖頌王喬赤松頌皇甫陶碑凡六篇

梁又有車騎從事中郎蔡克集二卷錄一卷亡

晉書蔡謨傳謨陳留考城人也世爲著姓父克字子尼少好學博涉書記爲邦族所敬爲成都王穎大將軍記室督丞相東曹掾克以朝政日弊遂絕不仕東嬴公騰爲車騎將軍鎮河北以克爲從事中郎知必不就以軍期致之克不得已至數十日騰爲汲桑所攻城陷克見害

唐書經籍藝文志蔡克集二卷

嚴氏全晉文編曰蔡克一作蔡克有集二卷晉書梁王彤傳永康二年彤薨博士陳留蔡充議諡一篇又重議一篇通典八十二有沖太孫殤服議一篇

梁又有游擊將軍索靖集三卷亡

晉書本傳靖字幼安敦煌人也累世宦族靖少有逸羣之量與鄉人汜衷張魁索紛索永俱詣太學馳名海內號稱敦煌五龍四人並早亡惟靖該博經史兼通內緯州辟別駕郡舉賢良方正對策高第傳玄張華皆厚與之相結拜駙馬都尉尚書郎與襄陽羅尚河南

潘岳吳郡顧榮同官咸器服焉靖與尚書令衛瓘俱以善草書知名武帝愛之在臺積年除雁門太守魯相酒泉太守惠帝即位賜爵關內侯太安末河間王顥舉兵向洛陽拜靖使持節監洛城諸軍事游擊將軍與賊戰大破之靖亦被傷而卒追贈太常時年六十五後又贈司空進封安樂亭侯諡曰莊靖著五行三統正驗論辯理陰陽氣運又撰索子晉詩各二十卷又作草書狀

唐書經籍藝文志索靖集二卷 宋史藝文志一卷
嚴氏全晉文編索靖有集三卷今存書三條月儀帖十八條草書狀一篇

梁又有隴西太守閻纂集二卷錄一卷亡
晉書閻續傳續字續伯巴西安漢人也僑居河南新安少游英豪多所交結博覽墳典該通物理為太傅楊駿舍人轉安復令國子祭酒鄒湛以續才堪著作薦於祕書監華嶠嶠曰此職閑廩重貴勢多爭之不暇求其才遂不能用河間王顥引為西戎校尉司馬有功封平樂鄉侯感懷太子之廢也續與棺詣闕

上書理太子之寃不省及皇太孫立續復上疏請著令宜開來防以安後嗣又陳宜選擇東宮師傅又陳賈誼二十四友宜皆齊黜以肅風教朝廷善其忠烈擢為漢中太守卒於官時年五十九

唐書經籍藝文志閻纂集二卷
嚴氏全晉文編曰閻續有表疏五篇按隋志梁有隴西太守閻纂集二卷未知即此閻續否也 案續與纂通似無可疑者續後文嚴巨集文士傳云蒼梧太守七錄作交趾太守此但漢中隴西之不合耳未足為異也

梁又有秦州刺史張輔集二卷錄一卷亡
晉書本傳輔字世偉南陽西鄂人漢河間相衡之後也少有幹局與從母兄劉喬齊名初補藍田令轉山陽令累遷尚書封宜昌亭侯轉御史中丞馮翊太守河間王顥以為秦州刺史為天水帳下督富整所殺初輔常著論云管仲不如鮑叔又論班固不如司馬遷又論魏武不如劉備樂毅滅於諸葛亮辭多不載

唐書經籍藝文志張輔集二卷
嚴氏全晉文編張輔有集二卷通典有上司徒府言楊俊本傳有與孫秀箋類聚御覽有名士優劣論凡三篇

梁又有交趾太守殷巨集二卷錄一卷亡
吳志顧邵傳注文士傳曰雲陽殷基以才學知名著通語數十篇有三子巨字元大有才器初為吳偏將軍統家部曲城夏口吳平後

為蒼梧太守 案殷基亦作殷與有春秋釋滯見經部
唐書經籍藝文志殷巨集二卷
嚴氏全晉文編曰殷巨入晉歷蒼梧交趾二郡太守有集二卷藝文類聚有鯨魚燈賦奇布賦凡二篇
梁又有太子洗馬陶佐集五卷錄一卷亡
陶佐始末未詳
唐書經籍藝文志陶佐集五卷
梁又有東晉都陽太守虞溥集二卷錄一卷亡 案此稱東晉非是
晉書本傳溥字允源高平昌邑人也專心墳籍郡察孝廉除郎中補尚書都令史尚書令衛瓘尚書褚裒並重之稍遷公車司馬令除都陽內史大脩庠序廣招學徒移告屬縣乃具為條制于是至者七百餘人溥乃作語以獎訓之風化大行注春秋經傳撰江表傳及文章詩賦數十篇卒于洛時年六十二子勃過江上江表傳于元帝詔藏於祕書
唐書經籍藝文志虞溥集二卷 溥或作溥或作浦並寫刊之誤也
嚴氏全晉文編曰虞溥有江表傳若干卷集二卷晉書禮志有王昌前母服議駁下粹議本傳載移告屬縣獎訓學徒語凡四篇獎訓語御覽作厲學篇
梁又有益陽令吳商集五卷亡
吳商有禮難等書見經部禮類
唐書經籍藝文志吳商集五卷
嚴氏全晉文編曰吳商有集五卷通典載其

議及答問論難等凡六篇續漢祭祀志注載
禮記六宗說一篇

梁又有仲長敖集二卷亡
仲長敖始末未詳

唐書經籍藝文志仲長敖集二卷

嚴氏全晉文編曰仲長敖爵里未詳有集二
卷藝文類聚二十一載有覈性賦一篇

梁又有晉太常卿劉弘集三卷錄一卷亡

晉書本傳弘字和季沛國相人也祖馥魏揚
州刺史父靖鎮北將軍弘有幹略政事之才

少家洛陽與武帝同居永安里又同年共研
席以舊恩起家太子門大夫遷率更令寧朔

將軍監幽州諸軍事以勳德兼茂封宣城公
太安中轉使持節南蠻校尉荊州刺史永興

中拜侍中鎮南大將軍開府儀同三司進車
騎將軍卒贈新城郡公諡曰元 案始終不著為
太常史略之歟

魏志劉馥傳馥子靖靖子熙晉陽秋曰劉弘
字叔和熙之弟也其在江漢值王室多難得

專命一方盡其器能推誠羣下厲以公義簡
刑獄務農桑每有興發手書郡國丁寧款密

故莫不感悅顛倒奔赴咸曰得劉公一紙書
賢于十部從事也晉諸公贊曰于時天下雖

亂荊州安全弘有劉景升保有江漢之志不
附太傅司馬越越甚銜之會病卒子璠北中

郎將

唐書經籍藝文志劉弘集三卷

嚴氏全晉文編劉弘有集三卷今存表教箋

書凡十篇

梁又有開府山簡集二卷錄一卷亡

晉書山濤傳濤河內懷人也有五子該淳允
謨簡簡字季倫性溫雅有父風初為太子舍

人累遷尚書左僕射領吏部上疏欲令朝臣
各舉所知以廣得才之路朝廷從之永嘉三

年為征南將軍都督荆湘廣交四州假節鎮
襄陽于時天下分崩朝野危懼簡優游卒歲

唯酒是耽尋加督寧益軍事及洛陽陷沒簡
為賊嚴疑所逼乃遷於夏口招納流亡江漢

歸附年六十卒追贈征南大將軍儀同三司
唐書經籍藝文志山簡集二卷

嚴氏全晉文編山簡有集二卷今存上懷帝
疏與王衍書凡二篇

梁又有兗州刺史宗岱集二卷
宗岱或作宋岱有周易論見經部易家

太平御覽文部語林曰宋岱為青州刺史著
無鬼論甚精人莫能屈 宋晃伯宇續談助鈔殷芸
小說云宋岱為青州刺史蔡淫祀著無鬼論人莫能屈鄒
州化之注云出雜記

本志總集篇明真論一卷晉兗州刺史宗岱
撰

唐書經籍藝文志宗岱集三卷

梁又有侍中王峻集二卷錄一卷亡
王峻始末未詳

唐書經籍藝文志王峻集二卷

按馮氏詩紀載王峻從幸洛水餞王公歸
國詩一篇浚司空沈子也字彭祖襲父爵

博陵郡公太康初與諸王侯俱就國是詩
蓋作于其時浚歷仕至懷帝時為大司馬

加侍中大都督督幽冀諸軍事因亂擁衆
自立謀將僭號石勒詐而殺之晉書附見

其父傳後或即此王浚而誤為峻歟
梁又有濟陽內史王曠集五卷錄一卷亡 琅邪

晉書王羲之傳羲之司徒導之從子也父曠
淮南太守元帝之過江也曠首創其議

唐書世系表王氏避秦亂徙瑯琊臨沂都鄉
南仁里晉宗正卿即邱貞子覽第四子正晉

尚書郎三子曠曠彬 覽太保王祥弟康有集見後
江左人文中

唐書經籍藝文志王曠集五卷
嚴氏全晉文編曰王曠王廙弟惠帝時侍中

出為丹陽太守永嘉中為淮南內史有集五
卷魏志裴潛傳注有與東海王越書御覽三

百三十七有與揚州論討陳敏計二條 案顧
榮傳廣陵相陳敏反南渡江逐揚州刺史劉劭丹陽內史
王曠則此題濟陽當為丹陽懷帝永嘉三年紀又稱淮南
內史

晉散騎常侍袁嵩集一卷梁二卷錄一卷

晉書文苑傳據穎川長社人也子腆弟
嵩字臺產才藝尤美為太子中庶子散騎常

侍為石勒所殺又王浚傳浚欲討石勒使嵩督諸
軍屯易水又曰劉琨為劉聰所迫諸避亂游士多歸于浚

浚日以彌盛乃設壇告類建立皇太子備置衆官浚自領
尚書令以嵩蓋裝蓋並為尚書又使嵩監司獄并充諸軍

事行安北將軍此嵩為散騎常侍以後事也後與浚並為

石勒所殺時愍帝建興二年也

太平御覽文部文士傳曰棘嵩見陸雲作逸民賦嵩以為丈夫出身不為孝子則為忠臣必欲建功立策為國宰輔遂作官人賦以反雲之賦

唐書經籍藝文志棗嵩集二卷

梁又有襄陽太守棗腆集二卷錄一卷亡

晉書文苑棗據傳據子腆字玄方亦以文章顯永嘉中為襄城太守

唐書經籍藝文志棗腆集二卷

馮氏詩紀輯存贈答石季倫詩各一篇

晉太尉劉琨集九卷梁十卷劉琨別集十二卷

晉書本傳琨字越石中山魏昌人漢中山靖王勝之後也琨少得雋朗之目與范陽祖納俱以雄豪著名年三十六為司隸從事時征虜將軍石崇河南金谷澗中有別廬冠絕時輩引致賓客日以賦詩琨預其間文詠頗為當時所許秘書監賈謐參管朝政京師人士無不傾心石崇歐陽建陸機陸雲之徒並以文才降節事謐現兄弟亦在其間號曰二十四友累以勳封廣武侯進司空都督并冀幽三州諸軍事為石勒所敗奔匈奴段匹磾匹磾與琨結婚約為兄弟唾血載書期討石勒元帝初轉侍中太尉後為匹磾所拘自知必死為五言詩贈其別駕盧謐詩託意非常攄暢幽憤遠想張陳感鴻門白登之事用以激謐謐素無奇略以常辭酬和殊乖琨心大興元年為匹磾所害時年四十八諡曰愍

鍾嶸詩品曰郭景純用備上之才變創其體越石仗清剛之氣贊成其美然彼衆我寡未能動俗
文心雕龍祝盟篇曰劉琨鐵誓精貫霏霜而無補于晉反為仇讎故知信不由衷盟無益也又章表篇曰劉琨勸進陳事之美表也
唐書經籍藝文志劉琨集十卷宋史藝文志同
崇文總目劉琨集十卷又曰劉琨詩集十卷
陳氏書錄解題曰劉司空集十卷晉司空中山劉琨越石撰前五卷差全可觀後五卷闕誤或一卷數行或斷續不屬殆類鈔節者未卷劉府君誄尤多訛未有別本可以正是正
馮氏詩紀輯存答盧謐詩八首重贈盧謐詩一首扶風歌一首胡姬年十五一首
張氏百三家輯本一卷凡表牋書盟文誄詩四十餘篇序曰劉司空集在宋時已多闕誤今日欲觀全書未可得也晉元渡江無心北伐越石再三上表辭雖勸進義切復讎讀者苟有胸腹能毋慷慨
汪氏文選撰人篇目晉劉越石琨有答盧謐詩贈盧謐詩扶風歌勸進表
嚴氏全晉文編劉琨有集十卷別集十二卷今存表八篇上言一篇薦任光文一篇牋三篇書七篇檄誄盟文各一篇
晉司空從事中郎盧謐集十卷梁有錄一卷
盧謐有雜祭法見經部禮類
晉書盧欽附傳謐清敏有理思好老莊善屬文注莊子及文集皆行於世

魏志盧毓傳注毓植之第四子毓子欽奕奕次子志志子諶字子諒温嶠表稱諶清飭有文思諶別傳曰諶善著文章

鍾嶸詩品曰晉太尉劉琨中郎劉湛詩其源出于王粲劉湛當為盧謐善為悽戾之辭自有清拔之氣琨既體良才又罹厄運故善敘衷亂多感恨之辭中郎仰之微不逮者矣

文心雕龍才略篇曰劉琨雅壯而多風盧謐情發而理昭亦遇之於時勢也

唐書經籍藝文志盧謐集十卷舊志誤作盧謐

馮氏詩紀輯存贈劉琨詩重贈劉琨等詩凡八篇二十七首

汪氏文撰撰人篇目晉盧子諒諶有覽古詩贈劉琨詩贈崔温詩答魏子悌詩時興詩

嚴氏全晉文編盧謐有集十卷今存賦十篇表書各一篇誄二篇祭法六條

晉祕書丞傅暢集五卷梁有錄一卷

傅暢有晉諸公贊見史部雜史類

唐書經籍藝文志傅暢集五卷

嚴氏全晉文編傅暢有集五卷今惟見御覽引自敘二條

右晉中朝人文凡五十四家附梁有七十七家通計一百二十四家一百二十六部是為別集類分篇第四內山濤劉琨二家各有別

本一部

隋書經籍志考證卷三十九之五

集部二之五

別集類五東晉

梁又有晉明帝集五卷錄一卷亡

晉書本紀帝諱紹字道畿元帝長子元帝為

晉王立為晉太子及即尊號立為皇太子有

文武才略欽賢愛客雅好文辭當時名臣自

王導庾亮溫嶠桓彝阮放等咸見親待嘗論

聖人真假之意導等不能屈又習武藝善撫

將士於時東朝濟濟遠近屬心焉永昌元年

閏月庚寅即皇帝位改元太寧在位三年崩

年二十七帝聰敏有機斷尤精物理時兵凶

歲飢死疫過半虛弊既甚事極艱虞屬王敦

挾震主之威將移神器帝崎嶇遵養以弱制

強潛謀獨斷廓清大祿改授荆湘等四州以

分上流之勢撥亂反正強本弱枝雖享國日

淺而規模弘遠矣

文心雕龍時序篇曰元皇中興披文建學逮

明帝秉哲雅好文會升儲御極拳拳講藝練

情於誥策振采於辭賦庾以筆才逾親溫以

文思益厚揄揚風流亦彼時之漢武也

唐書經籍藝文志晉明帝集五卷

嚴氏文編曰晉明帝有集五卷今存蟬賦及

詔冊書凡二十九篇編為一卷

梁又有簡文帝集五卷錄一卷亡

簡文帝有談疏六卷見子部道家

晉書本紀帝少有風儀善容止留心典籍不

以居處為意凝塵滿席湛如也遺詔以桓溫

輔政溫威振內外帝雖處尊位拱默守道而
已又史臣曰簡皇以虛白之姿在屯如之會
政自桓氏祭則寡人

文心雕龍時序篇曰簡文勃興淵乎清峻微

言精理函滿玄席澹思濃采時灑文囿

唐書經籍藝文志晉簡文帝集五卷

嚴氏全晉文編簡文帝有集五卷今存詔表

奏箋書凡十二篇

梁又有孝武帝集二卷錄一卷亡

晉書本紀帝諱曜字昌明簡文帝第三子也

咸安二年秋七月乙未立為皇太子是日簡

文帝崩帝即位改元二曰寧康曰太元在位

二十四年為張貴人所弑暴崩時年三十五

又王珣傳孝武帝雅好典籍珣與殷仲堪徐

邈王恭郗恢等並以才學文章見昵於帝

又殷仲堪傳仲堪善屬文孝武帝召為太子

中庶子甚相親愛帝嘗示仲堪詩乃曰勿以

己才而笑不才

又徐邈傳孝武帝始覽典籍招延儒學之士

邈處西省前後十年帝宴集酣樂之後好為

手詔詩章以賜侍臣或文詞率爾所言穢雜

邈每應時收斂還省刊削皆使可觀經帝重

覽然後出之是時侍臣被詔者或宣揚之故

時議以此多邈案謝邈傳亦有是事疑即徐邈本

而傳譌為謝邈也又徐邈弟廣孝武世典校秘書書增

置省職崇文總目舊序云東晉三千一十四卷李充校孝

武增益三萬餘卷徐度校徐度似徐廣之誤蓋當時亦踵

漢孝成故事大收篇籍也

文心雕龍時序篇曰元皇中興披文建學明
帝秉哲雅好文會及成康促齡稔良短祚簡
文物興淵乎清峻至孝武不嗣安恭已矣自

中朝貴玄江左稱盛因談餘氣流成文體是

以世極迤邐而辭意夷泰詩必柱下之指歸

賦乃漆園之義疏故知文變染乎世情興廢

繫乎時序者矣

嚴氏全晉文編孝武帝有集二卷今存詔書

帖凡三十八篇

梁又有彭城王紘集二卷亡

晉書宗室傳彭城穆王權宣帝弟肱之子也

武帝受禪封彭城王薨子元王植立薨子康

王釋立釋子紘字偉德元帝即位拜散騎侍

郎翊軍校尉前將軍既嗣立拜國子祭酒散

騎常侍大宗正祕書監有風疾性理不恆或

欲上疏陳事歷示公卿又杜門讓還章印貂

蟬著杜門賦以顯其志由是更拜光祿大夫

領大宗師常侍如故後疾甚馳騁無度詔解

職養疾咸康八年薨

唐書經籍藝文志彭城王集八卷案此八卷似

與下謙王集三卷互誤

嚴氏全晉文編彭城王紘有集二卷御覽六

百五十七引晉書有上言宜勅作樂賢堂佛

像頌一篇案晉書嚴謙傳彭城王紘上言樂賢堂有

先帝手畫佛像經歷寇難而此堂猶存宜勅作頌帝下其

議讓謙廢之

梁又有譙烈王集九卷錄一卷亡

晉書宗室傳譙剛王遜宣帝弟進之子也武

帝受禪封譙王次子閔王承渡江嗣父遜為
譙王承子烈王無忌字公壽咸和中拜散騎
侍郎屯騎校尉中書黃門侍郎建元初遷御
史中丞出為輔國將軍長沙江夏相南郡河
東太守隨桓溫伐蜀以勳進號前將軍永和
六年薨

本志總集類梁有晉中丞司馬無忌奏事十
三卷亡

唐書經籍藝文志晉譙王集三卷案譙王不止
一人此但題譙王若非七錄明著其證幾莫辨為何人之
作矣 又此三卷似與前彭城王集八卷卷數互易 又
章氏考證謂世說注引司馬無忌傳蓋即此譙烈王別傳
也

嚴氏全晉文編譙王無忌有集九卷北堂書
鈔有圓竹扇賦宋書禮志有京兆府君遷主
議通典有王允之表郡名與祖名同乞改授
議凡三篇

晉會稽王司馬道子集八卷梁九卷

晉書簡文三子傳會稽文孝王道子字道子
少以清澹為謝安所稱年十歲封琅邪王後
封會稽王安帝即位累進太傅揚州牧領司
徒元興元年桓玄奏道子酣縱不孝嘗棄市
詔徙安成郡使御史杜竹林防衛竟承玄旨
斃殺之時年三十九玄敗追贈丞相

唐書經籍志晉會稽王集八卷 岑刻本不著卷
數
唐書藝文志晉會稽王道子集八卷
嚴氏全晉文編會稽王道子諡曰文孝王世

說言語篇注作孝文王有集八卷今存疏啓
書七篇

梁又有鎮東從事中郎傅毅集五卷亡
傅毅始末未詳

唐書經籍志傅毅集五卷

晉衡陽內史曾環集三卷梁四卷錄一卷
環當為環始末未詳

唐書經籍藝文志曾環集五卷

嚴氏全晉文編曰曾環為衡陽內史有集三
卷通典卷九十有為舊君服議一篇

梁又有驃騎將軍顧榮集五卷錄一卷亡

晉書本傳榮字彥先吳國吳人也為南土著
姓祖雍吳丞相父穆宜都太守榮機神朗悟
弱冠仕吳為黃門郎太子輔義都尉吳平與
陸機兄弟同入洛時人號為三俊例拜為郎
中歷尚書郎太子中舍人廷尉正中書侍郎
以討葛旗功封嘉興伯後還吳元帝鎮江東
以為軍司加散騎常侍凡所謀畫皆以諮焉
榮既南州望士躬處右職朝野甚推敬之永
嘉六年卒官以討陳敏功表贈侍中驃騎將
軍開府儀同三司諡曰元及帝為晉王追封
為公開國食邑千毗嗣

唐書經籍志晉顧榮集二卷藝文志五卷
嚴氏全晉文編顧榮有集五卷今存上安東
將軍箋上書言南土人士與親故書與楊彥
明書鄉人書凡五篇

晉司空賀循集十八卷梁二十卷錄一卷
賀循有喪服要見經部禮類

晉書本傳循操尚高厲言行進止必以禮讓
又曰少玩篇籍善屬文

又史臣曰元帝樹基淮海夢想羣材共康庶
績顧紀賀薛等並南金東箭世胄高門而循
位登保傅朝望特隆遂使變蹕降臨承明下
拜雖西漢之恩崇張禹東都之禮重桓榮弗
是過也 晉書列傳二十八以顧榮紀贈賀循薛兼為一
卷也

又王導傳元帝徙鎮建康導進計曰顧榮賀
循此土之望未若引之以結人心二子既至
則無不來矣帝乃使導躬造循榮二人皆應
命而至由是吳會風靡百姓歸心也導又言
顧榮賀循紀瞻周玘皆南土之秀願盡優禮
帝納焉

唐書經籍藝文志賀循集二十卷

嚴氏全晉文編賀循有集二十卷今存上表
上言答問答難議書論祭儀宗義葬禮喪服
要記等凡四十一篇

梁又有散騎常侍張杭集二卷錄一卷亡 杭當
為元

晉書張載傳載安平人也載弟協協弟亢字
季陽才藻不逮二昆亦有屬綴又皆音樂伎
術時人謂載協亢陸機雲曰二陸三張中興
初過江拜散騎侍郎祕書監荀崧舉亢領佐
著作郎出補烏程令入為散騎常侍復領著
作述曆贊一篇見律曆志

唐書經籍藝文志張杭集二卷 新志一本作三
卷

梁又有車騎長史賈彬集三卷錄一卷亡

賈彬或作賈霖始末並未詳

唐書經籍藝文志賈霖集三卷

嚴氏全晉文編賈彬為車騎長史有集三卷

藝文類聚初學記引箏賦一篇

晉光祿大夫衛展集十二卷梁十五卷

晉書衛瓘傳瓘河東安邑人也子恆恆族弟

展字道舒歷尚書郎南陽太守永嘉中為江

州刺史累遷晉王大理詔有考子證父或鞭

父母問子所在展以為恐傷正教並奏除之

中興建為廷尉上疏宜復肉刑語在刑法志

卒贈光祿大夫

唐書經籍藝文志衛展集十四卷

嚴氏全晉文編衛展有集十五卷初學記有

陳諺言表刑法志及通典有上書言祖父不

合從坐上言宜復肉刑凡三篇

梁又有東晉太尉荀俎集三卷錄一卷亡 俎當

晉書荀勗傳勗潁川潁陰人有十子其達者

輯藩組組字大章弱冠太尉王衍見而稱之

曰夷雅有才識初為司徒左西屬累遷至愍

帝時進封臨潁縣公位太尉領豫州牧及西

都不守組乃遣使移檄天下共勸進元帝以

組為司徒錄尚書事永昌初遷太尉未拜薨

年六十五諡曰元

唐書經籍藝文志荀俎集二卷 新志別本作一

卷 嚴氏全晉文編荀俎有集三卷今存表二篇

議一篇

晉祕書郎張委集九卷梁五卷

張委始末未詳

案嚴氏全宋文編云太平御覽三百五十

八有張委九愍一篇張委爵里未詳御覽

列於顏延之後殷琰之前知是宋人宗案

或即此張委未可知也

梁又有關內侯傅珉集一卷亡

傅珉始末未詳

梁又有光祿大夫周顥集二卷錄一卷亡

晉書周浚傳浚汝南安成人也以平吳功封

成武侯侯代王渾為使持節都督揚州諸軍事

安東將軍卒於位三子顥嵩謨顥嗣爵字伯

仁少有重名神采秀徹人士宗附之弱冠襲

父爵拜祕書郎累遷尚書吏部郎元帝鎮江

左為軍諮祭酒中興建補吏部尚書左僕射

領吏部王敦搆逆與戴若思俱被害時年五

十四敦卒追贈左光祿大夫議同三司諡曰

康 唐書經籍藝文志周顥集二卷

嚴氏全晉文編周顥有集二卷本傳載讓太

子少傅表刑法志及通典載復肉刑議凡二

篇

晉太常謝鯤集六卷梁二卷

晉書本傳鯤字幼輿陳國陽夏人少知名通

簡有高識不修威儀好老易能歌善鼓琴王

衍稽紹並奇之左將軍王敦引為長史以討

杜弢功封咸寧亭侯為敦大將軍長史敦不

臣之迹顯於朝野鯤知不可以道匡弼乃優

游寄寓不屑政事從容譏議卒歲而已每與

畢卓王尼阮放羊曼桓彝阮孚等縱酒後敦

出鯤為豫章太守卒官年四十三敦死後追

贈太常諡曰康

唐書經籍志謝鯤集二卷

唐書藝文志謝鯤集二卷

嚴氏文編曰謝鯤爵里未詳藝文類聚三引

現秋夜長一條以為宋人下文稱蘇彥何瑾

伏系之皆為宋人知諸宋字皆晉之誤現與

混形相近今姑編於謝混之後俟考

案晉書王廙傳明帝與大將軍溫嶠書曰

痛謝混未絕於口世將復至於此並盛年

儁才不遂其志廙明古多通鯤遂有識致

史文於此數語之中已現鯤互見舊新唐

志亦鯤混互異知現即為鯤即此謝鯤非

兩人謝混之子也 衛有集見前朝人文中

又溫嶠傳亦以鯤為混 又世說賞鑒篇注有謝鯤

元化論序嚴氏未采又有樂廣別傳

晉驃騎將軍王廙集十卷梁三十四卷錄一卷 現

邪

王廙有周易注見經部易家

晉書本傳廙少能屬文多所通涉工書畫善

音樂射御博奕雜伎元帝即位上疏曰臣少

好文學志在史籍而飄放遐外常與桀寇為

對臣犬馬之年四十三矣未能上報天施而

魯負屢彰恐先朝露填溝壑令微情不得上

盛美亦是嗟歎之義也又曰臣還京都陛下見臣白兔命臣作賦

唐張彥遠歷代名畫記曰虞善屬詞工書畫過江後為晉代書畫第一又曰虞畫為晉明帝師書為右軍法時右軍亦學畫於虞虞畫孔子十弟子贊云余兄子羲之幼而岐嶷必將隆余堂構今始年十六學藝之外書畫過目便能就余請書畫法余畫孔子十弟子圖以勵之嗟爾羲之可不勸哉畫乃吾自畫書乃吾自書吾餘事雖不足法而書畫固可法欲汝學書則知積學可以致遠學畫可以知師弟子行己之道又各為汝贊之注云見虞本集案此即所作畫贊序也嚴氏輯文遺之又嚴氏據初學記十七輯存筆我贊四句即此十贊中之一

唐書經籍藝文志王廙集十卷

嚴氏全晉文編王廙有集三十四卷今存洛都賦思逸民賦笙賦白兔賦春可樂中興賦上疏書帖宰我贊保傅箴婦德箴凡十篇

梁又有華譚集二卷亡

華譚有新論見子部儒家

晉書本傳譚好學不倦爽慧有口辯為鄰里所重太康中刺史嵇紹舉譚秀才將行別駕陳總餞之因問曰思賢之主以求才為務進取之士以功名為先何仲舒不仕武帝之朝賈誼失分漢文之世此吳晉之滯論可辯此理而後別至洛陽武帝親策之時九州秀孝策無逮譚者譚素以才學為東土所推同郡劉頌時為廷尉見之歎息曰不圖鄉里乃有

如此才也為甄城令過濮水作莊子贊以示功曹而廷掾張延為作答教其文甚美譚異而薦之又舉寒族周訪為孝廉領郡大中正薦于寶范洮於朝為祕書監時晉陵朱鳳吳郡吳震並學行清修老而未調譚皆薦為著作佐郎戴若思弟逸譚女婿也譚平時常抑若思而進邈若思每銜之迨用事恆毀譚於帝由是官塗不至每懷缺望云

唐書經籍藝文志華譚集二卷二志皆列之西晉人中非是

嚴氏全晉文編華譚有集二卷今存尚書二曹論舉秀才對策上箋求退對別駕陳總問遺顧榮等書移前松滋令袁甫并新論佚文凡七篇

晉御史中丞熊遠集十二卷梁五卷錄一卷

晉書本傳遠字孝文豫章南昌人也有志尚州舉秀才除監軍華軼司馬領武昌太守寧遠護軍元帝作相引為主簿累遷御史中丞侍中補會稽內史王敦作逆諷朝廷徵遠還拜太常敦深憚其正而有謀引為長史數月病卒

唐書經籍藝文志熊遠集五卷

嚴氏全晉文編熊遠有集十二卷今存表疏奏議啓凡九篇

梁又有湘州秀才谷儉集一卷亡

晉書甘卓傳卓遷湘州刺史中興初以邊寇未靜學校陵遲特聽不試孝廉而秀才猶依舊策試卓上疏以為答問損益當須博古通

今明達政體必求諸墳索乃堪其舉臣所忝州往遭寇亂學校久替人士流播不得比之餘州策試之由當藉學功謂宜同孝廉例申與期限疏奏朝議不許卓於是精加隱括備禮舉桂陽谷儉為秀才儉辭不獲命州厚禮遣之諸州秀才聞當考試皆憚不行惟儉一人到臺遂不復策試儉恥其州少士乃表求試以高第除中郎儉少有志行寒苦自立博涉經史於時南土凋荒經籍道息儉不能遠求師友唯在家研精雖所得實深未有名譽又恥銜耀取達遂歸終身不仕卒於家

嚴氏全晉文編曰谷儉字士風湘州桂陽人中興初刺史甘卓舉秀才策試高第除中郎尋歸不復仕有集一卷太平御覽引角賦通典有夫沒歸宗未嫁而亡為服議凡二篇

梁又有大鴻臚周嵩集三卷錄一卷亡

晉書周浚傳浚汝南安成人三子顓嵩謨嵩字仲智狷直果俠每以才氣陵物元帝作相引為參軍及帝為晉王拜奉朝請以諫稱尊號忤旨出為新安太守更拜御史中丞是時帝以王敦勢盛漸疎忌王導等嵩上疏奏帝感悟故導等獲全王敦既害顯而使人弔嵩用為從事中郎後誣嵩及周筵潛相署置遂害之又王敦傳明帝下詔罪狀敦曰周嵩亮直謫言致禍周札周筵累世忠義聽受讒構殘夷其宗

唐書經籍藝文志周嵩集三卷

嚴氏全晉文編曰嵩為王敦所害敦平追贈大鴻臚有集三卷今惟見本傳載上晉王疏

諫疎忌王導等疏凡二篇
晉弘農太守郭璞集十七卷梁十卷錄一卷

郭璞有毛詩拾遺見經部詩家

晉書本傳璞好經術博學有高才而訥於言論辭賦為中興之冠著江賦其辭甚偉為世所稱後復作南郊賦帝見而嘉之數言便宜多所匡益明帝在東宮與溫嶠庾亮並有布衣之好璞亦以才學見重罽於嶠亮論者美之自以才高位卑乃著客傲所撰注數十萬言所作詩歌誄頌亦數萬言皆傳於世

世說文學篇注續晉陽秋曰魏正始中王弼何晏好莊老玄勝之談而世遂貴焉至過江佛理尤盛故郭璞五言始會道家之言而韻之其後許詢孫綽轉相祖尚

鍾嶸詩品曰永嘉時貴黃老稍尚虛談於時篇什理過其辭淡乎寡味爰及江表微波尚傳郭景純用儒上之才變創其體又曰晉弘農太守郭璞詩憲章潘岳文體相輝彪炳可翫始變永嘉平淡之體故稱中興第一翰林以為詩首但游仙之作辭多慷慨乖遠玄宗而云奈何虎豹姿又云戢翼棲榛梗乃是坎壈詠懷非列仙之趣也

文心雕龍明詩篇曰江左篇製溺乎玄風嗤笑徇務之志崇盛亡機之談袁孫已下雖各有彫采而辭趣一揆莫與爭雄所以景純仙篇挺拔而為俊矣又詮賦篇曰景純綺巧縟理有餘雜文篇云景純客傲情見而采蔚才略篇云景純艷逸足冠中興賦既穆穆以

大觀仙詩亦飄飄而凌雲矣
唐書經籍藝文志郭璞集十卷 宋史藝文志六卷

馮氏詩記輯存贈溫嶠贈潘尼游仙詩無題詩十九首

張氏百三家郭弘農集輯本凡賦疏表序設難策策文為一卷山海經圖贊爾雅圖贊及詩為一卷

汪氏文選撰入篇目晉郭景純璞有江賦游仙詩

嚴氏全晉文編輯存巫咸山賦江賦鹽池賦井賦流寓賦南郊賦登百尺樓賦蜜蜂賦蚍蜉賦龜賦凡十篇表一篇疏五篇奏二篇客傲爾雅方言山海經注序爾雅圖贊四十八山海經圖贊二百六十六元皇帝哀策文編為四卷

晉張駿集八卷殘缺
晉書張軌傳軌安定烏氏人漢常山王耳十七代孫也以惠帝永寧初出為護羌校尉涼州刺史由是遂霸河西在州十五年卒子寔嗣在位六年卒弟茂攝州事在位五年卒寔子駿嗣位駿字公庭幼而奇偉十歲能屬文卓越不羈有計略勤脩庶政總御文武咸得其用遠近嘉詠號曰積賢君自軌據涼州屬天下之亂所在征伐軍無寧歲至駿境內漸平在位二十二年卒時年四十私諡曰文公穆帝追諡忠成公

文心雕龍章表篇曰劉琨勸進張駿自序文

致耿介並陳事之美表也
馮氏詩記輯存雍露行東門行各一篇

嚴氏全晉文編輯前涼張駿建興末封霸城侯太寧二年嗣茂位劉曜拜為涼州牧涼王猶奉愍帝年號稱建興十二年後又稱藩於李雄石勒至咸和八年猶稱建興二十一年至永和二年卒在位二十三年有集八卷本傳載上疏請討石虎李期下令境中御覽載山海經圖贊二條凡三篇

晉大將軍王敦集十卷瑛邪
晉書叛逆傳王敦字處仲司徒導之從父兄也眉目疎朗性簡脫有鑿裁學通左氏尤好清談時人莫知惟族兄戎異之洗馬潘滔見而目之曰處仲蜂目已露但豺聲未振若不噬人亦當為人所噬明帝太寧二年病死有司議曰王敦滔天作逆有無君之心宜依崔杼王淩故事剖棺戮尸以彰元惡於是發瘞出尸焚其衣冠踣而刑之懸於南桁觀者莫不稱慶史臣曰琅邪之初鎮建業龍德猶潛雖當璧膺圖預定於冥兆豐功厚利未被於黎氓王敦歷官中朝威名夙著作牧淮海望實逾隆遂能弼成王度光佐中興此功固不細也既而負勳高而圖非望恃勢偪而肆驕陵覺隙起自刁劉禍難成於錢沈與晉陽之甲總象魏之兵蜂目既露豺聲又發擅竊國命殺害忠良遂欲篡盜乘輿逼遷龜鼎賴嗣君英略股肱戮力用能運茲廟算殄彼凶徒載清天步

載清天步

唐書經籍藝文志王敦集五卷

嚴氏全晉文編曰王敦祥弟覽之孫有集十卷今存表疏書凡十篇

梁有吳興太守沈充集二卷亡

晉書叛逆王敦傳永昌元年敦率衆內向以誅劉隗爲名又上表罪狀刁協敦黨吳興人沈充起兵應敦敦以沈充錢鳳爲謀主諸葛

密鄧嶽周撫李恆謝雍爲爪牙充等並凶險驕恣共相驅扇殺戮自己又大起營府侵人田宅發掘古墓剽掠市道士庶解體咸知其禍敗焉後周光斬錢鳳吳儒斬沈充並傳首

京師於是戮敦尸與充首同日懸於南桁又曰充字士居好兵書頗以雄豪聞於鄉里敦引爲參軍充因薦同郡錢鳳敦以爲錢曹參

軍數得進見知敦有不臣之心因進邪說遂相朋構專弄威權言成禍福充敗歸吳與亡失道誤入其故將吳儒家儒誘充殺之

嚴氏全晉文編曰沈充吳興武康人爲王敦參軍遷吳興太守從敦舉兵敗歸爲故將吳儒所殺有集二卷類聚御覽引充鵝賦序一篇

梁有散騎常侍傅純集二卷錄一卷亡

傅純始末未詳

唐書經籍藝文志傅純集二卷

嚴氏全晉文編曰傅純元帝初爲太常博士累遷散騎常侍有集二卷類聚有雉賦通典

有議及難凡四篇

晉光祿大夫梅陶集九卷梁二十卷錄一卷亡

梅陶有梅子新論一卷見子部儒家

唐書經籍藝文志梅陶集十卷

馮氏詩紀輯存怨詩行一篇

嚴氏全晉文編梅陶有集二十卷御覽有鵬鳥賦序自敘陶侃傳有與曹識書凡三篇

梁又有金紫光祿大夫荀邃集二卷錄一卷亡

晉書荀助傳助子藩藩子邃字道玄解音樂善談論弱冠辟趙王倫相國掾數遷至愍帝時加左將軍爲陳留相襲父爵西華縣公東

渡江元帝以爲軍諮祭酒拜侍中歷太常尙書卒贈金紫光祿大夫諡曰靖

唐書經籍藝文志荀邃集二卷舊志誤作荀邃

晉散騎常侍王覽集九卷梁五卷覽當爲鑿

晉書本傳鑿字茂高堂邑人也父濬御史中丞鑿少以文筆著稱初爲元帝琅邪國侍郎

時杜弢作逆江湘流弊王敦不能制朝廷深以爲憂鑿上疏勸帝征之帝深納焉即命中外戒嚴會弢已平而止中興建拜駙馬都尉

奉朝請出補永興令卒時年四十一文集傳於世弟濬

唐書經籍藝文志王鑿集五卷

馮氏詩紀輯存七夕詩一篇

晉書阮籍附傳阮孚族弟放字思度少與孚並知名中興除太學博士太子中舍人庶子

時雖戎車屢駕而放待太子常說老莊不及軍國明帝甚友愛之轉黃門侍郎吏部郎除

監交州軍事揚威將軍交州刺史到州少時卒朝廷甚悼惜之年四十四追贈廷尉

唐書經籍藝文志阮放集五卷

梁又有宗正卿張俊集五卷錄一卷亡

俊當爲

文選張士然表注孫盛晉陽秋曰張俊字士然吳國人也元康中吳令謝詢表爲孫氏置守家人俊爲其文詔從之晉百官名曰俊爲太子庶子

汪氏文選撰人篇目曰晉張士然俊求爲諸孫置守家表

唐書經籍志張俊集二卷

唐書藝文志張俊集二卷一本又誤作張峻

嚴氏全晉文編曰張俊字士然吳國人有爲吳令謝詢求爲諸孫置守家人表又曰張俊一作俊爲宗正卿有集五卷藝文類聚九十五引白兔頌一篇案嚴氏以張俊張峻爲二人蓋未詳考張俊即張峻之誤也然非唐藝文志明條宋版本亦

幾無以誤正矣俊官中朝至太子庶子過江左至宗正獻又王虞奏中興賦表曰及臣還京都陛下見臣白兔命臣作賦云此白兔頌當亦作於其時

又通志藝文略作張俊宋本隋書不誤

梁又有汝南太守應碩集二卷亡

嚴氏全晉文編曰應頌為汝南太守有集二卷藝文類聚五有祝祖文一篇

梁又有金紫光祿大夫張闔集二卷錄一卷亡

晉書本傳闔字敬緒丹陽人吳輔吳將軍昭之曾孫也少有志操太常薛兼進之於元帝

言闔才幹貞固當今之良器即引為安東參軍轉丞相從事中郎帝為晉王拜給事黃門

侍郎以佐翼勳賜爵丹陽縣侯遷侍中帝踐阼出補晉陵內史免官後詔為大司農遷尚

書蘇峻之役王導潛與闔謀招集三吳義兵以討峻峻平賜爵宜陽伯遷廷尉以疾解職

拜金紫光祿大夫尋卒時年六十四闔賤表文議傳於世

唐書經籍藝文志張闔集三卷嚴氏全晉文編張闔有集三卷今存表議難凡三篇

梁又有揚州從事陸沈集二卷錄一卷亡

陸沈始末未詳案前注梁有揚州從事陸冲集二卷錄一卷此陸沈即陸冲故唐經籍志不重出

唐書藝文志陸沈集二卷梁又有驃騎將軍卞壺集二卷錄一卷亡

晉書本傳壺字望之濟陰冤句人也父粹中書令封成陽公為長沙王父所害壺弱冠有

名譽永嘉中除著作郎襲父爵累遷御史中丞以滅王含功封建寧縣公明帝不豫領尚

書令與王導等俱受顧命成帝即位皇太后臨朝與庾亮對直省中共參機要亮徵蘇峻

壺固爭不得峻果稱兵六軍敗績壺苦戰死

之時年四十八贈侍中驃騎將軍開府儀同三司諡曰忠貞二子珍盱見父沒相隨赴賊同時見害贈散騎侍郎盱奉車都尉

又史臣曰卞壺束帶立朝以匡正為己任襄裳衛主蹈忠義以成名遂使臣死於君子死

於父惟忠與孝萃其一門古稱社稷之臣忠貞之謂矣

唐書經籍藝文志卞壺集二卷嚴氏全晉文編曰卞壺有集二卷今存表奏議賤凡十一篇

梁又有光祿勳鍾雅集一卷亡

晉書本傳雅字彥胄潁川長社人好學有才思舉四行除汝陽令入為佐著作郎尚書郎

避亂東渡元帝以為丞相記室參軍累遣侍中蘇峻之難王師敗績雅與劉超並侍衛天

子明年並與超為賊所害賊平追贈光祿勳嚴氏全晉文編曰鍾雅傳有奏改太廟祝文奏劾尚書梅陶各一篇

梁又有衛尉卿劉超集二卷亡

晉書本傳超字世瑜琅邪臨沂人漢城陽景王章之後也超少有志尚為琅邪國記室掾

以忠謹清慎為元帝所拔遂從渡江轉安東府舍人專掌文檄以左右勤勞賜爵原鄉亭

侯中興建為中書舍人拜騎都尉奉朝請時臺閣初建庶績未康超職典文翰而畏慎靜

密彌見親待後從明帝征錢鳳封零陵伯蘇峻謀逆超為右衛將軍與侍中鍾雅並遇害追贈衛尉諡曰忠超天性謙慎歷事三帝恆

在機密並蒙親遇而不敢因寵驕諂故士人皆安而敬之

又史臣曰鍾雅正直當官劉超勤肅上屬巨猾滔天幼君危偪乃崎嶇寇難契闊艱虞

雖高赫在難彌恭苟息繼之以死方之二子曾何足云又贊曰鍾劉入仕忠貞攸履竭其股肱繼之以死

唐書經籍藝文志劉超集二卷嚴氏全晉文編劉超有集二卷御覽書鈔淳化開帖存表二條書一條

梁又有衛將軍戴邈集五卷錄一卷亡

晉書戴若思傳若思名淵唐人避諱故稱其字廣陵人也弟邈字望之少好學尤精漢史才不

逮若思儒博過之弱冠舉秀才遷太子洗馬永嘉中元帝版行邵陵內史丞相軍諮祭酒

於時凡百草創學校未立邈上疏言之於是始脩禮學代劉隗為丹陽尹王敦作逆加左將軍及敦得志而若思遇害邈坐免官敦誅

拜尚書僕射卒官贈衛將軍諡曰穆唐書經籍藝文志戴邈集五卷

嚴氏全晉文編戴邈有集五卷今惟本傳及宋書禮志載上表請立學校一篇

梁又有光祿大夫荀崧集一卷亡

晉書本傳崧字景猷潁川臨潁人魏太尉或之玄孫也志操清純雅好文章與王敦顧榮

陸機等友善泰始中襲父爵安陵鄉侯累遷侍中中護軍後以勳進爵舞陽縣公改封曲陵公元帝踐阼徵拜尚書僕射使崧與刁

協共定中興禮儀轉太常大寧初以平王敦
功更封平樂伯遷右光祿大夫開府儀同三
司錄尚書領祕書監年雖衰老而孜孜典籍
世以此嘉之咸和三年薨年六十七贈侍中
諡曰敬

嚴氏全晉文編荀崧有集一卷今存疏議答
問書凡六篇

晉大將軍溫嶠集十卷梁錄一卷

晉書本傳嶠字太真司徒羨弟愴之子也

太原郡人懷帝時司徒性聰敏有識量博學能屬

文少以孝悌稱於邦族風儀秀整美於談論

大將軍劉琨妻嶠之從母也屢為琨將兵討

石勒為之謀主琨所憑恃焉屬二都傾覆元

帝初鎮江左琨使嶠奉表勸進帝器而嘉之

王導周顛謝琨庾亮桓彝等並與親善會琨

為段匹磾所害除散騎侍郎歷驃騎王導長

史進中庶子太子與為布衣之交數陳規諷

又獻侍臣箴甚有弘益明帝即位拜侍中機

密大謀皆所參綜詔命文翰亦悉豫焉王敦

平封建寧縣開國公是時天下凋弊國用不

足詔公卿以下詣都坐論時政之所先嶠因

奏軍國要務七事多納之帝疾篤與王導郗

鑒庾亮陸倕等受顧命咸和初代應

詹為江州刺史持節都督平南將軍鎮武昌

蘇峻反京師傾覆而庾亮來奔乃遣督護王

愨率陶侃為盟主於是列上尚書陳峻罪

狀灑泣登舟移告四方征鎮侃雖為盟主而

處分規略一出於嶠及賊滅拜驃騎將軍開

府儀同三司加散騎常侍封始安郡公還鎮

武昌未旬而卒時年四十二贈侍中大將軍

持節都督刺史公如故諡曰忠武陶侃上表

曰故大將軍嶠忠誠著於聖世勳義感於神

人非臣筆墨所能稱陳臨卒之際與臣書別

臣藏之篋笥時時省視每一思述未嘗不中

夜撫膺臨飯酸噎人之云亡嶠實當之謹寫

嶠書上呈案是書今不傳

又史贊曰太真懷貞勤宜乃誠謀敦剪峻奮

節摛名

文心雕龍銘箴篇曰溫嶠傳臣博而惠繁又

詔策篇曰晉氏中興唯明帝崇才以溫嶠文

清故引入中書自斯以後體憲風流矣又奏

啓篇曰晉氏多難災屯流移劉頌殷勤於時

務溫嶠懇惻於費役並體國之忠規矣又才

略篇曰庾元規之表奏靡密以開暢溫太真

之筆記循理而清通亦筆端之良工也

唐書經籍藝文志溫嶠集十卷

嚴氏全晉文編溫嶠有集十卷今存蟬賦表

疏奏軍國要務七事上言議教箋書移告四

方征鎮釋奠頌侍臣箴凡二十二篇

晉侍中孔坦集十七卷梁五卷錄一卷

晉書孔愉傳愉會稽山陰人也其先世居梁

國曾祖潛漢末避地會稽因家焉愉從子坦

字君平少方直有雅望通左氏傳解屬文元

帝為晉王以為世子文學數遷至咸和初為

尚書左丞平蘇峻封晉陵男遷侍中廷尉卒

年五十一諡曰簡

唐書經籍藝文志孔坦集五卷

曲阜孔繼汾闕里文獻考孔氏別集有先聖

二十六代孫晉廷尉坦集十七卷梁錄宋史

皆五卷錄一卷案宋史當是唐書之誤

嚴氏全晉文編曰孔坦有集十七卷今存對

策表奏議書凡五篇

梁又有臧冲集一卷亡

臧冲始末未詳

梁又有晉鎮南大將軍應瞻集五卷亡

瞻當為

應瞻有河南故事見史部舊事篇

晉書本傳詹弱冠知名性質素弘雅犯而弗

校以學藝文章稱司徒何劭見之曰君子哉

若人及洛陽傾覆王澄為荊州詹攘袂流涕

勸澄赴援澄使詹為檄下筆便成辭義壯烈

見者慷慨然竟不能從也元帝雅重其才云

又史臣曰應詹行業事修文史足用入居列

位則嘉謀屢陳出撫藩條則惠政斯洽

唐書經籍志應詹集三卷藝文志五卷

嚴氏全晉文編應詹有集五卷今存表疏上

言書凡七篇

晉太僕卿王嶠集八卷太原

晉書王湛傳湛子承承族子嶠字開山父佑

以才智稱嶠少有風尚并司二州交辟不就

永嘉末攜其二弟避亂渡江時元帝鎮建鄴

教曰王佑三息始至名德之冑並有操行宜

蒙飾敍後為王敦參軍爵九原縣公明帝時

累遷御史中丞祕書監拜廬陵太守卒官諡

曰穰案本傳不言曠為太僕卿或其贈官史略之缺
唐書藝文志王嶠集二卷

梁有衛尉荀闔集一卷亡

晉書荀勗傳勗子藩藩子遂闔闔字道明亦有名稱京師為之語曰洛中英荀道明與遂俱渡江明帝從容問王廙曰二荀兄弟孰賢廙答以闔才明過遂歷御史中丞侍中尚書封射陽公太寧二年卒贈衛尉益曰定

梁有鎮北將軍劉隗集二卷亡

晉書本傳隗字大連彭城人楚元王交之後也少有文翰起家祕書郎稍遷冠軍將軍彭城內史避亂渡江元帝以為從事中郎隗雅習文史善求人主意帝深器遇之遷丞相司直委以刑憲彈奏不長彊禦晉國既建拜御史中丞大與初長兼侍中賜爵都鄉侯代薛兼為丹陽尹與尚書令刁協並為元帝所寵欲排抑豪強諸刻碎之政皆云隗協所建拜鎮北將軍都督青徐幽平四州軍事假節鎮泗口初隗以王敦威權太盛終不可制勸帝出腹心以鎮方隅故以譙王承為湘州續用隗及戴若思為都督敦甚惡之及敦作亂以討隗為名詔徵隗還京師及入見與刁協奏請誅王氏不從有懼色率眾屯金城及敦剋石頭隗攻之不拔入宮告辭帝雪涕與之別至淮陰為劉遐所襲攜妻子及親信二百餘人奔於石勒勒以為從事中郎太子太傅卒年六十一

又刁協傳及王敦構逆上疏罪協帝使協出

督六軍既而王師敗績協與劉隗俱侍帝於

太極東除帝執協隗手流涕嗚咽勸令避禍

協曰臣當守死不敢有貳帝曰今事逼矣安

可不行乃令給協隗人馬使自為計協年老

不堪騎乘素無恩紀募從者皆委之行至江

乘為人所殺送首於敦敦聽刁氏收葬之帝

痛協不免密捕送協首者誅之

文心雕龍奏啓篇曰若夫傳成勁直而按辭

堅深劉隗切正而劾文闊略各其志也

本志總集篇梁有劉隗奏五卷亡

唐書經籍藝文志劉隗集三卷

嚴氏全晉文編劉隗有集二卷今存上言奏

劾及答王敦書凡九篇

梁有大司馬陶侃集二卷錄一卷亡

陶侃有大司馬故事見史部舊事篇

晉書本傳侃性聰敏勤於吏職恭而近禮愛

好人倫關外多事千緒萬端罔有遺漏遠近

書疏莫不手答筆翰如流未嘗壅滯引接疎

遠門無停客常語人曰大禹聖者乃惜寸陰

至於衆人當惜分陰豈可逸游荒醉生無益

於時死無聞於後是自棄也諸參佐或以談

戲廢事者乃命取其酒器蒲博之具悉投之

於江將吏則加鞭朴曰撻捕者牧豬奴戲耳

老莊浮華非先王之法言不可行也君子當

正其衣冠攝其威儀何有亂頭養望自謂宏

達耶

唐書經籍藝文志陶侃集二卷

嚴氏全晉文編陶侃有集二卷今存相風賦

表疏書凡十二篇

晉丞相王導集十一卷梁十卷錄一卷理邪

晉書王祥傳祥琅邪臨沂人漢諫議大夫吉

之後也弟覽字玄通母朱遇祥無道屢以非

理使祥覽輒與祥俱又虐使祥妻覽妻亦趨

而共之孝友恭恪名亞於祥晉初封即丘子

以太中大夫歸老有六子裁基會正彥琛裁

字士初撫軍長史初呂虔有佩刀工相之以

為必登三公可服此刀虔謂祥曰苟非其人

刀或為害卿有公輔之量故以相與祥固辭

彊之乃受祥臨薨以刀授覽曰汝後必與足

稱此刀覽後奕世多賢才與於江左裁子導

別有傳

又本傳導字茂弘光祿大夫覽之孫也父裁

鎮軍司馬元帝為琅邪王與導素相親善契

同友執及徙鎮建康情好日隆朝野傾心號

為仲父帝嘗從容謂導曰卿吾之蕭何也咸

和五年薨時年六十四諡曰文獻案咸和當為

咸康初導渡淮使郭璞筮之卦成璞曰吉無

不利淮水絕王氏滅其後子孫繁衍竟如璞

言導六子悅恬洽協劭蒼

又咸帝本紀咸康四年夏六月改司徒為丞

相以太傅王導為之五年秋七月庚申使持

節侍中丞相領揚州刺史始興公王導薨八

月壬午復改丞相為司徒

又史臣曰茂弘策名枝屏叶情交好負其才

智恃彼江湖思建剋復之功用成翼宣之道

於時王敦內侮蘇峻連兵實賴元宰潛運忠

謨竟翦香沙之寇提挈三世終始一心稱為仲父蓋其宜矣恬珣踵德副呂虔之贈刀也唐書經籍藝文志王導集十卷舊志誤作王道嚴氏全晉文編曰王導有集十一卷通典御覽並引王丞相集今存教表疏議啓箋書銘凡二十一篇

晉太尉郗鑒集十卷錄一卷

郗當為郗郗鑒有尚書令故事見史部舊事篇

晉書本傳鑒少孤貧博覽經籍躬耕隴畝吟咏不倦以儒雅著名明帝以其有器望萬幾動靜輒問之乃詔鑒特草上表疏以從簡易案成帝本紀元康五年八月辛酉太尉南昌公郗鑒薨蓋後王導一月而卒

唐書經籍藝文志郗鑒集十卷新志亦誤作郗嚴氏全晉文編郗鑒有集十卷本傳有討蘇峻誓師文藝文類聚以為庾闡作今編入闡集存疏議駁書凡四篇

晉太尉庾亮集二十一卷梁二十卷錄一卷

庾亮有雜鄉射等議見經部禮類晉書本傳亮美姿容善談論性好莊老風格峻整動由禮節閨門之內不肅而成時人或以為夏侯太初陳長文之倫也中興初侍講東宮其所論釋多見稱述與溫嶠俱為太子布衣之好時帝方任刑法以韓子賜皇太子亮諫以申韓刻薄傷化不足留聖心太子甚納焉時王敦在蕪湖帝使亮詣敦籌事敦與亮談論不覺改席而前退而歎曰庾元規賢

於裴頠遠矣

文心雕龍章表篇曰羊公之辭開府有譽於前談庾公之讓中書信美於往載序志顯類有文雅焉又才略篇云庾元規之表奏靡密以閑暢又程器篇云庾元規才華清英勳庸有聲故文藝不稱苦非臺岳則正以文才也唐書經籍藝文志庾亮集二十卷汪氏文選撰人篇目晉庾元規亮有讓中書令表嚴氏全晉文編庾亮有集二十一卷今存表疏議教凡十篇

梁又有虞預集十卷錄一卷亡

虞預有晉書見史部正史篇晉書本傳預少好學有文章雅好經史憎疾玄虛其論阮籍裸袒比之伊川被髮所以胡虜遍於中國以為過衰周之時所著詩賦碑誄論難數十篇

唐書經籍藝文志虞預集十卷

嚴氏全晉文編虞預有集十卷今存表疏議奏記箋書及晉書宣帝述凡九篇

梁又有平越司馬黃整集十卷錄一卷亡

黃整始末未詳

唐書經籍藝文志黃整集十卷

嚴氏全晉文編曰黃整永和初為平越司馬有集十卷通典六十七引羣臣敬太后議一篇

晉護軍長史庾堅集十三卷梁十卷錄一卷

庾堅始末未詳

案此似范堅集之誤晉書范汪傳汪叔堅

字子常博學善屬文永嘉中避亂江東拜佐著作郎撫軍參軍討蘇峻討爵都亭侯累遷尚書右丞成帝時遷護軍長史卒官子啓父子並有文筆傳於世堅蓋范寧之從祖也兩唐志有范宜集十卷考其前後次敘亦似即此范堅之集而誤堅為宜范蠟燈賦安石榴賦各一篇駁議一篇又此

作庾堅者因下文庾冰庾闡而寫誤歟州志略亦作

庾堅是宋本隋書已如此 堅別有春秋釋難三卷

見經部春秋左氏學家

晉司空庾冰集七卷梁二十卷錄一卷

晉書庾亮附傳冰字季堅兄亮以名德流訓冰以雅素垂風諸弟相率莫不好禮為世論所重亮常以為庾氏之寶歷中書監揚州刺史都督揚豫兗三州征虜將軍假節是時王導新喪人情恹然冰兄亮既固辭不入衆望歸冰冰既當重任經綸時務不舍晝夜賓禮朝賢升擢後進由是朝野注心咸曰賢相康帝時出為都督江荆寧益梁交廣七州豫州之四郡軍事領江州刺史假節鎮武昌尋卒時年四十九贈侍中司空諡曰忠成宋書天竺迦毗黎國傳先是晉世庾冰始創議欲使沙門敬王者後桓玄復述其義並不果行

唐書經籍藝文志庾冰集二十卷

嚴氏全晉文編庾冰有集二十卷今存為成

帝詔及詔草疏書凡七篇
晉給事中庾闡集九卷梁十卷錄一卷

晉書文苑傳庾闡字仲初潁川鄆陵人好學

九歲能屬文為太宰西陽王叢掾累遷尚書

郎蘇峻之難闡出奔郟鑿為司空參軍峻平

以功賜爵吉陽縣男數遷為零陵太守入湘

川弔屈原徵拜給事中復領大著作吳國內

史虞潭為太伯立碑闡製其文又作揚都賦

為世所重年五十四卒諡曰貞所著詩賦銘

頌十卷行於世

唐書經籍藝文志庾闡集十卷

馮氏詩紀輯存孫登隱居詩臨曲水三月三

日觀石鼓登楚山衡山江都遇風采藥詩游

仙詩凡九篇十八首

嚴氏全晉文編曰庾闡亮族人

有集十卷今存賦箋檄頌贊論戒文盟文弔文凡二十二

篇揚都賦存八條又有揚都賦注四條未審

他人為之注抑闡自注也

晉著作郎王隱集十卷梁二十卷錄一卷

王隱有晉書見史部正史篇

唐書經籍藝文志王隱集十卷

嚴氏全晉文編王隱有集二十卷今存議論

銘各一篇

晉散騎常侍干寶集四卷梁五卷

干寶有易注見經部易家

晉書本傳寶少勤學博覽書記為春秋左氏

義外傳注周易周官凡數十篇及雜文集皆

傳於世

文心雕龍才略篇曰孫盛干寶文勝為史準

的所擬志乎典訓戶牖雖異而筆采略同

唐書經籍藝文志干寶集四卷

汪氏文選撰人篇目晉干令升寶有晉革命

論晉紀總論

嚴氏全晉文編干寶有集五卷今存表議論

序及司徒儀三條凡九篇

晉太常卿殷融集十卷

晉書殷仲堪傳仲堪陳郡人也祖融太常吏

部尚書

世說文學篇注中興書曰殷融字洪遠陳郡

人桓彝有人倫鑒見融甚歎美之著象不盡

意大賢須易論理義精微談者稱焉兄子浩

亦能清言每與浩談有時而屈退而著論融

更居長為司徒左西屬飲酒善舞終日嘯詠

未嘗以世務自嬰累遷吏部尚書太常卿卒

唐書經籍藝文志殷融集十卷

嚴氏全晉文編曰殷融字洪遠陳郡長平人

咸和初為庾亮都督府司馬後為丹陽尹遷

尚書程帝時拜太常卿吏部尚書有集十卷

今存上言奏議凡六篇 案殷浩父爰字洪喬融為

美之弟浩之叔父也

梁有衛尉張虞集十卷亡

張虞始末未詳

唐書經籍藝文志張虞集五卷

嚴氏全晉文編曰張虞咸康中東陽太守累

遷為衛尉卿有集十卷今存請旌孝子許孜

梁有光祿大夫諸葛恢集五卷錄一卷亡

晉書本傳恢字道明琅邪陽都人祖誕魏司

空恢弱冠知名試守卽丘長轉臨沂令避地

江左名亞王導庾亮於時潁川荀闡字道明

陳留蔡謨字道明與恢俱有名譽號曰中興

三名人為之語曰京都三明各有名蔡氏儒

雅荀葛清計周馥有功封博陵亭侯數遷元

帝從事中郎兼統記室時四方多務箋疏殷

積恢斟酌酬答咸稱折中於時王氏為將軍

而恢兄弟及顏含並居顯要劉超以忠謹掌

書命時人以帝善任一國之才討王含功進

封建昌伯累遷吏部尚書散騎常侍尚書令

成帝踐阼加侍中金紫光祿大夫卒年六十

二諡曰敬恢兄頤字道回亦為元帝所器重

終於太常

唐書經籍藝文志諸葛恢集五卷

嚴氏全晉文編諸葛恢有集五卷今惟類聚

御覽引表四條

晉車騎將軍庾翼集二十二卷梁二十卷錄一卷

庾翼有春秋公羊論見經部春秋家

文心雕龍詔策篇曰教者效也言出而民效

也若諸葛孔明之詳約庾稚恭之明斷並理

得也而辭中教之善也

唐書經籍藝文志庾翼集二十卷

嚴氏全晉文編庾翼有集二十二卷今存表

疏教書十三篇

晉司空何充集四卷梁五卷

晉書本傳充字次道廬江潯人魏光祿大夫

禎之曾孫也充風韻淹雅文義見稱初解大將軍王敦掾少與王導善早歷顯官蘇峻平封都鄉侯穆帝時至驃騎將軍都督揚豫徐州領揚州刺史錄尚書事輔幼主爲宰相永和二年卒年五十五贈司空諡曰文穆

唐書經籍藝文志何充集五卷

嚴氏全晉文編何充有集五卷今存表疏奏議書凡七篇

梁又有御史中丞郝默集五卷亡

郝默始末未詳

唐書經籍藝文志郝默集五卷

梁又有征西諮議甄述集十二卷亡

甄述始末未詳

唐書經籍藝文志甄述集五卷

案晉書王尼傳尼初爲護軍府軍士胡母

輔之與王澄傅暢劉輿荀邃裴遐迭屬河

南功曹甄述及洛陽令曹據請解之據等

以制旨所及不敢蓋卽此甄述初爲河南

尹功曹與曹據同官後渡江爲征西將軍

府諮議參軍也此征西或是庾亮

梁又有武昌太守徐彥則集十卷亡

徐彥則始末未詳

嚴氏全晉文編曰徐彥永和初爲武昌太守

有集十卷隋志注作徐彥則通典九十九有

徐彥與征西桓温牋

晉散騎常侍王愨期集七卷梁十卷錄一卷

王愨期有公羊傳注見經部春秋家

唐書經籍藝文志王愨期集十卷

嚴氏全晉文編王愨期有集十卷今存懷秋賦及議凡四篇

梁又有司徒左長史王濛集五卷亡太原

王濛有論語義見經部

晉書外戚傳濛祖佑北軍中候濛以清約見

稱善隸書美姿容與沛國劉惔齊名友善簡

文帝之爲會稽王也嘗與孫綽商略諸風流

人綽言曰劉惔清蔚簡令王濛温潤恬和而

濛性和暢能言理辭簡而有會

唐書經籍藝文志王濛集五卷

嚴氏全晉文編王濛有集五卷今存議箋各

二篇

梁又有丹陽尹劉恢集二卷錄一卷亡

案此似劉惔集之誤也惔字真長沛國相

人尙明帝女廬陵公主歷官至丹陽尹年

三十六卒世說諸篇稱劉尹者是也晉書

有傳兩唐志有劉惔集二卷舊志或誤作惔

與此卷數相合又世說賞譽篇數稱王劉

卽此王濛劉惔當時言風流者舉濛惔爲

宗也觀七錄敘次則此爲惔非恢審矣唐

志亦以此二家相類從嚴氏文編輯存惔

答范汪問及酒箴各一篇

又案本志是處旣確有劉惔集亦確有劉

恢集因誤惔爲恢遂放去一條兩唐志於

劉惔集二卷之外別有劉恢集五卷是其

證也世說賞譽篇注宋明帝文章志曰劉

恢字道生沛國人識局明濟有文武才王

濛每稱其思理淹通蕃屏之高選爲車騎

司馬年三十六卒贈前將軍嚴氏文編云劉恢爲丹陽尹蓋沿本志此一條誤文未及詳究也馮氏詩紀輯恢詩一首嚴氏亦輯存其文二條

梁又有益州刺史袁喬集七卷亡

袁喬有論語注見經部

晉書袁瓌附傳瓌子喬博學有文才注論語

及詩并諸文筆皆行於世

唐書經籍藝文志袁喬集五卷

嚴氏全晉文編袁喬有集七卷御覽有江賦

序本傳有與褚裒袁書勸桓温伐蜀議凡三篇

晉尙書令顧和集五卷梁有錄一卷

晉書本傳和字君孝侍中衆之族子也總角

便有清操族叔榮雅重之曰此吾家麒麟興

吾宗者必此子也王導爲揚州辟從事累遷

御史中丞尙書令多所獻納永和七年以疾

篤辭位拜左光祿大夫儀同三司卒年六十

四追贈侍中司空諡曰穆

唐書經籍藝文志顧和集五卷

嚴氏全晉文編顧和有集五卷今存表疏奏

議凡八篇

梁又有尙書僕射劉遐集五卷亡

劉遐始末未詳

唐書經籍藝文志劉遐集五卷

嚴氏文編曰劉遐爲尙書僕射永和初爲吏

部尙書見褚裒傳案晉書別有劉遐傳非卽

此通典一百四右將軍王遐司馬劉曇父名

遐未審卽其人否遐有集五卷通典七十八

引其冬夏至寢鼓兵議一篇
梁又有徵士江淳集三卷錄一卷亡淳當為惇

江惇有公羊音見經部春秋家

晉書江統附傳統次子惇孝友淳粹高節適

俗性好學儒玄並綜每以為君子立行應依

禮而動雖隱顯殊途未有不傍禮教者也若

乃放達不羈以肆縱為貴者非但動違禮法

亦道之所棄也乃著通道崇檢論世咸稱之

邑里宗其道有事必諮而後行東陽太守阮

裕長山令王濛皆一時名士並與惇游處深

相欽重及卒友朋相與刊石立頌以表德美

云
梁皇侃論語義疏錄曰晉江熙集解論語

有江惇說

唐書經籍志江淳集五卷

唐書藝文志江惇集五卷

梁又有魏興太守荀述集一卷亡

荀述始末未詳

梁又有平南將軍賀翹集五卷亡

賀翹始末未詳

梁又有李軌集八卷亡

李軌有周易音見經部易家

案李軌在晉代著述頗多可謂一大作手

其學長於音訓明習故事有周易尚書毛

詩三禮音春秋左氏穀梁音老子音莊子

音二京賦音二都賦音齊都賦音又有小

爾雅略解法言解又有泰始咸寧泰康永

帝以迄成帝七朝注記皆其所撰似嘗官

著作郎終於祠部郎中案軌字弘範江夏

人李充字弘度亦江夏人似與充為昆季

行而本志依七錄敘次列其集於李充之

前則充猶稍在其後者也其所撰可考見

者凡二十三種晉書不為立傳文苑李充

傳亦未附見其人若非釋文敘錄略載顯

末幾無從而知之矣此唐修晉書無怪為

後人所指摘也
晉李充集二十二卷梁十五卷錄一卷

李充有論語集解見經部

晉書文苑傳充善楷書妙參鍾索世咸重之

幼好刑名之學深抑虛浮之士嘗著學箴又

注尚書及周易旨六篇釋莊論上下二篇詩

賦表頌等雜文二百四十首行於世

唐書經籍藝文志李充集十四卷

馮氏詩紀輯存嘲友人詩七月七日詩送許

從詩三首

嚴氏全晉文編曰李充有翰林論五十四卷

集二十卷今存賦頌誠箴銘弔文及翰林論

凡十五篇

晉司徒蔡謨集十七卷梁四十三卷

蔡謨有喪服譜見經部禮類

晉書本傳謨博學於禮儀宗廟制度多所議

定文筆論議有集行於世

梁皇侃論語義疏錄曰晉江熙集解十三

畫佛像蔡謨集云帝畫佛於樂賢堂經歷寇

亂而堂獨存顯宗效著作為頌顯宗成帝廟號

也效當是赦之誤其事亦見蔡謨傳

唐書經籍藝文志蔡謨集十卷

嚴氏全晉文編蔡謨有集四十三卷今存表

疏上言奏議檄書問難論凡三十二篇

晉揚州刺史殷浩集四卷梁五卷錄一卷

晉書本傳浩字深源陳郡長平人也父羨光

祿勳浩識度清遠弱冠有美名尤善玄言與

叔父融俱好老易融與浩口談則辭屈著篇

則融勝浩由是為風流談論者所宗征西將

軍庾亮引為記室參軍累遷司徒左長史後

稱疾不起屏居墓所將十年於時擬之管葛

王濛謝尚猶同其出處以下江左興亡建元

初簡文帝時在藩始綜萬幾徵為建武將軍

揚州刺史出為中軍將軍假節督揚豫徐兗

青五州後姚襄反為襄所敗坐廢為庶人徙

東陽之信安縣浩少與桓溫齊名而每心競

溫既以雄豪自許每輕浩浩不之憚也至是

溫謂鄒超曰浩有德有言向使作令僕足以

儀刑百揆朝廷用違其才耳浩雖黜放口

無怨言夷神委命談詠不輟永和十二年卒

案浩廢於永和十年二月見穆帝本紀

唐書經籍藝文志殷浩集五卷

嚴氏全晉文編殷浩有集五卷今存遺王羲

唐書經籍藝文志鈕滔集五卷

案本志下文晉代婦人集中有松陽令鈕滔母孫瓊集二卷似即此鈕滔

梁又有宣城內史劉系之集五卷錄一卷亡

劉系之始末未詳

唐書經籍藝文志劉系之集五卷

案通典八十二九十五有劉系之問荀訥

二條又九十六九十八劉系之問王冀二

條訥冀皆穆帝時太常

庾赤王集四卷王當爲玉既其諱不得例以篆法

晉書庾亮傳亮弟懌懌子統字長仁少有令

名司空太尉辟皆不就調補撫軍會稽王司

馬出爲建威將軍寧夷護軍尋陽太守年二

十九卒時人稱其才器甚痛惜之

世說賞譽篇曰簡文目庾赤玉省率治除謝

仁祖云庾赤玉胸中無宿物注赤玉庾統小

字衛將軍懌子也少有令名仕至尋陽太守

晉尋陽太守庾純集八卷純當爲統

唐書經籍藝文志庾統集二卷

嚴氏全晉文編曰庾統爲尋陽太守有集八

卷隋志誤作庾純初學記十七引三人贊之

朱明張臣尉贊凡二條

案此即庾赤玉集之別本

梁有驃騎司馬王脩集二卷錄一卷亡太原

晉書外戚王濛傳濛子脩字敬仁小字荀子

案世說新語作荀子 明秀有美稱號曰流奕清

舉年十二作賢全論案全當爲人濛以示劉惔

曰敬仁此論便足以參微言 案懷下當更有懷

字起家著作郎琅邪王文學轉中軍司馬未

拜而卒年二十四臨終歎曰無愧古人年與

之齊矣案後漢王延壽魏王弼並卒年二十四亦各有

集見前

唐書經籍藝文志王脩集二卷

嚴氏全晉文編曰世說文學篇引王脩集有

賢人論

梁有衛將軍謝尚集十卷錄一卷亡

晉書本傳尚字仁祖豫章太守鯤之子也鯤

陳國陽夏人有集見前幼有至性性悟夙成及長

開率穎秀辨悟絕倫脫略細行不爲流俗之

事遂知名善音樂博綜衆藝司徒王導深器

之比之王戎常呼爲小安豐爵爲掾襲父爵

咸亭侯累遷鎮西將軍鎮壽陽尚於是采拾

樂人并制石聲以備太樂江表有鍾石之樂

自尚始也升平初又進都督豫冀幽并四州

徵拜衛將軍未至卒於溧陽時年五十諡曰

簡

唐書經籍藝文志謝尚集五卷

馮氏詩紀輯存大道曲一篇

嚴氏全晉文編謝尚有集十卷今存談賦一

條及議書三篇

梁有青州刺史王俠集二卷亡

王俠一作王浹始末並未詳

唐書經籍藝文志王浹集二卷

案晉書穆帝本紀永和五年夏四月石季

龍死子世嗣僞位五月石遵廢世自立六

月石遵揚州刺史王浹以壽陽來降兩唐

志亦皆作王浹疑即此王俠又唐志與王

度集相類從度亦仕石氏歸降者與此王

俠尤相近殆歸晉終於青州刺史歟

晉西中郎將王胡之集十卷梁五卷錄一卷瑛邪

晉書王廙傳廙子頤之頤之弟胡之字脩齡

弱冠有聲譽歷郡守侍中丹陽尹素有風眩

疾發動甚數而神明不損石季龍死朝廷欲

綏輯河洛以胡之爲西中郎將司州刺史以

疾固辭未行而卒

世說品藻篇注王胡之別傳曰胡之好談諸

善屬文辭爲當世所重

唐書經籍藝文志王胡之集五卷

嚴氏全晉文編王胡之有集十卷今存表疏

牋書凡四篇

晉中書令王洽集五卷錄一卷瑛邪

晉書王導傳洽字敬和導諸子中最知名與

荀羨俱有美稱弱冠冠散騎中書郎數遷至

領軍尋加中書令固讓表疏十上穆帝詔曰

敬和清裁貴令昔爲中書郎吾時尙小數呼

見意甚親之今所以用爲令既機任須才且

欲時時相見其講文章待以友臣之義而累

表固讓甚違本懷其催洽令拜苦讓遂不受

升平二年卒於官年三十六

唐書經籍藝文志王洽集三卷

嚴氏全晉文編王洽有集五卷今存表書凡

四篇

梁有宜春令范保集七卷亡

范保始末未詳

梁有徵士范宣集十卷錄一卷亡

范宣有擬周易說見經部易家

晉書儒林傳宣少尚隱遁加以好學手不釋卷以夜繼日遂博綜衆書尤善三禮著禮易論難皆行於世

唐書經籍藝文志范宣集五卷 案二志上文已有范宣集十卷此又云范宣集五卷蓋前十卷爲范宣集

之誤本志又誤爲庾堅集已詳於前此五卷與本志前後敘次相對勘似即此范宣集十卷也

嚴氏全晉文編曰通典及宋書禮志有范宣答殷浩等問及議論凡七篇

梁有建安太守丁纂集四卷錄一卷亡

丁纂始末未詳

唐書經籍藝文志丁纂集二卷

案晉書蔡謨傳穆帝臨軒遣侍中紀璠黃門郎丁纂徵謨拜司徒自旦至申使者十餘反而謨不至或即此丁纂時爲黃門郎後至建安太守歟

晉金紫光祿大夫王羲之集九卷梁十卷錄一卷

項邪

晉書本傳羲之字逸少司徒導之從子也祖

正尚書郎案正字士則太保詳弟覽之第四子父曠

淮南太守曠有集見前羲之幼知名尤善隸書

爲古今之冠起家祕書郎征西將軍庾亮請

爲參軍遷長史亮臨終上疏稱羲之清貴有

鑒裁遷寧遠將軍江州刺史羲之既少有美

譽朝廷公卿皆愛其才器類召爲侍中吏部

尚書皆不就復授護國將軍既拜又苦求宣

城郡不許乃以爲右軍將軍會稽內史時殷

浩與桓温不協羲之以國家之安在於內外

和因與浩書以誠之浩不從及浩北伐羲之

以爲必敗以書止之言甚切至浩遂行果爲

姚襄所敗復圖再舉又遺浩書又與會稽王

箋陳浩不宜北伐并論時事性不樂京師初

渡浙江便有終焉之志會稽有佳山水名士

多居之謝安未仕時亦居焉孫綽李充許詢

支遁等皆以文義冠世並築室東土與羲之

同好嘗與同志宴集於會稽山陰之蘭亭羲

之自爲之敘以申其志或以潘岳金谷詩序

方其文羲之比於石崇聞而甚喜素與王述

不協及述爲揚州刺史羲之恥爲其下遂稱

病去郡謝萬爲豫州都督又遺萬書誠之萬

不能用故敗年五十九卒贈金紫光祿大夫

諸子遵父先志固讓不受

唐張彥遠歷代名畫記曰王羲之王廙從子

廙畫爲明帝師書爲右軍法右軍亦學畫於

廙書既爲古今之冠冕丹青亦妙穆帝升平

五年卒有雜獸圖臨鏡自寫其圖扇上畫小

人物傳於前代

唐書經籍藝文志王羲之集五卷又有許先生

傳即仙人許遠游傳見史部雜傳家

宋史藝文志蘭亭詩一卷崇文總目總集類王右

軍蘭亭詩集一卷王羲之編

馮氏詩紀蘭亭集詩一卷凡右將軍王羲之

四五言詩各一首琅邪王友謝安二首司徒

左西屬謝萬二首前餘杭令孫統二首左司

馬孫綽二首中軍參軍孫嗣一首散騎常侍

鄒曇一首頽川庾友一首庾蘊一首行參軍

曹茂之一首上虞令華茂一首榮陽桓偉一

首陳郡袁嶠之二首王玄之一首王凝之二

首王肅之二首王徽之二首王渙之一首王

彬之二首王蘊之一首行參軍王豐之一首

郡功曹魏滂一首鎮軍司馬虞說一首郡五

官謝釋一首行參軍徐豐之二首徐州西平

曹肇一首孫綽後序

張氏百三家王右軍集二卷錄一卷序曰殷

洪源與桓温不協王逸少移書苦諫欲畫廉

簡於屏風又曲止北伐皆不見聽果敗於姚

襄謝豫州才非將帥遠逸少之言後亦狼狽

世謂其形神在名山滄海之間於天下事抑

何明若觀火也琅邪南渡江左粗安王謝雖

賢未敢以區區吳越經緯天下褚裒殷浩志

奢才短動而輒蹶若復不守江東遠慕諸葛

伍員之憂爲期彌促卒觀喪晉發強臣非

由外寇逸少早識善察百年此數札者誠東

晉君臣之良藥非同平原辨亡令升論晉追

覽既往奮其縱橫也

嚴氏全晉文編曰王羲之有集十卷今存用

筆賦臨護軍教與會稽王箋與桓温箋與殷

浩書遺謝安書與謝萬書與人書與所知書

蘭亭詩敘臨河敘游四郡記自誓文書論題

筆陳圖後月儀筆經凡二十一篇雜帖六百

三十一條編爲五卷 案雜帖即張彥遠法書要錄

所載右軍書記一卷是也

晉散騎常侍謝萬集十六卷梁十卷

謝萬有繫辭注見經部易家

晉書謝安傳安弟萬才器備秀雖器量不及

安而善自銜曜故早有時譽工言論善屬文

敍漁父屈原季主賈誼楚老龔勝孫登嵇康

四隱四顯爲八賢論其旨以處者爲優出者

爲劣以示孫綽綽往反以體公識遠者則出

處同歸云

唐書經籍藝文志謝方集十卷 案此因寫爲万而誤爲方也

嚴氏全晉文編曰謝萬有集十六卷今存春

游賦與子朗等疏七賢嵇中散贊駙馬都尉

劉眞長誄又世說文學篇注引萬集載其敍

四隱四顯爲八賢之論初學記十七引萬八

賢頌屈原一條楚老一條蓋卽繫於論後也

其論今亡

晉司徒長史張憑集五卷梁有錄一卷

張憑有論語注見經部

世說文學編曰謝太傅問主簿陸退張憑何

以作母誄而不作父誄退答曰故當是丈夫

之德表於事行婦人之美非誄不顯注陸氏

譜曰退憑婿也

唐書經籍藝文志張憑集五卷 憑或作馮同

馮氏詩紀輯存合歡詩雜詩二篇五首

嚴氏全晉文編張憑有集五卷宋書禮志及

通典載憑議答問凡五篇

涼有高涼太守楊方集二卷亡

楊方有五經鈞沈見經部論語家

晉書本傳方少好學有異才著五經鈞沈撰

吳越春秋并雜文筆皆行於世

唐書經籍藝文志楊方集二卷

嚴氏全晉文編楊方有集二卷初學記有筮

筮賦御覽有薦張道順文凡二篇

晉徵士許詢集三卷梁八卷錄一卷

晉書王羲之傳孫綽李充許詢支遁等皆以

文義冠世並築室東土與羲之同好又曰劉

惔爲丹陽尹許詢嘗就惔宿牀惟新麗飲食

豐甘詢曰若此保全殊勝東山

世說言語篇注續晉陽秋曰許詢字玄度高

陽人魏中領軍允玄孫總角秀惠衆稱神童

長而風清簡素司徒掾辟不就蚤卒

世說文學篇簡文稱許掾云玄度五言詩可

謂妙絕時人注續晉陽秋曰詢有才藻善屬

文白司馬相如王褒揚雄諸賢世尙賦頌皆

體則詩騷旁綜百家之言及至建安而詩章

大盛逮乎西朝之末潘陸之徒雖時有質文

而宗歸不異也正始中王弼何晏好莊老玄

勝之談而世遂貴焉至過江佛理尤盛故郭

璞五言始會合道家之言而韻之詢及太原

孫綽轉相祖尙又加以三世之辭而詩騷之

體盡矣詢綽並爲一時文宗自此作者悉體

之至義熙中謝混始改

唐書經籍藝文志許詢集三卷

馮氏詩紀輯存竹扇詩一首

嚴氏全晉文編曰許詢高陽新城人咸安中

尾銘各一篇

晉征西將軍張望集十卷梁十二卷錄一卷

張望始末未詳

唐書經籍藝文志張望集三卷

馮氏詩紀曰張望爵里無考一作晉人有錯

除詩一首貧士詩一首 馮氏編入宋代之末非也

嚴氏全晉文編曰張望爲征西將軍有集十

二卷書鈔有枕賦類聚有鸞鵠賦御覽有蜘蛛賦凡三篇

晉餘姚令孫統集二卷梁九卷錄一卷

晉書孫楚傳楚太元中都人也子纂纂子統

綽並知名統字承公幼與綽及從弟盛過江

誕任不羈而善屬文時以爲有楚風家於會

稽性好山水乃求爲鄆令轉在吳寧居職不

留心碎務縱意游肆名山勝川靡不窮究後

爲餘姚令卒

唐書經籍藝文志孫統集五卷

嚴氏全晉文編孫統有集九卷世說輕詆篇

注有高柔集敍政事篇注有吏部郎虞存誄

凡二篇

梁又有晉陵令戴元集三卷錄一卷亡

戴元始末未詳

晉衛尉卿孫綽集十五卷梁二十五卷

孫綽有論語集解見經部

晉書孫楚附傳綽博學善屬文少與高陽許

詢俱有高尙之志居於會稽游放山水十有

餘年乃作遂初賦以致其意絕重張衡左思

之賦每云三都二京五經之鼓吹也嘗作天

台山賦辭致甚工時大司馬桓溫欲經緯中國以河南粗平將移都洛陽朝廷畏溫不敢為異而北土蕭條人情疑懼雖並知不可莫敢先諫綽乃上疏言之桓溫見綽表不悅曰致意與公何不尋君遂初賦知人家國事耶綽少以文才垂稱於時文士綽為其冠溫王郗庾諸公之薨必須綽為碑文然後刊石焉又史臣曰統綽棟華秀發名顯中興可謂無忝爾祖統竟淪跡下邑窮觀勝地會其心焉綽獻直論辭都不懼元子有匪躬之節元子桓溫字豈徒文雅而已哉

鍾榮詩品曰永嘉時貴黃老尚虛談於時篇什理過其辭淡乎寡味爰及江表微波尚傳孫綽許詢桓庾諸公時皆平典似道德論建安風力盡矣

又評晉驃騎王濟征南將軍杜預廷尉孫綽徵士許詢詩云永嘉以來清虛在俗王武子輩詩貴道家之言爰泊江表玄風尙備真長仲祖謂劉懷王濬也桓庾諸公猶相襲世稱孫許彌善恬淡之詞

文心雕龍誄碑篇曰孫綽為文志在碑誄溫王郗庾辭多枝雜桓彝一篇最為辨裁又才略篇曰孫綽規旋以矩步故倫序而寡狀

唐書經籍藝文志孫綽集十五卷新志或誤作孫綽

馮氏詩紀輯存表哀詩并序一篇三月三日詩秋日詩各一首情人碧玉歌二首張氏百三家孫廷尉集一卷凡賦疏論序碑

銘頌贊誄詩合三十三篇

汪氏文選撰人篇目曰晉孫興公綽有天台山賦

嚴氏全晉文編曰孫綽有集二十五卷今存

游天台山賦望海賦遂初賦序諫移都洛陽

疏議箋序頌贊至人高士傳贊名德沙門論

目難謝萬八賢論喻道論道賢論以天竺七僧

方當世之竹林七賢 銘誄丞相王導碑太宰郗

鑒碑太尉庾亮碑太傅諸袁碑司空庾冰碑

凡四十四篇附孫子佚文二十三條編為二卷

晉太常江道集九卷

晉書本傳道字道載陳留圉人也少孤與從

弟灌共居甚相友悌由是獲當時之譽為蔡

謨參軍何充功曹試守太末令稍遷吳令又

為般浩長史軍中書檄皆以委道升平未至

太常在職多所匡諫著阮籍序贊逸士箴及

詩賦奏議數十篇行於世卒年五十八

唐書經籍藝文志江道集五卷

馮氏詩紀輯存詠秋詠貧各一首

嚴氏全晉文編江道有集九卷今存風賦述

歸賦并賦羽扇賦竹賦表疏奏逸民箴十

篇

梁有謝沈集十卷七

謝沈有尚書注見經部書類

晉書本傳康帝即位朝議疑七廟迭毀乃以太學博士徵以質疑滯又曰沈先著後漢書及毛詩漢書外傳所著述及詩賦文論皆行

於世其才學在虞預之右云

唐書經籍藝文志謝沈集五卷

嚴氏全晉文編謝沈有集十卷通典引祥禪

議及答問三篇

晉李顥集十卷錄一卷

李顥有卦象數旨六卷見經部易家

晉書文苑李充傳充子顥亦有文義多所述

唐書經籍藝文志李顥集十卷

馮氏詩紀輯存經渦路詩涉湖詩夏日詩感

冬篇凡四首

嚴氏全晉文編曰李顥有尚書注十卷集十

卷今存雪賦雷賦悲四時賦感與賦凌仙賦

龜賦鏡論阮彥倫誄凡八篇

晉光祿勳曹毗集十卷梁十五卷錄一卷

曹毗有論語釋見經部

晉書文苑傳毗少好文籍善屬辭賦時桂陽

張碩為神女杜蘭香所降毗因以二篇詩嘲

之并續蘭香歌詩十篇甚有文采又著揚都

賦亞於庾闡以名位不至著對儒以自釋凡

所著文筆十五卷傳於世

唐書經籍藝文志曹毗集十五卷

馮氏詩紀輯存詠史詩詠冬詩夜聽擣衣詩

正朝詩霖雨詩凡五篇又曰晉書樂志永嘉

之亂伶官樂器皆沒於劉石是後累代增益

至太元中破苻堅獲其樂工於是四廂金石

始備使曹毗王珣增造宗廟歌詩凡十三首

嚴氏全晉文編曹毗有集十五卷今存賦十三篇對儒詩序黃帝贊神女杜蘭香傳請雨文綜凡一十九篇又有玉鼎頌見宋書符瑞志亡案諸書引曹毗志怪似即所記杜蘭香事

梁又有郡主簿王篋集五卷亡

王篋始末未詳

唐書經籍藝文志王篋集五卷

案本志雜史類史漢要集二卷晉祠部郎

王篋撰鈔史記入春秋者不錄疑即此王篋也

篋也

晉沙門支遁集八卷梁十三卷

梁釋慧皎高僧傳支遁字道林本姓關氏陳

留人或云河東林慮人幼有神理聰明秀徹

家世事佛隱居餘杭山年二十五出家初至

京師太原王濛甚重之曰造微之功不減輔

嗣殷融謝安王洽劉恢殷浩許詢郗超孫綽

桓彥表王敬仁何次道王文度謝長遐袁彥

伯等並一代名流皆著塵外之狎遁常在白

馬寺與劉系之等談莊子逍遙篇於是退而

爲注羣儒莫不歎服王羲之時在會稽請住

靈嘉寺意存相近行道僧衆百餘常隨稟學

時或有惰者遁乃著坐右銘以勸之時論以

遁才堪經濟而潔己拔俗有違兼濟之道道

乃作釋隱論又作卽色游玄論聖不辨知論

道行旨歸學道誠等太和元年終春秋五十

有三遁善草隸郗超爲之序傳袁宏爲之銘

贊周曇寶爲作誄凡遁所著文翰集有十卷盛行於世

唐書經籍藝文志沙門支遁集十卷

阮氏學經室外集曰支遁集二卷晉釋支遁

撰案隋志八卷注云梁十三卷唐志十卷宋

志不著錄讀書敏求記及述古堂書目作二

卷知缺佚多矣是編依毛辰汲古閣舊鈔本

過錄上卷詩凡十八首下卷書銘及贊凡十

五首錢遵王跋稱支公養馬愛其神駿胸中

未必無事在皎然云山陰詩友喧四座佳句

縱橫不廢禪云云晉代沙門多墨名而儒行

若支遁尤矯然不羣宜其以辭翰著也

嚴氏全晉文編曰支遁居吳之支山後居剡

之沃州哀帝徵講於東安寺尋歸太和初卒

有集十三卷釋藏弘明集高僧傳載書論序

贊銘凡二十六篇又文編卷首錄曰支遁

集二卷釋藏本

梁又有劉彥集十六卷亡

劉彥有長沙舊傳贊見史部雜傳篇

張重華酒泉太守謝艾集七卷梁八卷

晉書張重華傳重華以永和二年自稱持節

大都督太尉護羌校尉涼州牧西平公假涼

王牧府相司馬張耽言於重華曰主簿謝艾

兼資文武明識兵略若授以斧鉞委以專征

必能折衝禦侮重華召艾以爲中堅將軍大

破石虎將麻秋等封福祿伯善待之諸寵貴

惡其賢共毀譖之乃出爲酒泉太守後以使

持節軍師將軍復破麻秋以爲太府左長史

進封福祿縣侯又以爲都督征討諸軍事行

衛將軍

宋書大且渠蒙遜傳元嘉十四年涼州刺史

河西王茂虔奉表獻方物并獻謝艾集八卷

文心雕龍銘裁篇曰昔謝艾王濟西河文士

張駿以爲艾繁而不可刪濟略而不可益若

二子者可謂練鎔裁而曉繁略矣案張駿有集

見前重華之父也

唐書經籍藝文志謝艾集八卷舊志或譌作謝

文

嚴氏全晉文編曰謝艾敦煌人仕張重華三

使持節都督征討諸軍事行衛將軍後爲張

祚所殺有集七卷十六國春秋及御覽有獻

晉帝表上疏言趙長張祚事密令與楊初凡

三篇

梁又有撫軍長史蔡系集二卷亡

蔡系有論語釋見經部

唐書經籍藝文志蔡系集二卷

梁又有護軍將軍江彬集五卷錄一卷亡彬當

爲彰

晉書江統傳統子彰字思玄本州辟舉秀才

爲溫嶠別駕郗鑿司馬庾冰庾翼長史又數

遷代王彪之爲尚書僕射哀帝卽位疑周貴

人名號所宜彰議見禮志帝欲於殿庭立鴻

祀彰以爲禮廢日久儀注不存中興以來所

不行謂宜停之爲僕射積年簡文帝爲相每

訪政事彰多所補益轉護軍將軍領國子祭

酒卒官

又史臣曰彰位隆端右竭誠獻替悼遺忽榮

利聿修天爵雖出處異塗俱難兄弟矣

唐書經籍藝文志江霖集五卷霖地當為影
嚴氏全晉文編曰江彪有集五卷晉書禮志
通典載其議及答訪凡四篇

晉范汪集一卷梁十卷

范汪有祭典見經部禮類

唐書經籍藝文志范汪集八卷

嚴氏全晉文編范汪有集十卷今存表疏議

書客問并祭典棋品凡九篇 案諸書引范汪荆

州記當是為庾亮桓溫佐吏時所作或在本集

晉尚書僕射王述集八卷太原

晉書王湛傳湛子承承子述字懷祖少襲父

爵藍田縣侯歷會稽內史代殷浩為揚州刺

史加征虜將軍都督揚州徐州之琅邪諸軍

事衛將軍尋遷散騎常侍尚書令簡文帝每

言述才既不長直以直率便敵人耳謝安亦

歎美之太和二年卒年六十六諡曰簡

唐書經籍藝文志王述集五卷

嚴氏全晉文編王述有集八卷今存表疏議

箋教凡九篇

梁又有王度集五卷錄一卷亡太原

王度有二石傳二卷二石偽治時事二卷見

史部霸史類

唐書經籍藝文志王度集五卷

嚴氏全晉文編曰王度太原人仕石虎為中

書著作郎高僧傳廣弘明集有奏禁奉佛一

篇初學記有扇上銘一篇

梁又有中領軍庾詡集二卷錄一卷亡

晉書庾亮傳亮三子彬羲詡字道季好學

有文章叔父翼將遷襄陽詡年十五以書諫

翼甚奇之升平中代孔嚴為丹陽尹表除重

役六十餘事太和初代王恪為中領軍卒官

唐書經籍藝文志庾詡集二卷

嚴氏全晉文編庾詡有集二卷今惟見本傳

諫叔父翼徙鎮襄陽書一篇

梁又有將作大匠喻希集一卷亡

嚴氏全晉文編曰喻希字益期豫章人升平

末為治書侍御史累遷至將作大匠有集一

卷水經注藝文書鈔御覽有與韓豫章牋凡

六條案韓康伯為豫章太守也

案宋晁伯宇續談助鈔股芸小說云俞益

期豫章人與韓康伯道至交州聞馬援故

事云云未注云出俞益期牋此一節與嚴

氏所輯文小有異同諸書引俞益期牋其

源蓋出於此皆誤以喻為俞

梁又有吳興太守孔嚴集十一卷錄一卷亡

晉書孔愉傳愉從子坦嚴嚴字彭祖少仕州

郡歷尚書左丞多所匡益太和中拜吳興太

守以疾去職卒於家

世說品藻篇注中興書曰孔嚴字彭祖會稽

山陰人有才學歷丹陽尹尚書西陽侯在朝

多所匡正為吳興太守太得民和後卒於家

案此作孔嚴與史異

唐書經籍藝文志孔嚴集五卷

孔繼汾闕里文獻考曰孔氏別集有先聖二

十六代孫晉吳興太守嚴集五卷梁錄十一

卷錄一卷

嚴氏全晉文編孔嚴有集十一卷本傳有諫

鴻祀通典有與王彪之論蔡謨諡書各一篇

晉大司馬桓溫集十一卷梁有四十三卷又有桓

溫要集二十卷錄一卷亡

晉書叛逆傳溫字元子宣城太守彝子也少

與沛國劉惔善惔嘗稱之曰孫仲謀晉宣王

之流亞也選尚南康長公主拜駙馬都尉數

爵萬寧男與庾翼友善恆相期以寧濟之事

翼嘗薦溫於明帝曰桓溫少有雄略願陛下

弗以常人遇之常增畜之宜委以方召之任

託其弘濟艱難之勳翼卒即代為荊州刺史

永和二年平蜀封臨賀郡公後殷浩至洛陽

經涉數年屢戰屢敗器械都盡乃奏廢浩自

此內外大權一歸於溫矣升平中改封南郡

公哀帝初加侍中大司馬都督中外諸軍事

假黃鉞揚州牧錄尚書事移鎮姑孰溫既負

其才力久懷異志欲先立功河朔還受九錫

及枋頭覆敗名實頓減於是參軍郗超進廢

立之計乃廢帝為海西公而立簡文帝及帝

崩遺詔家國事一稟之於溫如諸葛武侯王

丞相故事溫初望簡文臨終禪位於己不爾

便為周公居攝事既不副所望故甚憤怨與

弟仲書曰遺詔使吾依武侯王公故事耳孝

武即位徵溫入輔溫入朝停京師十有四日

歸於姑孰遂寢疾諷朝廷加己九錫累相催

促謝安王坦之聞其病篤密緩其事錫文未

及成而薨時年六十二追贈丞相第六子玄

嗣爵

文心雕龍檄移篇曰鍾會檄蜀徵驗甚明桓公檄胡觀覺尤切並壯筆也

唐書經籍藝文志桓溫集二十卷

馮氏詩紀輯存八陳圖詩一首

汪氏文選撰人篇目曰晉桓元子溫有薦譙元彥表

嚴氏全晉文編曰桓彝譙國龍亢人漢五更

榮之九世孫仕至宣城內史成帝初死蘇峻

之難彝子溫孝武初卒諡曰宣武有集四十

三卷要集二十卷今存表疏檄胡文牋書凡

十八篇

梁又有豫章太守車灌集五卷錄一卷亡

車灌有脩復山陵故事見史部舊事篇

唐書經籍藝文志車灌集五卷

晉尚書僕射王坦之集七卷梁五卷錄一卷亡大

原

晉書王湛傳湛司徒渾之弟也子承承子述

述子坦之字文度弱冠與郗超俱有重名時

人為之語曰盛德絕倫郗嘉賓江東獨步王

文度簡文帝為撫軍將軍辟為掾累遷參軍

從事中郎仍為司馬加散騎常侍出為大司

馬桓溫長史父憂服闋徵拜侍中襲父爵領

左衛將軍坦之有風格尤非時俗放蕩不敦

儒教頗尚刑名學著廢莊論簡文帝臨崩詔

大司馬桓溫依周公居攝故事坦之自持詔

入於帝前毀之帝曰天下儻來之運卿何所

嫌坦之曰天下宣元之天下陛下何得專之

帝乃使坦之改詔焉溫薨坦之與謝安共輔

幼主遷中書令領丹陽尹俄督徐兗青三州

北中郎將徐兗二州刺史鎮廣陵將之鎮上

表言僕射臣安中軍臣沖並智竭忠貞周旋

舉動皆應諮此二臣又言宜數引侍臣詢求

讜言帝納之初謝安愛好聲律期功之慘不

廢妓樂頗以成俗坦之非而苦諫之書往反

數四安竟不從坦之又嘗與殷康子書論公

謙之義康子及袁宏並有疑難坦之標章擿

句一一申而釋之莫不厭服又孔嚴著通葛

論坦之與書贊美之其忠公慷慨標明賢勝

皆此類也卒年四十六臨終與謝安桓沖書

言不及私惟憂國家之事朝野甚痛惜之追

贈安北將軍諡曰獻

唐書經籍藝文志王坦之集五卷

嚴氏全晉文編王坦之有集七卷今存表書

論凡六篇

晉左光祿王彪之集二十卷梁有錄一卷張邪

晉書王廙傳廙弟彬彬子彪之字叔武年二

十鬚髮皓白時人謂之王白鬚初除佐著作

郎東海王文學尚書郎累遷尚書左丞司徒

左長史御史中丞侍中廷尉孝武帝時為尚

書令與謝安共掌朝政安每曰朝之大事衆

不能決者諮王公無不得判加光祿大夫儀

同三司未拜疾篤太安二年卒年七十三諡

曰簡

唐書經籍藝文志王彪之集二十卷

馮氏詩紀輯存四五言詩各一首

嚴氏全晉文編曰王彪之字叔虎見淳化閣

帖七本傳作叔武乃唐人避諱改耳有集二

十卷晉書禮志通典初學記御覽諸書所引

有廬山賦水賦并賦閩中賦納皇后禮文納

采問名納吉納徵請期迎后版文爾書冊文

整市教上書上言奏議啓答問牋書序贊凡

四十三篇

晉中書郎郗超集九卷梁十卷郗當為郗

晉書郗鑒傳鑒高平金鄉人鑒子愔愔子超

字景興一字嘉賓少卓犖不羈有曠世之度

交游士林每存勝拔善談論義理精微愔事

天師道而超奉佛桓溫辟為參軍溫英氣高

邁罕有所推與超言常謂不能測遂傾意禮

侍超亦深自結納溫懷不軌欲立霸王之基

超為之謀溫定計廢立亦超始謀也遷中書

侍郎司徒左長史年四十二先愔卒初超雖

實黨桓氏以愔忠於王室不令知之將亡出

一箱書付門生曰本欲焚之恐公年尊必以

傷感為弊我亡後若大損眠食可呈此箱不

爾便燒之愔後果哀悼成疾門生依旨呈之

則悉與溫往返密計愔於是大怒曰小子死

恨晚矣更不復哭凡超所與交友皆一時美

秀雖寒門後進亦拔而友之及死之日貴賤

操筆而為誄者四十餘人

唐書經籍藝文志郗超集十五卷新志或誤郗

嚴氏全晉文編郗超有集十卷今存與桓溫

箋與親友書凡四篇

梁有南中郎桓嗣集五卷亡

晉書桓彝傳彝沛國龍亢人漢五更榮之九世孫也有五子温雲豁祕冲沖長子嗣字恭祖少有清譽與豁子石秀並為桓氏子姪之冠督荊州三郡豫州四郡軍事建威將軍江州刺史莅事簡約轉西陽襄城二郡太守鎮夏口後領江夏相卒官追贈南中郎將諡曰靖子

唐書經籍藝文志桓嗣集五卷

梁又有平固合邵毅集五卷錄一卷亡

邵毅始末未詳

唐書經籍藝文志邵毅集五卷

梁又有太學博士滕輔集五卷錄一卷亡

滕輔始末未詳

唐書經籍藝文志滕輔集五卷

晉苻堅丞相王猛集九卷錄一卷

晉書苻堅載紀王猛字景略北海劇人也家於魏郡瓌姿備偉博學好兵書謹重嚴毅氣度雄遠細事不干其慮自不參其神契略不與交通是以浮華之士咸輕而笑之隱於華陰山懷佐世之志斂翼待時苻堅將有大志聞猛名招之一見便若平生語及興廢大事異符同契若玄德之遇孔明也及堅僭位以猛為中書侍郎轉始平令遷尚書左丞咸陽內史京兆尹吏部尚書太子詹事尚書左僕射輔國將軍司隸校尉加騎都尉居中宿衛時猛年三十六歲中五遷又遷尚書令太子太傅加散騎常侍轉司徒錄尚書事進爵清河郡侯鎮冀州乃為丞相中書監都督中外

諸軍事後數年復授司徒軍國內外事無鉅細莫不歸之猛宰政公平流放尸素拔幽滯顯賢才外脩兵革內崇儒學勸課農桑教以廉恥於是兵彊國富垂及升平猛之力也其年寢疾死年五十一贈侍中丞相餘如故諡曰武侯

嚴氏全晉文編曰王猛有集五卷苻堅載記及十六國春秋有渭原誓及上疏遺書凡九篇案嚴氏謂此集五卷未詳所據

梁有顧夷集五卷亡

顧夷有周易難王輔嗣義見經部易家

世說文學篇曰謝萬作八賢論與孫興公往返小有利鈍謝後以示顧君齊顧曰我亦作知卿當無所名

唐書經籍藝文志顧夷集五卷

梁有散騎常侍鄭襲集四卷亡

南史宋鄭鮮之傳鮮之榮陽開封人祖襲大司農經為江乘令因居縣境

嚴氏全晉文編曰鄭襲寧康初散騎常侍有集四卷通典有喪遇問議難范寧論喪遇問各一篇

梁有撫軍掾劉暢集一卷亡

世說品藻篇注劉瑾集序曰瑾南陽人父暢娶王羲之女生瑾劉瑾別有集見後

案此集與韓康伯集相屬康伯嘗為簡文撫軍掾劉暢殆與同時亦為會稽王撫軍將軍掾屬者

晉太常卿韓康伯集十六卷

韓康伯即韓伯有繫辭注見經部易家

晉書本傳伯清和有思理留心文藝舅殷浩稱之曰康伯能自標置居然出羣之器穎川庾詡名重一時少所推服常稱伯及王坦之曰思理倫和我敬韓康伯志力彊正吾愧王文度自此以還吾皆百之矣王坦之著公謙論袁宏作論以難之伯覽而美其辭旨以為是非既辨誰與正之遂作辨謙以折中云

唐書經籍藝文志韓康伯集五卷

嚴氏全晉文編韓伯有集十六卷今存議答問辨謙論王述碑凡四篇

梁有黃門郎范啓集四卷亡

晉書范堅傳堅子啓字榮期雖經學不及堅而才義顯於當世時清談之士庾詡韓伯袁宏等並相知友為祕書郎累居顯職終於黃門侍郎父子並有文筆傳於世

唐書經籍藝文志范起集五卷起當為啓

梁有豫章太守王恪集十卷亡

王恪始末未詳

案晉書外戚傳王遐簡順皇后父驃騎將軍述之從叔也長子恪領軍將軍恪子欣之豫章太守秩中二千石不知是否即此

王恪

梁有零陵太守陶混集七卷亡

陶混始末未詳

梁有海鹽令祖撫集三卷亡

祖撫始末未詳

梁有吳興太守殷康集五卷錄一卷亡

梁有吳興太守殷康集五卷錄一卷亡

梁有吳興太守殷康集五卷錄一卷亡

梁有吳興太守殷康集五卷錄一卷亡

梁有吳興太守殷康集五卷錄一卷亡

梁有吳興太守殷康集五卷錄一卷亡

梁有吳興太守殷康集五卷錄一卷亡

梁有吳興太守殷康集五卷錄一卷亡

梁有吳興太守殷康集五卷錄一卷亡

梁有吳興太守殷康集五卷錄一卷亡

梁有吳興太守殷康集五卷錄一卷亡

晉書殷顓傳顓陳郡八祖融太常卿父康吳與太守融有集見前

唐書經籍藝文志殷康集五卷

嚴氏全晉編文曰康爲武康令遷吳興太守有集五卷御覽八百五十九引殷康集有爲武康縣教又御覽四百三十及三十一引明慎二條

晉太傅謝安集十卷梁十卷錄一卷

晉書本傳安字安石尚從弟也 尚鯉之子並有集見前

父哀太常卿安少有重名寓居會稽與王羲之許詢支遁游處出則漁弋山水入則言詠屬文無處世意有司奏安被召歷年不至禁錮終身遂棲遲東土時安弟萬爲西中郎將總藩任之重安雖處衡門其名猶出萬之右自幼有公輔之望處家常以儀範訓子弟及萬廢黜始有時進志時年已四十餘矣桓溫請爲司馬尋除吳興太守徵拜侍中遷吏部尚書中護軍溫嘗以安所作簡文證議以示坐賓曰此謝安石碎金也尋爲尚書僕射領吏部後將軍總關中書事人皆比之王導謂文雅過之時苻堅強盛諸將敗退相繼安遺弟石及兄子玄等應機征討所在剋捷拜衛將軍開府儀同三司封建昌縣侯堅後率衆號百萬次於淮肥京師震恐加安征討大都督既破賊進太保安方欲混一文軌上疏求自北征乃進揚江荆司豫徐兗青冀幽并寧益雍梁十五州軍事加黃鉞其本官悉如故後會稽王道子專權頗相扇構安出

鎮廣陵之步丘築壘曰新城以避之遇疾堯年六十六贈太傅諡曰文靖又以平苻堅勳更封陵陰郡公 孝武本紀太元十年八月丁酉使持節侍中書監大都督十五州諸軍事衛將軍太保謝安

又史臣曰建元之後時政多虞巨猾陸梁權臣橫恣其有兼將相於中外系存亡於社稷負展資之以端拱鑿井賴之以晏安者其惟謝氏乎文靖始居塵外高謝人間嘯詠山林浮泛江海當此之時蕭然有陵霞之致暨於

魏薛羅而襲圭組去衡泌而踐丹墀庶績於是用康彝倫以之載穆苻堅百萬之衆已瞰吳江桓溫九五之心將移晉鼎衣冠易慮遠邇崩心從容而杜姦謀宴衍而清羣寇宸居獲太山之固維揚去累卵之危斯爲盛矣世說文學篇曰支道林許謝盛德共集王家許詢謝安王濛謝顧謂諸人今日可謂彥會時既不可留此集固亦難常常共言詠以寫其懷許便問主人有莊子不不得漁父一篇謝看題便各使四坐通支道林先通作七百許語敍致精麗才藻奇拔衆咸稱善於是四坐各言懷畢謝問曰卿等盡不皆曰今日之言少不自竭謝後羸難因自敍其意作萬餘語才峯秀逸既自難干加意氣擬託蕭然自得四坐莫不厭心支謂謝曰君一往奔詣故復自佳耳文字志曰安神清秀悟善談玄理

唐書經籍藝文志謝安集五卷

嚴氏全晉文編謝安有疏議簡文帝諡議遺

王坦之書與某書與支遁書凡六篇梁又有中軍參軍孫嗣集三卷錄一卷亡

晉書孫綽傳綽子嗣有綽風文章相亞位至中軍參軍早亡

唐書經籍藝文志孫嗣集三卷

梁又有司徒左長史劉袞集三卷亡劉袞始末未詳

晉御史中丞孔欣時集八卷梁七卷

孔欣時始末未詳

晉伏滔集十一卷并目錄梁五卷錄一卷

晉書文苑傳伏滔字玄度平昌安丘人也有才學少知名大司馬桓溫引爲參軍深加禮接每宴集必命滔同游從溫伐袁真至壽陽以淮南屢叛著論二篇名曰正淮壽陽平以功封聞喜縣侯除永世令溫薨征西將軍桓豁引爲參軍領華容令太元中拜著作郎專掌國史領本州大中正遷游擊將軍著作如故卒官

唐書經籍藝文志伏滔集五卷

嚴氏全晉文編伏滔有集十一卷今存望濤賦長笛賦登故臺詩序正淮論上下論青楚人物帝堯功德銘凡七篇案伏滔有大司馬察屬名世說嘗舉注引之當在本集又諸類書引北征記

晉榮陽太守習鑿齒集五卷

習鑿齒有漢晉陽秋見史部古史篇

晉書本傳鑿齒少有志氣博學洽聞以文筆著稱桓溫辟爲從事江夏相袁喬深器之數稱其才溫出征伐或從或守所在任職每處

機要莅事有績善尺牘論議溫甚器遇之時
清談文章之士韓伯伏滔等並相友善溫弟
祕亦有才氣素與鑿齒相親善使至京師簡
文為相王亦雅重焉後以脚疾廢於里巷臨
終上疏曰臣每謂皇晉宜越魏繼漢不應以
魏後為三恪而身微官卑無由上達懷抱愚
情三十餘年今沈淪重疾性命難保區區之
情竊所悼惜謹力疾著論一篇寫上如左願
陛下考尋古義求經常之表超然遠覽不以
臣微賤廢其所言子辟疆才學有父風

唐書經籍藝文志智鑿齒集五卷

馮氏詩紀輯存詠燈一首
嚴氏全晉文編習鑿齒有集五卷今存臨終
上疏與謝安書與燕王書與桓祕書與釋道
安書晉承漢統論漢晉春秋論諸葛武侯宅
銘凡二十七篇

晉祕書監孫盛集五卷殘缺梁十卷錄一卷

孫盛有魏氏春秋晉陽秋並見史部古史篇
晉書本傳盛博學善言名理於時殷浩檀名
一時與抗論者惟盛而已盛嘗詣浩談論對
食奮擲塵尾毛悉落飯中食冷而復煖者數
四至暮忘食理竟不定盛又著醫卜及易象
妙於見形論浩等竟無以難之篤學不倦自
少至老手不釋卷著魏氏春秋晉陽秋并造
詩賦論難復數十篇

文心雕龍才略篇曰孫盛干寶文勝為史志
乎典訓而筆采略同

唐書經籍藝文志孫盛集十卷

嚴氏全晉文編曰盛字安國統從弟也有集
十卷今存鏡賦奏事教書論及魏氏春秋評
魏氏春秋異同評晉陽秋評老子疑問反訊
凡六十九篇

晉東陽太守袁宏集十五卷梁二十卷錄一卷

袁宏有集議孝經見經部
晉書文苑傳宏有逸才文章絕美曾為詠史
詩是其風情所寄為桓溫府記室溫重其文
筆專綜書記後為東征賦末列稱過江諸
名德而獨不載桓彝時伏滔先在溫府又與
宏善苦諫之宏笑而不答溫知之甚忿宏賦
又不及陶侃亦為侃子胡妖所窘後為三國
名臣頌從桓溫北征作北征賦皆其文之高
者又見漢時傅毅作顯宗頌辭甚典雅乃作
頌九章頌簡文之德上之於孝武撰後漢記
竹林名士傳詩賦誄表等雜文凡三百首傳
於世

又王彪之傳桓溫疾諷朝廷求九錫袁宏為
文以示彪之彪之視訖歎其文辭之美謂宏
曰卿固大才安可以此示人時謝安見其文
又頻使宏改之宏遂逡巡其事既屢引日乃
謀於彪之彪之曰聞彼病日增亦當不復支
久自可更小遲迴宏從之溫亦尋薨 又儒林
范弘之傳弘之與會稽王道子賤曰溫又逼脅宏使作
九錫備物光赫其文具存朝廷畏怖莫不景從惟謝安王
坦之以死守之故得稽留耳

世說文學篇桓宣武北征袁虎時從被責免
官會須露布文喚袁倚馬前令作手不輟筆

俄得七紙皆可觀王東亭在側極歎其才袁
虎云當令齒舌間得利 袁虎宏小字東亭王珣也
梁皇侃論語義疏錄曰晉江熙論語集解
有袁宏說
鍾嶸詩品曰彥伯詠史雖文體未適而鮮明
緊健去凡俗遠矣
文心雕龍詮賦篇曰彥伯梗概情韻不置又
才略篇曰袁宏發軔以高驥故卓出而多偏
唐書經籍藝文志袁宏集二十卷
馮氏詩紀輯存從征行方頭山一首詠史二
首擬右失題各一首
汪氏文選撰人篇目曰晉袁彥伯宏有三國
名臣序贊

嚴氏全晉文編曰袁宏有集二十卷今存東
征賦北征賦各四條耐宴賦夜酣賦表書後
漢紀序七賢序三國名臣序贊單道開贊去
伐論明謙論祖逖碑桓溫碑銘孟處士銘祭
牙文羅山疏凡十八篇

梁又有晉黃門郎顧淳集一卷亡

晉書顧和傳和子淳歷尚書吏部郎給事黃
門侍郎左衛將軍顧和有集見前
梁又有尋陽太守熊鳴鶴集十卷亡

晉書熊遠傳遠弟縉名亞於遠終於鄱陽太
守縉子鳴鶴位至武昌太守熊遠有集見前

梁又有車騎司馬謝韶集三卷亡

晉書謝萬傳萬子韶字穆度少有名時謝氏
尤彥秀者稱封胡羯末封謂朗胡謂朗羯謂
玄末謂川皆其小字也韶朗川並早卒惟玄

以功名終詔至車騎司馬案世說有胡兒羈奴未
婢之稱唯封不見其下一字四人之中唯川無集

嚴氏全晉文編曰世說輕詆篇注引謝欽金
昌亭詩序欽爵里未詳案隋志注梁有車騎

司馬謝韶集三卷欽韶形近或即其人 案晉
書列女謝道韞傳亦言封胡羯末云封謂謝欽與謝萬傳

末稱謝韶者異是欽爲韶之誤無疑

梁又有金紫光祿大夫王獻之集十卷錄一卷
亡琅邪

晉書王羲之傳羲之有七子知名者五人玄
之擬之徽之操之獻之字子敬少有盛
名高邁不羈雖閑居終日容止不怠風流爲
一時之冠起家州主簿祕書郎轉丞以選尙
新安公主爲謝安衛將軍長史尋除建威將
軍吳興太守徵拜中書令卒官安僖皇后立
以后父追贈侍中特進光祿大夫太宰諡曰
憲時議者以爲羲之草隸江左中朝莫有及
者獻之骨力遠不及父而頗有媚趣云

唐張彥遠歷代名畫記曰獻之草隸繼父之
美丹青亦工桓溫嘗請畫扇誤落筆因就成
鳥駉牛極妙絕又書駉牛賦於扇上此扇
義熙中猶在太元十一年卒年四十三

馮氏詩紀輯存桃葉歌二首
嚴氏全晉文編王獻之有集十卷今存表疏
啓書及保母碑志凡六篇雜帖八十七條

梁又有琅邪內史袁質集二卷錄一卷亡
晉書袁瓌傳瓌陳郡陽夏人魏郎中煥之曾
孫也從祖準準子冲冲子耽耽子質字道和

自渙至質五世並以道素繼業惟其父耽以
雄豪著及質又以孝行稱官至琅邪內史東

陽太守

唐書經籍藝文志袁質集二卷
梁又有太宰從事中郎袁仰集五卷錄一卷亡

袁仰始末未詳
唐書經籍藝文志袁仰集三卷 舊志或誤作袁

紹
梁又有車騎長史謝朗集六卷錄一卷亡
晉書謝安傳安弟萬萬弟石石兄子朗朗字

長度父據早卒朗善言玄理文義豔發名亞
於玄總角時病新起體甚羸不堪勞於叔父
安前與沙門支遁講論遂至相苦其母王氏
再遣信令還安欲留使竟論王氏因出云新
婦少遭艱難一生所寄惟在此兒遂流涕攜
朗去安謂坐客曰家嫂辭情慷慨恨不使朝
士見之朗終於東陽太守世說簡傲篇注謝據小
字虎子奕弟也

唐書經籍藝文志謝朗集五卷
梁又有車騎將軍謝頴集十卷錄一卷亡 顧當
爲玄

晉書謝安傳安兄奕三子泉靖玄玄字幼度
少穎悟與從兄朗俱爲叔父安所器重及長
有經國才略爲大司馬桓溫掾征西桓豁司
馬領南郡相監北征諸軍事時苻堅疆盛邊
境數被侵寇朝廷求文武良將安乃以玄應
舉數以功封東興縣侯及苻堅自率衆號百
萬次於項城詔以玄爲前鋒都督與叔父征

虜將軍石從弟輔國將軍瑛西中郎將桓伊
龍驤將軍檀玄建威將軍戴熙揚武將軍陶

隱等距之玄與琰伊等以精銳八千進決戰
肥水南堅中流矢陣斬苻融堅衆奔潰肥水

爲之不流聞風聲鶴唳皆以爲王師以勳封
康樂縣公後以疾轉授散騎常侍左將軍會

稽內史玄既與疾之郡太元十三年卒官時
年四十六追贈車騎將軍開府儀同三司諡

曰獻武
又史臣曰康樂才兼文武志存匡濟淮肥之
役勅寇望之而土崩渦潁之師中州應之而

席卷方欲西平羣洛北定幽燕廟算有餘良
圖不果降齡何促功敗垂成拊其遺文經綸
遠矣贊曰偉哉獻武功宜授斧剋剪凶渠幾
清中寓
唐書經籍藝文志謝玄集十卷
嚴氏文編輯存疏五篇書五條
案兩唐志謝朗集五卷之後次以謝玄集
十卷唐志無謝頴集本志無謝玄集此謝
頴列謝朗之後確爲謝玄之誤徧檢晉書
無謝頴不知何以誤玄爲頴也本志此處
似玆誤一條 通志藝文略亦作謝頴則北宋本已
然矣

晉新安太守郗愔集四卷殘缺梁五卷 郗當爲郗
晉書郗鑒傳鑒二子愔愔字方回少不交
競襲爵南昌公拜中書侍郎爲驃騎何充征

北褚裒長史再遷黃門侍郎臨海太守會弟
曇卒益無處世意在郡優游頗稱簡默與姊

夫王羲之高士許詢並有邁世之風俱棲心絕穀修黃老之術後以疾去職乃築室章安有終焉之志十許年間人事頓絕簡文帝輔政徵為會稽內史及帝踐阼累遷鎮軍將軍都督浙江東五郡軍事以年老乞骸骨因居會稽徵拜司空固辭不起太元九年卒年七十二追贈侍中司空諡曰文穆 案本傳不言為新安太守或有所略也

唐書經籍藝文志郭愔集王卷郭當為郭嚴氏全晉文編邳愔有集五卷通典有上言魏隲事一篇又論喪遇閏一篇淳化閣帖有雜帖四條

梁又有吳郡功曹陸法之集十九卷亡

陸法之始末未詳

晉太常卿王岷集十卷梁錄一卷 岷當為珉

晉書王導傳導第三子洽洽二子珉珉珉字季琰少有才藝善行書名出珉右時有外國沙門名提婆妙解法理為珉兄弟講毗曇經珉時尚幼講未半便云已解即於別室與法門法綱等數人自講法綱歎曰大義皆是但小未精耳歷著作散騎郎國子博士黃門侍郎侍中代王獻之為長兼中書令二人素齊名世謂獻之為大令珉為小令太元十三年卒年二十八追贈太常

梁皇侃論語義疏鼓錄曰晉江熙集解十三家有王珉說

嚴氏全晉文編王珉有集十卷今存告廟議

答徐邈書雜帖論序高座師凡四篇

晉中散大夫羅含集三卷

晉書文苑傳羅含字君章桂陽耒陽人也為庾亮荊州部從事桓溫征西參軍溫與寮屬讌會含從至溫問衆坐曰此何如人或曰可謂荆楚之才溫曰此自江左之秀豈唯荆楚而已累遷宜都太守散騎常侍中廷尉長沙相年老致仕加中散大夫年七十七卒所著文章行於世

唐書經籍藝文志羅含集三卷

嚴氏全晉文編曰羅含有集三卷廣弘明集有答孫安國書更生論凡二篇 案諸類書引羅含湘中記或編入本集

梁有太宰長史庾清集二卷亡 清當為情

晉書庾冰傳冰七子希襲友蘊情邈柔希為后之戚屬冰女又為海西公妃故希兄弟並顯貴太和中希為北中郎將徐兗二州刺史蘊廣州刺史友東陽太守情太宰長史邈會稽王參軍柔散騎常侍情最有才器桓溫深忌之及海西公廢溫陷情及柔以武陵王黨殺之

世說識鑿篇曰庾公云逸少國舉故庾倪為碑文云拔萃國舉注倪庾情小字也徐廣晉紀曰情字少彥司空冰子皇后兄也有才具仕至太宰長史桓溫以其宗彊使下邳王晃

評與謀反而誅之案此則其集中有王逸少碑文

唐書經籍藝文志庾情集二卷

梁有大司馬參軍庾悠之集三卷亡

晉書庾希傳桓溫諷有司劾希以罪免家於

暨陽及海西公廢桓溫陷情及柔殺之希聞難與弟邈及子攸之逃於海陵陂澤中與武遵聚衆於海濱夜入京口城討桓溫兵敗被擒希邈及子姪五人斬於建康市案悠之史攸之希之子冰之孫也似亦同死於五人之中矣

梁有司徒右長史庾凱集二卷亡

庾凱始末未詳

文心雕龍雜文篇曰至於陳思客問辭高而理疎庾凱客咨意榮而文悴斯類甚衆無所取裁矣或改庾凱為庾凱然凱作客咨今亦無可考故仍從原文或凱集有客咨一篇也

唐書經籍藝文志庾凱集二卷軌並當為凱

晉國子博士孫放集一卷殘缺梁十卷

晉書孫盛傳盛子放字齊莊幼稱令慧年七八歲在荊州與父俱從庾亮獵亮曰君亦來耶應聲答曰無小無大從公於邁亮又問欲齊何莊耶放曰欲齊莊周亮曰不慕仲尼耶答曰仲尼生而知之非希企所及亮大奇之曰王輔嗣弗過也終於長沙相

唐書經籍藝文志孫放集十五卷

嚴氏全晉文編曰放字齊莊盛次子國子博士出為長沙太守水經廬江水注有廬山賦初學記御覽有西寺銘序

晉聘士殷叔獻集四卷并目錄梁三卷錄一卷

晉書殷顛傳顛字伯通陳郡人也弟仲文叔

獻別有傳 案殷仲文見晉書物志傳殷叔獻今本晉書無其傳案顛字伯通則仲文叔獻皆其字

唐書經籍藝文志殷叔獻集三卷

晉湘東太守庾肅之集十卷錄一卷

晉書文苑庾闡傳闡子肅之亦有文藻著稱

歷給事中相府記室湘東太守太元中卒

唐書經籍藝文志庾肅之集十卷

嚴氏全晉文編庾肅之有集十卷初學記類

聚御覽有雪贊山贊水贊玉贊松贊凡五篇

梁有晉北中郎參軍蘇彥彥集十卷亡

蘇彥有蘇子七卷見子部道家

唐書經籍藝文志蘇彥彥集十卷

馮氏詩紀輯存七夕詠織女詩西陵觀濤詩

各一篇

嚴氏全晉文編蘇彥彥有集十卷書鈔類聚御

覽有芙蓉賦浮萍賦秋夜長鵝詩序舜華詩

序女貞頌序語箴隱貞銘邛竹杖銘楠榴枕

銘柏枕銘凡十一篇

梁有太子左率王肅之集三卷錄一卷亡垣邪

世說排調篇注王氏譜曰肅之字幼恭右將

軍義之第四子歷中書郎驃騎咨議 案右軍

七子知名者五人肅之不在五人之列

梁有黃門郎王徽之集八卷亡垣邪

晉書王羲之傳羲之子徽之字子猷性卓犖

不羈爲大司馬桓溫車騎桓沖參軍雅性放

誕好聲色嘗與弟獻之讀高士傳獻之賞井

丹高潔徽之曰未若長卿慢世也其傲達若

此時人皆欽其才而穢其行後爲黃門侍郎

棄官東歸與獻之俱病篤未幾獻之卒月餘

徽之亦卒

嚴氏全晉文編曰淳化閣帖卷三有王徽之

書一篇

梁有徵士謝敷集五卷錄一卷亡

晉書隱逸傳謝敷字慶緒會稽人也性澄靖

寡欲入太平山十餘年鎮軍郗愔召爲主簿

臺徵博士皆不就

嚴氏全晉文編曰文選褚淵碑文注引謝敷

答郗敬輿書出三藏記集六有安般守意經

序凡二篇

梁有太常卿孔汪集十卷亡

孔汪有孔中郎雜藥方見子部醫家

孔繼汾闕里文獻考孔氏別集有先聖二十

六代孫晉都督交廣二州諸軍事廣州刺史

汪集十卷

嚴氏全晉文編孔汪有集十卷宋書禮志引

四府君郊配議通典有答范寧問凡二篇

梁有陳統集七卷亡

陳統有難孫毓毛詩評四卷毛詩表隱二卷

見經部

梁有太常王愷集十五卷亡太原

晉書王坦之傳坦之四子愷愉國寶忱愷字

茂仁少踐清階襲父爵太元末爲侍中領右

衛將軍多所獻替及王恭等討國寶愷愉並

請解職以與國寶異生又素不協故得免禍

國寶既死出愷爲吳國內史愷爲丹陽尹及

桓玄等至江寧愷領兵守石城玄等走復爲

吳郡病卒追贈太常

梁有右將軍王忱集五卷錄一卷亡太原

晉書王坦之傳坦之第四子忱字元達弱冠

知名與王恭王珣俱流譽一時歷位驃騎長

史嘗造其舅范寧寧謂曰卿風流備望真後

來之秀太元中出爲荊州刺史都督荊益寧

三州忱自恃才氣放酒誕節慕王澄之爲人

澄字平子衍之弟也 又年少居方伯之任談者

憂之及鎮荊州威風肅然殊得物和桓玄時

在江陵常以才雄駕物忱每裁抑之玄憚而

服焉性任達不拘末年尤嗜酒一飲連月不

醒或裸體而游每歎三日不飲便覺形神不

相親數年卒官贈右將軍諡曰穆

嚴氏全晉文編曰王忱有集五卷宋書禮志

載忱郊祀明堂議一篇

梁有太常殷允集十卷亡

世說賞譽篇注中興書曰殷允字子思陳郡

人太常康第六子案康似融之誤 恭素謙退有

儒者之風歷吏部尚書

唐書經籍藝文志殷允集十卷

嚴氏全晉文編曰殷融陳郡長平人融子允

孝武時爲豫章太守後拜太常有集十卷御

覽通典書鈔類聚有石榴賦與徐逸書杖銘

祭徐孺子文凡四篇

晉徵士戴逵集九卷殘缺梁十卷錄一卷亡

戴逵有五經大義見經部論語篇

晉書隱逸傳逵少博學好談論善屬文能鼓

琴工書畫其餘巧藝靡不畢綜總角時以雞

卵汁漚白瓦屑作鄭玄碑又爲文而自鑄之

辭麗器妙時人莫不驚歎性不樂當世常以

禮度自處深以放達爲非道乃著論云

唐書經籍藝文志戴逵集十卷

嚴氏全晉文編曰逵有集十卷今存流火賦

離興賦棲林賦三篇書五篇贊九篇放逵為

非論釋義論答周居士難釋疑論各一篇凡

二十篇附竹林七賢論三十三條

梁有晉光祿大夫孫厥集十卷亡似孔厥之誤

案闕里文獻考云孔氏別集有先聖二十

七代孫晉廷尉厥集十一卷案孔厥集隋

唐志皆不見似即此集誤孔為孫也晉書

孔羣傳羣子沈沈子厥位吳興太守廷尉

與文獻考稱官位合南史孔琳之傳琳之父

厥光祿大夫與此所題官位亦合似出孔厥

梁又有尙書左丞徐禪集六卷亡

徐禪始末未詳

嚴氏全晉文編曰徐禪咸康中為博士永和

初轉尙書郎累遷尙書左丞有集六卷晉宋

書禮志及通典載禪有上事及雜議告廟文

凡八篇

晉太子前率徐邈集九卷并目錄梁二十卷錄一

卷 徐邈有周易音見經部易家

晉書儒林傳邈姿性端雅勤行勵學博涉多

聞以慎密自居少與鄉人戚壽齊名下帷讀

書不游城邑及孝武帝始覽典籍招延儒學

之士謝安始舉以應選處西省前後十年每

被顧問輒有獻替多所匡益帝宴集酣樂之

後好為手詔詩章以賜侍臣或文詞率爾所

言穢雜邈每應時收斂還省刊削皆使可觀

經帝重覽然後出之是時侍臣被詔者或宣

揚之故時議以此多邈及遷中書侍郎專掌

綸詔帝甚親昵之邈宦官簡惠達於從政論

精議密嘗時多謬稟之觸類辨釋問則有對

又史臣曰邈協和主相刊削繁辭可謂將順

其美匡救其惡案宋書邈弟廣與東莞臧獲合傳此

臧獲知為臧獲之誤唐書經籍藝文志徐邈集八卷

嚴氏全晉文編徐邈有集二十卷晉宋禮志

及通典諸書有奏議書答問凡二十五篇

晉給事中徐乾集二十一卷并目錄梁二十卷錄

一卷 徐乾有穀梁傳注見經部春秋家

嚴氏全晉文編徐乾有集二十一卷宋書禮

志及通典有褚爽表稱太子名議殷祭議各

一篇

梁又有晉冠軍將軍張玄之集五卷錄一卷亡

晉書謝玄傳玄以疾轉授左將軍會稽內史

時吳興太守晉寧侯張玄之亦以才學顯自

吏部尙書與玄同年之郡而玄之名亞於玄

時人稱為南北二玄論者美之案玄之妹亦與

謝道韞齊名世說言語篇注續晉陽秋曰張玄之字祖希

吳郡太守澄之孫也少以學顯歷吏部尙書

出為冠軍將軍吳興太守卒於郡案諸書引張

玄之吳興山墟名烏程嚴可均有輯本唐志皆不見當

編入本集

梁又有員外常侍荀世之集八卷亡

荀世之始末未詳

梁又有袁崧集十卷亡

袁崧即袁山松有後漢書見史部正史篇

晉書袁瓌附傳山松少有才名博學有文章

矜情秀遠善音樂舊歌有行路難曲辭頗疏

質山松好之乃文其辭句婉其節制每因酣

醉縱歌之聽者莫不流涕初羊曇善唱樂桓

伊能換歌及山松行路難繼之時人謂之三

絕 馮氏詩紀輯存詠菊一首

嚴氏全晉文編袁崧有集十卷書鈔類聚御

覽引有歌賦酒賦圓扇賦答桓南郡書白鹿

詩序及後漢書光武紀論章帝紀論獻帝紀

論凡八篇案諸書引袁山松宜都記勾將山記或編

入本集

梁又有黃門郎魏邊之集五卷亡

世說賞譽篇曰魏隱兄弟少有學義注魏氏

譜曰隱字安時會稽上虞人歷義興太守御

史中丞弟過黃門郎

梁又有驃騎參軍卞湛集五卷亡

卞湛始末未詳

唐書經籍藝文志卞湛集五卷

梁又有金紫光祿大夫褚爽集十六卷錄一卷

亡 晉書外戚傳褚爽字弘茂小字期生恭思皇

后父也祖哀父歆爽少有令稱謝安甚重之

嘗曰若期生不佳我不復論士矣為義與太

守早卒以后父追贈金紫光祿大夫

世說識鑿篇注續晉陽秋曰爽河南人太傅

真之孫祕書監詔之子 案外戚積哀傳末云子歆

字幼安則詔當為歆 俊邁有風氣好老莊之言

當世榮譽弗之屑也唯與殷仲堪善累遷中

書郎義興太守女為恭帝皇后

嚴氏全晉文編褚爽有集十六卷藝文類聚

四引爽禋賦

晉豫章太守范寧集十六卷

范寧有古文尚書注見經部書類

晉書本傳寧少篤學多所通覽時以浮虛相

扇儒雅日替寧著論以為其源始於王弼何

晏二人之罪深於桀紂拜中書郎在職多所

獻替有益政道時更營新廟博求辟雍明堂

之制寧據經傳奏上皆有典證考武帝雅好

文學甚被親愛朝廷疑議輒諮訪之為豫章

太守臨發上疏言得失又陳時政帝善之既

免官家於丹陽猶勤經學終年不輟

本志總集類范寧啓事三卷梁十卷

唐書經籍藝文志范寧集十五卷

嚴氏全晉文編范寧有集十六卷本傳及通

典類聚諸書引表疏奏議啓教書答問序論

凡二十四篇

梁有晉餘杭令范弘之集六卷亡

晉書儒林傳范弘之字長文安北將軍汪之

孫也襲爵武興侯雅正好學以儒術該明為

太學博士時衛將軍謝石薨請諡下禮官議

弘之議云案諡法因事有功曰襄貪以敗官

曰墨宜諡曰襄墨公又論殷浩宜加贈諡不

得因桓温之黜以為國典仍多敍温移鼎之

迹時謝族方顯桓宗猶盛尚書僕射王珣温

故吏也素為温所寵三怨交集乃出弘之為

餘杭令將行與會稽王道子牋又與王珣書

詞雖亮直終以温謝之故不調卒於餘杭令

年四十七 南史范泰傳泰第四子暉最知名出繼從

伯弘之後襲封武興縣五等侯

又史臣曰弘之抗言立論不避朝權貶石抵

温斯為當矣遂乃厄於三怨以至陵遲悲夫

嚴氏全晉文編范弘之有集六卷今惟存本

傳所載謝石諡議與會稽王牋與王珣書凡

三篇

晉司徒王珣集十一卷并目錄梁十卷錄一卷亡

案此亡字衍 珣那

晉書王導傳導第三子治最知名治二子珣

珣珣字元琳弱冠與陳郡謝玄為桓温掾俱

為温所敬重時温經略中夏竟無寧歲軍中

機務並委珣焉從討袁真封東亭侯孝武帝

雅好典籍珣與殷仲堪徐邈王恭郗恢等並

以才學文章見昵於帝帝崩哀册諡議皆珣

所草王恭謂珣曰比來視君一似胡廣隆安

初仕至尚書令衛將軍散騎常侍四年以疾

解職歲餘卒年五十二贈車騎將軍開府諡

曰獻穆桓玄與會稽王道子書曰珣神情朗

悟經史明微風流之美公私所寄雖偏嫌謗

才用不盡然君子在朝弘益自多時事艱難

忽爾喪失歎懼之深豈但風流相悼而已玄

輔政改贈司徒

世說文學篇注續晉陽秋曰珣學涉通敏文

高當世

唐書經籍藝文志王珣集十卷

馮氏詩紀曰晉書樂志太元中使曹毗王珣

增造宗廟歌詩珣造簡文皇帝孝武皇帝歌

二首

嚴氏全晉文編王珣有集十一卷今存奏書

序贊銘哀策文祭文凡九篇

晉處士薄蕭之集九卷梁十卷

薄蕭之亦作薄肅之始末並未詳

唐書經籍藝文志薄蕭之集十卷

梁又有晉安北參軍薄要集九卷亡

薄要始末未詳

案本志春秋家有薄叔玄問穀梁義四卷

馬國翰曰叔玄與范寧同時治穀梁之學

者也案薄叔玄似即此薄要為范汪安北

參軍即范寧穀梁集解序所為門生故吏

之一歟

梁又有薄邕集七卷亡

薄邕始末未詳

梁又有延陵令唐邁之集十一卷錄一卷亡

唐邁之始末未詳

晉孫恩集五卷

晉書叛逆傳孫恩字靈秀琅邪人孫秀之族

也世奉五斗米道恩叔父泰師事錢唐杜子

恭子恭有祕術往往神效泰傳其術誑誘百

姓後謀作亂會稽王道子誅之恩逃於海聚

亡命自海攻上虞襲會稽害內史王凝之等
遂據會稽隆安四年復寇刑浦害內史謝琰
又寇扈濱害吳國內史袁山松浮海向京口
又集衆欲向京都北寇廣陵陷之劉裕緣海
要截累戰敗之復大破恩於扈濱遂進海
中及桓玄用事恩復寇臨海臨海太守辛景
討破之恩窮蹙赴海自沈餘衆復推恩妹夫
盧循爲主自恩初入海前後數十戰殺百姓
數萬人

案孫恩至不足道不知何人爲編其集至
隋時猶行於世甚可怪也

梁有晉殿中將軍傅綽集十五卷亡

傅綽始末未詳

梁有驍騎將軍弘戎集十六卷亡

弘戎始末未詳

嚴氏全晉文編曰北堂書鈔太平御覽各卷

中引弘君舉食檄四條君舉始末未詳案隋

志注梁有驍騎將軍弘戎集十六卷疑卽此

梁有御史中丞魏叔齊集十五卷亡

魏叔齊始末未詳

案世說排調篇注引魏氏譜有魏顓字長

齊會稽人仕至山陰令叔齊或其昆季行

大抵與魏邊之同族邊之會稽上虞人有

集見前

梁有司徒右長史劉寧之集五卷亡

劉寧之始末未詳

晉臨海太守辛德遠集五卷梁四卷

辛德遠名昂始末未詳

晉書安帝本紀元興元年三月臨海太守辛
景擊孫恩斬之唐人避諱改昂爲景

又叛逆孫恩傳恩復寇臨海臨海太守辛景
討破之恩窮蹙赴海自沈

唐書經籍藝文志辛炳集四卷

嚴氏全晉文編曰辛炳爵里未詳御覽三百
三十七有辛炳洛成時與桓郎牋一條云桓

宣武令下官將千二百人奄襲某營值天洪
雨器械沾濕墮廣深丈餘鹿角五重樓櫓嚴

設自四更三唱攻逼至小食時不尅 案此則
炳嘗爲桓溫故吏也

常熟丁國鈞補晉書藝文志曰辛德遠集舊

唐志作辛炳集炳德遠名卽本書孫恩傳之

臨海太守辛景也

梁又有晉車騎參軍何瑾之集十一卷亡

何瑾之始末未詳

嚴氏全晉文編曰何瑾一作瑾之爲車騎參

軍有集十一卷類聚御覽有悲秋夜一篇

梁又有太保王恭集五卷錄一卷亡太原 自魏

王昶以迄於恭有集見本志凡十六人

晉書本傳恭字孝伯光祿大夫蘊子 蘊王長

史深之次子孝武定皇后之兄也少有美譽清

操過人自負才地高華恆有宰輔之望與王

忱齊名友善慕劉惔之爲人太元中累遷中

書令領太子詹事孝武帝以恭后兄深相欽

重以恭都督兗青冀幽并徐州晉陵諸軍事

平北將軍兗青二州刺史假節鎮京口旋改

號前將軍及帝崩會稽王道子執政寵昵王

國寶委以機權恭每正色直言道子深憚而
忿之於是國難始結恭乃謀誅國寶抗表京

師內外戒嚴用王珣計請解職道子收國寶
賜死深謝愆失恭乃還京口譙王尚之復說

道子以藩伯強盛宰相權弱宜多樹置以自
衛道子然之乃以其司馬王愉爲江州刺史

割庾楷豫州四郡使愉督之由是楷怒說恭
曰尚之兄弟專弄相權欲假朝威貶削方鎮

及其議未成宜早圖之恭以爲然復以謀告
殷仲堪桓玄玄等從之推恭爲盟主剋期同

赴京師恭乃舉兵上表以討王愉司馬尚之
兄弟爲辭朝廷使會稽世子元顯及王珣謝

琰等距之恭兵敗單騎奔曲阿湖浦尉收送
京師斬之桓玄執政上表理恭詔贈侍中太

保諡曰忠簡腰斬湖浦尉

嚴氏全晉文編王恭有集五卷今存表書各

二篇

梁又有殷觀集十卷錄一卷亡

晉書本傳觀字伯通陳郡人也祖融太常卿
父康吳興太守殷融殷康並有集見前觀性通率

有才氣少與從弟仲堪俱知名太元中以中
書郎擢爲南蠻校尉莅職清明政績肅舉及

仲堪得王恭書將興兵內伐告觀欲同舉觀
不平之曰夫人臣之義慎保所守朝廷是非

宰相之務豈藩屏之所圖也晉陽之事宜所
不豫仲堪要之轉切觀怒曰吾進不敢同退

不敢異仲堪甚以爲恨猶密諫仲堪辭甚切
至仲堪志望無厭謂觀言爲非觀知仲堪當

逐異己樹置所親因出行散託疾不還仲堪出省之謂曰兄病殊可憂詎曰我病不過身死但汝病在滅門幸熟爲慮勿以我爲念也仲堪不從卒與楊佺期桓玄同下詔遂以憂卒隆安中贈冠軍將軍弟仲文叔獻

又史臣曰仲堪反常之舉殷詵以正色折之求諸古烈何以加焉史文皆詵頭互見今從本志

晉荆州刺史殷仲堪集十二卷并目錄梁十卷錄一卷亡

殷仲堪有毛詩雜義見經部詩家

晉書本傳仲堪能清言善屬文每云三日不讀道德論便覺舌本間強其談理與韓康伯齊名士咸愛慕之爲晉陵太守時所下條教甚有義理在荆州答桓玄論四皓玄屈之每語子弟云人物見我受任方州謂我豁平昔時意今吾處之不易貧者士之常焉得登枝而捐其本爾其存之

唐書經籍藝文志殷仲堪集十卷

嚴氏全晉文編殷仲堪有集十二卷今存游園賦將離賦太子令表奏牋書答問贊論銘誄合社文凡十七篇案梁皇侃論語義疏引殷仲堪說或在本集

晉驃騎長史謝景重集二卷

晉書謝朗傳朗子重字景重明秀有才名爲會稽王道子驃騎長史

南史謝晦傳晦陳郡陽夏人晉太常哀之玄孫也哀子奕據安萬鐵並著名前史據子朗字長度位東陽太守朗子重字景重位會稽

王道子驃騎長史案晉書萬弟石石弟鐵永嘉太守

晉桓玄集二十卷

桓玄有繫辭注見經部易類
晉書叛逆傳玄形貌瓌奇風神疏朗博綜藝術善屬文常負其才地以雄豪自處衆咸憚之及篡位義兵起出奔於道作起居注敘其距義軍之事自謂經略指授筆無遺策諸將違節度以致虧喪非戰之罪於是不追與羣下謀議唯就思誦述宣示遠近史部舊事篇有桓玄僞事三卷疑即此起居注

世說文學篇桓玄嘗登江陵城南樓云我今欲爲王孝伯作誄孝伯王恭字也因吟嘯良久隨而下筆一座之間誄以之成又曰玄初并西夏領荆江二州二府一國於時始雪五處俱賀五版並入玄在聽事上版至即答版後皆粲然成章不相採雜注晉安帝紀曰玄文翰之美高於一世玄集載王孝伯誄云

唐書經籍藝文志桓玄集二十卷

馮氏詩紀輯存登荆山詩南陵彈詩各一首嚴氏全晉文編桓玄有集二十卷今存鳳賦鶴賦鸚鵡賦教疏箋書論序誄及矯詔偽詔下書受禪下書封晉帝爲王受禪告天文凡三十五篇

梁有晉丹陽令卞範之集五卷錄一卷亡令當爲尹

晉書叛逆傳卞範之字敬祖濟陰宛句人也識悟聰敏見美於當世太元中自丹陽丞爲始安太守桓玄少與之游及玄爲江州引爲

長史委以心膂之任潛謀密計莫不決之後玄將爲篡亂以範之爲丹陽尹範之與殷仲文陰撰策命玄僭位以爲侍中進號後將軍封臨汝縣公其禪詔即範之文也義軍起隨玄西走斬於江陵劉毅傳毅推鋒進江陵執玄黨下範之等五人皆斬之

嚴氏全晉文編曰北堂書鈔有卞範之杖贊無患枕贊二篇

梁有光祿勳卞承之集十卷錄一卷亡

晉書叛逆傳桓玄曾祖以上名位不顯故不欲序列且以王莽九廟見譏於前史遂以一廟矯之祕書監卞承之曰祭不及祖知楚德之不長也又曰義熙三年東陽太守殷仲文與永嘉太守駱球謀反欲建桓胤爲嗣曹靖之桓石松卞承之劉延祖等潛相交結劉裕以次收斬之并誅其家屬

嚴氏全晉文編曰卞承之字敬宗安帝時爲光祿勳有集十卷今存鸚鵡賦序溝井贊無患枕贊杜樹贊甘焦贊懷香贊

晉東陽太守殷仲文集七卷梁五卷

殷仲文有孝經注見經部

晉書叛逆傳仲文少有才藻桓玄將爲亂使總領詔命玄九錫仲文之辭也仲文善屬文爲世所重謝靈運嘗云若殷仲文讀書半袁豹則文才不減班固言其文多而見書少也世說文學篇注續晉陽秋曰仲文雅有才藻著文數十篇

唐書經籍藝文志殷仲文集七卷

唐書經籍藝文志殷仲文集七卷

馮氏詩紀輯存南州桓公九井詩一首送東陽太守詩一首

汪氏文選撰人篇目晉殷仲文有桓公九井詩自解表

嚴氏全晉文編殷仲文有集七卷今惟見本傳及文選所載抗表自解一篇

晉司徒王謐集十卷錄一卷張那

晉書王導傳第四子協元帝撫軍參軍襲爵武岡侯早卒無子以弟劭子謐為嗣謐字稚遠少有美譽與譙國桓胤太原王綏齊名拜秘書郎襲父爵遷祕書丞歷中軍長史黃門郎侍中及桓玄舉兵詔謐衛命詣玄玄深敬昵焉以為中書監領司徒及玄將篡以謐兼太保奉璽册詣玄玄篡封武昌縣開國公初劉裕為布衣衆未之識也惟謐獨奇貴之常謂裕曰卿當為一代英雄及裕破桓玄謐以本官加侍中領揚州刺史錄尚書事謐既受寵桓氏常不自安懼而出奔裕遣人追躡既還委任如先加班劍二十人義熙三年卒年四十八追贈侍中司徒謐曰文恭

唐書經籍藝文志王謐集十卷

嚴氏全晉文編王謐有集十卷今存疏議書答難凡七篇

梁有晉光祿大夫伏系之集十卷錄一卷亡

晉書文苑伏滔傳孝武帝嘗會於西堂滔豫坐還下車先呼子系之謂曰百人高會天子先問伏滔在坐不此故未易得為人作父如此定何如也系之亦有文才歷黃門郎侍郎

侍中尚書光祿大夫

世說寵禮篇注邱淵之文章錄曰伏系字敬魯仕至光祿大夫

馮氏詩紀伏系之爵里無考有咏椅桐詩一篇文殘缺案馮氏列之宋代又以為無考皆非也

嚴氏全晉文編伏系之伏滔子有集十卷御覽十二有雪賦類聚三有秋懷賦凡二篇

晉右軍參軍孔璠集二卷

孔璠亦作孔璠之始未詳

唐書經籍藝文志孔璠之集二卷

嚴氏全宋文編曰孔璠之爵里未詳疑是孔琳之昆季藝文類聚八十二有艾賦艾贊各一篇案嚴氏編入宋文蓋據藝文類聚所題孔琳之有集見後宋代人文中

晉衛軍諮議湛方生集十卷錄一卷

湛方生始未詳

唐書經籍藝文志湛方生集十卷

馮氏詩紀輯存廬山神仙詩諸人共講老子詩懷歸謠秋夜詩游園詠等詩凡九篇

嚴氏全晉文編曰湛方生為衛軍諮議參軍有集十卷藝文類聚載有風賦懷春賦秋夜賦游園詠懷歸謠上貞女解修學校教七歡及序贊銘弔鶴文凡十八篇

晉光祿大夫祖台之集十六卷梁二十卷

祖台之有志怪二卷見史部雜傳類

嚴氏全晉文編祖台之有集二十卷類聚初學記書抄御覽文選注有荀子耳賦與王忱書議錢歌殺妻事道論語命凡五條

晉通直常侍顧愷之集七卷梁二十卷

顧愷之有啓矇記見經部小學類

晉書文苑傳愷之博學有才氣嘗為箏賦每重嵇康四言詩因為之圖愷云手揮五絃易目送歸鴻難桓温引為大司馬參軍甚見親昵後為殷仲堪參軍亦深被眷接尤善丹青圖寫特妙謝安深重之以為有蒼生以來未有也所著文集及啓矇記行於世

世說文學篇曰或問顧長康君箏賦何如嵇康琴賦顧曰不賞者以後出相遺深識者亦以高奇見貴

又巧藝篇注曰愷之歷畫古賢皆為之贊

唐張彥遠歷代名畫記曰顧愷之小字虎頭

晉陵無錫人多才藝尤工丹青傳寫形勢莫不妙絕嘗畫中興帝相列像妙極一時著魏晉名臣畫贊評量甚多又有論畫一篇皆模寫要法義熙初為散騎常侍

馮氏詩紀輯存神情詩一首

嚴氏全晉文編顧愷之有集二十卷藝文類聚諸書有雷電賦觀濤賦冰賦湘中賦湘川賦箏賦風賦表箋序畫贊父悅之傳祭牙文凡十五篇

按四庫提要曰張彥遠名畫記徵引繁富

佚文舊事往往而存如顧愷之論畫一篇

魏晉勝流名畫贊一篇畫雲臺山記一篇

皆他書之所不載案此三篇嚴氏輯文皆遺之甚可惜也又張彥遠中晚唐時人尚見顧集而經籍藝文兩志皆不載蓋民間

見顧集而經籍藝文兩志皆不載蓋民間

見顧集而經籍藝文兩志皆不載蓋民間

見顧集而經籍藝文兩志皆不載蓋民間

見顧集而經籍藝文兩志皆不載蓋民間

見顧集而經籍藝文兩志皆不載蓋民間

所有官庫所無也

晉太常卿劉瑾集九卷梁五卷

世說品藻篇注劉瑾集敘曰瑾字仲章南陽人祖宗父暢暢娶王羲之女生瑾瑾有才力

歷尚書太常卿案劉暢亦有集見前

唐書經籍藝文志劉瑾集八卷

嚴氏全晉文編曰劉瑾元與末為太常卿有

集九卷初學記有甘樹賦以為宋人今從隋

志通典有殷祭議又議凡三篇

晉左僕射謝混集三卷梁五卷

晉書謝安傳安次子瑛瑛子混字叔源少有

美譽善屬文初孝武帝為晉陵公主求婿謂

王珣曰主婿但如劉真長王子敬便足如王

處仲桓元子誠可才小富貴便豫人家事謂

劉惔王獻之王敦桓溫也珣對曰謝混雖不及真

長不減子敬帝曰如此便足遂尚主襲父爵

望蔡公歷中書令中領軍尚書左僕射領選

以黨劉毅誅國除及宋受禪謝晦謂劉裕曰

陛下應天受命登壇日恨不得謝益壽奉璽

紱裕亦歎曰吾甚恨之使後人不得見其風

流益壽混小字也安帝本紀義熙八年九月己卯太

尉劉裕害右將軍兗州刺史劉藩尚書左僕射謝混庚辰

裕矯詔大赦己丑劉裕率師討毅裕參軍王領惡陷江陵

城毅自殺

宋書謝靈運傳論曰有晉中興玄風獨振為

學窮於柱下博物止乎七篇馳騁文辭義單

乎此自建武暨乎義熙歷載將百雖綴響聯

辭波屬雲委莫不寄言上德託意玄珠逾麗

之辭無開焉爾仲文始革孫許之風謂孫綽

許詢叔源大變太元之氣

世說文學篇注續晉陽秋曰魏正始中王弼

何晏好莊老玄勝之談至過江佛理尤盛故

郭璞五言始會合道家之言而韻之許詢孫

綽轉相祖尚自此作者悉體之至義熙中謝

混始改

鍾嶸詩品曰晉宋之際殆無詩乎義熙中以

謝益壽殷仲文為華綺之冠殷不效矣

文心雕龍才略曰仲文之孤興注云孤

疑作秋謝叔源之閑情並解散體縹緲浮

音雖滔滔風流而大澆文意

馮氏詩紀輯存游西池詩送二王在領軍府

集詩各一首誠族子靈運等五人詩一篇其

事見謝弘徵集條下在宋代人文中

汪氏文選撰人篇目宋謝叔源混有游西池

詩案以為宋人非也

嚴氏全晉文編謝混有集五卷宋書禮志三

載其殷祭議一篇

晉祕書監滕演集十卷錄一卷

宋書傅亮傳義熙元年亮直西省典掌詔命

轉領軍長史以中書郎滕演代之七年亮復

代演直西省又曰高祖登庸之始文筆皆是

記室參軍滕演演字彥將南陽西鄂人官至

黃門郎祕書監義熙八年卒

唐書經籍藝文志滕演集一卷

晉司徒長史王誕集二卷明那

宋書南史本傳誕字茂世祖恬晉中軍將軍

案恬王導第二子也父混太常卿誕少有才藻

晉孝武帝崩從叔尚書令珣為哀策文出本

示誕曰猶恨少序節物誕攬筆便益之接其

秋冬代變後云霜繁廣除風迴高殿珣歎美

因而用之襲爵維鄉侯為會稽王世子後軍

長史琅邪內史及桓玄得志將見誅誕珣桓

修為陳請乃徙廣州後得還為宋武帝太尉

長史盡心歸奉帝甚仗之北伐廣固領齊郡

太守後為吳國內史義熙九年卒年三十九

以南北從征追封作唐縣五等侯

宋書傅亮傳高祖登庸之始文筆皆是記室

參軍鄧演北征廣固悉委長史王誕案宋武

北征慕容超於廣固事在晉義熙五六年

嚴氏全晉文編曰王誕宋書有傳藝文類聚

六十有伐廣固祭牙文亦以為宋人今以辛

年為斷編入晉文

梁有晉太尉諮議劉簡之集十卷亡

宋書南史劉康祖傳康祖彭城呂人也世居

京口父虔之伯父簡之有志幹為宋武帝所

知帝將謀興復收集才力之士嘗再造簡之

會有客不得語簡之悟其意使虔之往見之

及虔之至武帝已剋京口虔之即投義軍簡

之聞之殺耕牛會眾以赴之簡之歷官至通

直常侍少府太尉諮議參軍簡之弟謙之好

學撰晉紀二十卷案劉謙之晉紀見史部古史篇

世說方正篇劉簡之作桓宣武別駕後為東曹

參軍頗以剛直見疎注劉氏譜曰簡字仲約

南陽人祖喬豫州刺史父挺潁川太守簡仕

至大司馬參軍

唐書世系表南陽劉氏裔孫虞魏侍中關內

侯子阜嗣阜生喬喬生挺挺二子簡眈 案晉

書劉挺劉眈俱附見劉喬傳簡不及焉据世系蓋眈之兄

晉丹陽太守袁豹集八卷梁十卷錄一卷

晉書袁瓌附傳瓌從子質質子湛湛弟豹字

士蔚博學善文辭有經國才為劉裕所知為

太尉長史丹陽尹卒 袁質有集見前

宋書袁湛傳湛陳郡陽夏人也父質琅邪內

史弟豹為謝安所知好學博聞多覽典籍為

劉毅撫軍參軍毅時建議大田豹上議其事

善言雅俗每商較古今兼以誦詠聽者忘疲

高祖遣益州刺史朱齡石伐蜀使豹為檄文

義熙九年卒官年四十一以參伐蜀之

謀封為南昌縣五等子

唐書經籍藝文志袁豹集十卷

嚴氏全晉文編曰宋書禮志三引袁豹四府

君還主議宋書袁湛傳引大田議為宋公檄

蜀文凡三篇

梁又有晉廬江太守殷遵集五卷錄一卷亡

殷遵始末未詳

梁又有與平令荀軌集五卷亡

荀軌始末未詳

晉西中郎長史羊徽集九卷梁十卷錄一卷

宋書羊欣傳欣字敬元泰山南城人也義興

中弟徽被遇於高祖高祖曰羊徽一時美器

徽字敬猷世譽多欣高祖鎮京口以為記室

參軍掌事八年遷中書郎直西省後為太祖

西中郎長史河東太守宋書王諧之傳云西省郎

管詔語義熙中傅亮羊徽相代在職

唐書經籍藝文志羊徽集一卷

嚴氏全晉文編羊徽有集十卷藝文類聚有

木槿賦一篇

晉國子博士周祗集十一卷梁二十卷錄一卷

唐書經籍藝文志周祗集十卷

嚴氏全晉文編曰周祗字穎文陳郡人義熙

初為國子博士有集二十卷宋書劉敬宣傳

有與劉裕書諫伐蜀藝文類聚有月賦枇杷

賦執友箴祭梁鴻文以為宋人今從隋唐志

列於晉案周祗有隆安記二卷兩唐志雜史類避諱作

崇安或在本集

梁又有晉相國主簿殷闡集十卷錄一卷亡

晉書殷仲文傳仲文素有名望忽遷為東陽

太守何無忌甚慕之東陽無忌所統 時無忌

為會稽內史督江東五郡軍事 仲文許當便道脩

謁無忌故益欽遲之令府中文人殷闡孔寧

之徒撰義構文以俟其至

嚴氏全晉文編曰殷闡義熙初會稽內史何

無忌引為掾屬後為相國主簿有集十卷藝

文類聚三十八有祭王東亭文一篇 案晉書

安帝本紀義熙十四年夏六月劉裕為相國進封宋公

闡為主簿即在是時

梁又有太常傅迪集十卷亡

晉書劉柳傳柳歷尚書左右僕射時右丞傅

迪好廣讀書而不解其義柳唯讀老子而已

迪每輕之柳云卿讀書雖多而無所解可謂

書簡矣時人重其言

宋書傅亮傳亮北地靈州人也祖咸司隸校

尉咸有集見前父瑗以學業知名與郗超善超

嘗造瑗瑗見其二子迪及亮超曰卿小兒才

名位宜當遠踰於兄然保家傳祚終在大者

迪字長猷亦儒學官至五兵尚書永初二年

卒追贈太常

南史傅亮傳曰亮之方貴兄迪每深誠焉而

不能從

案永初宋武受禪改元之號此集當入宋

人中與謝瞻集為伍

晉始安太守卞裕集十三卷梁十五卷

卞裕始末未詳

唐書經籍藝文志卞裕集十四卷

馮氏詩紀輯存送桓竟陵詩失題詩殘文各

一首

梁又有章公藝集六卷亡

章公藝始末未詳

晉毛伯成集一卷

世說言語篇曰毛伯成既負其才氣常稱寧

為蘭摧玉折不作蕭敷艾榮注征西寮屬名

曰毛玄字伯成潁川人仕至征西行軍參軍

本志總集篇毛伯成詩一卷伯成東晉征西

將軍案將軍為參軍之誤此詩一卷當在是集中

案鍾嶸品齊參軍毛伯成齊朝請吳邁遠

齊朝請許謠之詩云伯成文不全佳亦多

惆悵以為齊人誤也

晉沙門支曇諦集六卷

梁釋慧皎高僧傳釋曇詒姓康其先康居人漢靈帝時移附中國獻帝末亂移止吳興案吳興立郡在孫時獻帝時未有此郡詒父彤嘗為冀州別駕詒十歲出家學不從師悟自天發游覽經籍過目斯記晚入吳虎邱寺講禮易春秋各七遍法華大品維摩各十五遍又善屬文翰集有六卷亦行於世性愛林泉後還吳興入故章崑山閑居澗飲二十餘載以宋元嘉末卒於山春秋六十餘

唐書經籍志沙門曇詒集六卷
唐書藝文志僧曇詒集六卷
嚴氏全晉文編曰支曇詒本康居人居吳興烏程之千秋里後徙故鄣之崑山義熙七年卒案丘道護作曇詒誄以為義熙七年五月卒道護與曇詒友善必不有誤高僧傳七神僧傳三作宋元嘉末卒恐未可據隋志曇詒集丘道護集皆列於晉不列於宋足以明之曇詒有集六卷類聚御覽有廬山賦赴火蛾賦燈贊靈鳥山銘序凡存四篇

晉沙門釋惠遠集十二卷
慧皎高僧傳釋慧遠本姓賈氏雁門樓煩人也少為諸生博綜六經尤善莊老師事道安後至潯陽之廬山江州刺史桓伊為起東林寺居焉彭城劉遺民豫章雷次宗雁門周續之新蔡畢頴之南陽宗炳張萊民張季頴等並棄世遺榮依遠游止遠卜居廬阜三十餘年影不出山迹不入俗每送客游履常以虎谿為界焉晉義熙十二年八月初六終年八

十三尋陽太守阮侃於山西嶺鑿墳開塚謝靈運為造碑銘宗炳又立碑寺門初遠善屬文章所著論序銘贊詩書集為十卷五十餘篇見重於世
唐書經籍志沙門惠遠集十五卷
唐書藝文志僧惠遠集十五卷
馮氏詩紀輯存廬山東林雜詩報羅什偈廬山諸道人詩諸沙彌詩凡四篇
嚴氏全晉文編曰慧遠慕客雋時師事道安後隨道安奔襄陽孝武初襄陽陷移居廬山有集十二卷今存書十三篇論五篇廬山記游山記各一篇序五篇頌贊各一篇銘三篇編為二卷

晉姚萇沙門釋僧肇集一卷
慧皎高僧傳僧肇京兆人家貧以傭書為業遂因繕寫歷觀經史備盡墳籍志好玄微每以莊老為心要後見舊維摩經歡喜頂受因此出家從鳩摩羅什什入長安姚興命肇與僧叙等入逍遙園助詳定經論晉義熙十年卒於長安年三十一
嚴氏全晉文編曰僧肇師事鳩摩羅什於姑臧尋從入長安弘始中為姚興所害有集一卷釋藏及弘明集高僧傳有答劉遺民書及論序羅什法師誄凡十一篇

晉王茂略集四卷
唐書經籍藝文志王茂略集四卷
案王濬字茂略王鑒弟也本志前載王鑒集原作王覽非是條下注云梁又有晉著作

佐郎王濬集五卷亡此殆即五卷之殘本實亡而未盡亡也 兩唐志與王濬集亦前後兩見豈別有其人乎抑唐時兩本並行誤以為兩人也

晉曹毗集四卷
曹毗有集見前
案前載晉光祿勳曹毗集十卷注云梁十五卷錄一卷此四卷殆其別本

晉宗欽集二卷
唐書經籍志後魏宗欽集二卷藝文志同
案北魏太武帝時宗欽撰蒙遜記十卷見史部類類欽仕北涼且渠涼亡入魏死崔浩之難其時並在宋元嘉中又欽仕且渠蒙遜為世子洗馬時上東宮侍臣箴入魏後與高允書贈詩十二首及允答書并詩相褒美見魏書本傳馮氏詩紀嚴氏文編皆錄存之兩唐志載其集入後魏人中本志後魏諸人集無宗欽知即是集誤以為晉人也以上三家似又從別家見存書目錄入

梁有晉中軍功曹殷曠之集五卷亡
晉書殷仲堪傳仲堪子簡之率弘僮客隨義軍臨桓玄玄死簡之食其肉桓振之役簡之沒陳弟曠之有父風任至刻令
梁有太學博士魏說集十三卷亡
魏說始末未詳
案世說排調篇注引魏氏語曰魏說字長齊會稽人祖胤處士父說大鴻臚卿似即此魏說後至大鴻臚歟

梁有征西主簿丘道護集五卷錄一卷亡

唐張懷瓘書斷曰齊建元時有邱道護善隸書便書素時司馬珣之以道護素書洛神賦示羊欣欣嗟咨其工以為勝己道護烏程人也官至相國主簿案此謂齊建元時非也

唐張彥遠法書要錄南齊王僧虔論書曰羊欣邱道護並親授於子敬邱殊在羊欣前

嚴氏全晉文編曰丘道護義熙中為征西主簿有集五卷廣弘明集二十六有道人支曇諦誄一篇

梁有柴桑令劉遺民集五卷錄一卷亡

劉遺民有老子玄譜見子部道家

慧皎高僧慧遠傳彭城劉遺民等並棄世遺榮依遠游止遠乃於精舍無量壽像前立誓共期西方乃令劉遺民著其文有云息心

貞信之士百有二十三人集於廬山之陰般若雲臺精舍阿彌陀像前以香華敬薦而誓焉

嚴氏全晉文編劉遺民有集五卷釋藏高僧傳有廬山精舍誓文致僧肇書各一篇

梁有郭澄之集十卷亡

郭澄之有郭子見子部小說家

晉書文苑傳澄之少有才思所著文集行於世

梁有徵士周桓之集一卷桓之當為續之

周續之有高士傳注見史部雜傳類

宋書南史隱逸傳續之居豫章就太守范寧受業居學數年通五經五緯號曰十經名冠

同門稱為顏子既而閑居讀老易入廬山事

慧遠宋武踐阼問禮記傲不可長子我九齡射於矍圃三義辨析精奧稱為名通

嚴氏全晉文編曰周續之有集一卷隋志作周桓之乃傳寫之誤通典有答孟氏問三條

廣弘明集有答戴處士書難釋論存凡三篇

梁有孔瞻集九卷亡

孔瞻始末未詳

晉江州刺史王凝之妻謝道韞集二卷

晉書列女傳王凝之妻謝氏字道韞安南將軍奕之女也聰識有才辨初適凝之還甚不

樂叔父安曰王郎逸少子不惡汝何恨也答曰一門叔父則有阿大中郎羣從兄弟復有

封胡羯末不意天壤之中乃有王郎及遭孫恩之亂夫及諸子為賊所害其事見王羲之傳後自爾廢居會稽家中莫不嚴肅所著詩賦誄頌並傳於世

馮氏詩紀輯存登山詩詠松詩詠雪聯句凡三首

嚴氏全晉文編謝道韞有集二卷藝文類聚五十五有論語贊一篇

梁有婦人晉司徒王渾妻鍾夫人集五卷

晉書列女傳王渾妻鍾氏字琰潁川人魏太傅繇曾孫也父徽黃門郎琰數歲能屬文及長聰慧弘雅博覽記籍美容止善嘯詠禮儀法度為中表所則既適渾生濟渾弟湛妻郝氏亦有德行琰雖貴門與郝雅相親重郝不以賤下琰琰不以貴陵郝時人稱鍾夫人之

禮郝夫人之法云

世說貴媛篇注王氏謂曰鍾夫人名琰之太傅繇之孫黃門侍郎鍾琰女案此琰字當是徽之誤婦人集曰夫人有文才其詩賦頌誄行

於世

唐書經籍志鍾夫人集二卷

嚴氏全晉文編曰藝文類聚三十四有鍾琰遐思賦又九十二有鶯賦存凡二篇

梁有晉武帝左九嬪集四卷亡

晉書后妃傳左貴嬪名芬兄思別有傳芬少好學善綴文名亞於思武帝聞而納之泰始八年拜修儀受詔作愁思之文因為離思賦後為貴嬪姿陋無寵以才德見禮體羸多患

常居薄室帝每游華林輒回輦過之言及文義辭對清華左右侍聽無不稱美泰始十年

武元楊皇后崩芬獻誄咸寧二年納悼后芬於座受詔作頌及帝女萬年公主薨帝痛悼不已詔芬為誄其文甚麗帝重芬詞藻每有

方物異寶必詔為賦頌以是屢獲恩賜焉答兄思詩書及雜賦頌數十篇並行於世

太平御覽皇親部左貴嬪集有離思賦相風賦孔雀賦松柏賦涪涪賦納皇后頌楊后登

阼頌芍藥花頌鬱金頌菊花頌神武頌四言詩四首武元皇后誄萬年公主誄案此所載止十四篇非其全錄

唐書經籍志九嬪集一卷缺左字

唐書藝文志左九嬪集一卷

馮氏詩紀藝文類聚曰宋袁淑俳諧集左氏

詩彤管集作左九嬪有啄木詩四言一首感離詩五言一首感離一作離思答左思贈妹之作也案此則左九嬪之稱蓋本之彤管集彤管集本志總集篇不見

嚴氏全晉文編左九嬪有集四卷今存賦六篇頌四篇贊十二篇誄二篇附以目錄凡存二十四篇御覽引左貴嬪集目錄有相風賦楊皇后登阼頌芍藥花頌神武頌今並亡

梁有晉太宰賈充妻李扶集一卷亡

晉書賈充傳初充前妻李氏淑美有才行生二女褒裕褒一名荃裕一名濬父豐誅李氏坐流徙後娶城陽太守郭配女即廣城君也武帝踐阼李以大赦得還帝特詔充置左右夫人充母亦勸充迎李氏郭槐怒攘扶數充曰刊定律令為佐命之功我有其分李那得與我並充乃答詔託以謙冲不敢當兩夫人盛禮實畏槐也乃為李築室於永年里而不往來荃濬每號泣請充竟不往及充薨後李氏二女乃欲令其母耐葬賈后弗之許也及后廢李氏乃得合葬

世說賢媛篇賈充前婦是李豐女豐被誅案李豐死事見魏志夏侯玄傳 離婚徒邊後遇赦得還充先已取郭配女武帝特聽置左右夫人

李氏別住外不肯還充舍郭氏語充欲就省李充曰彼剛介有才氣卿往不如不去郭氏於是盛威儀多將侍婢既至入戶李氏起迎郭不覺脚自屈因跪再拜又曰賈充妻李氏作女訓行於世李氏女齊獻王妃郭氏女惠

帝后充卒李郭女各欲令其母合葬經年不決賈后廢李氏乃耐葬遂定

又注婦人集曰充妻李氏名婉字淑文豐誅徒樂浪又曰李氏至樂浪遺二女典式八篇晉諸公贊曰李氏有才德世稱李夫人訓者充別傳曰李氏有淑性令才也

梁有晉武平都尉陶融妻陳窈集一卷亡陶融陳窈始末並未詳

嚴氏全晉文編曰陳窈武平都尉陶融妻有一卷藝文類聚初學記引有箏賦一篇

梁有晉都水使者妻陳芬集五卷亡使者下彼二字

嚴氏全晉文編曰陳玢都水使者徐藻妻有五卷御覽九百七十有石榴賦類聚二十有二有與妹劉氏書存凡二篇

案晉書儒林徐邈傳邈東莞姑幕人也祖澄之為州治中屬永嘉之亂與鄉人臧琨等率子弟并閭里士庶千餘家南渡江家於京口父藻都水使者是陳玢者徐邈徐廣之母也 臧琨當是臧榮緒之先 又嚴氏文編刊本與妹劉氏書屬之陳玢今從蔣氏文編目刊本寫失也

梁有晉海西令劉麟妻陳珍集七卷亡 麟當為

晉書列女傳劉臻妻陳氏者亦聰辯能屬文嘗正旦獻椒花頌又撰元日及冬至進見之儀行於世

唐書經籍藝文志劉臻妻陳氏集五卷

嚴氏全晉文編曰陳珍海西令劉臻妻有集七卷類聚御覽初學記有答舅母書椒花頌獻春頌五時畫扇頌進見儀存凡五篇 梁有晉劉柔妻王邵之集十卷亡

劉柔王邵之始末並未詳馮氏詩紀有劉和妻王氏正朝詩一首疑後人避諱改柔為和

嚴氏全晉文編曰王邵之劉柔妻有集十卷藝文類聚有懷思賦春花賦姜源頌啓母塗山頌靈壽杖銘夫誄凡六篇

梁有晉散騎常侍傅伉妻辛蕭集一卷亡傅伉或作傅統與辛蕭始末並未詳

嚴氏全晉文編曰辛蕭散騎常侍傅統妻有一卷藝文類聚有芍藥花頌菊花頌燕頌凡存三篇

案馮氏詩紀有傅充妻辛氏元正詩一首辛氏似即此辛蕭傅充傅伉似皆傳統之輾轉寫誤者

梁有晉松陽令鈕滔母孫瓊集二卷亡鈕滔孫瓊始末並未詳

嚴氏全晉文編曰孫瓊松陽令鈕滔母有集二卷類聚御覽初學記有悼艱賦箴僕賦及與人書四篇公孫夫人序贊一篇存凡七篇

案本志注云梁有吳興孝廉鈕滔集五卷錄一卷殆即此鈕滔又唐志史部傳記類有孫夫人列女傳序贊一卷丁氏補晉書藝文志謂即此孫瓊今考嚴氏輯文所載公孫夫人序贊即列女傳序贊之一蓋孫瓊自撰列女傳序贊記同時列女本志不

著錄當在本集二卷中

梁有晉成公道賢妻龐馥集一卷亡

成公道賢及龐馥始末並未詳

梁有晉宣城太守何殷妻徐氏集一卷亡

何殷及徐氏始末並未詳

右晉江左人文凡一百一家附梁有一百

四十九家通計二百五十家二百五十一

部是為別集類分篇第五 內桓溫一家二部

又別出庚赤玉王茂略曹毗三家別本三部又誤入

後魏文宗欽一家實正二百四十六家一百五十部

隋書經籍志考證卷三十九之六

集部二之六

別集類六宋

宋武帝集十二卷梁二十卷錄一卷

宋書南史本紀高祖武皇帝諱裕字德輿小

字寄奴彭城縣綏輿里人漢高帝弟楚元王

交之後也晉恭帝元熙二年六月受禪改元

永初在位三年年六十七

太平御覽文部御製篇宋書曰高祖過彭城

置酒命紙為詩曰先蕩臨淄穢卻清河洛塵

華陽有逸驥桃林無伏輪于是羣才並作也

宋書謝晦傳謂此詩乃晦代作

顏師古匡謬正俗五余家嘗得宋高祖集十

卷是宋元嘉時祕閣官書

唐日本國見在書目劉裕帝集十五卷

唐書經籍藝文志宋武帝集二十卷

嚴氏全宋文編曰宋武帝有集二十卷案傅

亮傳云高祖登庸之始文筆皆是參軍滕演

北征廣固悉委長史王誕滕王二人並有集見前

自此之後至于受命表策文語皆亮辭也然

帝既有集難盡分別今除文選藝文類聚確

指為王誕傅亮外仍編入武帝集中凡制詔

勅策令下書表上言牋書檄銘兵法凡六十

九篇編為一卷

宋文帝集七卷梁十卷亡

宋書南史本紀太祖文皇帝諱義隆小字車

兒武帝第三子也永初元年封宜都王位鎮

西將軍荊州刺史加都督時年十四博涉經

史善隸書景平二年七月中少帝廢百官備

法駕奉迎入奉皇統八月即位改元元嘉元

嘉三十年二月甲子元凶劬搆逆帝崩于合

殿年四十七帝聰明仁厚雅重文儒躬勤政

事孜孜無怠加以在位日久惟簡靖為心于

時政平訟理朝野悅睦自江左之政所未有

也昔漢時東京常稱建武永平故事自茲厥

後亦每以元嘉為言斯固盛矣

南史隱逸顧歡傳歡為術數多効驗初以元

嘉中出都寄住東府忽題柱云三十年二月

二十一日因東歸後元凶弑逆是其年月日

也

唐書經籍藝文志宋文帝集十卷

馮氏詩紀輯存登景陽樓詩北伐詩各一篇

嚴氏全宋文編文帝有集十卷今存詔手勅

策命書答詰讓太子劬凡一百十五篇編為

三卷

宋孝武帝集二十五卷梁三十一卷錄一卷

孝武帝詳見史部孝建起居注大明起居注

條

宋書南史本紀帝諱駿字休龍小字道民少

機穎神明爽發讀書七行俱下才藻甚美雄

決愛武長于騎射

宋書鮑照傳上好為文章自謂人莫能及又

始平王子鸞傳子鸞母殷貴妃寵傾後宮班

亞皇后諡曰宣上痛愛不已擬漢武李夫人

賦又諷有司立新廟又建平王宏傳宏薨上

痛悼甚至自為墓誌銘并誄 又撰江夏王義恭

傳及感質魯爽王僧達傳見宋書及史通

梁裴子野雕蟲論曰宋初迄於元嘉多為經史大明之代實好斯文高才逸韻頗謝前哲波流相尚滋有篇焉自是閭閻年少貴游總角罔不擯落六藝吟咏性情性深心主卉木遠致極風雲其興浮其志弱巧而不要隱而不深討其宗途亦有宋之遺風也

鍾嶸詩品曰孝武詩彫文織采過為精密為南平建平二藩希慕見稱輕巧矣

文心雕龍時序篇曰孝武多才英采雲拂

陳氏書錄解題詩集類宋武帝集一卷孝武

駿也宋下當有孝字

馮氏詩紀輯存丁督護歌迄華林聯句凡一十九篇二十五首案此似即陳錄所載詩集一卷也

嚴氏全宋文編曰孝武帝有集三十一卷今

存華林清暑殿賦傷宣貴妃擬漢武李夫人

賦制詔賜戒答教表頌贊銘墓誌祈晴文凡

一百十四篇編為二卷

梁又有宋廢帝景和集十卷錄一卷亡

前廢帝詳見史部景和起居注條

宋書南史本紀帝諱子業幼而狷急在東宮

每為孝武所責孝武西巡帝啓參承起居書

跡不謹上詰讓之子業啓事陳謝上又答曰

書不長進此是一條耳聞汝素都懈怠狷戾

日甚何以頑固乃爾耶又曰帝少好讀書頗

識古事粗有文才自造孝武帝諫及雜篇章

往往有辭采其餘事跡分見諸列傳又論曰

廢帝之事行著於篇霍光書昌邑之過未足

舉其毫釐假以中才之君有一於此足以致

實況乎兼斯衆惡不亡其可得乎

嚴氏全宋文編前廢帝有集十卷今存詔手

詔勅凡十一篇

案本紀永光元年秋八月癸酉帝自率宿

衛兵誅太宰江夏王義恭尚書令驃騎大

將軍柳元景尚書僕射顏師伯廷尉劉德

願改元為景和元年是歲十一月二十九

日夜即為阮佃夫等十一人所殺此以景

和名集殆以別於後廢帝亦集類之別有

名稱所自始也

梁又有明帝集三十三卷亡

宋明帝有周易義疏及泰始秦豫起居注見

經部易家史部起居注類

宋書本紀帝少而和令風姿端雅好讀書愛

文藝才學之士多蒙引進參侍文籍應對左

右末年好鬼神多忌諱宮內禁忌尤甚移牀

治壁必先祭土神使文士為文詞祝策如大

祭饗其餘事迹別見衆篇

梁裴子野雕蟲論序曰宋明帝博好文章才

思朗捷常讀書奏號稱七行俱下每有禎祥

及行幸讌集輒陳詩展義且以命朝臣其戎

士武夫則託請不暇困於課限或買以應詔

焉於是天下向風人自藻飾雕蟲之藝盛於

時矣

文心雕龍時序篇有宋武愛文文帝彬雅秉

文之德孝武多才英采雲拂自明帝以下文

理替矣

馮氏詩紀曰明帝有昭太后室宣太后室樂

舞歌各一首又泰始歌舞曲十篇

嚴氏全宋文編明帝有集三十三卷今存詔

令書報書凡六十二篇

宋長沙王道憐集十卷錄一卷道憐當為義欣

宋書南史宗室傳長沙景王道憐武帝中弟

也謝琰為徐州命為從事史後以軍功封新

渝縣男從武帝征廣固改封竟陵縣公武帝

受命遷太尉封長沙王永初三年薨子義欣

嗣位豫州刺史鎮壽陽境內畏服道不拾遺

遂為威藩強鎮薨諡曰成王子悼王瑾嗣傳

爵至子纂齊受禪國除

唐書經籍志宋長沙王義欣集十卷

唐書藝文志宋長沙王義欣集十卷

嚴氏全宋文編曰義欣長沙王道憐長子永

初三年嗣封元嘉十六年薨宋書本傳有陳

江淮事宜一篇又索虜傳有元嘉七年出鎮

彭城檄司寇二州一篇又王歆之傳有元嘉

九年為豫州刺史上言申季歷治績一篇

案本志作道憐新唐志作義欣考本傳不

言道憐能文章而諸列傳頗載義欣文是

此集為義欣非道憐唐藝文志為得其實

也

梁有宋臨川王道規集四卷錄一卷亡

宋書南史宗室傳臨川烈武王道規字道則

武帝少弟也儻有大志預謀誅桓玄以起

義勳封華容縣公累遷荊州刺史加都督善

於刑政士庶畏而愛之進號征西大將軍開

於刑政士庶畏而愛之進號征西大將軍開

府儀同三司義熙八年薨於都年四十三贈司徒進封南郡公武帝受命贈大司馬追封臨川王無子以長沙景王第二子義慶嗣史臣曰烈武王肇羣才揚盛策一舉磔勅寇非曰天時抑亦人謀也降年不永遂不得與大業始終惜矣哉

宋臨川王義慶集八卷

臨川王有徐州先賢傳贊見史部雜傳篇

宋書南史本傳義慶幼為武帝所知常曰此吾家豐城也在荊州撰徐州先賢傳奏上之又擬班固典引為典敘以述皇代之美愛好文義文辭雖不多然足為宗室之表太尉袁淑吳郡陸展東海河長瑜鮑照等並為辭章之美引為佐史國臣文帝每與義慶書常加意斟酌焉

唐書經籍志宋臨川王集八卷

唐書藝文志臨川王義慶集八卷

馮氏詩紀輯存游盪湖詩殘篇一首

嚴氏全宋文編臨川王義慶有世說八卷集

八卷本傳及類聚御覽有筮篋賦鶴賦山雞賦薦庾實龔祈師覺授等表啓事黃初妻趙

罪議凡六篇

宋江夏王義恭集十一卷梁十五卷錄一卷又有

江夏王集別本十五卷亡

宋書南史武三王傳江夏文獻王義恭幼而

明穎姿顏美麗高祖特所鍾愛諸子莫及也

元嘉元年封江夏王涉獵文義而驕奢不節

文帝與書戒之至孝武時進位太傅領大司

馬進太宰領司徒時孝武嚴暴義恭慮不見容乃卑辭曲意附會每有祥瑞輒上賦頌大明元年有三脊茅生石頭西岸又勸封禪上甚悅大明中撰國史孝武自為義恭作傳義恭作要記五卷起前漢迄晉太元表上之詔付祕閣及孝武崩前廢帝狂悖無道義恭與柳元景謀廢立永光元年八月廢帝率羽林兵於第害之并四子時年五十三

又傳論曰江夏王高祖寵子位居上相大明之世親禮冠朝屈體降身歸於卑下得使唐朝暴主顧無猜色歷載踰十以尊威自保及在永光幼主南面公旦之重屬有所歸自謂踐冰之慮已除太山之安可恃曾未云幾而礫體分崩古人以隱微致戒斯為篤矣

唐書經籍志宋江夏王集十三卷

唐書藝文志江夏王義恭集十五卷

馮氏詩紀輯存樂府詩凡七首

嚴氏全宋文編江夏王義恭有集十五卷今

存感春賦華林清暑殿賦桐樹賦白馬賦表

奏議答詔啓事書敍頌贊凡三十五篇

梁又有宋衡陽王義季集十卷錄一卷亡

宋書武三王傳衡陽文王義季幼而夷簡無

鄙近之累元嘉元年封衡陽王十六年代臨

川王義慶都督荆湘八州荊州刺史義季素

拙書上聽使餘人書啓事唯自署名而已二

十二年進督豫州遷徐州刺史義季嗜酒酣

縱成疾太祖累詔不改以至於終二十四年

薨於彭城年二十三

唐書經籍志宋衡陽王集十卷

唐書藝文志衡陽王義季集十卷

嚴氏全宋文編衡陽王義季有集十卷今存

傷劉道產啓與江夏王義恭書各一篇

宋南平王鑠集五卷

南史文帝諸子傳南平穆王鑠字休文帝

第四子也元嘉十六年九歲封南平王少

好學有文才未弱冠擬古三十餘首時人以

為亞迹陸機二十二年為南豫州刺史元凶

弑立以為侍中錄尚書事及義軍入宮鑠與

始興王濬俱歸孝武濬即伏法上迎鑠入營

進侍中司空鑠既歸義最晚常懷憂懼為人

負才狡競每與兄弟計度藝能與帝又不能

和食中遇毒尋薨時年二十三贈司徒加以

楚穆之諡

金樓子說蕃篇曰劉休元好學有文才為水

仙賦當時以為不減洛神擬古詩時人謂陸

士衡之流也余謂水仙不及洛神擬古勝於

士衡矣以今輯本及御覽文部合校

唐書經籍志宋南平王集五卷

唐書藝文志南平王鑠集五卷

馮氏詩紀輯存擬古詩五首又三婦艷詩白

紵曲過歷山湛長史草堂七夕詠牛女秋歌

凡十首又有壽陽樂九曲

汪氏文選撰人篇目曰文選有宋劉休元鑠

擬古詩二首

嚴氏全晉文編南平王鑠有集五卷宋書索

虜傳有答移魏若庫仁樹蘭一篇

梁有宋竟陵王誕集二十卷亡

宋書文五王傳竟陵王誕字休文帝第六子也元嘉二十年十一月封廣陵王二十六年改封隨郡王孝武即位改封竟陵王明年南郡王義宣舉兵反有荆江竟豫四州之力

勢震天下上即位日淺朝野大懼上欲奉乘與法物以迎義宣誕固執不可然後處分上流平定誕之力也初討元凶與上同舉兵有奔牛之捷至是又有殊勳上性多猜頗相疑

憚後出為南兖州刺史鎮廣陵大明三年舉兵拒命乃遣車騎大將軍討斬之年二十七貶姓留氏

馮氏詩紀古今樂錄曰襄陽樂者宋隨王誕所作也誕始為襄陽郡元嘉二十六年仍為雍州刺史聞諸女歌謠因而作之凡九曲云嚴氏全宋文編竟陵王誕有集二十卷今惟存本傳所載奉表自陳一篇

梁有建平王休祐集十卷休祐當是休度之誤宋書文九王傳建平宜簡王宏字休度文帝第七子也元嘉二十一年十一月封建平王

少而閑素篤好文籍太祖寵愛殊常為立第於雞籠山盡山水之美建平國職高他國一階宏為人謙儉周慎禮賢接士明曉政事孝武時歷衛將軍中書監尚書令大明二年薨

年二十五上痛悼甚至自為墓誌銘并誄子景素嗣

唐書經籍志宋建平王集十卷宋建平王小集十五卷

唐書藝文志建平王宏集十卷又小集六卷嚴氏全宋文編宋書本傳及禮志樂志通典有駁丘邁之閏月周忌議讜言陳時務議廟樂議天子為皇后父服議天子屬車十二乘議凡六篇

梁有新渝惠侯義宗集十二卷亡宋書宗室傳長沙景王道憐高祖中弟也道憐六子義欣義慶義融義宗義賓義綦義宗幼為高祖所愛字曰伯奴賜爵新渝縣男永初元年進爵為侯歷官至征虜將軍南兖州刺史元嘉二十一年卒官諡曰惠侯愛士樂施兼好文籍世以此稱之

唐書經籍志宋劉義宗集十五卷唐書藝文志新渝侯義宗集十二卷梁有宋散騎常侍祖柔之集二十卷亡祖柔之始末未詳

南史謝晦傳晦陳郡陽夏人晉太常哀之玄孫也哀子據據子朗朗子重重生絢瞻晦瞻遜瞻字宜遠一名瞻字通遠晦次兄也六歲能屬文為紫石英贊果然詩為當時才士歎異與從叔琨宋書作混是也族弟靈運俱有盛名嘗作喜霽詩靈運寫之琨詠之王弘在坐以為三絕歷宋武帝相國從事中郎豫章太守永初二年疾篤還都卒年三十五瞻文章之美與從叔琨族弟靈運相抗

文選謝宣遠張子房詩沈沈約宋書曰姚泓新立關中亂義熙十三年正月公以舟師進

討軍頓留項城經張良廟王儉七志曰高祖游張良廟並命僚佐賦詩瞻之所造冠於一時

唐書經籍藝文志謝瞻集二卷汪氏文選撰入篇目曰文選有宋謝宣遠瞻戲馬臺詩庚西陽集別詩張子房詩答靈運詩安城答靈運詩凡五篇馮氏詩紀所載未有逸出在五篇之外者

嚴氏全宋文編謝瞻有集三卷藝文類聚八十七有枇杷樹賦本傳有臨終遺弟晦書凡二篇案瞻傳有紫石英贊今亡

梁有宋征虜將軍林子集七卷亡沈約宋書自序林子字敬士田子弟也年十三遇家禍案林子父穆夫為孫恩之黨恩敗見誅逃伏草澤後歸高祖盡室移京口高祖分宅給焉博覽衆書留心文義從高祖剋京城進平都邑高祖踐阼以佐命功封漢壽縣伯位輔國將軍永初三年薨年四十六元嘉二十五年諡曰懷伯所著詩賦贊三言箴祭文樂府表牋書記白事啓事論老子一百二十一首太祖後讀林子集歎息曰此人作公應繼王太保謂太保王弘也亦有集見後

名又為吳興太守侍中

宋書南史本傳琳之字彥琳會稽山陰人彊正有志力好文義解音律能彈碁妙善草隸為桓玄太尉南閣祭酒數遷臺建除侍中永初二年為御史中丞明憲直法無所屈撓奏劾尚書令徐羨之百僚震肅莫敢犯禁武帝甚嘉之遷祠部尚書景平元年卒追贈太常

唐書經籍藝文志孔琳之集十卷別本舊唐志或重出一部寫刊之誤也

曲阜孔繼汾闕里文獻考曰孔氏別集有先聖二十八代孫宋祠部尚書琳之集十卷隋志九卷

嚴氏全宋文編孔琳之有集十卷今存奏議答難書凡九篇

宋王敝之集七卷梁十卷錄一卷

王敝之即王叔之有莊子義疏見子部道家唐書經籍藝文志王敝之集十卷

馮氏詩紀王叔之爵里無考有游羅浮山詩擬古詩各一首

嚴氏全宋文編曰王叔之有集十卷按隋志有宋王敝之集七卷梁十卷舊唐志作王叔之羣書引見作升之叔之叔元淑之與敝之名凡五異疑止一人今從釋文敝錄列叔之名類聚書鈔御覽有翟雉賦遂隱論懷舊序傷孤鳥詩序續劉伯倫酒德頌并贊笈贊廿橘贊蘭菊銘凡九篇

宋太中大夫徐廣集十五卷錄一卷

徐廣有毛詩背隱義見經部詩類

宋書本傳廣父藻都水使者兄邈太子前衛率家世好學至廣尤精性好讀書老猶不倦史臣曰臧熹徐廣傳隆裴松之何承天雷次宗並服膺聖哲不為雅俗推移立名於世宜矣

唐書經籍藝文志徐廣集十五卷

嚴氏全晉文編曰初學記書鈔有徐廣秋賦悼亡賦鈞賦晉宋書禮志本傳通典有表議答問總凡十四篇

宋祕書監盧繁集一卷殘缺梁十卷錄一卷

盧繁或作虞繁始末並未詳

嚴氏全宋文編曰虞繁隋志作盧繁仕晉官爵未詳入宋為祕書監有集十卷藝文類聚八十一御覽九百九十四載繁有蜀葵賦一篇

宋侍中孔寧子集十一卷并目錄梁十五卷錄一卷

宋書王華傳會稽孔寧子先為高祖太尉主簿陳損益曰云云後為太祖鎮西諮議參軍以文義見賞太祖即位為黃門侍郎領步兵校尉元嘉二年病卒史臣曰元嘉初誅滅宰相蓋王華孔寧子之力也夫殺人而取其璧不知在己與累傾物而移其寵不忌自我難持若二子永年亦未知來禍所止也

案元嘉初誅宰相者謂徐羨之傅亮謝晦也事在元嘉三年寧子已前一年卒華四年五月亦卒

唐書經籍藝文志孔寧子集十五卷

馮氏詩紀輯存權歌行一篇

嚴氏全宋文編曰孔寧子會稽山陰人義熙初為何無忌會稽掾屬後為武帝太尉主簿永初中為文帝鎮西諮議丁艱去職景平末會稽太守褚淡之起為將軍文帝即位以為黃門侍郎領步兵校尉進侍中元嘉二年卒有集十五卷宋書王華傳有陳損益一篇初學記類聚有鼈牛賦并頌水贊凡四篇

宋建安太守卞瑾集十卷梁十卷案此注梁十卷則著錄必非十卷可知

下瑾始末未詳

唐書經籍藝文志卞瑾集十卷

宋太常卿蔡廓集九卷并目錄梁十卷錄一卷

宋書南史本傳廓字子度濟陽考城人晉司徒謨之曾孫也博涉羣書言行以禮起家著作佐即後為宋武帝太尉參軍以方便閑素為武帝所知宋臺建為侍中武帝以廓剛直補御史中丞多所糾奏百寮震肅數遷為祠部尚書元嘉二年卒年四十七

唐書經籍藝文志蔡廓集十卷

嚴氏全宋文編蔡廓有集十卷今存奏議書凡六篇

梁又有宋王韶之集二十四卷亡現邪

王韶之有晉紀十卷見史部古史類

宋書南史本傳晉帝自孝武以來常居內殿武官主書於中通呈以省官一人管詔誥住西省因謂之西省郎傅亮羊徽相代在職義熙十一年宋武帝以韶之博學有文辭補通

直郎領西省事晉安帝之崩武帝使詔之與帝左右密加酖毒恭帝即位遷黃門侍郎領著作西省如故凡諸詔奏皆其辭也又宋七廟歌辭詔之制也文集行於世

唐書經籍志王詔之集二十四卷藝文志二十卷

馮氏詩紀輯存贈潘綸吳遠舉孝廉詩六首詠雪離合詩一首又宋書樂志曰武帝永初中詔廟樂用王詔之所造七廟登歌七首又有七廟享神登歌一首并以歌章太后其辭亦詔之造又曰黃門侍郎王詔之造四廟樂歌五篇凡三十二章又造舞歌二篇

嚴氏全宋文編王詔之有集二十四卷今存詠雪離合一篇爲晉恭帝禪詔禪策璽書禪位各一篇啓駁教各一篇

宋尙書令傅亮集三十一卷梁二十卷錄一卷

傅亮有應驗記一卷見史部雜傳篇

宋書南史本傳亮博涉經史尤善文辭武帝登庸之始文筆皆是參軍滕演北征廣固悉

委長史王誕自此之後至於受命表策文詰皆亮辭也

案自此之後當在晉義熙六年四月還都之後也

初亮見世路屯險著論名曰演慎既居宰輔兼總重權少帝失德內懷憂懼直宿禁中睹夜蛾赴燭作感物賦以寄意初奉迎

大駕道路賦詩三首其一篇有悔懼之辭自知傾覆求退無由又作辛有稊生董仲道贊

稱其見微之美云

鍾嶸詩品曰季友文余嘗忽而不察今沈特

進撰詩載其數首亦復平矣

案此特進謂沈約也其所撰詩即集鈔十卷見後魏集篇

唐書經籍藝文志傅亮集十卷

馮氏詩紀輯存從武帝平閩中詩案當爲關中從征詩奉迎大駕道路賦詩冬至詩凡四首

張氏百三家傳光祿集一卷凡賦六篇宋國封建禪代詔策文九篇教三表四奏一碑銘

三演慎論一書三贊二詩四序曰晉宋禪受成於傅季友表策文詰誦言滿堂九錫諸篇固傅氏之丹書帶礪也無能救死何哉

汪氏文選撰人篇目曰文選有宋傅季友亮脩張良廟教修楚元王墓教謁五陵表求加贈劉前軍表

嚴氏全宋文編曰傅亮有集三十一卷張溥本有進劉裕侍中車騎將軍詔封豫章郡公

詔封宋公詔進宋王詔禪宋詔禪策禪宋璽書今考前二詔必非亮作唯宋公宋王二詔

當屬亮而無左證禪代詔策則王詔之作也今存喜雨賦登陵置館賦登龍岡賦征思賦

感物賦芙蓉賦立學詔策加宋公九錫文表奏書贊演慎論碑凡二十五篇

梁又有宋征南長史孫康集十卷亡

唐書經籍藝文志孫康集十卷

嚴氏全宋文編曰孫康太原中都人晉長沙太守放孫放有集見前東晉人文中

元嘉中爲起部郎遷征南長史有集十卷北堂書鈔一百

三十四有團扇銘一篇

梁又有左軍長史范述集三卷亡

范述始末未詳宋書隱逸傳有中書郎范述當即其人

宋太常卿鄭鮮之集十三卷梁二十卷錄一卷

宋書南史本傳鮮之字道子滎陽開封人祖

襲爲江乘令因居縣境下帷讀書絕交游之

務初爲桓偉輔國主簿宋武帝起義兵數遷

爲御史中丞性剛直甚得司直之體武帝踐

阼遷太常都官尙書以從征功封龍陽縣五

等子元嘉三年王弘入爲相舉爲尙書右僕

射四年卒時年六十四追贈散騎常侍金紫

光祿大夫文集傳於世

唐書經籍藝文志鄭鮮之集二十卷

馮氏詩紀輯存行經張子房廟詩殘文一首

嚴氏全宋文編鄭鮮之有集二十卷今存表

議啓事書論祭牙文凡九篇

宋徵士陶潛集九卷梁五卷錄一卷

陶潛有搜神後記見史部雜傳類

宋書南史隱逸傳潛自以曾祖晉世宰輔恥

復屈身後代自宋武帝王業漸隆不復肯仕

所著文章皆題其年月義熙以前明書晉氏

年號自永初以來唯云甲子而已與子書以

言其志并爲訓戒又爲命子詩以貽之其妻

翟氏志趣亦同能安苦節夫耕於前妻鋤於

後云

鍾嶸詩品曰宋徵士陶潛詩其源出於應璩

又協左思風力文體省靜殆無長語篤意真

古辭興惋愜每觀其文想其人德也歎其質

直至於歎言酌春酒日暮天無雲風華清靡

豈直為田家語耶古今隱逸詩人之宗也

唐日本國見在書目陶潛集十卷

唐書經籍志陶淵明集五卷

唐書藝文志陶潛集二十卷又集五卷

宋史藝文志陶淵明集十卷

崇文總目陶潛集十卷

晁氏讀書志陶潛集十卷晉陶淵明元亮也

一名潛潯陽人蕭統云淵明字元亮晉書云

潛字元亮宋書云潛字淵明或云字深明名

元亮按集孟嘉傳與祭妹文皆自稱淵明當

從之今集有數本七卷者梁蕭統編以序傳

顏延之誄載卷首十卷者北齊陽休之編以

五孝傳聖賢羣輔錄序傳誄分三卷益之詩

篇次差異案隋經籍志潛集九卷又云梁有

五卷錄一卷唐藝文志潛集五卷今本皆不

與二志同獨吳氏西齋書目有潛集十卷疑

即休之本也休之本出宋庠家云江左名家

舊書其次第最有倫貫獨四八日後八儒三

墨二條似後人妄加

陳氏書錄解題陶靖節集十卷晉彭澤令潯

陽陶潛淵明撰或云淵明字元亮大司馬侃

曾孫自號五柳先生世稱靖節徵士

四庫類書存目曰聖賢羣輔錄二卷一名四

八目舊附載陶潛集中唐宋以來相沿引用

承譌踵謬莫悟其非又曰五孝傳及四八目

實北齊陽休之所增蕭統舊本無是也統序

七穆晉六卿魏四友以及仕莽之唐林唐遵

叛晉之王敦並列簡編名實相迕理乖風教

亦決非潛之所為昔庠校正此集僅知八

儒三墨二條為後人所竄入而全書之偽竟

不能明潛之受誣已逾千載 又雜家鬻子提要

曰四八目一書凡古來帝王輔佐有數可紀者靡不俱載

而鬻子書所列禹七大夫學陶杜子業既子施子黯季子

寧然子堪輕子玉湯七大夫慶論伊尹涅里且東門虛南

門嬖西門疵北門側皆具有姓名寢不見載

四庫簡明目錄曰今所傳六朝別集惟此與

謝朓集為原書然亦北齊陽休之所編增入

聖賢羣輔錄五孝傳贊二書已非昭明太子

八卷之舊宋庠校正又未能辨二書之依託

遂流傳至今今刪除二書仍存八卷雖未必

合昭明之原第而黜偽存真庶幾猶為近古

焉

汪氏文選撰人篇目曰文選有晉陶淵明潛

經曲阿詩夜行塗口詩挽歌一首雜詩二首

貧士詩一首山海經詩一首擬古詩一首歸

去來辭

張氏書目答問陶淵明文集十卷汲古閣仿

宋大字本何氏成都刻繙毛本陶靖節詩注

四卷宋湯漢注拜經樓校本 案其本至多宋庠

之時已云有數十本今則陳陳相因悉數之不能盡

梁又有張野集十卷亡

張野始末未詳 嚴氏全宋文編曰張野仕晉入宋官爵未詳

傳云南陽宗炳張萊民張季頌並棄世遺榮依違游止疑

張萊民即野之字御覽諸書引張野廬山記蓋即此張野

廬山記不詳若干卷當編入是集

梁又有宋零陵令陶階集八卷亡

陶階始末未詳

梁又有東莞太尉張元瑾集八卷亡

張元瑾始末未詳

梁又有光祿大夫王曇首集二卷錄一卷亡 瑛

晉書王導傳導第三子洽洽長子珣珣五子

弘虞柳孺曇首宋世並有高名

宋書南史本傳曇首太保弘少弟也幼有素

尚辟琅邪王太司馬屬與從弟球俱詣宋武

帝至彭城大會戲馬臺賦詩曇首文先成為

文帝鎮西長史武帝謂文帝曰曇首輔相才

也汝可每事諮之及文帝即位以為侍中領

驍騎將軍遷太子詹事元嘉七年卒時年三

十七贈光祿大夫九年以預誅徐羨之等謀

追封豫寧縣侯諡曰文侯子僧綽嗣

唐書經籍藝文志王曇首集二卷

嚴氏全宋文編王曇首有集二卷本傳有南

臺不開門啓淳化閣帖有與釋某書各一篇

宋太常卿范泰集十九卷梁二十卷錄一卷

范泰古今善言見子部雜家

宋書南史本傳武帝受命議建國學以泰領

國子祭酒泰上表陳獎進之道又言事者多

以錢貨減少國用不足欲更造五銖錢泰又

封事極諫帝雖不納亦不加譴徐羨之傅亮等與秦素不平及少帝廬陵王義真見害秦謂所親曰吾觀古今多矣未有受遺顧託而嗣君見殺賢王嬰戮者也元嘉二年秦表賀元正并陳旱災多所獎勵三年旱災未已加以疾疫秦又上表勸戒秦博覽篇籍好為文章撰古今善言及文集傳於世

唐書經籍藝文志范泰集二十卷
馮氏詩紀輯存經漢高廟鸞鳥詠老凡三首
嚴氏全宋文編范泰有集二十卷今存表諫封事議書序贊祭文凡二十篇

宋中書郎荀昶集十四卷梁十五卷錄一卷
荀昶有集議孝經見經部

唐書經籍藝文志荀昶集十四卷
馮氏詩紀輯存擬相逢狹路間擬青青河畔草各一首

梁又有卞伯玉集五卷錄一卷亡
卞伯玉有繫辭注見經部易類

唐書經籍藝文志卞伯玉集五卷
馮氏詩紀曰初學記有卞伯玉中書郎詩一首馮氏編入齊代非也

嚴氏全宋文編卞伯玉有集五卷類聚御覽有大暑賦菊賦齋賦祭孫叔敖文凡四篇

梁又有中散大夫羊欣集九卷亡
羊欣有羊中散藥方三十卷見子部醫家

南齊書王僧虔傳太祖善書及即位篤好不已僧虔上羊欣所撰能書人名一卷案能書人名當在本集今見張彥遠法書要錄中

嚴氏全宋文編羊欣有集八卷今惟見淳化閣帖書一篇
宋司徒王弘集一卷梁二十卷錄一卷瑛邪

王弘有書儀十卷見史部儀注篇
宋書南史本傳弘少好學以清悟知名與尙書僕射謝混善博練政體留心庶事斟酌時宜每存優允弟曇首亡文帝嗟悼不已見弘流涕又傳論曰語云不有君子其能國乎晉自中原沸騰介居江左以一隅之地抗衡上國年移三百蓋有憑焉其初諺云王與馬共天下蓋王氏人倫之盛實始是矣及夫休元弟兄並舉棟梁之任下逮世嗣無虧文雅之風其所以簪纓不替豈徒然也

唐書經籍藝文志王弘集二十卷
嚴氏全宋文編王弘有集二十卷今存表奏疏議書十三篇

梁又有金紫光祿大夫沈演集十卷演下或敍之

宋書南史本傳沈演之字臺真吳興武康人也高祖充晉車騎將軍吳國內史案沈充王敦黨有集見前沈氏家世為將而演之折節好學讀老子日百徧以義理業尙知名襲父別爵

吉陽縣五等侯舉秀才為嘉興令累遷侍中左右衛將軍吏部尙書領太子右衛率元嘉二十六年卒年五十三追贈散騎常侍金紫光祿大夫諡曰貞

嚴氏全宋文編沈演之有表議嘉禾頌白鳩頌凡四篇

梁又有廣平太守范凱集八卷亡
春秋穀梁傳序疏案晉書范寧字武子順陽縣人為豫章太守長子名泰字伯倫中子名雍字仲倫小子名凱字季倫

宋沙門釋惠琳集五卷梁九卷錄一卷
惠琳即慧琳有孝經注一卷見經部

慧皎高僧釋道淵附傳淵弟子慧琳善諸經及莊老俳諧好語笑長於製作故集有十卷而為性傲誕頗自矜伐宋世祖雅重琳引見常昇獨榻顏延之每以致譏帝輒不悅著白黑論乖於佛理衡陽太守何承天與琳比狎雅相激揚著達性論並拘滯一方詆呵釋教顏延之及宗炳難駁二論各萬餘言琳既自毀其法被斥交州世云淵公見麻星者即其人也

宋書天竺迦毗黎國附傳宋世名僧有道生沙門慧琳為之誄慧琳有才章兼外內之學嘗著均善論案即白黑論行於世舊僧謂其貶黜釋氏欲加擯斥太祖見論賞之元嘉中遂參權要勢傾一時注孝經及莊子逍遙篇文論傳於世案梁皇信論語義疏引惠琳說則琳又有論語注

唐書經籍志沙門惠琳集五卷
唐書藝文志僧惠琳集五卷

嚴氏全宋文編釋慧琳有集九卷宋書天竺迦毗黎國傳有均善論廣弘明集有龍光寺竺道生法師誄武丘法綱法師誄凡三篇

梁又有宋范晏集十四卷亡

范晏有陰德傳見史部雜傳篇

宋司徒府參軍謝惠連集六卷梁五卷錄一卷

宋書南史謝方明傳方明陳郡陽夏人祖鐵

永嘉太守父冲中書侍郎家在會稽

常哀六子奕豫安萬石鐵蓋太傅安之最少弟也方

明仕至會稽太守永嘉三年卒官子惠連十

歲能屬文族兄靈運知賞之云每有篇章對

惠連輒得佳語惠連先愛幸會稽郡吏杜德

靈及居父憂贈以五言詩十餘首乘流還歸

路諸篇是也坐廢不豫榮伍尚書僕射殷景

仁愛其才言次白文帝言臣小兒時便見此

文而論者云是惠連其實非也文帝曰若此

便應通之元嘉七年方為司徒彭城王義康

法曹行參軍義康修東府城壘中得古冢

為之改葬使惠連為祭文留信待成其文甚

美又為雪賦以高麗見奇靈運見其新文每

曰張華重生不能易也文章行於世年三十

七卒既早亡輕薄多尤累故官不顯

又謝靈運傳靈運與族弟惠連東海何長瑜

穎川荀雍太山羊璿之以文章賞會共為山

澤之游時人謂之四友惠連又有才悟而輕

薄不為父方明所知方明為會稽郡靈運造

之過視惠連大相知賞謂方明曰阿連才悟

如此而尊作常兒遇之

鍾嶸詩品曰小謝才思富捷恨其蘭玉風凋

故長轡未聘秋懷搗衣之作雖復靈運銳思

亦何以加焉又工為綺麗歌謠風人第一謝

氏家錄云康樂每對惠連輒得佳語後在永

嘉西堂思詩竟日不就寤寐間忽見惠連即
成池塘生春草故常云此語有神助非吾語
也

唐書藝文志謝惠連集五卷宋史藝文志同

晁氏讀書志謝惠連集五卷宋謝惠連方明
子也

陳氏書錄詩集類謝惠連集一卷宋司徒參

軍謝惠連撰本集五卷今惟詩二十四首惠

連得名早死時才三十七歲

馮氏詩紀輯存四五言詩二十九篇凡三十
六首

張氏百三家輯本序錄曰謝法曹集文字頗

少唯祭古家文簡而有意曹子建伏軾而問

獨體辭不逮也雪賦雖名高麗與希逸月賦

僅雁序耳詩則秋懷搗衣二篇居最詩品云

康樂銳思無以復加若西陵遇風則非敵矣

乘流還歸路諸篇一生坎壈所由今逸不存

豈自悔失言先絕其傳歟凡賦贊箴連珠祭

文樂府詩合四十七篇

汪氏文選撰人篇目曰文選有宋謝惠連雪

賦泛湖玩月詩秋懷詩西陵遇風詩詠牛女

詩搗衣詩祭古家文

嚴氏全宋文編謝惠連有集六卷文選類聚

有雪賦等五篇雪贊等六篇連珠目箴口箴

祭禹廟文祭周居士文祭古家文綜凡一十

七篇又文編卷首箴錄曰謝惠連集一卷明

刻本

石門顧脩彙刻書目謝惠連集一卷明汪士

賢刊漢魏六朝二十名家集本
梁又有宋太常謝弘微集二卷亡

宋書南史本傳謝密字弘微陳郡陽夏人晉

西中郎萬之曾孫襲爵建昌縣侯叔父混風

格高峻少所交納惟與族子靈運瞻晦曜弘

微並以文義賞會常共宴處在烏衣巷故謂

之烏衣之游瞻等才辭辨富弘微每以約言

服之混特所敬貴號曰微子謂瞻等曰汝諸

人雖才義豐辨未必皆愜衆心至於領會機

賞言約理要故當與我共推微子常言微子

吾無間然又嘗因酣晏之餘為韻語以獎勸

靈運等唯弘微獨盡褒美文帝即位為黃門

郎與王華王曇首殷景仁劉湛等號曰五臣

遷尚書吏部郎參機密歷右衛將軍侍中元

嘉十年卒年四十二贈太常

唐書經籍藝文志謝弘微集二卷

宋臨川內史謝靈運集十九卷梁二十卷錄一卷

謝靈運有晉書見史部正史類

晉書謝玄傳玄以破苻堅功封康樂縣公子

奕嗣早卒子靈運嗣璦少不惠而靈運文藻

黜逸玄嘗稱曰我尙生奕奕那得不生靈運

永熙中為劉裕世子左衛率

宋書南史本傳靈運少好學博覽羣書文章

之美與顏延之為江左第一縱橫俊發過於

延之深密不如也從叔祖混特加愛之奉使

慰勞宋武帝於彭城作撰征賦少帝時出為

永嘉太守既不得志肆意游遨所至輒為詩

咏以致其意及去職與隱士王弘之孔淳之

等放蕩爲娛有終焉之志每有一詩至都下貴賤莫不競寫宿昔間士庶皆偏名動都下作山居賦并自注以言其事所著文章傳於世

南史傳論曰謝氏自晉以降雅道相傳可謂德門者矣靈運才名江左獨振而猖獗不已自致覆亡人各有能茲言乃信惜乎

鍾嶸詩品曰宋臨川太守謝靈運詩其源出於陳思雖有景陽之體故尙巧似而逸蕩過之頗以繁蕪爲累嶸謂若人與多才高博寓目輒書內無乏思外無遺物其繁富宜哉然名章迥句處處間起麗典新聲絡繹奔會譬猶青松之拔灌木白玉之暎塵沙未足貶其高潔也初鏡塘杜明師夜夢東南有人來入其館是夕卽靈運生於會稽其家以子孫難得送靈運於杜治養之十五方還都故名客

兒原注云治音稚孝道之家靖室也
唐書經籍藝文志謝靈運集十五卷 宋史藝文志九卷

馮氏詩紀輯存樂府詩二卷
張氏百三家謝康樂集二卷凡賦表牋書游名山志論頌贊銘七濟誄爲一卷樂府詩爲一卷

汪氏文選撰人篇目宋謝靈運有述祖德詩戲馬臺詩方山詩北固詩西射堂詩池上樓詩南亭詩帆海詩石壁精舍詩石門詩南山往北山詩斤竹澗詩廬陵墓詩還舊園詩臨海嶠詩酬惠連詩初發都詩過始興墅詩富

春洛詩七里瀨詩江中孤嶼詩初去郡詩石首城詩憶山中詩彭蠡湖口詩華子岡詩樂府一首南樓詩田南樹園詩齋中讀書詩石門新營詩擬鄴中詩八首

嚴氏全宋文編輯存賦表牋書論七濟游名山志序頌贊銘誄祭文凡四十二篇編爲四卷又文編卷首敍錄曰謝靈運集四卷明沈道初刻本

顧氏彙刻書目曰謝康樂集四卷明汪士賢刊漢魏二十名家集本
宋給事中丘深之集七卷梁十五卷
邱深之卽邱淵之有晉義熙以來新集目錄見史部簿錄家

唐書經籍志邱泉之集六卷
唐書藝文志邱淵之集六卷
案諸類書引邱淵之征齊道里記當編入本集蓋義熙五六年間從宋武帝北征慕容超時所作也

梁又有義成太守祖企之集五卷亡
祖企之始末未詳
案昭明太子陶淵明傳云時周續之入廬山劉遺民亦遁跡匡山淵明又不應徵命謂之潯陽三隱後刺史檀韶苦請續之出州與學士祖企謝景夷三人共在城北講禮加以離校所住公廡近於馬隊是故淵明示其詩云周生述孔業祖謝響然臻馬隊非講肄校書亦已勤案祖企卽此祖企之後官義成太守歟

梁又有荆州西曹孫詔集十卷亡
孫詔始末未詳
梁又有殷淳集二卷亡
宋書本傳淳字粹遠陳郡長平人曾祖融祖允並晉太常案融允並有集見前 淳少好學有美名少帝景平初爲祕書郎衡陽王文學祕書丞中書黃門侍郎高簡寡慾早有清尙愛好文義未嘗違捨在祕書閣撰四部書目凡四十卷行於世元嘉十一年卒年三十二朝廷痛惜之又曰元凶妃卽淳女也
唐書經籍藝文志殷淳集三卷
梁又有揚州刺史殷景仁集九卷亡
宋書南史本傳景仁陳郡長平人也曾祖融晉太常景仁學不爲文敏有思致口不談義深達理體至於國典朝儀舊章記注莫不撰錄識者知其有當世之志也嘗建議請百官舉才以所薦能否黜陟武帝甚知之文帝卽位與王華王曇首劉湛四人並爲侍中遷尙書僕射中書令護軍將軍領吏部代彭城王義康爲揚州刺史卒年五十一贈侍中司空諡曰文成公
嚴氏全宋文編曰景仁名鐵以字行元嘉十七年卒有集九卷宋書本傳有辭侍中表章太后生母蘇氏喪禮議各一篇廣弘明集有文殊像贊一篇文殊師利贊一篇
梁又有國子博士姚濤之集二十卷錄一卷亡
姚濤之始末未詳
唐書經籍藝文志姚濤之集二十卷

梁又有周設集十一卷亡

周設始末未詳

殷闡之集一卷

殷闡之始末未詳

案本志前注云梁有晉相國主簿殷闡集十卷錄一卷亡列在晉末與此時代相近

疑此即其殘本惟前作殷闡此作闡之者六朝人名往往如此此不足以爲疑也

宋徵士宗景集十六卷梁十五卷 即宗炳唐人避諱改

宋書南史隱逸傳宗炳字少文南陽涅陽人也妙善琴書圖畫精於言理每游山水往輒忘歸入廬山就釋慧遠考尋文義宋受禪及元嘉中頻徵並不應元嘉二十年卒年六十九

梁書宗夬傳夬南陽涅陽人也世居江陵祖景宋時徵太子庶子不就有高名

唐書經籍藝文志宗炳集十五卷

嚴氏全宋文編宗炳有集十六卷今存議書序頌明佛論凡八篇 案明佛論蓋爲慧琳白黑論何承天途性論而作即懸皎高僧傳所謂顏延之宗炳雜駁二論各萬餘言者是也

宋徵士雷次宗集十六卷梁二十九卷錄一卷

雷次宗有毛詩序義見經部詩家

宋書南史隱逸傳次宗少入廬山事沙門慧遠篤志好學隱退不交世務與子姪書以言所守

唐書經籍藝文志雷次宗集三十卷

嚴氏全宋文編曰次宗本傳有與子姪書通典有答袁悠問蔡廓問論甥姪凡四篇

宋奉朝請伍輯之集十二卷

伍輯之始末未詳

唐書經籍藝文志伍輯之集十一卷

馮氏詩紀曰伍輯之爵里無考有勞歌二篇嚴氏全宋文編曰伍輯之仕晉爵里未詳入宋爲奉朝請有集十二卷藝文類聚初學記有園桃賦柳花賦各一篇案諸類書引伍輯之從征記似與郭維生載延之裴松之邱淵之並從宋武帝北

征西征者義熙中同爲宋武官屬也

梁有宋南蠻主簿衛令元集八卷亡

衛令元始末未詳

唐書經籍藝文志衛令元集八卷

梁有范曄集十五卷錄一卷亡

范曄有後漢書見史部正史類

宋書本傳曄性精微有思致觸類多善衣裳器服莫不增損制度世人皆法學之獄中與諸甥姪書以自序其略又曰曄自序並實故存之

鍾嶸詩品曰宋記室何長瑜羊曜璠詹事范曄詩乃不稱其才亦爲鮮舉矣

馮氏詩紀輯存樂游應詔詩臨終詩各一首汪氏文選撰入篇目曰文選有宋范蔚宗曄樂游應詔詩後漢書皇后紀論二十八將論

官者傳論逸民傳論光武紀贊

嚴氏全宋文編范曄有集十五卷本傳所載有探時旨上言一篇作彭城王義康與徐湛

之書一篇獄中與諸甥姪書一篇和香方序一篇藝文類聚又有雙鶴詩序凡存五篇

梁有撫軍諮議范廣集一卷亡 范廣當作范廣淵唐人避諱節去淵字

宋書范曄傳元嘉元年冬曄弟廣淵時爲司徒祭酒又范泰傳泰少子廣淵善屬文世祖撫軍諮議參軍領記室坐曄事從誅

梁有右光祿大夫王敬集五卷錄一卷亡 當爲王敬弘 瑛邪

宋書南史本傳王裕之字敬弘晉驃騎將軍虞之曾孫司州刺史胡之孫也名與宋武帝諱同故以字行王虞王胡之並有集見前敬弘少清尚仕晉入宋至尙書僕射侍中左光祿大夫開府議同三司元嘉二十四年薨於餘杭之舍亭山年八十八順帝時追諡文貞

公敬弘性恬靜樂山水所居舍亭山林澗環周備登臨之美故時人謂之王東山

嚴氏全宋文編曰隋志梁有右光祿大夫王敬集五卷錄一卷當是左光祿大夫王敬弘轉寫有誤故耳今存表奏書凡六篇並見本傳及隱逸王弘之傳案王弘之其從弟也

梁有任豫集六卷亡

任豫有禮論條牒禮論帖見經部禮類

嚴氏全宋文編曰任豫有集六卷類聚御覽有藉田賦一篇案諸書引任豫益州記附唐志皆不著或編入本集

宋御史中丞何承天集二十卷梁三十二卷亡

何承天有禮論見經部禮類

宋書南史本傳承天五歲喪父母徐廣姊也

聰明博學故承天幼漸訓義儒史百家莫不

該覽為御史中丞時魏軍南伐文帝訪羣臣

捍禦之略承天上安邊論凡陳四事其一移

遠就近以實內地其二浚復城隍以增阻防

其三募偶車牛以飾戒械其四計丁課仗勿

使有闕博見古今為一時所重時帝每有疑

議必先訪之信命相望於道承天性偏促嘗

對主者厲聲曰天何言哉四時行焉百物生

焉文帝知之應遣先戒曰善候伺顏色如其

不悅無須多陳文集傳於世

唐書經籍志何承天集三十卷藝文志二十

卷

馮氏詩紀宋書樂志曰鼓吹鏡歌十五篇何

承天晉義熙中私造

張氏百三家何衡陽集一卷凡賦表議奏論

問書頌贊及鼓吹鏡歌十五首

嚴氏全宋文編何承天有集三十二卷今存

木瓜賦表奏議書答渾天象論安邊論達性

論序頌贊凡三十九篇

宋太中大夫裴松之集十三卷梁二十一卷

裴松之有集注喪服經傳見經部禮類

宋書南史本傳松之博覽墳籍立身簡素所

著文論及晉紀並傳於世

唐書經籍藝文志裴松之集三十卷

嚴氏全宋文編裴松之有集二十一卷今存

表奏議答及難郭冲條諸葛亮五事凡七篇

案諸類書引裴松之述征記西征記北征記當編入本集

梁又有王詔之集十九卷亡

王詔之有集二十四卷已見前

嚴氏全宋文編曰王詔之集隋志重出前作

十九卷後作二十四卷案此言前後當互易

案前後兩部皆注云梁有卷數各不同部

居亦別異是亦可證所據梁有書目非止

七錄一家矣

梁又有宋光祿大夫江湛集四卷錄一卷亡

宋書南史本傳湛字徽淵濟陽考城人湖州

刺史夷子也愛好文義喜彈棊鼓琴兼明算

術歷侍中左衛將軍吏部尚書上將廢太子

劾使湛具詔草及劾入弑湛直上省聞叫噪

之聲乃匿傍小屋中兵士得之湛據窗受害

時年四十六孝武即位追贈左光祿大夫開

府儀同三司諡曰忠簡公

宋太尉袁淑集十一卷并目錄梁十卷錄一卷

宋書南史本傳淑字陽源陳郡陽夏人丹陽

尹豹之子也案袁豹有集見前卷 不為章句之

學而博涉多通好屬文辭采逾豔縱橫有才

辨元嘉二十六年累遷尚書吏部郎其秋大

舉北征淑侍坐從容曰今當鳴鑾中岳席捲

趙魏檢玉岱宗今其時也臣逢千載之會願

上封禪書一篇文帝笑曰盛德之事我何足

以當之魏軍南伐至瓜步文帝使百官議防

禦之術淑上議其言甚誕淑喜誇每為時人

所嘲後遷太子左衛率元凶為逆命淑同載

僧綽卜天與四家長給廩祿淑文集行於世

又袁湛傳湛弟豹子洵洵弟澹澹弟別有傳

又臨川王義慶傳義慶愛好文義招聚文學

之士近遠必至太尉袁淑文冠當時義慶在

江州請為衛軍諮議參軍

又何尚之傳元嘉二十九年尚之致仕於方

山著退居賦以明所守而議者咸謂尚之不

能固志太子左衛率袁淑與尚之書言其事

既而尚之還攝職任事上待之愈隆於是袁

淑乃錄古來隱士有迹無名者為真隱傳以

嗤焉宋書隱逸傳序曰陳郡袁淑集古來無

名高士以為真隱傳 案真隱傳唐志二卷本志不

見當編入本集

唐書經籍藝文志袁淑集十卷

馮氏詩紀輯存效子建白馬篇等詩五首

張氏百三家袁忠憲集序曰陽源禦虜議史

譏其誕然文采逾豔才辨鮮及即不得為儀

秦從橫方諸燕然勒銘廣成作頌意似欲無

多讓詩章雖寡其摩古之篇風氣竟偏建安

此人不死顏謝未必能出其上也凡賦議章

書傳雜文詩凡二十篇

汪氏文選撰人篇目曰文選有宋袁陽源淑

做白馬篇一首做古詩一首

嚴氏全宋文編袁淑有集十一卷藝文類聚

諸書有秋晴賦正晴賦桐賦及謝表議書游

新亭曲水詩序弔古文真隱傳佚文俳諧集

佚文總凡十五篇

宋祕書監王微集十卷梁有錄一卷瑛邪

二十五史補編 隋書經籍志考證

第七六三頁 開明書店製版

宋書南史本傳微字景玄太保弘弟光祿大夫孺之子也少好學善屬文工書解音律及醫方卜筮陰陽數術之事起家司徒祭酒主簿始與王友父憂去職微素無宦情後數遷除積稱疾不就既為始與王濬府吏濬數相存慰微奉答箋輒飾以辭采微為文好古言頗抑揚袁淑見之謂為訴屈報何偃書有云至於生平好服上藥起年十二時病虛耳所撰服食方中粗言之矣自此始知攝養有微又云吾實倦游醫部頗曉和藥尤信本草欲其必行 案所撰服食方書本志醫家類不見或在

本集 微常住門屋一間尋書玩古如此者十餘年元嘉二十年卒時年二十九所著文集傳於世世祖即詔曰微棲志貞深文行悼洽生自華宗身安隱素足以貴茲邱園悼是薄俗不幸蚤世朕甚悼之可追贈祕書監

唐書經籍藝文志王微集十卷 馮氏詩紀曰王微有雜詩二首四氣詩詠愁各一首或作王微案別有王微仕宋文帝時廷尉交州刺史

汪氏文選撰人篇目曰文選有宋王景元微雜詩一首

嚴氏全宋文編王微有集十卷本傳及初學記大觀本草有與江湛書與從弟僧綽書報何偃書以書告弟僧謙靈茯苓贊禹餘糧贊桃飴贊黃連贊遺令凡九篇 案張彥遠歷代名畫記有微畫一篇嚴氏未采

梁又有宋太子舍人王僧謙集二卷亡 瑛邪

宋書王微傳弟僧謙亦有才譽為太子舍人遇疾微躬自處治而僧謙服藥失度遂卒微深自咎恨發病不復自治哀痛謙不能已以書告靈有曰吾素好醫術不使弟得全又尋思不精致有枉過念此一條特復痛酷痛酷奈何吾罪奈何又云萬世不復一見奈何惟十紙手迹封圻儼然又云弟懷隨和之寶未及光諸文章欲收作一集不知忽忽當辦此不今已成服吾臨靈取常所共飲醪酌自釀酒寧有仿像不寃痛寃痛僧謙卒後四旬而微終

案景元卒時年二十九則其弟病卒猶不及其兄之年兄書作於成服之時集尚未編其後殆力疾緒成之或其子姓為編輯成之

梁又有金紫光祿大夫王僧綽集一卷亡 瑛邪 宋書南史王曇首傳曇首子僧綽幼有大成之度衆使以國器許之好學練悉朝典襲封豫寧縣侯尚文帝長女東陽獻公主累遷侍中時年二十九元嘉末文帝大相付託朝政大小皆參焉會巫蠱事洩上先召僧綽具言之及將廢立使尋求前朝舊典勅於東宮夜

饗將士僧綽密以啓聞上又令撰漢魏以來廢諸王故事勅立轉僧綽吏部尚書及檢文帝巾箱得僧綽所啓饗士并廢諸王事乃收害焉時年三十一世祖追贈散騎常侍金紫光祿大夫諡曰愷侯

梁又有征北行參軍顧邁集二十卷亡

宋書沈慶之傳慶之從弟法系討蕭簡於廣州前征北參軍顧邁被徙在城內善天文云荆州有大兵城內由此固守法系攻拔之斬蕭簡廣州平

又劉穆之傳穆之孫瑀為始與王濬南徐州別駕瑀性陵物不欲人居已上時濬征北府行參軍吳郡顧邁輕薄而有才能濬待之甚厚深言密事皆與參之瑀乃折節事邁邁以瑀之款盡濬所言密事悉以語瑀瑀與邁共進射堂下瑀忽顧左右索單衣幘邁問其所以瑀曰公以家人待卿相與言無所隱而卿於外宣洩致使人無不知我是公吏何得不啓因而白之濬大怒啓太祖徙邁廣州邁在廣州值蕭簡為亂為之盡力與簡俱死 案劉瑀亦有集見後

梁又有魚復令陳超之集十卷亡 陳超之始末未詳 梁又有平南將軍何長瑜集八卷亡 宋書謝靈運傳族弟惠運幼有才悟不為父方明所知時方明為會稽郡靈運至會稽造方明過視惠運大相知賞時東海何長瑜教惠運讀書亦在郡內靈運又以為絕倫謂方明曰阿連才悟如此而尊作常兒遇之何長瑜當今仲宣而給以下客之食尊既不能禮賢宜以長瑜還靈運遂載之而去長瑜文才之美亞於惠運臨川王義慶招集文士長瑜自國侍郎至平西記室參軍嘗於江陵寄書與宗人何勛以韻語序義慶州府僚佐云陸

與宗人何勛以韻語序義慶州府僚佐云陸

展染鬚髮欲以媚側室青青不解人星星行復出如此者五六句而輕薄少年遂演而廣之凡厥人士並爲題目皆加劇言苦句其文流行義慶大怒曰太祖除爲廣州所統會城令廬陵王紹鎮尋陽以長瑜爲南中郎行參軍掌記室之任行至板橋遇暴風溺死馮氏詩紀輯存嘲府僚詩離合詩各一首宋員外郎荀雍集二卷梁四卷

宋書謝靈運傳靈運既東還與族弟惠連東海何長瑜穎川荀雍太山羊璿之以文章賞會共爲山澤之游時人謂之四友雍字道雍官至員外散騎郎長瑜文才之美亞於惠連雍璿之不及也案羊璿之亦有作羊濬之者字曜璿臨川內史爲司空竟陵王誕所遇誕敗坐誅

唐書經籍藝文志荀雍集十卷馮氏詩紀輯存臨川亭詩一首

梁又有宋國子博士范演集八卷亡范演始末未詳

梁又有錢唐令顧昱集六卷亡顧昱始末未詳

案宋書孔覲傳泰始初上流反叛時鄂雍挾晉安王子助反於江州也覲與孔瑑等據會稽五郡應之及吳郡吳興義興晉陵四郡

平定太宗留吳喜等東平會稽喜等至錢唐錢唐令顧昱及孔瑑等奔渡江東殆即此顧昱也

梁又有臨成令韓濬之集八卷亡韓濬之始末未詳疑即泰山羊濬之見前荀雍集條

下

梁又有南陽太守沈亮之集七卷亡案即沈亮宋書自序林子第二子亮字道明清操好學善屬文歷南陽太守後爲隨王誕後軍中兵領義成太守元嘉二十七年卒官年四十七所著詩賦頌贊三言誄哀辭祭告請雨文樂府挽歌連珠教記白事箋表籤議一百八十九首

嚴氏全宋文編沈亮有集七卷宋書自序有陳府事啓陳營創城府功課救荒議發冢不赴救議修治石碣籤凡五篇

梁又有國子博士孔欣集九卷亡孔欣始末未詳

唐書經籍志孔欣集八卷藝文志十卷馮氏詩紀曰孔欣爵里無考有置酒高樓上一首相逢狹路間一首祠太廟一首又品藻篇升菴詩話曰南朝孔欣樂府相逢狹路間云云此詩高趣可並淵明欣早歲辭榮不負其言矣

嚴氏全宋文編曰孔欣會稽山陰人仕晉入宋爲國子博士後去職景平中會稽太守褚淡之以爲參軍有集十卷御覽三百五十一引七誨一篇又曰南史沈道虔傳有武康令孔欣之與此同時未審是兩人否

梁又有臨海太守江玄叔集四卷亡宋書良吏傳江秉之字玄叔濟陽考城人祖迨晉太常秉之初爲劉穆之參軍高祖主簿少帝時歷都官郎出爲永世烏程令以善政

著名東土復爲建康令山陰令新安太守元嘉十二年轉在臨海並以簡約見稱十七年卒於官

梁又有尚書郎劉叡集十一卷亡劉叡始末未詳

梁又有太子中舍人張演集八卷亡演或作寅

宋書張茂度傳茂度吳郡吳人名與高帝諱同故稱字茂度子演太子中舍人演弟鏡新安太守皆有盛名並早卒

又張邵傳邵字茂宗會稽太守裕之弟也裕即茂度子敷演鏡有名於世案此又謂張邵子與茂度傳異又張暢傳云暢少與從兄敷演鏡齊名爲後進之秀

南史張裕傳亦即張茂度傳裕子演演四弟鏡永辯岱俱知名時謂之張氏五龍又曰演鏡兄弟中名最高餘並不及又張融傳云張氏前有敷演鏡暢後有充融卷稷案永辯鏡暢並有集見後融集在齊代中

梁又有南昌令蔡眇之集三卷亡蔡眇之始末未詳

梁又有太學博士顧雅集十三卷亡顧雅始末未詳

梁又有巴東太守孫仲之集十一卷仲當爲沖孫沖之疑即孫嚴有宋書六十五卷見史部正史類

梁又有太尉諮議參軍謝元集一卷亡謝元有內外書儀四卷見史部儀注類

嚴氏全宋文編曰謝元靈運從祖弟有集一

卷宋書禮志四有掖庭不舉祭議王弘傳有刑法議凡二篇

梁又有南海太守陸展集九卷亡

宋書臨川王義慶傳義慶招聚文學之士近

遠必至吳郡陸展東海何長瑜鮑照等並為

辭章之美引為佐史國臣

又良吏陸徽傳徽吳郡吳人也元嘉二十九年

任仕至益州刺史卒弟展威質車騎長史尋

陽太守質敗從誅

梁又有棘陽令山謙之集十二卷亡

山謙之有吳興記南徐州記見史部地理類

梁又有廣州刺史楊希集九卷亡楊當為羊

宋書南史羊玄保傳玄保泰山南城人兄子

希字泰聞少有才氣大明初為尚書左丞歷

御史中丞泰始三年出為寧朔將軍廣州刺

史四年行晉康太守劉思道不受命率所領

攻希殺之贈輔國將軍

嚴氏全宋文編曰羊希有奏劾謝沈北征上

計殤服議刊革山澤舊科議與孫詵書凡存

五篇

梁又有員外常侍周始之集十一卷亡

周始之始末未詳

梁又有主客郎羊崇集六卷亡

宋書羊玄保附傳玄保兄子希為廣州刺史

為劉思道襲而殺之希子崇字伯遠尚書主

客郎丁母憂哀毀過禮及聞廣州亂即日便

徒跌出新亭不能步涉頓伏江渚門義以小

船致之於是進路父葬畢不勝哀卒

梁又有太子舍人孔景亮集三卷亡

孔景亮始末未詳

宋中書郎袁伯文集十一卷并目錄

袁伯文始末未詳

唐書經籍藝文志袁伯文集十卷

馮氏詩紀袁伯文爵里無考有楚妃歎述山

貧各一首

嚴氏全宋文編曰袁伯文為中書郎有集十

一卷文選謝莊宣貴妃誄注引伯文美人賦

梁有宋丞相諮議蔡超集七卷亡

蔡超有集注喪服經傳見經部禮類

宋東中郎長史孫緬集八卷并目錄梁十一卷

南史隱逸漁父傳太康孫緬為尋陽太守緬

字伯緒太子僕與曾之子也有學義宋明帝

甚知之位尚書左丞東中郎司馬案太康疑太

原之誤

唐書經籍藝文志孫緬集十卷

嚴氏全宋文編曰孫緬字伯緒太康人大明

初太常丞出為尋陽太守泰始中遷尚書左

丞東中郎司馬宋書禮志有殷祭議親執爵

議各一篇

梁又有宋賀道養集十卷亡

賀道養有春秋序注見經部春秋左氏學家

唐書經籍藝文志賀道養集十卷

嚴氏全宋文編賀道養有集十卷太平御覽

卷二有渾天記一篇

梁又有太子洗馬謝登集六卷亡

謝登始末未詳

梁又有新安太守張鏡集十卷亡

張鏡有宋東宮儀記見史部儀注篇

嚴氏全宋文編弘明集十二有張鏡答南謙

王義宣書一篇

梁又有兼中書舍人褚詮之集八卷錄一卷亡

褚詮之始末未詳

唐書經籍藝文志褚詮之集八卷

案本志總集類百賦音十卷宋御史褚詮

之撰即此褚詮之或以御史兼中書舍

人者

宋特進顏延之集二十五卷梁三十卷又有顏延

之逸集一卷亡

顏延之有逆降義見經部禮類

宋書南史本傳晉義熙十二年武帝北伐有

宋公之授府遣延之慶殊命行至洛陽周視

故宮室盡為禾黍悽然詠黍離篇道中作詩

二首為謝晦傅亮所賞為始安太守之郡道

經汨潭為湘州刺史張邵祭屈原文以致其

意後又出為永嘉太守甚怨憤乃作五君詠

以述竹林七賢山濤王戎以貴被詆詠嵇康

云鸞翮有時鍛龍性誰能馴詠阮籍云物故

不可論途窮能無慟詠阮咸云屢薦不入官

一麾乃出守詠劉伶云韜精日沈飲誰知非

荒宴此四句蓋自序也閑居無事為庭語之

文以訓子弟延之與謝靈運俱以辭采齊名

而遲速縣絕文帝嘗各勅擬樂府北上篇延

之受詔便成靈運久之乃就是時論者以二

人自潘岳陸機之後文士莫及江右稱潘陸

江左稱顏謝焉所著並傳於世

宋書謝靈運傳論曰爰逮宋氏顏謝騰聲靈運之與會標舉延年之體裁明密並方軌前秀垂範後昆

鍾嶸詩品曰宋光祿大夫顏延之詩其源出於陸機尚巧似體裁綺密情喻淵深動無虛散一句一字皆致意焉又喜用古事彌見拘束雖乖秀逸是經綸文雅才雅才減若人則蹈於困躓矣湯惠休曰謝詩如芙蓉出水顏如錯采鏤金顏終身病之

唐書經籍藝文志顏延之集三十卷 宋史藝文志五卷

馮氏詩紀輯存四五言詩及秋胡詩五君詠凡二十四篇又宋書樂志曰元嘉二十二年詔顏延之造天地郊夕牲迎送神饗神雅樂登歌三篇

張氏百三家顏光祿集輯本序曰延年文莫長於庭誥詩莫長於五君楸中散任誕魏朝獨家戒恭謹教子以禮顏誥立意亦類是三十不婚以文出仕歷四主陪兩王浮沈上下老不改性詆尚之為朽木斥慧琳為刑餘顏彪之呼亦牛馬應之其閱世久矣遠弔屈大夫近友陶徵士風流固可相見云凡賦詔表書序七釋庭誥頌贊箴連珠諡議哀册文誄祭文銘狀樂府詩總六十一篇

汪氏文選撰人篇目曰宋顏延年延之有赭白馬賦曲水讌詩皇太子釋奠詩秋胡詩五君詠觀北湖田收詩赫山詩曲阿後湖詩拜

陵廟詩贈王太常詩呈從兄詩直東宮詩和謝監詩北使洛詩還梁城詩巴陵城樓詩宋郊祀歌曲水詩序陽給事誄陶徵士誄宋皇后哀策文祭屈原文

嚴氏全宋文編顏延之有集三十卷逸集一卷今存行殯賦赭白馬賦寒蟬賦贈袁淑詔賜卹袁淑遺孤詔庭誥策秀才文表諡議天馬狀書答問七釋詩序頌贊釋何衡陽達性論重釋達性論又釋達性論範連珠大筮箴家傳銘誄哀策祭文凡三十七篇又鈔錄曰顏延之集一卷明刻本又明刻二十名家集本 案皇偏論語義疏引顏延之說隋唐志皆不見或編入本集

宋東揚州刺史顏峻集十四卷并目錄

宋書南史本傳峻字士遜延之長子也早有文義為宋孝武帝撫軍主簿甚被嘉遇峻亦盡心補益元凶弑立孝武舉兵入討轉諮議參軍領軍錄事任總內外并造檄書孝武踐阼歷侍中左衛將軍封建城縣侯大明元年歷東揚州刺史峻藉蕃朝之舊每極陳得失上自即吉之後宮內頗有醜論又多所興造諫爭懇切並無所回避上意甚不悅多不見從及王僧達被誅謂為峻所讒構臨死陳峻前後忿懣恨言不見從僧達所言頗相符合乃使御史中丞庾徽之奏峻免官峻頻啓謝罪并乞性命上愈怒及竟陵王誕為逆因此陷之言通於誕召庾徽之於前立奏奏成詔先打折足然後於獄賜死峻文集行於世

又顏延之傳長子峻為孝武參軍及義師入討峻造書檄劾召延之示以檄文問曰此筆誰造延之曰峻之筆也又問何以知之曰峻筆體臣不容不知劬又曰言詞何至乃爾延之曰峻尚不顧老臣何能為陛下劬意乃釋由是得免

唐書經籍藝文志顏峻集十三卷 馮氏詩紀輯存七廟迎神辭一首古意一首嚴氏全宋文編顏峻有集十四卷今存表奏議為世祖檄京邑几贊序凡九篇 宋大司馬錄事顏測集十一卷并目錄

宋書南史顏延之傳文帝常問以諸子才能延之曰峻得臣筆測得臣文彘得臣義躍得臣酒何尚之嘲曰誰得卿狂答曰其狂不可及又曰峻弟測宋書作測亦以文章見知官至江夏王義恭大司馬錄事參軍以兄貴為憂先竣卒

唐書經籍藝文志顏測集十一卷 嚴氏全宋文編顏測有集十一卷御覽引顏測集有大司馬江夏王賜絹葛啓藝文類聚有山石榴賦梔子贊存凡三篇

宋護軍將軍王僧達集十卷梁有錄一卷 宋書南史本傳僧達太保弘少子幼聰敏好學善屬文為太子舍人宣城太守元凶弑立孝武發尋陽僧達赴義即以爲長史及即位為尚書右僕射僧達自負才地三年間使望宰相嘗答詔曰亡父亡祖司徒司空其自負若此後爲護軍將軍不得志大明中以歸順

功封寧陵縣五等侯累遷中書令僧達屢經
犯忤以為終無悛心因高閹等為亂事陷之
收付廷尉獄賜死年三十六

鍾嶸詩品曰宋豫章太守謝瞻宋僕射謝混
見前東晉末非宋人 宋太尉袁淑宋徵君王微

宋征虜將軍王僧達詩其源出於張華才力
苦弱故務其清淺殊得風流媚趣課其實錄
則豫章僕射宜分庭抗禮徵君太尉可託乘
後車征虜卓卓殆欲度驂臨前

唐書經籍藝文志王僧達集十卷宋史藝文志
同

馮氏詩紀輯存釋奠詩答顏延年和琅邪王
七夕朱櫻等詩凡五篇

汪氏文選撰人篇目曰文選有宋王僧達答
顏延年詩依古詩一首祭顏光祿文

嚴氏全宋文編王僧達有集十卷今存答詔
表謝啓書祭顏光祿文凡七篇

梁又有國子博士羊戎集十卷亡

宋書南史羊玄保傳玄保子戎有才氣而輕
薄少行檢玄保嘗嫌其輕脫云此兒必亡我
家官至通直郎與王僧達謗議時政賜死死
後孝武帝引見玄保玄保謝曰臣無日禪之
明以此上負上美其言

梁又有江寧令蘇寶生集四卷亡

宋書王僧達傳蘇寶生名寶生本寒門有文
義之美元嘉中立國子學為毛詩助教為太
子所知官至南臺侍御史江寧令坐知高閹
反不即啓聞與閹共伏誅

又恩倖徐爰傳先是元嘉中使著作郎何承
天草創國史世祖初又使奉朝請山謙之南
臺御史蘇寶生踵成之

又戴法興傳世祖南中郎典籤董元嗣為元
凶考掠死追贈員外散騎侍郎使文士蘇寶
生為之誄焉

史通正史篇孝建初又勅蘇寶生續造諸傳
元嘉名臣皆其所撰

梁又有兗州別駕范義集十二卷亡

宋書竟陵王誕傳誕為都督六州南兗州刺
史據廣陵反以州別駕范義為中軍長史加
右司馬范義母妻子並在城內有勸義出降
義曰我人吏也且豈能作何康活耶義字明
休濟陽考城人也早有世譽

又蔡興宗傳竟陵王誕據廣陵為逆事平興

宗奉旨慰勞州別駕范義與興宗素善在城
內同誅興宗至廣陵躬自收殮致喪還豫章
舊墓 案此知范義為豫章人東晉范宣之後歟范宣有
集見前

梁又有吳興太守劉瑀集七卷亡

宋書劉穆之傳穆之東莞莒人漢齊悼惠王
肥後也世居京口穆之為宋武佐命卒於晉
義熙十三年贈侍中司徒高祖受禪進封南
康郡公諡曰文宣公中子式之式之第三子
瑀字茂琳少有才氣為太祖所知初為始興
王濬南徐州別駕從事史瑀性陵物護前不
欲人居己上後為御史中丞甚得志彈蕭惠
開云非才非望非勳非德彈王僧達云蔭藉

高華人品先末朝士莫不畏其筆端大明二
年累遷吳興太守疽發背卒諡曰剛子

唐書經籍志劉瑀集七卷藝文志十卷
嚴氏全宋文編劉瑀有集七卷今存奏彈蕭
惠開奏彈王僧達與顏竣書與親故書凡四
篇

案劉瑀既以計誘吳郡顧邁邁坐宣洩徒
死廣州見本傳 又以故智誘羊希希亦坐

漏泄免官見羊玄保傳 魏文帝云文人類不
獲細行若瑀者陰賊乃至如此是焉得謂
之剛乎

梁又有本郡孝廉劉氏集九卷亡

劉氏不詳何人

案此稱本郡者不知何郡以下文稱本州
秀才劉遂之例例之則為彭城郡與宋武
帝同郡因稱本郡此殆阮氏七錄沿宋人
舊文歟

宋會稽太守張暢集十二卷殘缺梁十四卷錄一
卷

宋書南史本傳暢字少微吳郡吳人吳興太
守邵兄偉之子也少與從兄敷演鏡齊名為
後進之秀演鏡並有集見前 累遷太子中庶子
孝武鎮彭城為安北長史沛郡太守元嘉二
十七年索虜托跋燾南侵暢於城上與魏尚
書李孝伯語孝伯辭辯北土之美暢隨宜應
答吐屬如流音韻詳雅風儀華潤孝伯及左
右人並相視歎息後為南譙王義宣司空長
史南郡太守三十年元凶弒立義宣發哀之

日即便舉兵暢位居僚首舉哀畢改服出射堂簡人音姿容止莫不矚目見者皆願爲盡

命事平徵爲吏部尚書封夷道縣侯義宜爲

逆暢於兵亂自歸下廷尉見原起爲都官尚

書轉侍中孝建二年出爲會稽太守大明元

年卒官時年五十諡曰宣子

唐書經籍藝文志張暢集十四卷

嚴氏全宋文編張暢有集十四卷宋書本傳

有棄彭城南歸議注云宋書暢有二傳一在四十六

一在五十九張永傳有爲南譙王義宣與從弟

永書初學記有河清頌廣弘明集有若邪山

敬法師誄存凡四篇

梁又有司空何尚之集十卷亡

宋書南史本傳尚之字彥德廬江灑人也以

操立見稱爲陳郡謝混所知與之游處爲宋

武帝征西主簿從征長安賜爵都鄉侯尚之

雅好文義從容賞會甚爲文帝所知元嘉十

三年爲丹陽尹立宅南郭外置玄學聚生徒

東海徐秀廬江何曇黃回穎川荀子華太原

孫宗昌王延秀魯郡孔惠宣並慕道來游謂

之南學國子學建領祭酒累遷尚書令領太

子詹事二十九年致仕於方山著退居賦以

明所守文帝不許復攝職愛尚文義老而不

休與太常顏延之論議往反傳於世大明四

年薨於位年七十九贈司空侍中中書令如

故諡曰簡穆公子偃

嚴氏全宋文編何尚之有集十卷今存華林

清暑殿賦表奏上言答問議書列敘元嘉贊

揚佛教事凡十五篇

宋吏部尚書何偃集十九卷梁十六卷

何偃有毛詩釋見經部詩家

宋書南史本傳元凶弒立以偃爲侍中掌詔

誥時尚之爲司空尚書令偃居門下父子並

處權要時爲寒心而尚之及偃善攝機宜曲

得時譽世祖卽位任遇無改時責百官讜言

偃以爲宜重農卹本并官省事考課以知能

否增俸以除吏姦責成良守久於其職都督

刺史宜別其任侍中顏竣與偃俱在門下以

文義賞會相得甚歡素好談玄注莊子逍遙

篇傳於世

唐書經籍藝文志何偃集八卷

馮氏詩紀輯存擬古詩冉冉孤生竹一篇

嚴氏全宋文編何偃有集十九卷今存月賦

及議書銘六篇

梁又有廬江太守周朗集八卷亡

宋書南史本傳朗字義利汝南安成人也兄

嶠以貴戚顯朗少而愛奇雅有風氣爲江夏

王義恭太尉參軍元嘉二十七年春朝議北

侵魏當遣義恭出鎮彭城爲諸軍大統府主

簿羊希從行與朗書戲之勸令獻奇進策朗

報書援引古義辭意倜儻孝武卽位除建平

王宏中軍錄事參軍時責百官讜言朗上

書陳述得失多自矜誇書奏忤旨自解去職

後爲廬陵內史稱疾去官尋丁母憂每哭必

慟其餘頗不依居喪常節大明四年上使有

司奏其居喪無禮詔鎖付邊於是傳送寧州

於道殺之年三十六族孫顯

又史臣曰宋時徒置乞言之旨空下不諱之

令慕古飾情義非側席文士因斯各存炫藻

周朗辯博之言多切治要而意在摘詞文實

忤主文詞之爲累一至此乎

嚴氏全宋文編曰周朗有上書獻讜言報羊

希書各一篇見宋書本傳又略見通典廣弘

明集魏書島夷劉駿傳以爲周般

宋侍中沈懷文集十二卷殘缺梁十六卷

沈懷文有隨王入沔記見史部地理類

宋書南史本傳懷文少妙玄理善爲文章嘗

爲楚昭王二妃詩見稱於世隱士雷次宗被

徵居鍾山後南還廬岳何尚之設祖道文義

之士畢集爲連句詩懷文所作尤美辭高一

座隨王誕鎮襄陽與諮議參軍謝莊共掌辭

令弟懷遠官至武康令撰南越志及懷文文

集並傳於世

唐書經籍藝文志沈懷文集十三卷

嚴氏全宋文編沈懷文有集十六卷本傳載

上言皇子不宜置邸舍省錄尚書議揚州移

治會稽議孔靖傳載墾起湖田議御覽有侍

中趙倫之碑存凡五篇

宋北中郎長史江智深集九卷并目一卷

宋書南史本傳江智淵南史避諱淵作深濟陽

考城人歷著作郎隨王誕後軍參軍在襄陽

時諮議謝莊主簿沈懷文與智淵友善懷文

每稱之曰人所應有盡有人所應無盡無者

其江智淵乎誕將爲逆智淵悟其機請假先

反誕事發即除中書侍郎智淵愛好文雅辭

采清贍孝武深相知待恩禮冠朝後恩寵大

衰出為新安王子鸞北中郎長史南海海太

守行南徐州事大明七年以憂卒年四十六

唐書經籍志江智淵集十卷

唐書藝文志江智淵集十卷

馮氏詩紀輯存宣貴妃挽歌一篇

宋書南史本傳琰字敬珉陳郡長平人也少

為文帝所知見遇與琅邪王景文相埒明帝

泰始元年晉安王子助反以琰為豫州刺史

士人前右軍杜叔寶等並勸琰同逆琰素無

部曲無以自立受制於叔寶等二年正月帝

遣輔國將軍劉劭西討圍攻至十二月琰始

降並撫宥之無所誅戮後除少府加給事中

卒官琰性和雅靜素寡嗜慾諳前世舊事

兄甚謹少以名行見稱在壽陽被攻圍積時

為城內所懷附揚州刺史王景文征西將軍

蔡興宗司空褚彥回並相與友善

唐書經籍藝文志殷琰集八卷

嚴氏全宋文編曰殷琰隋志作太子中庶子

與本傳終於少府不同琰有集七卷御覽引

琰宣貴妃誄一篇

梁又有宋武陵太守袁顛集八卷亡案顛當為顛

宋書袁湛傳湛陳郡陽夏人也湛弟豹豹子

洵洵長子顛別有傳少子靚好學屬文有

清譽於世官至司徒從事中郎武陵內史蚤

南齊書袁象傳象祖洵吳郡太守父靚武陵

太守靚兄顛在雍州起事見誅宋明帝投顛

屍江中不聽斂葬象與舊奴一人微服潛行

求屍四十餘日乃得密瘞石頭後岡身自負

士懷其父集未嘗離身案南史作懷其文集則所

懷為顛集也本志無袁顛集疑此處傳寫有誤

南史袁象傳象顛弟靚之子也靚好學美才

早有清譽仕宋位武陵內史

梁又有荀欽明集六卷亡

荀欽明有百官階次見史部職官類

唐書經籍藝文志荀欽明集六卷

梁又有安北參軍王詢之集五卷亡

王詢之始末未詳

梁又有越騎校尉戴法興集四卷亡

宋書南史恩侍傳戴法興會稽山陰人家貧

父以販紵為業兄延壽延興並修立好學法

興為尚書倉部令史後為孝武征虜將軍記

室掾南中郎典籤帝於巴口建義轉參軍督

護及即位為南臺侍御史兼中書通事舍人

封吳昌縣男與魯郡巢尚之等為孝武腹心

耳目所委寄法興頗知古今素見親待前廢

帝即位遷越騎校尉廢帝年漸長凶志轉成

欲有所為法興每相禁制帝意不能平遂免

法興官於家賜死法興能為文章頗行於世

鍾嶸詩品評宋御史蘇寶生宋中書令史陵

修之宋典祀令任曇緒宋越騎戴法興詩曰

嚴氏全宋文編戴法興有集四卷宋書曆志

有法興議祖冲之新曆一篇

宋黃門郎虞通之集十五卷梁二十卷

虞通之有妬記二卷見史部雜傳類

唐書經籍藝文志虞通之集五卷

馮氏詩紀輯存贈傅昭詩一首編入齊代

嚴氏全宋文編曰藝文類聚初學記有虞通

之為江數讓尚公主表明堂頌各一篇

宋司徒左長史沈勃集十五卷梁二十卷

宋書沈演之傳演之吳興武康人也演之子

睦坐與弟西陽王文學勃忿閔不睦徒始興

郡勃免官禁錮勃好為文章善彈琴能圍棋

而輕薄逐利歷尚書殿中郎泰始中為太子

右衛率加給事中時欲北討使勃還鄉里募

人多受貨賄上怒下詔徙付梁州廢帝元徽

初以例得還結事阮佃夫王道隆等復為司

徒左長史為廢帝所誅順帝即位追贈本官

南史後廢帝本紀孝武帝二十八子明帝殺

其十六餘皆帝殺之吳興沈勃多寶貨往劫

之揮刀獨前左右未至勃時居喪在廬帝望

見之便投鋌不中勃知不免手搏帝耳唾罵

之曰汝罪踰桀紂屠戮無日遂見害帝自辯

唐書經籍藝文志沈勃集十五卷

嚴氏全宋文編沈勃有集二十卷藝文類聚

有勃秋賦賦

宋金紫光祿大夫謝莊集十九卷梁十五卷

宋書南史本傳莊字希逸陳郡陽夏人太常

弘微子也弘微名密有集見前 七歲能屬文通

論語及長詔令美容儀分左氏經傳隨國立

篇製木方丈圖山川土地各有分理離之則

州別郡殊合之則寓內為一元嘉二十九年

累遷太子中庶子時南平王懌獻赤鸚鵡普

詔羣臣為賦太子左衛率袁淑文冠當時作

賦畢示莊及見莊賦歎曰江東無我卿當獨

秀我若無卿亦一時之傑也遂隱其賦凶凶

弑立孝武入討密送檄書與莊令加改治宜

布莊遺腹心門生具慶奉啓事密詣孝武陳

誠莊有口辯孝武嘗問顏延之曰謝希逸月

賦何如答曰美則美矣但莊始知隔千里今

共明月帝以語莊莊應聲曰延之作秋胡詩

始知生為久別離沒為長不歸帝撫掌竟日

王玄謨問莊何者為雙聲何者為疊韻答曰

玄護為雙聲礲礪為疊韻其捷速如此大明

中河南獻舞馬詔羣臣為賦莊所上甚美又

使莊作舞馬歌令樂府歌之前廢帝即位繫

於左尚方明帝定亂得出使為赦詔其文甚

工後為尋陽王師加中書令金紫光祿大夫

泰始二年卒年四十六諡曰憲子所著文章

四百餘首行於世

鍾嶸詩品曰希逸詩氣候清雅不逮於王袁

然與屬閒長良無鄙促也案此王真大抵謂同時

之王僧達袁淑也

唐日本國見在書目謝莊集廿卷

唐書經籍藝文志謝莊集十五卷宋史藝文志

一卷

馮氏詩紀輯存詩十四篇又宋明堂歌九首

通典曰孝武建元元年使謝莊造郊廟舞樂

明堂諸樂歌詩南齊書樂志曰明堂辭五帝

漢郊祀歌皆四言宋孝武使謝莊造辭莊依

五行數木數用三火數用七土數用五金數

用九水數用六周頌我將祀文王言皆四其

一句五一句七莊歌太祖亦無定句莊又撰

世祖廟歌二首宋書張永傳大明四年立明堂永以

本官兼將作大匠

張氏百三家謝光祿集一卷凡賦詔表奏章

啓事牋書帖議贊哀策文誄墓誌銘樂府詩

聯句共六十一篇

汪氏文選撰人篇目宋謝希逸莊有月賦宋

孝武貴妃誄

嚴氏全宋文編謝莊有集十九卷今存月賦

曲池賦赤鸚鵡賦舞馬賦雜言咏雪山夜憂

吟懷園引泰始元年大赦詔章表奏議啓牋

梁又有金紫光祿大夫謝協集三卷亡

謝協始末未詳

梁又有三巴校尉張悅集十一卷亡

宋書張暢傳暢吳郡吳人弟悅亦有美稱歷

侍中臨海王子預前軍長史南郡太守晉安

王子助建僞號召拜為吏部尚書與鄧琬共

輔僞政及事敗悅殺琬歸降復為太子中庶

子後拜雍州刺史泰始六年明帝於巴郡置

三巴校尉以悅補之加持節輔師將軍領巴

郡太守未拜卒案宋書張暢有二傳其一作說又鄧

琬傳云初前廢帝使荆州錄送前軍長史荆州行事張悅

下至湓口琬稱子助命釋其桎梏迎以所乘之車以為司

馬加征虜將軍加冠冠軍將軍二人共掌內外衆事

嚴氏全宋文編張悅有集十一卷藝文類聚

六十九有悅瑋瑀塵尾銘一篇

梁又有揚州從事賀頤集十一卷亡

賀頤始末未詳

梁又有領軍長史孔邁之集八卷亡

孔邁之始末未詳

梁又有撫軍參軍賀弼集十六卷亡

宋書竟陵王誕傳誕初閉城拒使記室參軍

賀弼固諫再三誕怒抽刀向之乃止或勸弼

出降弼曰公舉兵向朝廷此事既不可從荷

公厚恩又義無違背唯當死明心耳乃服藥

自殺弼字仲輔會稽山陰人也有文才贈車

騎將軍山陽海陵二郡太守長史如故

梁又有本州秀才劉遂集二卷亡

劉遂始末未詳

案南齊書劉歊傳歊沛國相人宋大明四

年舉秀才兄瓌亦有名先應州舉云云其

言先應州舉者先弟歊應州刺史舉秀才

似即此劉遂轉寫誤為遂歊稱本州者案

宋書州郡志沛郡屬徐州刺史與宋室彭

城郡同屬徐州又同為國姓故宋人稱本

州與前稱本郡孝廉劉氏集同例然不知

是否也

宋建平王景素集十卷

宋書文九王傳建平宜簡王宏大明二年薨

子景素嗣景素少愛文義有父風好文章書籍招集才義之士傾身禮接以收名譽由是朝野翕然莫不屬意焉為南徐州刺史鎮京

口時後廢帝狂悖日甚或言景邑已潰亂勸令速入景素因舉兵兵敗被殺其後故主簿

何昌寓故記室王摛等上書訟其冤齊受禪景素故秀才劉璉又上書述其德美陳冤云

案本志既以宋代帝王集彙次於前則是集當列於建平王休度集之次原作休祐非

是蓋別家見存書目亦有依時代編次者故本志為所淆奪例不畫一也又唐藝文志

建平王宏集十卷之外又有小集六卷本志無之小集疑即是集

宋征虜記室參軍鮑照集十卷梁六卷

南史宋臨川烈武王道規傳道規嗣子義慶

招聚才學之士東海何長瑜鮑照等並有辭章之美引為佐史國臣又曰鮑照字明遠東

海人文辭瞻逸嘗為古樂府文甚逾麗元嘉中河濟俱清當時以為美瑞照為河清頌其

序甚工文帝以為中書舍人案此當云孝武帝宋書作世祖是也

上好為文章自謂人莫能及照悟其旨為文多鄙言累句當時咸謂照才

盡實不然也臨海王子頊為荊州照為前軍掌書記子頊敗為亂兵所殺

齊虞炎集序曰鮑照字明遠本上黨人家世貧賤少有文思宋臨川王愛其才以為國侍

郎王薨始與王濬又引為侍郎孝武初除海虞令遷太學博士兼中書舍人時上多以忌

文自高趨侍左右深達風旨以此賦述不復盡其才思出為秣陵令又轉永嘉令大明五

年除前軍行參軍侍臨海王鎮荊州掌知內命尋遷前軍刑獄參軍事宋明帝初江外拒

命及義嘉敗宋書晉安王子助傳泰始二年正月長史郭琬奉子助為帝即僞位於尋陽年號義嘉荆土震

擾江陵人宋景因亂掠城為景所殺時年五十餘身既遇難篇章無遺流遷人間者往往

見在儲皇博采羣言游好文藝片辭雙韻罔不收集照所賦述雖乏精典而有超麗爰命

陪趨備加研訪年代稍遠零落者多今所存者儻能半焉案此言儲皇者即齊文惠太子也時在齊武帝永明中照遇難後二十餘年也亦有集見後

鍾嶸詩品曰宋參軍鮑照詩其源出於二張蓋謂西晉張協張華善製形狀寫物之詞得景

陽之諷詭含茂先之靡媵骨節強於謝混驅邁疾於顏延總四家而擅美跨兩代而孤出

嗟其才秀人微故取湮當代然貴尚巧似不避危仄頗傷清雅之調故言險俗者多以附

照

唐書經籍藝文志鮑照集十卷唐日本國見在書目云鮑照集十卷殆即此集

宋史藝文志鮑照集十卷

崇文總目鮑照詩集一卷

晁氏讀書志鮑照集十卷照上黨人臨海王子頊敗為亂兵所殺事見沈約宋書而李延壽以世祖為文帝集有唐虞炎序云為宋景所害儻見於他書乎唐人避武后諱改照為

昭案晁氏糾南史之誤是也而以虞炎為唐人則失之矣

陳氏書錄曰鮑參軍集十卷宋前軍行參軍東海鮑照明遠撰世多云鮑昭以避唐武后諱也沈約宋書李延壽南史皆作鮑照而館

閣書目直以為鮑昭且云上黨人非也案此以上黨人為非知未見虞炎之序

馮氏詩紀輯存樂府一卷詩二卷

汪氏文選撰人篇目曰宋鮑明遠昭有蕪城賦舞鶴賦詠史詩行樂詩還都道中詩樂府八首數詩翫月詩擬古詩三首學劉公幹詩

君子有所思詩

四庫提要曰照沒於亂兵遺文零落齊散騎侍郎虞炎始編次成集隋志著錄十卷而注

曰梁六卷然則後人又續增矣此本為明正德庚午朱應登所刊云得自都穆家卷數與

隋志合而冠以炎序未審即隋志舊本否考其編次既以樂府別為一卷而采桑梅花落

行路難亦皆樂府乃列入詩中唐以前本不應荒陋至此斷為明人所重編又往往曰某

字集作某是采自他書之明證然文章皆有首尾詩賦亦往往有自序自注與六朝他集

從類書采出者不同殆因相傳舊本而稍為竄亂歟

嚴氏文編卷首敘錄曰鮑照集十卷一影寫宋刻本一明都穆集本

梁又有宋武康令沈懷遠集十九卷亡沈懷遠有南越志見史部雜史類

嚴氏全宋文編沈懷遠有集十九卷初學記有長鳴雞贊博羅縣篋竹銘各一條

梁又有裴駟集六卷亡

裴駟有史記集解見史部正史類

嚴氏全宋文編曰裴駟有史記集解序一篇

梁又有刪定郎劉鯤集五卷亡

劉鯤或作劉緄始末並未詳

唐書經籍藝文志劉緄集五卷

嚴氏全宋文編曰劉緄泰始初太學博士案

隋志梁有刪定郎劉鯤集五卷疑即此今存

祀孝武昭后二廟議一篇見宋書禮志

梁又有宜都太守費脩集十卷亡

費脩始末未詳

宋太中大夫徐爰集六卷梁十卷

徐爰有繫辭注見經部易類

唐書經籍藝文志徐爰集十卷

嚴氏全宋文編徐爰有集十卷初學記有籍

田賦本傳有議國史限斷表宋書禮志及通

典諸書有皇子出後告廟議渾儀論旄頭說

食箴家儀等凡二十四篇

梁又有宋護軍司馬孫勃集六卷亡

孫勃始末未詳

梁又有右光祿大夫張永集十卷亡

南史張裕傳裕字茂度吳郡吳人子演演四

弟鏡永辯偕俱知名時謂之張氏五龍永字

景雲涉獵書史能為文章善隸書曉音律騎

射雜藝觸類兼善又有巧思益為文帝所知

紙墨皆自營造上每得永表啓輒執玩咨嗟

自歎供御者了不及也大明時歷廷尉侍中

右光祿大夫南兗州刺史封孝昌縣侯後免

官削爵發病卒宋書本傳元徽三年卒年六

十六順帝昇明二年追贈侍中右光祿大夫

鍾嶸詩品平齊征北將軍張永詩曰張景雲

雖謝文體頗有古意案鍾氏以張永列在齊高帝

之後以為齊人誤也

嚴氏全宋文編張永有集十卷本傳有將士

休假議一篇

梁又有陽羨令趙繹集十六卷亡

趙繹始末未詳

宋庾蔚之集十六卷梁二十卷

庾蔚之有喪服三十一卷見經部禮類

唐書經籍藝文志庾蔚之集十一卷

嚴氏全宋文編曰宋書禮志及通典有庾蔚

之議及喪服佚文凡七十五篇禮志又引庾

亮之皇子出後告廟儀一篇亮之孝建中為

太常丞官位時代與庾蔚之相值未知是一

人是二人也

梁又有太子中舍人徵不就王素集十六卷亡

項耶

宋書隱逸傳王素字休業琅邪臨沂人少有

志行家貧母老初為廬陵國侍郎母憂去職

乃輕身往東陽隱居不仕頗營田園之資得

以自立愛好文義不以人俗累懷世祖即位

詔徵太子舍人太宗泰始六年又召為太子

中舍人並不就山中有蚊蟲聲清長聽之使

人不厭而其形甚醜素乃為蚊蟲賦以自況

七年卒年五十四

馮氏詩紀輯存學阮步兵體一首

宋豫章太守劉惔集八卷梁十卷

宋書符瑞志泰始六年十二月壬辰木連理

生豫章南昌太守劉惔之以聞

南史宋明帝本紀帝末年好鬼神多忌諱泰

始泰豫之際左右失旨往往有剝斷斷截禁

中懷懷若踐刀劍夜夢豫章太守劉惔反遣

就郡殺之

唐書經籍藝文志劉惔集十卷

梁又有宋起部郎費鏡運集二十卷亡

費鏡運始末未詳

梁又有光祿大夫孫覿集十一卷亡

南史王僧虔傳泰始中僧虔為會稽太守中

書舍人阮佃夫家在東請假歸客勸僧虔以

佃夫要幸宜加禮接僧虔曰我立身有素豈

能曲意此輩彼若見惡當拂衣去耳佃夫言

於宋明帝使御史中丞孫覿奏僧虔坐免官

嚴氏全宋文編曰孫覿泰始中尚書左丞累

遷至光祿大夫有集十一卷南齊書江謚傳

有覿重奏江夏王女服一篇

梁又有太尉從事中郎蔡頤集三卷亡

蔡頤始末未詳

梁又有司空劉緄集二十卷錄一卷亡

緄當為

宋書南史本傳劉緄字伯猷彭城安上里人

也少有志節兼好文義初仕為廣州增城令

大明初從平竟陵王誕封金城縣五等侯明